



C. W. A. K.

BIBL. NAZ.
Vitt. Emanuele III
164
B
9
NAZOLI

11



~~8~~
~~10~~
~~14~~

~~A~~
~~VIII~~
~~12~~
~~G~~
~~V~~
~~11~~











BIBLIOTHECA
PATRVM
ASCETICA

SIVE

SELECTA VETERVM PATRVM
DE CHRISTIANA ET RELIGIOSA PERFECTIONE
OPVSCVLA.

TOMVS SECVNDVS.

VERBA SAPIENTIVM SICVT STIMVLI, ET
*quasi clavi in altum defixi, quæ per Magistrorum consilium
data sunt à Pastore vno. Eccl. 12. 11.*



PARISLIS,
Apud FREDERICVM LEONARD, viâ Iacobæâ
ad insigne scuti Veneti.

M. DC. LXL.

Ex Bibl.
Ios. Ren. Card.
Imperialis.



Ex Libris
in the
collection



LECTORI.



IBLIOTHECÆ ASCETICÆ TOMVS
alter, Operum S. P. Ephrām Ecclesiæ
Edeffenæ Diaconi Monachique pro-
batissimi partem maximam (reliquā in
tertium Tomum reiectā) complectitur.

Quæ quidem Opera (inquit eius Interpres Latinus,
Gerardus Vossius Tungrensis Præpositus) virum de-
monstrant moribus suauissimis præditum, variis iisque
eximijs animi dotibus ornatum, & in rebus diuinis exer-
citatissimum: qui nihil humile, nihil abiectum, nihil
absurdum aut infimum sentiat vnquam vel loquatur;
sed cuius omnis oratio de Deo rebûsque cælestibus:
qui vitia vbique acriter infectetur, ac virtutes mirum
in modum celebret, non voce duntaxat, sed opere po-
tius viuo atque exemplo: qui affectiones denique no-
stras ad Dei amorem vanique huius seculi contemptum,
atque ad cælestis regni gaudia consequenda, formida-
bilis autem inferni tormenta effugienda, vbicunque
seriò grauius moueat fleatque: de quo iure affirmat
Basilii Magni Cæsareæ Cappadociæ Archiepiscopus,
quòd tanto à mundana sapientia distaret quantò ve-
rarum rerum scientiæ propinquior erat. Quem sanctus
Hieronymus ad tantam venisse claritudinem testatur,
vt post lectionem Scripturarum publicè in Ecclesijs
eius scripta recitarentur. Qui, (vt cum Sozomeno te-
stis est Nicephorus) vitā Monasticā percelebris extitit,
& ex æquo cum ijs qui Episcopatu, doctrina, & vitæ
sanctitate clari sunt, laudatur. De quo demum & illud

*Hexam.
bomil. 2.*

*Catal.
scrupr.
Ecclesiast.*

*Sozom. l. 3.
Ecd. hist. c.
15.
Niceph. l. 9.
c. 14.*

memorable legitur, quòd ab Angelo visus sit librum aureis conscriptum literis aliquando recepisse, quem nemo prater eum aperire meruit; vnde mox postero die ac deinceps, loquente in eo Spiritu sancto, tantam dicendi ac declamandi gratiam habuit, vt nullum sibi similem suo tempore inueniret.

Natus Constantino magno Imperatore, vixit ad Valentis vsque tempora.

Quæ porro illius opera hîc contineantur, prodit sequens Indiculus.



INDEX TRACTATVVM S. EPHRÆM,

Qui in hoc secundo Tomo continentur.

D E Virtute, Adhortationes IV.	1
De Virtute Tractatus.	19
Parænesis 50. ad Monachos.	35
In illud : Attende tibi ipsi.	169
Ad Ioannem Monach. Epistola.	197
Monita ad Fratrem quemdam, al. Hypomnisticon.	203
De Monachis ac Turture.	210
De Perfectione Monachi.	212
De Panoplia siue Armatura spiritali.	232
De Agone spiritali.	240
Sermo I. Asceticus ad Fratres.	247
Sermo II. Asceticus de Perfecta vita Monachi.	258
Sermo III. Asceticus ad instar Prouerbiorum.	297
Apophthegmata.	348

TRACTATVS MINORES.

	{ Caput I.	380
I. Beatitudines.	{ Caput II.	387
	{ Caput III.	394
II. De recta viuendi ratione.		396
III. Consilium de vita spiritali.		403
IV. Exhortatio I. ad pietatem.		428
V. Exhortatio II. Ad pietatem.		431
VI. De vera renuntiatione.		435
VII. De anima recurſu ad Deum.		437
VIII. De timore animi.		443
IX. Reprehensio sui ipsius.		448

<i>X. De non scandalizando proximo.</i>	453
<i>XI. Ad euerfionem superbie.</i>	456
<i>XII. In Monachos auitiosos et ambitiosos.</i>	462
<i>XIII. De Lingue malo.</i>	471
<i>XIV. Non eſſe ridendum ſed lugendum.</i>	481
<i>XV. De Fide, ſeu, fiducia in Deum.</i>	486





S. P.

EPHRÆM SYRI

EDESSENÆ ECCLESIAE DIACONI,
ET MONACHI.

DE VIRTUTE
AD IUNIOREM MONACHVM,

ADHORTATIONES IV.

PROLOGVS.



DOMINVS ad salutem hominum
profectus in mundum, mandatum de
inuicem diligendo dedit nobis. Cha-
ritatis autem opus est, etiam adhor-
tari ac consolari inuicem, in timore
Dei. Quoniam igitur à peccatis meis sermone
amoris caput tua pietas : me ipsum propter ob-

A

diciam, Cunctis charitate cooperante, oculis ac
tradidi. Et nunc de iisdem argumentis hæc in hanc
retuli commentarium. Si quid ergo utile inueni-
ri, menti tue inserito; ut te proficiente apud
Dominum, ego quoque consilij mercedem refe-
ram. A nobis autem, qui inter fratres versamur,
non requires verborum nitescum quod non didi-
cimus, neque ornatum dictionum quas non nosce-
mus: verum in simplicitate sincere, æque imposi-
tæ, quæ tu charitate tibi sunt conscripta, cum
charitate accipito; eaque apud te ipsum augeo;
quippe qui sis nobis magis idoneus. Et quasi se-
mina quædam, æque occasiones a nobis capiamus,
in tæ mensuris latitudine plurimum fructificare fa-
ciam. Et quæ modice ac tenuiter à nobis denun-
ciata sunt, effluenter exhibe his, qui tecum sunt,
o studiosissime discendi, illosque ad observandæ
nostræ profundæ studiorum, inscitæque animomota-
nes hortare: qui neque sumus adfueri in scriben-
do, ad eloquentiæ ostentationem, neque in oratio-
nis arte exercitati. Cæterum charitate nos com-
monente, ut tibi & omnibus, qui tecum sunt, di-
gnificemus; & sicut jam pridem nos ipsos magis
studio atque conatu, dum de Virtute addiscrete ca-
peteres, tradidimus diuinæ gratiæ præsidio, vero-
rum sermonum exercitiis: ita & tu cæteris studiose
secundum gratiam tibi à Domino concessam, in-
serues, ut ne amplius fratres in fraudem impellan-
tur, & seducantur.

hominē. Nam hic quidem uidetur, ut anteposuerit *desertum*, & altera *vita*, quæ linguis illisque operibus commendatur. Ibi loca vana fugienda suadet, quod nemini quæ equum saluū est indulgeri, ne in becissimis quidem: ita adhibere mentem, transire molitur interitum. Et quidem in Coenobio doctorem, eremum in ratione facit, cum sollicitudinis multa in Coenobio sit solitudo. In Eremito autem vestitius tanquam nimis squalida omnisque consolationis expertia illa loca fugienda suadet. Et hæc sepius in vetustissimilem vique fratrem reddat, detrahendumque proponat, nullamque virtutem vel perfectionem perdere possit. Quomodo enim si quæ turrem velit reincipere, & corpore ac tædio ædificij affectu, deat se porticum construere nullo; & vni jam fundamenta facere coeperit, cæcisus dicere incipiat, satius esse cellam ædificare, illamque imperfectam etiam relinquens, plane in vanum laborauit. Sic & Monachus, nisi in vno loco, spiritali intellectu persenerauerit, fructum perfectionis reddere non poterit.

In Monasterio ipse resistens, Canonem seu Regulam, cum omni reuerentia, & timore Dei sequere. Licetque tam in die ad comedendum tradatur, semper cibum cum gratiarum actione sumito. Et si quid fratres religione ac pietate inter alios magis conspicui faciunt, fac & ipse in conscientia pura, & recte in Domino proficies. Quod si in disceptationem mens venerit, quasi multa sint in mensa apposita fercula: est quod cogitemus, non nostræ cibos ordinatione pręparatos esse. Quod si vicissim, quæ sunt opportunè parata, vix & perpauca videantur, atque id incipiat animus ferre molestius: cogitemus & Dominum ipsum gloriæ, qui pro nobis carnem assumpsit, panes holdeaceos non respuisse. Oportet ergo spiritali intellectu, bello occurrere, in omnibus ejus insidiis congruentibus, ad temptationes atque imposturas ipsius recedendas per virtutem crucifixi. Ultra autem mensuram, temperantem esse velle, vt puto commendabile non est, sicut neque vtile est debitam temperantiam spernere. Quia admodum enim per mortuam ipsius abstinenciam a cibo cunctis, ubi corporis eremitionem atque languorem remissionemque ad sua obeunda munda parit, ita & nimis

minationi est, quin & plebeiis in extrema malitia versantibus, impudentiores isti existunt; & hoc verè luctu planctuque dignum, quoniam illustrem, celebremque virtutem in tantam vilitatem* deduximus. Ceterum Deus magnus, atque benignus, diues in misericordia, & bonus in commiserationibus, ac potens operibus subleuet infirmitatem nostram, conteratque Satanam sub pedibus nostris, nobisque largiatur fortitudinem, atque intellectum spiritalem: vt in veritate, reliquum vitæ tempus transigentes, gratiam ab eo inueniamus in illa die magna, atque horrenda iudicii. Quoniam ipsum decet confessio atque potentia, imperiumque in cunctas generationum generationes, & in secula seculorum.

* al. deduxerunt.

Esto igitur prudens sicut serpens, ac simplex sicut columba, quia in medio luporum versaris. Intellige quæ dico, charissime: ne mori verearis pro Christo, siue strangulatio te inuasit, siue gladius, siue in lacum te coniecerint, siue in fluminis vndam, siue in profundum maris. Caue propter humanum timorem perdas continentiam, qui paulo post in puluerem resolveris. Caue diuina mandata spreueris, & quamuis non adsint qui reprehendant, nihil tamen latet Dominum etiam Abelis vindicem. Siue ergo in cœnobio degis, siue in eremo, puritatem atque humilitatem non despexeris. *Sancti enim eritis, quia ego sanctus sum*, ait Dominus. Et *qui se humiliauerit, exaltabitur*. Humilis autem ille, qui opere virtutem prædicat. Qui igitur ista amplexus fuerit, reuera humilis secundum voluntatem Domini erit.

Matth. 10.
& Luc. 10.


Gen. 4.

Leu. 11. &
1. Petr. 1.
Luc. 14. 18.

Paucis ergo tibi hanc virtutem commendare cupio, vt vel inde, ex parte vim eius cognoscas, Diuinæ gratiæ auxilio. Humilis, inani non ducitur gloria, non elatum se gerit circa* Domini ministerium, ob timorem eius. Humilis, propriam voluntatem non ponderat, veritati contradicens, sed veritati paret. Humilis ob proximi profectum non inuidet, non gaudet super alterius ruina: gaudet verò potius cum gaudentibus, & flet cum flentibus. Humilis, egestate ac paupertate pressus non abjicit animum, & in prosperitate ac gloria non insolescit; sed in eadem perpetuo virtute persistit. Humilis alium fratrem apud alium non traducit, quod est Satanicum: sed pacificatorem agit, malum pro

* al. circa obsequium proximi ob timorem Domini.

malo non reddens. Humilis, non maiores sese tantum diligit, atque honorat, sed & inferiores. Humilis, totis viribus pietatem atque religionem sectatur. Humilis, non corripitur ira, non agit contumeliosè neque vociferatur: sed omnia pietatis ergo contemnit. Humilis, non malitiose ac callide rem gerit; neque pigrum se præbet, etiamsi media nocte ad opus vocetur; obediens enim se mandatis Dei exhibet. Humilis, acerbiter, dolumve non nouit: sed in simplicitate atque innocentia seruit Domino, in sanctitate ac pace, gaudioque spiritali. Humilis, non inebriatur vino, neque ventri indulget, præcepta Domini timens. Humilis, si verba increpatoria audierit, non obmurmurat, neque acceptâ etiam alapâ, impatienter fert: nam discipulus eius est, qui crucem pro nobis sustinuit. Humilis, amorem sui ipsius detestatur, vnde neque primas tenere quærit, sed se in hac vita, velut nauis conscensorem reputat. Humilis, delectatur audire sermones spirituales, suamque mentem à præceptis Altissimi non remouet: abnegauit enim seipsum, propter spem in Dominum nostrum Iesum Christum. Vere felices, atque beati tales, quoniam ad ipsos dicit Dominus: Non amplius vos vocabo seruos; sed amicos, & fratres. Ipsi gloria in seculorum secula. Amen.



AD HORTATIO III.

Côtra tur-
pes cogita-
uones.



E quibus autem animi cogitationibus mihi locutus es, non me later: nam & ego ipse ab hisdem passionibus molestor, neque occulto meam infirmitatem. Quocirca oportet nos assidue orare, vt nos liberet Dominus à dæmonum insidiis. Neque enim nos in quiete, ac solitudine tantum exagitant: sed & in domo Domini, conuenientibus nobis vehementer insultant; masculorumque corpora turpiter, atque impudice nos conspiciari efficiunt, & ad ipsam impuram vsque actionem nos falsâ imaginatione illudit Draco: & quasdam

cogitationum sordes, atque quiscuilibet occulte subseminat, ad conturbandum fratrem, ne pura mente immaculatis Saluatoris nostri Dei attendat mysteriis. Attamen per oculorum custodiam, mentisque attentionem, ista superabit continens, Divinâ cooperante gratiâ. Decet ergo nos omni custodiâ custodire cor nostrum, ac sensus: quoniam magno bello expositi sumus in hac vita, inimicusque furit: sed non propterea detrectandum est certamen. Verum corporaliter vincamus eius phantasmata; & illum disrumpi* sinas. * al. sinamus. Novit enim Dominus, quanta vexator noster cauteria nostris cordibus per cogitationes admoveat. Non enim ut homo videt Dominus. Nam homo videt in faciem, Deus autem intuetur cor. Ceterum pugnantium est, castrum pugnamque non admittere: qui autem passionibus acquiescit, quomodo aduersus illas decertabit? præsertim cum iam se seruum vendiderit voluptatibus, omnique cum benevolentia tyranno vestigalia pendat. Vbi enim inimicitia, ibi bella; & vbi bella, ibi certamen; & vbi certamen, ibi coronæ. Porro si quis ab acerba liberari velit seruitute, bellum cum Diabolo committat oportet. In quo quidem bello victores effecti Sancti; cælestibus digni sunt habiti bonis. Bellum contra diabolum suscipiendum.

* al. sinamus.

1. Reg. 16.

Bellum contra diabolum suscipiendum.

Sed nos interpellans, forte quis dixerit: Si igitur vbi aduersus passiones sunt inimicitia, ibi & pugna fieri sint solita: quomodo libidinosos vehementer ab inutilibus passionibus impugnari cernimus, cum tamen non permittatur ijs resistere? Non arbitror ego, charissime, bellum hoc secundum virtutem fieri, & ad resistendum tyranno, sed ad passionem seruitutis voluptatum, atque libidinis: vnde neque voluntate ab inimico separantur: Nam qui bellum gerunt, nulla sunt inter se concordia vel fœdere coniuncti, sicut ad Saûl dicit alienigena: Date mihi virum, & descendamus in singulare certamen, & si quiverit pugnare mecum, & percußerit me, erimus vobis serui: si autem ego prævaluerim, & percußerim eum, vos serui eritis, & seruietis nobis. Cum igitur hi se ipsi manciparint voluntati, ac voluptati inimici, quomodo belligerare inter se dici poterunt? Quòd si impugnantur, non tanquam de virtute* solliciti, sed inopiâ & merito eius qui commercium conciliauit iniquitatis: vnde & seipsos præcipitant, qui in eiusmodi studium omne

1. Reg. 17

* al. curarent, atque certarent,

collocant, talibusque acquiescentes, etiam dona conferunt, ac stipendia persolunt, ut voluntatem decipientis ipsos, perficiant. Quamobrem nulla etiam in ijs, ubi malum, & scelus perpetrarunt, est vis discernendi, aut continentia, aut à malo abstinencia. At Sanctorum bella atque certamina non sic se habent: nam dum oppugnantur resistunt, incontinentiæque flammâ dum incenduntur, continentia remedium adhibent, ac dum vexantur sustinent, ipsamque materiam præsentem auersantur, propter timorem Domini. Illi verò oppugnantur, non quasi contraria tyranno sapiant, sed ut consueta vectigalia reddant, prauarumque voluptatum ac concupiscentiarum vilissimas functiones ne recusent. A quo enim quis superatus est, huius & seruus est. At ex certatoribus si quis etiam supplantatus fuerit, citius resurgit. Nam qui à Barbaris detinentur, & tyrannicæ subiecti sunt potestati, non omnes eorum gaudent seruitute, à quibus sunt capti: sed ij, qui direptionibus & cardibus delectantur, hi soli læti ac hilares permanent absque vinculis atque carceribus, cum passione teneantur. Quare & pro Barbaris pugnant, ac exploratores aduersus contribules constituuntur: morum enim improbitate cum Barbaris copulantur. Qui verò super populatione ac desolatione sanguinorum anguntur, perditionemque animæ suæ lugent, hi fugere conantur, ægrè ferentes impium illud viuendi genus, occasionemque obseruant recuperandi libertatem illam, qua olim fruebantur, & nulla cum aduersarijs beneuolentia conspirant. Quare ex illorum manibus erepti, aduersarij impiorum in resistendo erunt, pietatis socij facti. Tempus igitur pœnitentiæ instat; quare qui ab illa iniuria, acerbique seruitute volunt liberari, resistere eos oportet voluntatibus tyranni, & oppugnare ipsum, propter charitatem Creatoris. Tunc enim periculum præclaricipient certaminis, virtutis sudores diffillantes, quando non labijs duntaxat; sed & cordis affectu ad eum dicent: Notum sit tibi Diabole, nos voci tuæ aurem non præbituros, nec voluptatibus tuis amplius seruituros.

2. Reg. 2.

**al. conatibus,*

**al. nō erit
Dan. 3.*

Oportet autem in certamine, supplices ad Deum voces destinare, cum ijs qui dicunt: quoniam non * est confusio confidentibus in te. Et nunc sequimur te in toto corde,

& timeamus te, & quærimus faciem tuam. Ne confundas nos: sed fac nobiscum iuxta mansuetudinem tuam, & secundum multitudinem misericordiæ tuæ. Et erue nos secundum ^{*al. in mirabilibus tuis, & sic vulg.} mirabilia tua, & da gloriam nomini tuo Domine: & confundantur omnes qui ostendunt seruis tuis mala; & confundantur ab ^{*al. in omnipotentia} omnipotentia: & robur eorum coneratur. Et sciant, quia tu es Dominus Deus solus, & gloriosus super vniuersum orbem terrarum. Et licet vehementer insaniens Tyrannus, septuplo fornacem voluptatum succenderit; tamen confidant, qui spem posuerunt in Domino, quod paulò post fornax in ventum roris flantem mutabitur: & quem antea timuerunt tyrannum, ipse deinceps eorum umbram contremiscet, propter auxilium quod iis superuenit ab alto. Beati igitur, qui sanctificationem custodiunt in humilitate, atque misericordia: quoniam profunda perfruentur pace membra ipsorum, dum eorum animus in Spiritu sancto latabitur.

Dan. 3.

Nemo autem se quietem consecuturum confidat, si obsequentem se hostis voluntati præbuerit: quia ipse tyrannus iis tantquam mancipijs abutitur, ad quodcunque opus impium eos pertrahens: aliorum quidem corpora sodomiticis actionibus corrumpens, atque commaculans; ut cum forminæ congressu abstineant, persuadeat sibi de virginitate blandiri; cum tamen toto sint corpore commaculati: atque in his, tamquam peccato liberi, efficit ut glorientur, inimicus, dum amarâ eos vuâ, & racemis acerbissimis explet, atque infercit. Acerbum enim est bellum, atque difficile: & quot modis efficit pessimus vexator, ut nos homines ad iracundiam Dominum prouocemus? Beati qui non inciderint in retia eius, vel certè si inciderunt, disruperunt eius laqueos, & exiluerunt ab illo profugientes, ut piscis è sagena saluatus. Nam piscis in aquis constitutus, si captus perruperit rete, seque in fundum impulerit, saluatur: ac cum extractus in terram fuerit, sibi ampliùs opem ferre non potest. Sic & nos donec in hoc seculo versamur, potestatem à Deo habemus, disrumpendi à nobis vincula earum rerum, quas cupit inimicus; abiiciendique graue onus peccatorum per pœnitentiam, ac saluandi nos in regnum cælorum. At si tremendum illud præoccupauerit edictum, & anima è corpo-

Hostis voluntati non parendum.

**al. & ha-
mo captus.*

re egressa fuerit, corpusque in sepulchrum illatum; non amplius nos ipsos iuuare poterimus, quemadmodum neque piscis ab aquis extractus, & * in vasculo conclusus sibi amplius opem ferre potest. Demus ergo operam charissimi, ut laqueos inimici, bonis euitemus operibus, antequam veniat & illucescat dies illa magna, in qua reuelabuntur quæcunque in occulto, ac tenebris egimus. Ne igitur expectemus, donec mors aduenerit: ut non confundamur in resurrectione mortuorum, quando amicti conspiciuntur Sancti stolis candidis, quas sibi per bona pararunt opera. Si nos ipsos tunc conspexerimus, non solum resplendente nudatos gloria: verum etiam denigratos, ac fœtore plenos: qualis putas nos occupabit confusio? Despiciendum nobis prauæ concupiscentiæ opus, & pro re nihili ducendum. Vincamus exiguum istud pietatis amore; ne in minimo cernamur reprobis. Magnum naufragium, peccati opus: & quisquam erit, qui tantam iacturam pro nihilo putet? Enitamur igitur, ne tali tantoque periculo succumbamus: nos enim propriâ negligentia à passionibus opprimimur, sine labore, atque molestia vlla viuere volentes, & importunas causas in nobis ipsis effingentes: dum hic quidem ait: Ab infantia, in monasterio commoratus sum, & ideo acrius mihi passionibus inhaerent: sed audiat talis, quod multi Sanctorum à iuuenili ætate bonum certamen decertantes, voluptates proculcarunt. Alius autem rursus: In mundo, inquit, educatus sum, multorumque malorum periculum feci, vnde & consuetudo compellit me ad appetitus. Audiat quoque iste, multos Sanctorum, qui antea improbis improbiorem vitam duxerant; demum viuendi mutantes modum, optimos extitisse, ac Deo caros, & acceptos. Paruerunt enim ex animo dicenti: Noli æmulari in malignantibus; neque zelaueris facientes iniquitatem: quoniam tanquam fœnum velociter arescent, & quemadmodum olera herbarum citò decident. Malignus ille nos suis præstigiis ad noxia quæque impellens, fascinat, ad diuini nos timoris adducere studens contemptum; Ceterum nos acrioribus cogitationibus atque consiliis venenum ipsius repellamus; gratia Domini nostri Iesu Christi nobis cooperante: Cui gloria in secula seculorum. Amen.

2. alm. 38.



ADHORTATIO IV.



Ixit quidam Sanctorum : Meditare bona , vt ne mediteris mala : siquidem mens non patitur orium.

Mens bonis cogitationibus occupanda

Demus igitur mentem nostram meditationi Diuinorum eloquiorum , orationibus , cogitationibus-

que bonis. Nam meditatio vana , opera vanitatis suscitatur ; at bona meditatio , fructum bonum reddit. Reuoluamus & hoc mente , quod multi tyranni regiones , atque munitiones varias occupauerint , quorum fama extincta iam iacet , & perierunt , quasi non fuissent. Quam multi Reges , imperium multarum habentes gentium , imagines sibi erexerunt , atque columnas ; arbitantes per similia se nomen post exitum ex hoc seculo comparaturos : & superuenerunt alij , qui illorum euerfis simulacris , proprias imagines substituerunt : verum & illorum quoque opera ab alijs euerterentur. Alij porro praeclara sibi exstruxerunt sepulchra , opinantes se his sibi nomen aeternum firmaturos , sua in epitaphio insignia , formamque describentes. Successit alia aetas , datus est alteri potestati dominatus , & ager. Hi porro tumultum expiare cum vellent , ossa eorum instar lapidum transtulerunt. Et quid ijs , adeo praeclarae , ac sumptuosae sepulturae , pyramidesque profuerunt ? Cuncta igitur vanitatis opera , in nihilum desinunt. Qui vero in Deo ditari , & in ipso celebrari malunt , non sic : Nam vitam sibi aeternam , gloriamque indissolubilem parant. Quemadmodum enim lumen Solis ac Lunae chorique astrorum ad hoc usque tempus non est obscuratum , neque inueteratum a creatione eorum hucusque , & omnis quidem carnis generatio ac sanguinis , instar frumenti maturi , quod suo tempore metitur , contrahitur : lumen autem Solis , ac Lunae , atque stellarum eodem modo nouum ac recens permanet , viget , & enitescit iuxta determinationem Creatoris , qua ijs definiuit praeesse diei ac noctis. Sic & diligentibus ipsum , constituit Regnum caelorum , gaudiumque sine fine duraturum. Et sicut in hoc verus , ita & in

Eccles. 44.

**al. impreserunt.*

illo veracissimus; atque ista quidem præteribunt, quando voluerit Creator: gloriæ autem ipsius non erit finis. Studeamus ergo fructus facere pœnitentiæ; ne à gaudio illo exclusi, emittamur in terram tenebrosam ac caliginosam, in terram tenebrarum æternarum. Ingredere, si videtur, in cubiculum tuum, & occlude ostium cum fenestris; oppila autem & quæcunque pellucentia, & sede intus, aspiciasque quantum habeant dolorem tenebræ; vbi sine labore, & tormento versaris, atqui arbitrato tuo potes, cum volueris, aperire atque exire. Qualem igitur habere tibi dolorem videntur tenebræ illæ exteriores; vbi clamor ac fletus, & stridor dentium? Considera intus caminos tui ipsius foci; & attolle oculos versus ortum Solis, ac cerne differentiam; tenebrarumque opera fuge. Vitium tenebræ sunt, virtus vero lumen. Vitium dum inuestigatur, suos denigrat operarios: at virtus dum exercetur, suos cultores illustrat.

Ne autem existimes, charissime, te solum præ cunctis hominibus affligi. Nam omne caput in labore, & omne cor in mœnore. Et quemadmodum fieri nequit, vt aliquis super terram effugiat hunc aërem: ita impossibile est homini, quandiu in hoc seculo est, tribulationibus, atque molestiis non tentari. Et qui terrenis rebus distrahuntur, per huiusmodi quoque affligentur: qui verò spiritalia consecretantes, in spiritalibus laborant; hi beati erunt: fructus enim ipsorum multus in Domino.

Patientia perfecta tibi sit, charissime: in quo vocatus es opere, firma anchoras, ac funes, ne in pelagus paulatim nauis tua impellatur: & tunc docebit te experientia, quali pace in portu constitutus fruereris. Mundus assimilatur pelago: portus verò est vita religiosa. Noli esse amator euagationis, sed potius patientiæ. Ex aliorum scandalis, dum peregrinantur, lucrum cape. Atque vt hoc quoque dicam; quando vniuersum obierimus mundum, nonne tandem nos cella manebit, si salutem assequi voluerimus? Si porro in cœnobio constituti, non toleramus; &, dum soli sumus, non quiescimus: vbi igitur nostrum diuersorium erit? Simileque hoc est illi, qui dicit se neque solis sufferre posse calorem, neque etiam umbram; & vbi tandem consistemus? Vereor equidem, ne caminus ille nos excipiat. Quare caueamus esse negligentes.

negligentes, laboris tedium conſectantes. Si vin&ti Saluatoris noſtri Dei ſimus; ne vincula tribulationum erubeſcamus: ſed cum gaudio illa ſuſtineamus, aduentum eius è cælo expectantes, vt nos choro adſcribat San&torum: qui enim paſſionum ipſius ſocii extiterint, etiam conſolationis erunt. Si quis porro opus laboris moleſtiùs ferat: quot ſunt ſecundùm mundum, manibus ac pedibus laborantes, homines diuites, multiſque ſtipati, qui nec noctu, neque interdium quieſcunt, neceſſitate laborum oppreſſi, & velut catena quadam ac vinculo conſtricti. Poſſideamus igitur laborem voluntarium, & patientiam veram atque ſpontaneam propter timorem Dei: & non negligamus tolerantiam, humilitatem, continentiam, obſequium, atque indulgentiam; indulgentiam autem dico, non vt in malitia proximo conſentias, verùm in rebus ſpiritualibus fratri coopereris ad compunctionem excitandam ac lacrymas. Et ſi non appareat lacryma, contritus tamen corde perſeueres: nam & in lacrymis differentia reperitur. Beatus autem qui Dominum proprio cordis ſpeculo contemplatur, explicans linguam ſuam cum clamore ac gemitu coram bonitate ipſius: quoniam exaudietur deprecatio eius.

2. Cor. 1.

In medium tibi affero aliud depositum in Domino, tanquam homini Dei, & ſaluari cupienti. A reſe&tionem ſurgens, noli vagari per cellas, ſed in tua cella quieſce: multos enim diabolus per vinum deſecit. Quare poſt reſe&tionem in alia cella verſari, ſignum eſt audaciz & peruerſitatis. Nam ex conſeſſionibus eiufmodi, animarum ruinæ proueniunt, & poſſiſſimùm ceſſante Præſecti baculo: nam qui Diuino nolunt timore ſuam refranare mentem, humano terrore indigent; vt ſaltem per hunc ab inutilibus abſtineant, quemadmodum ſeruus temperatè modeſtèque ſe gerit ob ſeueritatem Domini. Attende igitur tibi ipſi, & negligere noli: nam ſi in vino

* al. ſapiēs
& prudens
tibi videat
ris.

temperantiam ac ſapientiam quæris, nec tibi, nec aliis proderis. Si enim vniuerſam ſacram edidiciſti Scripturam: vide ne fortè animo efferaris. Omnis quippe ſcriptura, cùm diuinitus ſit inſpirata, animi humilitatem modeſtiamque edocet: qui autem contraria ijs quæ dicit, ſentit aut agit, præuaricatorem ſeſe eo ipſo conſtituit.

Si ſpiritus ſuperbiæ, aut ambitionis diuitiarumve te con-

turber, ne abripiaris, quin potius strenuè maligni ac fraudulentī spiritus impugnationi ex aduerso resiste. Considera vetera ædificia, inueterataque imagines, ac æruginē consumptas columnas: tecumque cogita atque aspice, ubi iam sint prædictorum possessores, atque artifices; & stude placere Domino, ut Regno cælorum reddaris dignus: *Quia omnis caro ut fenum: & omnis gloria hominis tanquam flos feni.* Quid maius, honorificentiusve regno? cuius appetitores, & propter varios in eo gloriæ calūs atque infortunia illud spreuerunt, & sibiipsis insidias pararunt, mortem vitæ præferentes: quoniam Deum non exquisierunt, neque sperauerunt in salutare ipsius. Qui autem cælesti regno reperiuntur digni, nullo istorum tentabuntur, in pace atque exultatione in cælis cum Angelis choros agentes, & citra dolorem luctumque ac gemitum ibi degentes, cum gaudio atque lætitia collaudantes, ac superexaltantes, magnificantesque Regem cælorum, & Dominum vniuersæ terræ. Cui conuenit laus, gloria, & magnificentia, in secula seculorum. Amen.

*Isai 40. 6.
1. Petr. 1.*



S. P.

E P H R Æ M DE VIRTUTE.

TRACTATUS.

PROLOGVS.



Necessarium duxi, Charissime, & alia quædam cum his congruentia in hoc commentario addere, vt legens, deprecetur pro me peccatore, atque operibus confuso, Dominum: Vt mihi peccata remittat, faciamque fructum ei gratum, antequam edictum veniat tremendum de anima mea è corpore tollenda, quando omnis humanus apparatus & ornatus euanesceat. Væ tunc ei, qui Deum offenderit, neque resipuerit: Requirit enim tempus in negligentia deperditum, & non inueniet. Ploremus igitur coram Domino Deo nostro, vt miserationes ab ipso obtineamus. Donec tempus habemus, temperemus nobis, & placare studeamus Deum. Non est nobis certamen de pecuniis, quarum iacturam licet quis fecerit, alias pro illis rursus comparare sibi poterit. De anima nobis periculum, quam si perdiderimus, non amplius recuperare poterimus, iuxta quod scriptum

Cij

Matth. 10

est: Quid proderit homini si mundum vniuersum lucretur, animæ verò suæ detrimentum patiatur? aut quam dabit homo commutationem pro anima sua? Filius enim hominis venturus est in gloria & maiestate sua: & tunc reddet vnicuique secundum opera eius. Si ergo detur retributio, nullaque opera nostra latere possunt Deum: quare non operamur bonum, vt bonum nobis retribuat, abstinemusque à malo, ne mala nos * inuadant? sicut scriptum est: Recede ab iniquo, & non timebis, & tremor non appropinquabit tibi. Erubescio dicere, & tacere nequeo, ob meam, meique similium ignauorum negligentiam, quòd milites huius sæculi misera à Rege dona accipientes, promptè alacriterque ad mortem vsque pro ipso periculis se subijciunt: quanto magis nos, quibus tales factæ sunt promissiones, debemus non cessare ab operibus iustitiæ, vt à ventura saluemur ira, ne tanquam inimicâ nostrâ vtamur animâ, quam sibi vindicat Deus. Cogitemus quomodo ardorem solis, vehementiam ve febris tolerare nequeamus, & quo pacto inextinguibilem illum ignem pro nihilo ducimus? Dominus autem suo nos consilio dirigat, manuque sua forti nos protegat, in secula. Amen.

* al. obruat.
Esaia 54.
secundum
LXX.



CAP. I.

Beata Ciuitas, quæ à pijs regitur; & nauis, quæ à peritis gubernatur: Monasteriumque, quod à temperantibus administratur. Væ autem ciuitati, quæ ab impijs dirigitur; & naui, quæ ab imperitis gubernatur; ac Monasterio, quod ab intemperantibus administratur: nam & ciuitas replebitur Barbaris ob impietatem eorum qui eam tenent, & nauis confringetur propter imperitiam gubernatorum: Monasterium autem desolabitur, ob ignauiam administrantium.

CAP. II.

Si sub obedientia spiritalium Patrum confederis, non cum demulceris, & audiſ verba assentationis, apparet fidei tuæ stabilitas atque firmitas: sed quando contemptus atque percussus sustinueris; nam etiam fera meritò cum demulcetur, mansuescit atque mitescit. Ne itaque erga corripientem & instruentem te amarulentior fias: si nimirum cupis vas electionis euadere: sciensque obedientiæ in Domino ac humilitatis profectum, cò progressus, nempe si eius gloriam cognoscens, eam tibi elegisti. In ea, frater, Sanctorum vita illustris & magnifica. Moyses enim seruus Domini etsi doctrinâ Iethro non erat imbutus: veruntamen illi se subiecit atque seruiuit: quamuis in Ægypto satis esset eruditus. Iesus quoque Naue filius, perfectâ suâ obedientiâ tantum donum promeruit, vt Moyses successor fieret. Et Samuel per obedientiam quam Heli sacerdoti præstitit, dignus habitus est, qui vocem Dei audiret. Eliseus verò ejus adminiculo palliũ & gratiam sui accepit Magistri. Quid porro homines similes vobis, passionibus subiectos commemoro? Ipse quoque Deus Verbum incarnatum, vitam in humilitate & obedientia traduxit; sicut nos docet Euangelista, dicens: Et erat subditus parentibus suis. Rursus autem & Apostolus ait: Humiliauit semetipsum, factus obediens vsque ad mortem, mortem autem crucis. Quin etiam

Obedientia & humilitatis commendatio.

Exod. 3. 18.

Deut. 34.

Iesue. 1.

1. Reg. 3.

4. Reg. 2.

Luca 1.

Philipp. 2.

quotquot viuendo nolunt bonam parentum tolerare disciplinam, non leui se periculo exponunt: plerique enim qui in ciuitatibus à magistratu puniuntur, ferè propter inobedientiam, atque contumaciam, duramque ceruicem plectuntur. Quin & puellæ, nolentes bonis morem gerere admonitionibus, verecundiâ ac pudicitia abjectâ, in plateis vicisque turpem vitam cum dedecore traducunt: quæ autem intentæ sunt operi, & mentis tranquillitati atque pudicitia vacanti, ab hominibus quidem honorabuntur, à Deo autem glorificabuntur. Bonum incepisti opus; in eo persiste: vt magnificeris à Domino cum mansueris & humilibus, in regno cælorum. Amen.

CAP. III.

SI ad dimidium perduxerit opus aliquod frater tuus, con-
 stigeritque ipsum in morbum incidere, tuaque opera indigere in opere; curam ejus suscipe omni cum humilitate, patienti compatiens. Postquàm verò sanitatem is recuperarit, ne fratris tui appetieris opus: ne fortè tibi ipse à Domino & hominibus damnationem adsciscas. At fortasse suggerit cogitatio, non sine diuina id permissione accidisse, vt ille male habeat, & ego interim hoc consequar: at cur non bonum illud cogitasti; quòd scilicet Domini id factum sit permissu: vt cuiusmodi voluntate sis demonstres, tuine ipsius, an fratris amator? Quòd si à morbo liberatus, ipse recusauerit, rem bonâ conscientia cum permissu tamen Præfecti accipe: vt bonum habeas testimonium ab his, qui fors sunt. Necessaria enim est iustitia, pietas, atque obseruantia. De sanctissimo quippe Simeone, qui Saluatorem accepit in vlnas suas, scriptum habemus, quod esset iustus, & timoratus.

CAP. IV.

Firmo ac stabili corde sumus, Charissime : nam virtuti adversatur segnitie. Neigitur exigua nobis ingruente acedia, euadamus pusillanimes : verum vim nobis ipsi inferamus, magnanimi Viatoris instar ; quippe cui dum defectio atque debilitas per viam accidit, non cadit animo, neque à scopo desistit propter longitudinem viæ, sed seipsum consolat, dicens : Adhuc modicum restat viæ, & ad diuersorium peruenies, atque quiesces. Et Dominus vim eius cernens, robur illi viresque præbet, viæque mollit ac mitigat asperitatem : segnitie enim atque pigritia paupertatis conciliatrices existunt non modò donorum spiritalium, sed etiam necessitatum corporalium.

Virtuti inimica segnitie.

CAP. V.

Si ante cunctos in Synaxim, ac congregationem prodeas, & persistas donec absoluator, ne in hoc te efferat cogitatio : quoniam & artifices multum studij ac vigilantie in suo opere adhibent. Neque corpore duntaxat te præsentem Domino : sed & cogitationes in corde humili à ceteris rebus ut illi des operam, abducito. Superbia enim latibulo similis est, in quo draco libenter moratur, & eum, qui ad illud accesserit, interficit. Porro de non inebriando se vino, aut de mulierum consuetudine vitanda, superfluum mihi videtur tuæ significare pietati : tum quia manifestum est omnibus, hoc à virtute esse alienum. Necessarium est ergo non solum in hac parte impetum dæmonum obseruare atque cauere : sed neque cum maribus, & adolescentibus conferre licet sermones lasciuos atque effœminatos, qui in perniciem animam trahunt. Non tamen quòd malum sit fœmina, eius conuersationem auersamur : sed quia facile est inimico, per colloquia & conuersationes mulierum nos subuerrere, & ad transgressionem Diuini præcepti inducere. Quocirca nos oportet vndeque obseruare malignorum spirituum iacula confidentes armaturæ, ac virtuti Spiritus sancti : nam qui ynam portam inimico præcludit, duas

autem ei aperit, existimans se securum esse, fallitur hic quisquis est. Necessarium est ergo, vt nos ipsi vndique comuniamus: nullamque occasionem præbeamus ijs, qui occasionem quærun. Deus enim non irridetur, & horrendum est incidere in manus Dei viuentis. Cui gloria in secula seculorum. Amen.

Galat. 6. 7.

Hebr. 10. 31.

CAP. VI.

*Genes. 16.
C. 21.*

FRATER quidam sub obedientia spiritualium Patrum resedens, alium fratrem adiit, dixitque: Cupio relinquere Patres meos spiritales, & per me tranquille degere. Ad quem ille: Homo, inquit, quidam habebat filium, quem accipiens, in manus tradidit artifice, qui eum artem suam doceret, eratque puer distractior circa opus. Cùmque post dies aliquot adolefcens ad patrem suum accederet, dixit: Pater, tolle me ab hoc magistro meo: per me enim magis artem apprehendere potero. At pater ad ipsum: Si cum ab alijs, inquit, docearis, & manuducaris, nihil didicisti: quid per te solus præstare poteris, ô fili, non addiscens, neque obediens, quemadmodum oportet? Video te malè erga artem, quam addiscis, affectum: metuoque ne fortè frustra in te laborauerim: arripe igitur opificium tuum sicut oportet, fili, vt in arte exercitatus ipse tibi requiem inuenias: nam inertes assequitur mors. Quapropter & nos, charissime, caueamus à nobis abjicere jugum obedientiæ in Domino: ne fortè non placeat Deo: cùmque in tentationem inciderimus, non sit qui auxilietur nobis. Quando enim Agar ancilla Saræ aufugit à conspectu Dominiæ suæ, inueniens eam Angelus Dei, dixit ad ipsam: Reuertere ad Dominam tuam, & humiliare sub manu illius: fecitque illa sicut dictum erat ad eam. Cùm verò adesset tempus ejus, assumpto com meatu, dimissa est cum fiducia, vnâ cum filio suo: oberranteque ipsa per solitudinem, adeo vt siti peritura videretur simul cum filio suo Ismaël, non despexit eam Deus. Oportet ergo & nos patienter perferre tribulationes, tanquam Domino seruientes, & non hominibus. Ideoque dum sub obedientia versamur, ne opera inobedientiæ agamus, ne & nos patiamur, quemadmodum passus est Giezi, minister Prophetæ

Propheta: Elisæi: quin potius per piam religiosamque obedientiam, fructum reddamus perfectum Domino nostro Iesu Christo: Cui gloria in seculorum secula. Amen.

CAP. VII.

SI quis ad te accesserit secretò dicens: Conueniamus inter nos, ac simul fœdus & amicitiam ineamus, ut si quid dixerò tibi, me sine contradictione audias. Deinde etiam post iusiurandum, si te in peccatum inclinare atque subuertere voluerit; ne morem geras illi, quamuis magnifica protulerit, seque ipsum humi prostrauerit, ut vires Dei præceptum supplicans. Noli acceptor esse personæ aduersus animam tuam: nouit quippe diabolus, non tantum ista subornare, sed etiam è Scriptura afferre, carnisque infirmitatem allegare, ac multa alia comminisci, ut hominem præuicatoremandatorum Dei efficiat: habeatque quod contra eum gloriatur. At nos tali illius studio inanique labore edocti, ad pietatem fortes in proposito, susceptoque consilio erimus. Nam si illi dum propriam cupiunt voluntatem perficere, aut potius cooperantis in eis diaboli, tantum studium artemque exercent, ne suo frustrentur instituto ac fine; quantò magis eos qui spiritalem exercent vitam, decet peritiores ac vigilantiores esse, ut ne aduersus eos exulteret diabolus. Atqui oportebat non iurare omnino, ob præceptum Saluatoris nostri Dei. At nunc abreptus es verbis ne paguifacias: in manus enim malorum venisti, propter amicum tuum. Ne dederis somnum oculis tuis, nec dormitent palpebræ tuæ, ut salueris: tanquam damula è laqueis, & quasi aus è reti. Veruntamen ne cadas animo, neque confundere: est enim emendatio mandato, si de cetero præ oculis habeas Dominum. Attende igitur tibi ipsi, non enim obnoxius es iureiurando, si te ipsum à malo elongaueris. Nam ipse, qui Euangelium in mundo prædicaui propter nimium suum in humanum genus amorem, ipse inquam Dominus mandauit hominibus, ut pœnitentiam agant: abstinantque ab omni peccato. Videndum igitur, ne dum voluntates nostras explere desideramus, iurisiurandi prætextum adducamus, quasi amplius nos ex inimici retibus subducere

*Galat. 6.**Psalm. 33.**Psalm. 118.*

nequeamus. Deus non irridetur, cupientibusque saluari manum porrigit. Declina ergo à malo, & fac bonum: sicque sermonem seruaueris, secundum eum qui dixit: Ab omni via mala prohibui pedes meos, ut custodiam verba tua. Vis autem, ut plenam perfectamque tibi fidem faciam, quòd verbis non sis obnoxius, si mala vitaueris, bona autem egeris, subtraxerisque te ab omni homine ambulante inordinatè. Audi Parabolam, aut potius exemplum: Homo quidam habebat filium, qui patrem suum in cunctis vehementer honorabar: alius autem quidam inuidià ductus super profectu iunioris, occultè accedens, dixit ei: Iura mihi aduersus patrem tuum, quòd quæ tibi sum dicturus, facies, seruabisque absque omni contradictione, atque ille non rectè agens, iurauit ipsi. Deinde post hoc, dixit ad eum: Vade, ac dedecore patrem tuum affice, ipsumque plagis cæde, & noli amplius reuereri conspectum eius, & quæcunque tibi mandauerit non facienda, facito: quoniam iurasti mihi, & non poteris non obedire ijs quæ tibi à me dicta sunt. Sed numquid tantam sustinebit dementiam, aut potius impietatem filius, & non despiciet iniquissimum consilium illius, propter cultum ac reuerentiam erga patrem? ad eumque respondebit: Video te hominem non verum, nec iustum esse, sed inimicum patris mei, animæque meæ insidiatorem: ac me non decipies, sicut serpens sua calliditate Euam: neque me ad impietatem versutâ tuâ improbitate compelles. Nolo ut me accusare, vel reprehendere pater possit, quòd impietati paruerim: despicio itaque consilium tuum nefarium ob patris mei reuerentiam animæque meæ salutem: auresque meas pretiosæ Crucis signaculo obfigno, ne amplius intret in aures meas verborum tuorum virus: ipsamque tuam consuetudinem vitabo, propter dolum in te latentem. Admonet quoque nos Apostolus, ut subtrahamus nos ab omni fratre ambulante inordinatè. Nam Deus malis actionibus non colitur. Ne igitur abduci te à scelestis hominibus patiaris, charissime: ut non exacerbes patrem tuum, qui in cælis est, contraria præceptis eius agendo, & non habeas excusationem in die iudicii. Propter transgressionem enim mandatorum sancti Euangelij, Deum prouocas. Quocirca attende tibi ipsi, summam sermonis per Prophetam edoctus. Ait

*Genes. 3.**2.^a Cor. 11.**1.^a Theff. 3.*

enim Propheta David : Iuraui & statui , non , transgredi præcepta tua & cuncta iudicia tua : sed iuraui & statui , inquit , custodire mandata tua , & omnia iudicia iustitiæ tuæ. Rursusque ait : Iniquitatem odio habui , & abominatus sum : legem autem tuam dilexi. Et * hac Divina misericordia , magnas evitabis tentationes , atque pericula. In illo autem eveniet , quod scriptum est : Converteretur * dolor eius in caput eius , & in verticem ipsius iniquitas eius descenderet. Charitatem igitur ac vñionem posside , non quidem per iuramenta & blanditias , aliaue prohibita , coactam : sed quæ secundum Deum sit , & ex animi affectu directa , ac consummata : quippe in qua nihil iniquum , aut coactum obrepit. Eritque gratia Domini nostri Iesu Christi tecum. Cui gloria , in secula seculorum. Amen.

** al. & in hoc
p/salm. 7.
* al. labor eius.*

CAP. VIII.

DEuita, Frater charissime, consuetudinem hominum hæreticorum ac libidinosorum, nihil fidele loquentium: nam instar sagittarum, sermones ipsorum corda vulnerant. Noui quosdam, sermonibus animas pervertentes; cuiusmodi quidem homines, fortasse per symbola quædam, seminis fluxu laborantes Scripturæ sermo, & leprosos appellat. Quemadmodum enim menstruat immundum reddit secundum legem, vbicunque confederit, vel quodcunque consputauerit: sic & horum impurorum fluxus animæ malè affectæ, sermonumque consputatio, execrabiles reddit suscipientes; & fortasse illorum deprauata animi affectio cum eo, qui leprâ laborat, comparanda est, sicut iam dictum est. Et omnis quidem Sanctorum cætus zonam habebat lumbos constringentem, asperitatem, inquam, vitæ demonstrantem: nam armaturam Spiritus sancti possidebant, & vndeque virtute Spiritus sancti confirmati erant. Istos autem ex propria negligentia, hoc dono Spiritus sancti cernimus nudatos, nec lumbi ipsorum cogitationibus castis coercentur: verum cuncti eorum mores dissoluti, atque corrupti sermones, actionesque. Atque is quidem qui circa fidem laborat, quid noceat, inquit, cum quouis homine versari, siue rectè credat, siue malè sentiat, modò

*Leu. 13. 15.
Matth. 8. 10*

* al. & carnalis concupiscētia?

Leuit. 13.
8^a Num. 12.

Esai. 33. 8^a
1. Cor. 15.

Trenzum
intelligit

sanam nos fidem teneamus? At qui voluptatibus ventris indulgent, his, quæ infra ventrem sunt, dicent: & quid obesse poterit edere ac bibere, & genio indulgere, * corporalique concupiscētia? Malum est concupiscere rem alienam, seu furari: & si quando de his quoque coarguantur, iterum dicent: necessitate coactus hoc feci: furatus sum, ut esurientem explerem animam. Quid isto fluxu impurius, aut eiusmodi lepra turpius ac indecentius? Ideo non permittit sermo, execrandas hasce cogitationes in sanctarum animarum versari castris: sicut neque lepræ contactu notatos, sine lex tentoria figere in medio castrorum filiorum Israël. Etenim turpissimum reuera, in medio illustrium, atque sanctarum cogitationum morari: & immundis interim cogitationibus aditum præbere. Dissolutionem autem, ac turpitudinem, corruptionemque operum ipsorum, necnon impudentiam voluntatis eorum, procacitatemque linguæ, atque inexcusabilia eorum opera innuens dicit: *Quicumque tactus fuerit leprâ, vestimenta eius dissuta sint, & caput ipsius reuelatum, & circa os eius contegatur: & immundus vocabitur omnibus diebus, quibus fuerit super eum tactus: & immundus cum sit, immundus erit, separatus sedebit; extra castra erit conuesatio eius.* Ex his sunt, qui dicunt: *Comedamus, & bibamus, cras enim moriemur.* Sunt autem isti hominum, qui à veritate aberrant, sermones, atque etiam hæreticorum sensus: Nam hæretici suum volentes confirmare errorem, ex diuinis scripturis loca atque testimonia depromere conantur, ad corda obedientium ipsis peruertenda: ad quos pulchrè, & magnificè quidam Sanctorum enuntiauit, dum sic docens ait: Cum sit igitur tale illorum argumentum, quod neque Prophetæ prædicauerunt, neque Dominus docuit, neque Apostoli tradiderunt, quod abundantius gloriantur plus quàm ceteri cognouisse, de ijs quæ non sunt scripta, legentes: & quod solet dici, de arena resticulas necdere adfectantes, fide digna aptare conantur ijs, quæ dicta sunt, vel parabolas dominicas, vel dictiones propheticas, aut sermones apostolicos, ut figmentum illorum testimonio non carere videatur: ordinem quidem & textum Scripturarum supergredientes, atque transilientes; & quantum in ipsis est, soluentes membra veritatis.

Transferunt autem, & transfigunt, & alterum ex altero facientes, seducunt multos ex ijs quæ aptant ex dominicis eloquijs, malè composito commento. Quomodo si quis Regis imaginem bonam, fabricatam diligenter ex gemmis pretiosis à sapiente artifice: soluens subiacentem hominis figuram, transferat gemmas illas, & reformans faciat ex ijs formam canis, vel vulpeculæ: & hanc malè dispositam, dehinc confirmet, & dicat hanc esse Regis illam imaginem bonam, quam sapiens artifex fabricauit, ostendens gemmas quæ bene quidem à primo artifice in Regis imagine compositæ erant: malè vero à posteriore in canis figuram translatae sunt: & per gemmarum phantasiam decipiat idiotas qui comprehensionem regalis formæ non habeant: & suadeat hanc turpem vulpeculæ figuram, illam esse præclaram Regis imaginem. Eodem modo, & hi anicularum fabulas assumptas, post deinde sermones & dictiones & parabolas hunc inde auellentes; vt aptare volunt fabulis suis eloquia Dei. Vnde sufficienter exemplis edocti, fugiamus peruersos hæreticorum sermones, imitationemque eorum, qui in luxu ac lasciuia viuunt, & ex scripturis testimonia proferre videntur; vt fide, & operibus sani, fructum referamus perfectum Domino nostro Iesu Christo: Cui gloria in secula seculorum. Amen.

Hæretici
Scripturas
ad impia
figmenta
detorqueunt.

Hactenus
ex Irenæo
contra hæ-
reses.

CAP. IX.

CONsidera habitum, quo indutus es, ô Monache, & cerne, quantum sit inter hunc, sæcularemque, discrimen: diligenterque animaduerte, quidnam ille designet. Constat quippe, quòd secularium institutorum, siue etiam rerum significet abiectionem; spiritualiumque operationum recordationem afferat. Noli igitur virtutem negligere, sed totis viribus sanctificationem procura: quoniam ideo egres-
sus es mundo. Acquire ergo tibi castitatem, vt inhabitet in te Spiritus Sanctus. Audi bonam in Domino admonitionem, charissime; & hanc nequaquam spernes, vt quietem tibi inuenias. Noli animum conuertere ad detestabiles concupiscentias, assentationesque vanas, ne quis te fallat verbis inanibus: & ne zelaueris in malis, neque erratis attendas alienis.

Sanctifica-
tio vt com-
paranda.

Te castum custodi: & si iam cœpit in te peccati flamma incendium excitare, eam lacrymis restingue: saluat enim cunctos Dominus, qui ad illum conuertuntur. Hæc igitur tibi à Domino deposce: nam eos Dominus diligit, qui in sanctitate ipsi seruiunt. Possessio pretiosa est puritas in cogitatione recta: hanc si amaueris, à Domino glorificaberis, & in omnibus prosperaberis. Ista audiens, vide ne diabolus oculos mentis tuæ vanis cogitationibus claudat, non enim ille te adiuuabit, quando ab angelis traheris improbis, ubi certè ne sibi quidem ipse opem ferre potest. Illi enim parata est gehenna, & angelis eius, at tibi gaudium paradisi præparatum, si ab operibus ipsius recesseris. Tunc lætatur diabolus quando vitam turpiter degis: dolet autem, quando in bonis te viderit proficientem actionibus. Ne ergo iam dictam virtutem despexeris, quippe * ex cuius exercitio parum laboris atque molestiæ capies. Verùm confide, quoniam citò fructus eius comedes. Si autem vtilis commonitiones malè acciperis, in nouissimis te pœnitebit, quando consumpseris carnes tuas, & corpus tuum, & dicas: Cur detestatus sum disciplinam, & increpationibus non acquieuit cor meum: nec audiui vocem docentium me, & magistris non inclinaui aurem meam? penè fui in omni malo, in medio Ecclesiæ & Synagogæ. Ne ergo salutem nostram negligamus, charissime, neque imitatores simus eorum, qui in lasciuiâ & superbia, ac sine timore viuunt: nam confusio, & improprium operient eos, qui odio habuerunt Dominum. Dies nostri currūt, & finis appropinquat. Ploremus coram Domino Deo nostro, antequam tenebris concludamur exterioribus. Quomodo dies istos poterimus quærere, si in malis eos transegerimus, nihilque omnino profuerimus? Ecce, nunc tempus acceptabile: Ecce, nunc dies salutis. Beati sobrii atque vigilantes: quoniam ipsi in exultatione coronabuntur, Beati, qui lugent nunc: quoniam ipsi cum electis Dei consolabuntur. Beati, qui laboribus se fatigant in Domino: quoniam delicta eos paradisi manent: quibus concedatur nobis perfrui, intercessione omnium, qui complacuerunt Domino nostro Iesu Christo, Cui gloria in secula seculorum, Amen.

Matth. 23.

** al. in cuius.*

proverb. 5.

2. Cor. 6.

*Matth. 5.
Luc. 6.*

CAP. X.

Vitam spiritalem conſectemur, Chariffime, vt opere fidei cooperante, ex vtriſque homo reperiatur perfectus. Ad Theologiam verò tum demum vix erimus idonei, quando ſuperando paſſiones, à nobis ipſi omnem affecti-
onem carnalem exterminauerimus, nullamque occupatio-
nem mente retinuerimus. Tunc enim Spiritus ſancti gratia
requiem in nobis inueniens, intelligendique vim præbens,
illuminabit corda noſtra, ſicut lychnium inſtructum, oleo
& ſtupa implent; in quo quidem ignis ſubiectam materiam
apprehendens, lampadem accendit abundè exhilarantem,
ac eos, qui adſunt, illuminantem. Si verò paſſionibus adhuc
angimur, in iſſique volutantes, dignitates petimus; non vul-
gariter periclitamur, lychnio aſſimilati oleo & combuſtibi-
li materia deſtituto, qui ne ad breue quidem tempus, ignis
calorem ferre poterit & efficacitatem. Oportet ergo pri-
mùm curare præparationem, ad intelligibilis luminis ſulce-
ptionem; vt ſpiritualibus gratiarum donis reddamur digni.
Vitam ſpiritualem ſectemur; vt mente in poteſtatem Spiritus
ſancti redacta, ſanctificetur corpus participatione ſpiritus.
Singulis diebus à Domino compunctionis lacrymas eſflagi-
temus, vt de peccatis noſtris flentes, anima noſtra à pecca-
torum corruptione reuiſceſcat. Non negligamus propriam
animam: ſed conſideremus, & viſitemus ipſam, ſtercora
circa eam projicientes; vt emollita atque exuſta, fructum
vtilem referat Domino. Pro ligone, verus ac nouum Testa-
mentum habeamus: & ſtercorationis loco, ardorem ſancti
ſpiritus. Iſtis curam geramus animæ, rigantes eam lacrymis:
vt ſic exculpta, lacrymiſque irrigata, referat fructum in iuſti-
tia, ne ex negligentia dicamus & nos in ſeparationis hora
cum timore, atque tremore, ſicut Rex Amalecitarum: ſic-
cine amara mors eſt? Ezechias, quia cùm valeret, non ne-
glexerat iuſtitie munus; tempore anguſtiæ ac mortis conſo-
lationem à Domino * inuenit: nam cùm mortis ſententiam
per Prophetam accepiſſet, conuertit faciem ſuam ad parie-
tem, & orauit Dominum, dicens: Obſecro Domine, me-
mento quæſo, quomodo ambulauerim coram te in veritate,

* Reg. 29

* al. accē-
pit.

* Reg. 28.

& in corde perfecto, & quod placitum est coram te fecerim. Fleuit itaque Ezechias fletu magno. Et quid ad eum misericors Dominus? Mox & è vestigio per eundem Prophetam, ad ipsum misit, dicens: Audiui orationem tuam, & vidi lacrymas tuas: & ecce, addam diebus tuis quindecim annos; sed & de manu Regis Assyriorum liberabo te, & reliqua. Vides quale bonum sit, non negligenter viuere: sed semper ante oculos timorem Domini habere? magnus nobis timor, & tremor imminet. Demus & nos operam bonis operibus: vt tempore necessitatis, ac tribulationis, * protectorem inueniamus Dominum. Prædictorum ergo non immemor, Charissime, attender tibi ipsi, & vehementer custodi animam tuam, ne quæsitâ frustreris margaritâ. Pietatem & temperantiam ama, vt valdè proficias. Si verò negligenter viuere inceperis, crapulæ & ebrietati te dando, exterminaberis simul cum ijs, qui delicatis & conquisitis vescuntur cibis: & primò quidem diuinam in istis gratiam auerteris, perdesque. Deinde verò ab ijs, qui te in illis * impudentem, atque profusum cernent, damnaberis. Tertiò, neque ipsa manuum cuiusque nostrum industria, ad tantos sumptus suffecerit. Inde porro enascuntur distractiones, curiositates, mendacia, iniuriæ, diuagationes; & erga eminentes ac sublimes personas assentationes, ac quæcunque his similia. Vnde maximum bonum est pieras, & temperantia; siquidem * victus excessus, atque immoderatio dissoluit, temperantia verò ædificat: atque ista sibi mutuò aduersantur, nec se vnâ admittunt. Si ergo pietatem & temperantiam recta cogitatione dilexeris, omnibus ex partibus * exaltaberis. Pietas enim seorsim habitare docet, & non diu extra cellam versari, neque inanibus * commisceri suadet.

Verum neque sis de splendido vestitu sollicitus, eoque distraharis, neque multa vestimenta conteras, quieti vacans: temperanter autem viuens, de multis expensis non eris sollicitus, presentibus contentus. Tribus enim, aut quatuor, siue quinque paxamacijs, paucisque lentibus, ceterisve leguminibus, siue oleribus exigentem necessitaremples: Dominumque in cunctis istis adiutorem habes, atque cooperatorem, vires animæ tuæ bona spe impinguantem. Qui verò lasciuiss effusi sunt concupiscentijs; curis, atque sollicitudinibus

* al. protectionem apud Dominum.

* al. dissolutum.

* al. negligentia atque dissolutio.

* al. perfectis.

* al. neque vana suadentibus commisceri.

dinibus plena est omnis vita eorum : quin & recordationis ipsius Dei obliuionem capiunt , quo pejus grauiusque est nihil : Nam continua Dei recordatione turpes animæ passionēs recedunt , instar maleficiorum , prætere accedente ; vnde & mundum sancti Spiritus habitaculum efficitur. Vbi verò memoria Dei abest , ibi tenebræ cum fœtore dominantur , omnisque res improba exercetur. Existimo autem quasi gradus quosdam esse in ijs , quæ tum ad carnem , tum ad spiritum referuntur. Et diabolus quidem malitiæ inuentor , qui nostrum omnium interitu gaudet , efficit , vt anima deorsum ad carnalia se inclinet : atque ita paulatim pertrahit atque deuoluit , agitque præcipites eos qui non multum attendunt , quo ad ipsum inferorum profundum miseros deducat , peregrinos & alienos à regno cælorum eos reddens. Vnde Apostolus , tanquam gradus quosdam ad infernum ducentes enumerans , ait : Manifesta sunt autem opera carnis , quæ sunt : fornicatio , immunditia , impudicitia , luxuria , idolorum seruitus , veneficia , inimicitia , contentiones , æmulationes , iræ , rixæ , dissensiones , sectæ , inuidiæ , homicidia , ebrietates , comestiones , & his similia. Quis autem istorum finis , magna cum vehementia declarat , dicens : Quæ prædico vobis , sicut prædixi : quoniam qui talia agunt , regnum Dei non consequentur. Propterea necessarium fuerit , totam nostram mentem ac cogitationem ad superna extendere , neque illam sinere deorsum ad vetita spectare. Si verò nos in aliquo supplantauerit inimicus , citò resurgamus , ne etiam ad reliqua nos mala pertrahat , paulatim conuoluens rapiensque nos ex vno lapsu in alium ; & denique ad fundum ipsum perditionis atque desperationis subuertat. Si porro etiam nos in quæcunque prohibita inimicus seduxerit , ne in illis permaneamus , neque de nobis ipsi desperemus : cum liceat ista omnia per poenitentiam transilire , & in ipsis pietatis septis consistere. Ceterum tunc vitæ mutationem , synceramque nostram poenitentiam cernens Dominus , quodque ipsum solum toto corde desideremus , & quæ grata atque accepta ei sunt , faciamus : non amplius , vt seruis loquetur nobis : sed tanquam amicos veros , ad perfectiores sublimioresque virtutes nos inuitabit , dicens : Amice , ascende superius , id est , ad bo-

Dei recordatio quid profit.

Gradus ad infernum. Galat. 5.

Mens ad superna atque cælestia erigenda.

Gradus in
caelum.

34

S. PATRIS EPHRÆM SYRI,

Psalm. 134.

num pulchrumque ascensum, in cælos sustollentem : cuius gradus sunt, fides, spes, charitas, ceterique fructus spiritus, factique ciues supernæ Hierusalem, gaudeat cor nostrum, gaudiumque nostrum nemo tollat à nobis. Dominus autem Deus omnipotens suo nos deducat consilio, fortique manu sua nos protegat. Væ enim & interitus homini non habenti Deum adiutorem sibi : quoniam non est alius præter Deum viuum : quia ipse est dominus cæli & terræ, & omnia quæcunque voluit, fecit in cælo sursum, ac in terra deorsum, & in mari, & in abyssu. Neque est ullus qui resistere possit consilio ac voluntati ipsius. Ipsi gloria atque majestas, & magnificentia in secula seculorum. Amen.



S. P.

E P H R Æ M P A R A E N E S E S

A D M O N A C H O S.

P R O L O G V S.



GLORIA tibi Deus. Gloria tibi. Iterum-
que dicam. Gloria tibi Deus, qui super-
laudatus & superexaltatus es in secula.
Omni tempore, charissimi, gratias de-
bemus Deo; qui dignatus est nos sua-
uissimo jugo tuo, & liberare à caducis & corruptibilibus
mundi rebus. Statutum igitur est mihi, vobis submini-
strare sermones, quales lumine gratiæ occurrunt menti
meæ. Loqui autem volo, non in doctis sapientiæ verbis.
Nam & ego* homo sum idiota ac vilissimus. Veruntamen
quia argutè dicta non omnibus sunt perspicua, & ijs po-
tissimum, qui non degustarunt sapientiam mundanam:
icciro claram oportebit proferre orationem, quam asse-
qui possint qui legunt; secundum B. Apostolum: Si e-
nim, ait, nesciero virtutem vocis, ero ei, cui loquor, bar-
barus, & qui loquitur mecum, mihi barbarus. Potens
est autem sermo spiritalis persuadere obtemperantibus
fidei, etiam absque Grammatica & Rhetorica. Benedi-

1. Cor. 2.

* *al. nam*
& ego ho-
mo sum
idiota &
peccator,
terra & ci-
nere vilior

1. Cor. 14.

Ecclef. 3.

* *al. igno-
rante pec-
cantibus.** *al. digre-
diendum.*

2. Cor. 3.

ctus autem Deus, qui cunctis cuncta præbet; & vnum-
quemque, quantum expedit, illuminat. Id verò captum
meum excedere non sum nescius; sed scriptum est: Tem-
pus tacendi, & tempus loquendi. Quam ergo excusatio-
nem in die iudicii habituri sumus: non succurrentes pro
viribus, imperitiâ atque ignorantia * laborantibus, & ma-
ximè tempore isto: similiterque fluctibus peruersæ do-
ctrinæ consilijque illiciti agitatî? Leo enim cruentus,
& veritatis inimicus, non cessat eos, qui non valde at-
tendunt, decipere: non quidem humanas carnes de-
uorare volens, verùm animas secum in gehennam tra-
here gestiens. Quot putatis, charissimè, post abdic-
tionem rerum terrenarum, iterum perturbationibus ac
passionibus ignominiosis per eum subigi? Quot post
prima religionis elementa tradita, effecit apostatas, &
habitu ipso spoliavit? Quare à via non est * aberrandum,
charissimi. Ceterùm frater adjutus à fratre, laqueis dia-
boli capi nequit. Nos autem cum Apostolo dicimus:
Non quòd sufficientes simus cogitare aliquid à nobis,
quasi ex nobis; sed sufficientia omnis nostra ex Deo est,
qui & idoneos nos fecit sibi ministros, licet indignos.
Vobis autem concedat Dominus, suscipere verbum in-
star terræ bonæ atque perfectæ: vt sitis multiplicem
fructum referentes, in justitia & veritate, Christo Sal-
uatori nostro: Cui sit gloria in secula seculorum. Amen.

P A R Æ N E S I S I.

Ad eos, qui in Religionis se rudimentis exercent.

INitium renuntiationis Monachi, est timere Dominum. Qui verò diuini timoris expers est, extra portas Regni Dei demorabitur. Initium bonæ vitæ Monachi, est cognitio Dei: ignorantia autem de Deo, Monachi mentem occæcat. Optima Monachi hæreditas, est temperantia & sanctimonia vitæ: exhæreditabitur autem à parentibus, qui his sine Monachus fuerit. Exercitatio Monachi, sit meditatio Scripturarum, & Diuinorum mandatorum obseruatio: Iners autem est Monachus, qui in his versatus non fuerit. Cibus Monachi est, vt faciat voluntatem Dei, & non sensus: Nam qui secundum appetitum sensitium est cibus, Monachum Deo non sistit; sed in ventrem vadit, & in secessum exit. Graui incessu Monachus atterat gradus Ecclesiæ: Indecoro autem incessu è domo in domum non diuagetur.

Vita Monachi pura sit, & non ludibrio mulierculis peccatorum cumulo grauatis: siquidem temptationis sagitta est in corde Monachi, mulier in domo dissolutè viuens. Consilium monachi, cum cordato habeatur: Stulti verò consilium in corde monachi non demoretur.

Monachus, Psalmis, & Hymnis, ac Canticis spiritualibus inuigilans, nocturnas phantasias depellit: at de bene gestis se venditans, & interim dormitans, telam aranæ texit. Monachus strenuus, Cruce Christi, laqueos fugat diabolicos. Monachus terrena sapiens ac spectans, omnibus est satanicus.

Mens Monachi semper in bonis operibus sit occupata. Exercitium Monachi cogitationes bonæ continuatæ, ac sibi mutuò succedentes. Vigilantia fidelis Monachi, turpes cogitationes reprimit. Agricultura monachi, anima bona euangelicè fructificans, quam dum excolit Monachus illius fructu vescitur. Dulcis fructus oris, propriorum merces.

Immortalis virtus Monachi, est paupertas crucem Domini sufferens: mala siquidem res est Monachis auaritia, eos

Regno Dei priuans. Impone cor tuum Monache in humeros tuos, vt cogitatione & opere aduersarium à te propellas.

Donum optimum Monachi, est virginitas; curru ipsum ad cælos cum Elia euehens. Quamobrem Monache, hanc excolens, igneo ascende curru, duobus canalibus irrigatus. Lacrymæ ex oculis distillantes, arbor sunt vitæ in altitudinem humilitatis excitata: cuius dum possessionem capere potuerit Monachus, optimos sibi fructus vindemiabit. Vis virginitatis, in ciborum consistit abstinentia: Monachus autem crapulæ deditus, contaminabit carnem suam.

Monachus publicam faciens domum suam, abominatio-
ni erit, audietque à Christo: Recepisti mercedem tuam. Qui autem erubescit rectè facta sua publicare, mercedem ab occultorum scrutatore Christo accipiet. Monachus dans Deo quæ sunt Dei, non extollatur. Deum autem orans, dicat: Ex tuis ego Domine, tua tibi offero. A te solo animæ redemptionem requiro. Monachum puro corde preces de nocte fundentem exaudiet Dominus: de die autem hunc illustrabit Deus, & vt diem, quotidie demonstrabit ipsum.

Monachus misericors, fratrum amator erit, & terræ bonæ hæreditatem capiet. In Monacho superbo, non requiescit Dominus: at in humili requiescit Spiritus sanctus.

Cogitatio Monachi, semper circa Regnum cœleste versetur; & celeriter illud hæreditate possidebit. Omni tempore Monachus vestem immaculatam teneat; non quidem textam illam, sed spiritalem: Media enim nocte talis cum sponso ingreditur. Oleum secum ferat Monachus in occursum sponsi: siquidem extrâ manebit cum quinque virginibus fatuis, qui lampadem suam oleo resplendentem non habuerit.

Vita Monachi, ad imitationem Angelorum fiat, comburens peccata: nam vita est pœnitentiam agentium, perfecta sui oblatio. Vita Monachi notam inurat membris suis mortificatis quoad concupiscentiam, quæ prius ad eam incitabant: Siquidem vita & mores S. Ioannis, forma atque descriptio quædam sunt Monachorum.

Tempestas dæmonum, procul sit à Monachis: tranquill-

litas verò Angelorum, apud Monachos, choros agat. Turbatione diabolica ingruent. Monachus iram coerceat : nam vita Monachi, in lenitate & patientia dignoscitur. Monachus feruens spiritu, fugat diabolum : iniquo autem odio persequens proximum, inique adsciscit diabolum. Fermentum malitiæ, non nominetur inter Monachos : sincera verò charitas inter monachos dominetur. Sol non occidat super iracundiam monachi. Monachus quietus, non conturbat fratres : at vociferabundus pervertit Conuentum.

Sonum Psalmodiæ, monache non renuito : nam Angelorum in hoc cantica sita sunt, ac laudes. Diabolicorum spectaculorum strepitum, monache fugito : quoniam in eo, dæmonum est deceptio. In fronte tua, perpetuò impressam habeto Crucem Christi, monache : & in corde tuo, timor Dei semper sit, Christi pugil. Silentium Monachi cum puritate cordis coniunctum, Spiritum sanctum flestit.

Placidi mores monachi, fraternum amorem conciliant & rixas depellunt. Monachus se Domino accominodans, non se tradat diabolo ; ne confundatur coram sponso. Scutum monachi inexpugnabile, est hymnus Angelicus in ore eius. Somnus verò si plusquam hymnus diligatur, monachi morsest.

Thesaurus monachi, paupertas voluntaria. Diuinissimus est monachus in hac exercitatus. Thesauriza tibi in cælis monache : sempiterna enim sunt fruitionis secula. Monachi contemplatio, in diuinis sit Scripturis.

Ostium monachi non vestibibus occludatur ferreis : verùm angulari lapide firmetur. Monachi in Deum pietas, in hospitalitate cognoscatur, & in exultatione dirigatur. Admirabilis facies Monachi per orationem redditur, & per eleemosynam agnoscitur. Monachus aspectu amæno, exercitatoribus oblectamento erit, & improbas cogitationes dissipabit.

Ioannes ipse Baptista, tibi exemplo sit Monaché, capillis cameli amictus : ut Elias te sua pelle caprina cooperiens, in cælos introducat. Iacobus etiam lætandum admonet in calamitatibus obuenientibus, patientiam nobis commendans. Ioannes te ad Verbum, quod fuit à principio, deducit. Sudor in hilari & exporrecta spiritali fronte monachi excita-

tus, Monachorum multitudinem recreat. Monachus temerarius, fratrum Conuentum dissipat. Æqualitas inter Monachos, extirpat superbiam, & humilitatem ipsis familiarem reddit.

Angelis ille similis est monachus, qui quæ ventris sunt spernit, & crapulam atque ebrietatem fugit. Pulchritudo immensa in anima monachi, est relucens virginitas. Turpissima autem illius est facies Monachi, cuius violata est virginitas. Pessima res est Monacho, malitia in animum introducta, instar ignis suppositi stipulis. Monachus conculcans mundum, cum Christo familiariter agit: at rebus mundanis implicitus, placere non poterit militiæ Præfecto Christo. Fidelissimus Regni cælorum præco, est Monachus ab omni avaritia alienus: Malè autem peribit, qui avaritiæ morbo laborat.

Mundities iunioris Monachi, est temperantia haudquam obscuram virginitatem possidens. Thesaurus Monachi est obedientia, quam qui possederit, exaudietur à Domino. Malitia non habiter in corde Monachi: Bonitas verò in operibus eius redundet. Sermonem bonum scrutetur Monachus, & in ore suo verba loquatur Dei altissimi. Famem spontaneam sibi Monachus adsumat, ad subiugandum hoc corpus terrenum, & exaltandam cælestem animam. Sermonem verum Monachus loquatur, & mendacium non audiat in ore illius. Si duriora verba audierit Monachus, non insolecat, sed submirtat sese: quoniam fidelissimam pacis mercedem accipiet, & Altissimi filius vocabitur, pacis mediator factus. Suauiter verba sua cum humilitate depromens monachus, etiam ex lapideo corde lacrymas excitabit.

Sicut Leo formidabilis est onagris: ita Monachus contrarius esse debet desideriis malis, monachus importuno tempore ieiunium soluens, velut qui turrinè fundamentis euertit. Sicut turbo puluerem in campis excitat: ita monachus superbus rixas, & contentiones in monasterio. Vt portus sine tempestate, nauigiis: ita in monasterio suo sit Monachus.

Imitator Angelorum est monachus in terra bona, qui voluptatis sagitta non existit vulneratus. Caue cum superbia

bia quid enitaris Monache, ne præceps ex alto corruas. Imitator esto Monache humilitatis Diui Pauli: vt Sanctorum quoque consors euadas. Imitare Publicanum, ne cum Pharisæo condemneris. Elige tibi mansuetudinem Moyſis, vt cor tuum lapideum, in stagnum aquarum transmutet Deus; postea verò tanquam captâ experienciâ dices: Quam bona est mansuetudo, super aquam refectionis educauit me. Caue durum te præstes Monache, memor quòd nemo durus sit patiens. Caue monache, relicto Abel, te superbo adſocies Caino: ne & ipsius te supplicij consortem facias. Disce ergo, quàm pulchra res sit humilitas, & hanc tibi delige: nam in cælum sustollit, optimam ecce tibi mercedem humilitatis propositam, monache, ipsum cæleste Regnum, quod caue negligas.

Monachus iuuenis in abstinentia firmetur, vanamque gloriam spernat. Nouella planta à Deo sanctificata, est Monachus abstinentiæ rore irrigatus. Ieiunium frænum est monachi, quod qui rejicit, equus insanus comperietur. Iuuenis monachus effrænatus, impunè peccat. Monachus lauans pedes sanctorum, cor suum illustrat, & thesaurum in cælis habebit: lauans autem indifferenter pedes peccatorum, benedictionem eorum qui pereunt, super seipsum colligit.

Nocte, diuque operatur monachus, vigil orationibus incumbens. Monachus tundens sibi pectus suum, effundit lacrymas, cælitusque misericordiam implorat. Fluentum diuinum in ore monachi, est psalmus confessionis, cuius possessor perfectus est. Lignum vitæ super terram, monachus passionum expers. Lignum vitæ æternæ in cælis, monachus stabilis & non errans. Admirandum spectaculum in cælis est, monachus super terram, angelicam vitam agens. Ensis acutissimus aduersus diabolum, est psalmus in ore monachi.

Lignum aridum ex mandato Elisæi, ferrum securis de profundo aquæ traxit: corpus aptem monachi, quod ieiunio exaruit, animam de profundo sursum attollit. Exsiccat voluptatum cloacas ieiunium monachi: gladius aduersus cupiditates, vigilantia Monachi in orationibus attenditur. Conuiuium monachi, ex solis oleribus cum charitate constans, melius est victimarum adipe. Xenia ac munera excæcant oculos sapientum; qui recipit ea cum iniustitia aliorum,

cultor pietatis non erit. Terminus ieiunij monachi, mors est: ante obitum ergo, ab illo non abstineat. Terminus orationis monachi indefinitus: cūm omni tempore benedicere Domino, bonum sit.

Pietatis athleta conuictiis agens cum monachis reprobis, & apud homines abominabilis habebitur. Monachus non refrænans linguam suam in die iræ, non faciliè etiā passionibus temperare poterit huiusmodi. Monachus iracundus occidit animam suam, acutissimisque sagittis vulnerat proximum suum. Væ monacho, qui seipsum iustificat coram hominibus: abominabilis enim talis est coram Deo. Piger monachus excoGITabit verba vana, & colloquium eius erit fucatum. Monachus præceps, in tentationem incidet: clemens autem sedabit iram. Monachus confidens in virtute sua, concidet: at qui in pietate confidit, stabit. Qui proximum suum tanquam peccatorem spernit, miser est: at cui in primis cura est de proximo suo, exaltabitur. Monachus cum aliis colluctans, abominationi erit, & coram honoratis viris dedecorabitur.

Ante tentationem, arma te ipsum monache: vt in tentatione probatus inueniaris. Diuitias ac corpulentiam ne confecteris monache: angusta enim & stricta via, quæ non conferunt, reijcit. Tanquam Pauli factus discipulus, dic cum eo: Omnia arbitratus sum sicut stercora, vt Christum lucrifaciam. Ignis intra monachum ardens, est voluptas, ex ebrietate incensa. Fons perennis Christus est: ex hoc hauriens monache, grauem incendij odorem restingues. Diuitias manibus contrectans, & corpulentiam ex crapula & ebrietate comparans, non intromittetur in portas regni cælorum. Confide igitur monache, non in diuitiis, neque corpulentia: verum in paupertate potiùs, ac continentia; ne extra portas constituaris. Monachus confidens in præstantia generis, ac nobilitate corporis, humiliabitur: qui autem humiliauerit se propter Christum, exaltabitur. Sermone improbum non proferat monachus: ne vitis absque floribus fiat. Verbis dulcissimis monachus compellabit proximum suum: cūm mel nullam in se amaritudinem habeat. Ne sis segnis operum iustitiæ defensor: cūm apes semper versentur in opere. Iordani fluentum, purificatorium po-

culum est peccatorum, à Christo sanctificatum. Fluentum lacrymarum monachi, remissio delictorum, Christo dicente: Beati qui nunc flent, quoniam ridebunt. Squalescet leuis monachus à cogitationum procella: dictis autem Evangelicis se ipsum confirmat temperans. Math. 5.

Proximum à peccatis, sine imperio, monache, libera, quantum potes: nam Deus reuertentes ad se, non repellit. Verbum malitiæ atque nequitiae, ne foueas in corde tuo, aduersus fratrem tuum, monache, ut dicere queas: Dimitte nobis debita nostra, sicut & nos dimittimus debitoribus nostris. Math. 6.

A cogitationibus suis suffocabitur monachus ignauix deditus, sicut à vepribus ac spinis frumentum. Corona gloriæ & exultationis monachi est pax & sanctitas: quæ qui possederit, Deum videbit. Temperantia monachi, eriget caput eius & in medio multorum glorificabit illud. Sapiens monachus, non qui solum recta docet, sed & constantem, benignumque se exhibet. Verè enim sapiens est, qui quod verbo docet, etiam opere præstat.

Monachus prudens aduersus dæmonum decertans phalanges, non vulnerabitur eorum sagittis. Monachus cruce Christi munitus, conteret caput draconis. Os monachi aperitur sermoni Diuino: at cor eius meditetur eloquia Domini, absque distractione. Pretiosa possessio monachi, est virginitas lumine eleemosynæ collustrata: quam custodiens monachus, securè ad sponsum ingreditur.

Serua mandata Altissimi, ô monache, & Patrum constitutiones excole, pietatis pugil: hæc enim faciens, regni cælestis hæres designaberis. Monachus *audax in tentationem incidet, & in laqueum diaboli: mansuetus autem pace fruetur, & coronâ sanctitatis donabitur. Monachus deliciis indulgens, in erroribus erit, & phantasus nocturnis: Ieiunium autem dediti cubile immaculatum erit, & somnus eius sine phantasmate. Monachus Deum timens, in rem improbam non incurret: talem namque custodit deus, & in die obitus sui, talis propitiationem inueniet.

Renuntiatio monachi, non in maiori dignoscitur: sed in tentationibus probatur. Patientia monachi, per tribulationes à fidele perfecta, spem sibi vindicat minime confunden-

Ment. 10.

tem. Patientia monachi, ad vltimum vsque eius spiritum duret. Qui enim perseverauerit vsque ad finem, hic saluabitur.

Diuinæ laudes assidue personet monachus: Seraphim enim incessabili voce deum glorificant. Canticum spiritale in ore tuo versetur, monache, quo superuenientium tentationum onere subleueris.

Philip. 2.

Patiens esto, monache; nam tempus patientiæ breue est: secula autem fruitionis sempiterna. Monachus morigerus audacter cruci se sistet: quandoquidem in cruce dominus, mortem autem crucis. Vox monachi non extollatur aduersus fratrem suum, in amaritudine animæ suæ. Vox monachi, in mansuetudine orationis syncerè dirigatur in deum, immotis labiis. Verum in terris luminare est monachus, qui linguâ suâ non est lapsus: Amicus talis est Christi, & qui corpus suum non contaminauit peccatis.

1. Tim. 6.

Timor dei continet monachum velut turris inexpugnabilis. Monachus diuini timoris expers, ab aduersariis facile capietur. Lumen in terris purum, est monachus, in quo non est reperta cupiditas: cum ea radix sit omnium malorum, & non producat fructus bonos.

Carnem edere, & vinum bibere, melius est monacho, quàm in detractiōe carnes proximi sui deuorare. Panem tuum, Monache, cum melle comede, ab amaritudine abstinens, & vinum tuum cum lacte bibe, sicut infans spiritu: mel enim absque amaritudine est, lac autem malitiæ expers. In camino ignis probatur aurum, & monachus in Conuentu monachorum agnoscetur.

Monachi manus reuerenter ad deum extensæ sūt: manibus enim suis præfigurans crucem moyses, deuicit Amalech. Magnum præmium crucifixus consequetur monachus, qui & quotidie moriatur. De eo enim gaudebunt Angeli, in regnum cælorum intromittentes ipsum. Frænum cupiditatis monachi, est ieiunium; destructio verò earumdem, oratio cum eleemosyna. Perniciosa grando est vineæ, quæ modò clauiculos protulerit: sic manus monachi quæ perperam moueantur, in monasterio nuper constituto. Monachus niue candidior, qui carnis desideria superat: nam Christum præ auro concupiscens, adspiciet ipsum in die benignitatis coronantem se.

Monachus susurro. Conuentum monachorum dispergit, & amicos dissipat. Monachus autem cum intellectu canens, amicitiam paternam comparabit. Susurrans serpens, Eum è paradiso eiecit : cui & monachus susurro existit similis, quippe qui animam proximi perdit, & suam non saluat : Spiritualiter autem in corde suo psallens, à Deo exaudietur.

Anima monachi semper Deum respiciat : Nam anima monachi quæ semel renuntiavit mundo, & desponsata est Christo, res terrenas despiciet. Monachus bonis operibus circumamictus, caput draconis armillâ perforabit. Anima enim monachi spiritualiter bene redolens, piè odoratum draconis obstruit, ne in eo voluptatis inquinamentum odoretur. Quàm bonum est fratres, voluptatem domare, & desideria carnis superare : Cui enim in corde præsto est timor Dei, à voluptatis inquinamento non inficitur.

Speciosa laus ex ore monachi, in cordis puritate ad Deum directâ, sicut suffitum spiritalem suauissimi odoris, orationem huius suscipiet Dominus. O quantus in Angelis dolor, monacho per negligentiam è regno cælorum eiecto. O quanta tristitia Sanctis erit, exercitatore non comparante coram Sponso, ad sanctum thalamum nuptialem. O quantum contra gaudium inter Sanctos erit, peccatore præuiâ pœnitentiâ, regnum cælorum ingrediente. O quanta lætitia Sanctis, peccatore conuerso ab errore viæ suæ. Quorum imitantes fidem, cum gaudio implete lætitiâ, ô beati Dei filij, monachi, qui à carnis concupiscentia non estis deuicti, vos terra non teget : sed cum Angelis, cælum suscipiet. Ipsi Deo gloria, in secula. Amen.

PARÆNESIS II.

A Vdite ista, & custodite, vos qui filij lucis estis : Regnum enim cælorum vobis hæc ipsa adhortatio conciliabit ; inuigilate verbis istis, & inuenietis requiem animabus vestris. Conualefcite ab infirmitate vestra timore diuino confirmati. Oratio vestra ad Deum pura sit, sed pro me etiam obsecro. Vitæ æternæ hæredes euaderis, si admonitiones hæc non neglexeritis. Sit verbum vestrum, est, est : & non, non, ex præscriptione Euangelica.

Matth. 7.

Mors vobis non dominetur, translati enim estis de morte ad vitam. Iesus sit vita vestra, cui adhærentes non moriemini. Nam Dominus est vitæ, & mortis: & cunctos accedentes ad ipsum saluos facit: peccata soluit, delet scelera eorum qui inuocant ipsum, pœnitentiam agentes curat, conuercentes sanctificat. Intelligite ergo virtutem pœnitentiæ, & ad eam qui peccastis, adducimini: peregrinatur enim à vobis omnis peccati species, ô Dei amici. Non ergo regnet peccatum in vestro spiritali corpore qui incorruptionem suscepistis. A tentatione liberi estis fratres, siquidem amaritudinem abiecistis, diuinis verbis fidem habentes. Res terrenas despiciate. Crucem fronti * impressam tenentes, spectaculum diabolo tremendum habebitis. Honorantes iustitiam, castimoniamque seruantes, iam incolæ paradisi euasistis.

* Al. Crucē
in fronte
adsumen-
tes.

PARÆNESIS III.

De humilitate.

QUæ discendi cupidi interrogastis, breuiter ac compendiosè dicturus sum: quoniam absque timore Dei, perfectâque patientiâ præclare aliquid geri, & ad optatum finem deduci impossibile est, Apostolo dicente: Patientia vobis necessaria est, vt voluntatem Dei facientes, reportetis promissionem. Ipseque Dominus discipulos suos instruens, sic ait: In patientia vestra possidebitis animas vestras. Et rursus: Qui autem perseuerauerit vsque in finem, hic saluus erit. Non enim definiuit, ad hoc vel ad illud vsque tempus: sed qui in finem perseuerauerit, hic saluabitur. Neque enim in principio cognoscitur finis, sed in ipso fine fructus inuenitur. Quamobrem fini principium coniungite: vt in fine inuenientes victoriam reportetis promissiones.

Sanctificatio etiam nobis sit curæ: siquidem hoc potissimum requiretur à vitæ monasticæ sectatoribus. Non efficiamur inanis gloriæ cupidi: ne & nobis dicatur à Domino: Omnia sua opera faciunt, vt videantur ab hominibus: dilatant enim phylacteria sua, & magnificant suas simbrias. Amant autem primos recubitus in cœnis, & primas cache-

Hebr. 10. 27.

Luc. 21.

Matth. 10.

Matth. 23.

dras in synagogis, & salutationes in foro, & vocari ab hominibus Rabbi. Simus itaque humiles, in verbo, in opere, in conuersatione: vt gratiam inueniamus apud Dominum: quandoquidem humilitas grata est Deo. Noui fratrem in Domino, qui quodam in loco quietam ducebat vitam, sub magna obedientia, acciditque illo in loco fratrem diuexari ab impurissimo dæmone: atque * hic quietum illum atque optimum monachum appellans, exclamare cœpit ac dicere (Erat autem in conuentu sub custodia iuniorum) (Ille verò aduersus quem vociferabatur dæmonium, in sua cella desidebat. Vt autem Præfectus multam cacodæmonis agitationem conspexit, accersendum curat fratrem illum, vt patienti deseruiat: qui aduentans, offendit ægrotum nonnihil relaxatum. Et dum cum eo colloquitur, repente ab impuro obsessus dæmone, incepit exclamare ac dicere: Tu iterum huc malè per malam venis viam: mali sunt tui occurfus: mala si dixeris, mala etiam audies. Primùmque tu me eiecisti, atque ligasti per humilitatem tuam. Rufusque ad eum dæmon: Ne extollaris bone vir, ne quæso extollaris, visitandus enim mihi & tu eris, nisi humilitate tua protegaris: nam eâ & nunc ego crucior impugnorque. Quòd si igitur ipsi quoque dæmones quantumuis inuiti, confitentur se nihil cum humilitate posse, sed eam timere atque horrere: quare nos tantam illius dignitatem adeò parui facimus? Etenim signum ex ea resplendet spiritale, quod superbi dæmones tolerare nequeunt, Domino dicente: Discite à me, quoniam mitis sum & humilis corde: & inuenietis requiem animabus vestris. Nos verò ad ipsum dicamus: Tibi gratiarum actio Domine, vniuersorum Regi & Deo, quia factus es nobis via salutis. Tu Domine, etiam dæmones refrænas, & eruis ex omni malo in te sperantes. Pro me porro non desistatis precari, vt apud Dominum inuenire merear misericordiam, quando angustia illæ me obsederint, & mortis suffocatio: & non confundar, quando reuelauerit Dominus abscondita tenebrarum, manifestaueritque consilia cordium. Væ confusis in hora illa. Dominus autem Deus omnipotens, qui scrutatur omne verbum, vestri pariter ac nostri misereatur, secundum multitudinem miserationum suarum: singulorumque nostrorum nomina inscribenda curet in regno suo

* al. atque
sic.

Matth. 23.

1. Cor. 4.

PARÆNESIS IV.

Ad Monachos nouitios.

* *al. attune
ipforum
attendas
sermoni-
bus.*

Psal. 15.

Matth. 13.

Charissime, si seculo renuntians, ad fratres ingressus sis, inciderisque in cœnobium complurium fratrum, cum ijs viuere, & Domino nostro Iesu Christo seruire cupiens; conspexerisque ibi fratres quosdam immodestè atque incompositè incedentes, aut quæ non placent Deo loquentes: tu * caue, ipsis, aut eorum sermonibus attendas, sine eos loqui sibi ipsis. Qui enim loquuntur displicentia Deo, ipsi in negligentia vitam transigunt, eorumque os loquitur superba: nam cor peruersum suscitatur mala omni tempore. Tu aurem Deum præ oculis habe. Scriptum quippe est in Psal. Prouidebam Dominum in conspectu meo semper: quoniam à dextris est mihi, ne commouear. Et ne te diabolus callidus dicere doceat: Quòd si senes isti improbæ sint conuersationis, ego qui sum junior, quid agam? Sed Dominum audi dicentem; Multi vocati, pauci electi. Saluari igitur exopta, ut sis vnus inter electos. Qui enim malum committunt, siue in cœnobio, siue in qualicunque loco, ipsi filij sunt hostis nequam, adsimilati zizaniis in medio tritici. Esto igitur tu triticum, ut congregeris in horrea Domini, & non instar zizaniorum cõburaris igne inextinguibili. Verùm neque iudicemus quemquam: non enim eius nouimus pœnitentiam; neque si ridentem, aut quid loquentem adspexerimus: cùm nobis exploratum non sit, quomodo in sua cella vitam degat, aut cuiusmodi erga Deum laborem subear. Ideò vnumquemque nostrum oportet sibi ipsi attendere: quia singuli nostrum Deo rationem reddituri sunt. Toto ergo corde tuo, attende psalmodiis, & lectioni diuinarum Scripturarum, & vtilitatem ex iis manantem in anima tua combibe, sicut infans matris sugit vbera. Ex iis quippe virtutum discas præmia: eritque gaudium & exultatio cordi tuo. Mansuetum te præbe, & morigerum, atque prudentem: mansuetum quidem, ut si te vel puer compulerit, sequaris ipsum, & opere tuo confecto, tacens reuèrtere in cellam

lam tuam; ac labris filens, corde ora: obedientem verò, vt castitatem tui corporis, tanquam pretiosam margaritam conserues in Domino. Vestium ornatu non delecteris, & parentum diuitiis non offeraris: Qui enim gloriatur, in Domino gloriatur. Omnis quippe gloria hominis, tanquam flos fœni. Exaruit fœnum, & flos eius decidit: verbum autem domini manet in æternum. Oculos in terram defixos habe, animam verò in cælos. Cum ad adolescentulo nimiam consuetudinem atque amicitiam caueto: cum fœmina verò etiam loqui superfluum ducito. Cum puero verba ne multiplicaueris. Cum ebriis porro, & pugnacibus atque pertinacibus, & inobedientibus, risuique deditis non commiscearis: at in timore dei omni tempore persiste. Ait enim Apostolus: Cautè & sapienter ambulate, redimentes tempus, quoniam dies mali sunt. Propterea nolite fieri imprudentes, sed intelligentes quæ sit voluntas dei. Et nolite inebriari vino, in quo est luxuria. Et rursus: vt is qui ex aduerso est vereatur, nihil habens malum dicere de * nobis. Quoniam deo conuenit gloria in secula seculorum. Amen.

Ephes. 5.

Tit. 2.
* al. de vobis.

PARÆNESIS V.

Charissime, Ecce aliud tibi seruandum commendo * depositum in domino: quod si custodieris, in fine lætitiarum atque iucunditatem tibi retribuet. Si vanâ huius sæculi vitâ abdicatâ, ingressus fueris cœnobium plurium fratrum, cupiens fieri monachus: vide ne te decipiat inimicus, ad exendum Cœnobium tentans, antequam sanctum * monachi indumentum assumas: vt ne ad extremum, te vehementer pœniteat: sed perfer, bona faciens fundamenta, cum omni humilitate. Superuenientes verò atque immixtas ab inimico tentationes ne pertimueris: verùm suffer ac tolera vt beatitudinem consequaris. scriptum quippe habetur: Beatus vir qui suffert tentationem: quoniam cum probatus fuerit, accipiet coronam vitæ, quam repromisit dominus diligentibus se. Cupis autem non succumbere tentationibus? omnem tuam voluntatem abscinde, & requiem obtinebis. Sin verò & bona tibi res videatur, quæ à tuo Præfecto in domino non bona iudicetur; crede illi, in Domino. Nam contentiosum

* al. testamentum nouum in Domino.

* al. sanctâ solitariæ vitæ habitum.

Iacob. 1.

*Psalm. 2.*** al. disciplinam.**a. Cor. 6.*** al. in nobis.*** al. Cum verò iam monachismum inchoaueris, &c.*

esse ac pertinacem proprioque consilio duei, subuersionis signum existit. Nouitius enim cum quis sit & inobediens, contumeliosum probrisque obnoxium sibi nomen conciliat. Dicit enim in Psalmo: Seruite Domino in timore, & exultate ei cum tremore. Apprehendite disciplinam ne quando irascatur Dominus, & pereatis de via iusta. Qui igitur * iustitiam diligit, non peribit: at qui disciplinam auerfatur, sibi ipsi damnum infert. Quemadmodum autem in dolum immitti vinum, simul & acetum nequeunt: sic neque in solitaria vita, virtus simul degere cum dissolutione poterit. Fidemque huius tibi faciat Apostolus: Quæ enim conuentio Christi ad Belial? aut quæ societas luci ad tenebras? Ama igitur modestiam & temperantiam summo opere: vt diuini Spiritus tabernaculum efficiaris. Et quandoquidem vitæ monasticæ habitum ferre meruisti, ne sic quæso cogitationibus consentias; siquidem te à fraternitate separare voluerint: ne fortè à iuuentute tua discas esse vagabundus & instabilis. Vide autem, ne reuerentiam ac pietatem, quam dum ingredereris habebas, deperdas: sed eam ad finem vsque retinere contende. maledicentia autem, vel iusiurandum, nec nominetur in * labris tuis, sicut decet sanctos. Ceterum humilis esto: & in omni tua responsione hoc verbum (ignosce) adhibeto: vt inutiles seculi mores abs te euellas ac destruas, vitamque deo gratam ducens, ab eo laudem obtineas. Veniens * porro ad monasterium, ne aurum, argentum, vestesque desideres: verum cuncta in cælum præmittens, secundum Saluatoris nostri Iesu Christi præceptum, hæc tibi acquire, & vindica: fidem, temperantiam, patientiam atque humilitatem, & reliqua. Et deus ex sua benignitate præbebit tibi. Cui gloria, in seculorum secula. Amen.

Ad Monachos nouitios.

PARÆNESIS VI.

SI quis à magna vani seculi existimatione, ad monachatum accesserit; seipsum à fastus & arrogantiaë damone custodiat oportet: ne in spiritum superbix, & inobedientiæ incidat sibi que ipse detrimentum adferat. Non tibi hæc Cha-

rissime, sit pudor, quòd sub obedientia viuas in Domino, neque quòd propriis opereris manibus bonum. Nam exigua ista angustia & tribulatio, quam Domini causâ toleras, vitam tibi æternam conciliabit. Et quid amplius dicam? Sicut enim, qui drachmam vnâ cum decem millibus talentorum auri commutat: Ita & quæ nunc est tribulatio, parua est ad futuram vitam æternam comparata; ac contrâ etiam, ad futuram tribulationem, quæ improbè ac perditè viuentibus contingit. Exigua igitur præbes, & magna * tibi bona redduntur. Aduigila ergo dilectissime, tanquam bonus miles; & gratiam, quæ in te est, non neglexeris, ne fortè vtrumque in te eueniat; vt & homines contristes, hoc est, tuos secundum carnem parentes; & Deo non placeas. Verùm decerta, vt & videntes te, glorificent Deum super bona conuersatione tua. Scriptum quippe est: Qui timent te, videbunt me, & lætabuntur: quia in verba tua supersperaui. Et rursus: Pax multa diligentibus legem tuam, & non est illis scandalum. Propterea custodi te à superbia, & Dominus pars tibi erit atque munitio. Cui * gloria & fortitudo, in secula seculorum. Amen.

* al. & magna recipies.

Psalm. 118.

Ibidem.

* al. ipsi gloria.

PARÆNESIS VII.

CHARissime, si bona ac pulchra ieceris principia, sic & senectutem tuam Deo gratam & acceptam traducas; erisque instar luminaris, quod multos in via illuminat Domini. Sin autem ab vtero malus & non rectus exieris; * cum ignominia erit & senium tuum. Forte igitur ac validum fundamentum colloca, vt opus in altum ascendat. Ante omnia autem frater Deum time, ipsumque toto corde tuo glorifica: vt & ipse cum omnibus Sanctis suis, te gloria coronet. A iuuentute tua, mansuetissimam * sapientiam acquirito, eamque ad extremum vsque spiritum non relinquito: hæc enim in semitam iustitiæ rectam deducet te, erisque vas electionis à iuuentute tua, & honorabilis senectus tua; obtinebisque laudem apud Deum: & homines in te magnificabunt Dominum. Si igitur à Præfecto, in manus fratris sis traditus, non tibi tacita mentis cogitatione dicere videaris: Ego quidem magnorum & illustrium parentum sum filius: hic autem nul-

* al. ipsam quoque vitam miserè transiges,

* al. mansuetudinē & sapientiam,

2. Cor. 2.

lius existimationis, & mendicorum filius, aut sæpe etiam ex
feruorum turba originem ducit; & quomodo ego huic sub-
esse atque obedire potero? ignominia enim mihi erit, si istud
fecero. Ne talia tecum cogitaueris, dilecte Frater: non enim
prudens hanc cogitationem suscepisti. Nam qui eiusmodi
cogitat, nondum veterem hominem exuit, qui corrumpitur
secundum desideria erroris. Nos autem, dilectissime, tan-
quam à Deo commendati in obsequium concordibus fratri-
bus, sufferamus, vt digni efficiamur hbertate iustorum, men-
te recolentes omnium Dominum, qui propter nos cum es-
set diues, pauper est factus, vt nos illius inopiâ diuites esse-
mus. Charissime, collum iugo ipsius submitte, vt requiem
animæ tuæ inuenias. Quia scriptum est: Immundus coram
Domino omnis qui elato est corde. Quoniam ipsi est gloria,
in secula seculorum. Amen.

PARÆNESIS VIII.

Ad Monachos nouitios, de opere manuum.

* al. dolo-
re.

Matth. 17.

2. Cor. 124.

Opus quoque manuum non negligas: Nam sæpe tibi
cogitatio suggerit, dicens: nunquam manuale istud
opus addiscere poteris; debilis enim es ac negligens, & ope-
ris huius labores sufferre in finem vsque nequibis. Nam ec-
ce tua membra præ * labore defatigari ac frangi cœperunt:
non enim laboribus es assuetus. Ceterum transiens, abi vn-
de venisti: nam & ibi, inquit, si timere Dominum Deum vo-
lueris, saluari poteris. At tu tanquam fidelis, non frangaris
eiusmodi cogitationibus: sed Dominum expecta, qui te ad
suum inuitat regnum, & gaudium. Ipse quippe dixit: Amen,
amen dico vobis, si habueritis fidem sicut granum sinapis,
dicetis monti huic: transi hinc illuc: & transibit, & nihil
impossibile erit vobis. Et nos ergo, charissimi, sustineamus:
non enim in hominem, qui saluare nequeat, speramus; sed in
Deum, qui saluat sperantes in ipsum. Sicut scriptum habe-
tur: Qui confidunt in Domino, sicut mons Sion, non com-
mouebitur in æternum, qui habitat in Hierusalem. Et rur-
sus, beatos eos prædicat Spiritus sanctus, qui sperant in Do-
mino, dicens: Domine deus virtutum: beatus homo qui

ſperat in te. Sufține ergo ô dilecte à domino. Nonne fi literas difceres, vexationem fufțineres? Quòd fi opificium aliquod ſeculi: nonne laborem ſubires? Sed nonne multo magis, cuncta propter dominum ſufferre debemus? Scriptum quippe eſt: Labores * palmarum tuarum manducabis; beatus es, & benè tibi erit. Et Apoſtolus admonet dicens: Operantes propriis manibus, quod bonum eſt: ut ſcilicet non ſolum vobis quod edatis laborando curetis, ſed etiam ex propriis laboribus habeatis, unde neceſſitatem patienti tribuatis. Studium ergo omne noſtrum in eo ſit, ut à peccatis noſtris liberemur. Nam ſi ipſi voluerimus, liberabimur. Ipſe quippe dominus dixit: Perite & dabitur vobis: Omnis enim qui petit, accipit: & qui quærit, inuenit: & pullanti aperietur. Ipſe enim eſt, qui theſaurum pœnitentiæ non deficientem mando dilargitur. Ipſi gloria in ſecula. Amen.

Pſal. 23.

Pſalm. 127.
* vulg. manducabis.
* al. fru-
ctuum
tuorum.
Ephes. 4.

Matth. 7. &
Luca 11.

PARÆNESES IX.

DE ſcandalis porro occurrentibus, nouimus eum qui ait: Nolite iudicare, & non iudicabimini. In quo enim iudicio iudicaueritis, iudicabimini: & in qua menſura meſi fueritis, remerietur vobis, & quæ ſequentur. Ut verò cogitationum adminiculum habeas: animo reuolue, quomodo iuſtus Loth in Sodomis commoratus ſit; ſed nequaquam illorum abductus eſt laſciuiâ atque ſuperbiâ, quare & ſaluatus eſt, ſicut ſcriptum reperitur: Viſu enim atque auditu dum iuſtus inter eos habitaret, quotidie animam iuſtam operibus illicitis torquebant. Sed quid infert, dicens: Nouit dominus pios de tentatione eripere, impios autem in diem iudicii cruciandos ſeruare, & reliqua. Ne ergo hodie continentia, atque clementia: & cras incontinentia atque ſuperbia. Ne hodie vigiliæ, quies atque ſilentium, & humilitas: cras autem ſomnus inſatiabilis, diſtractiones, inobedientia, & his ſimilia. Ne hodie renuntiatio ſeculi, & abdicatio rerum terrenarum, ac valedictio patriæ & amicorum parentumque carnalium, propter ſpem in dominum Chriſtum: cras autem noſtram regionem, & patriam, atque hæreditatem inquiramus, demergentes nos ipſos in plurima mala. Vxor ſiquidem Loth retrorſum conuerſa, in * columnam ſalis mu-

Matth. 7.
Marc. 4. &
Luca 6.

Gen. 19. &
2. Pet. 2.

Genes. 19.
Luca 17.
* al. ſtatui,

Luo. 9.

tata est. Quare & Dominus instruit nos dicens: Nemo mittens manum suam ad aratrum, & respiciens retro, aptus est regno cælorum. Quare semper in mente diem illum habeto, quando exutus omnibus, propter dominum reliquisti seculum, & quando diuino incensus eras timore, feruensque spiritu in dominum: ac idem institutum retine vsque ad finem. Qui enim perseverauerit vsque ad finem, huc saluabitur: ut mercedem laboris referas atque operationis, unâ cum vita æterna. Quoniam ad Deum verum accessisti, omniaque contempsisti, ut Christum Deum lucrificas. Cui gloria in seculorum secula. Amen.

PARÆNESIS X.

*Quòd propter tempus non sit indulgendum torpori
atque desidia.*

- * *al. lubricitatem.*
 * *al. Domini.*
 * *Cor. 7. 23.*
 * *vulg. sedecim annorum.*
 * *Gen. 41. 46.*
 * *Exod. 2.*
 * *Exo. 14. 15.*
 * *Gen. 14.*
- NE etiam ad tempus negligentie causam reieceris: nam quibusdam inimicus* concupiscentiam suggerit, sub prætextu temporis; ut frater vim cupiditatis atque libidinis non ferens, stadium fugiat. At tu charissime, quippe qui* Deo placere studeas, patientem te præbe, atque longanimum; Cum dicat Apostolus: Sed & si potes fieri liber, magis utere. Generationes porro antiquas respice, & vide quò pacto Sancti cuncti per longanimitatem, & patientiam adepti sint repromissionem, & patiens esto. Consolemur ergo, & cohortemur nos ipsos quotidie: ut eorum cohæredes inueniamur in Regno cælorum. Primum quidem Patriarcha Iacob, nonne quatuordecim inferuiit annos propter Rachel, Laban Syro in Mesopotamia, in calore diei, & gelu noctis? Similiter autem & Ioseph dilectus, nunquid multis annis deseruiuit in terra aliena? Sicut scriptum est: Et erat Ioseph* septemdecim annorum, dum oves pasceret cum fratribus suis. Rursusque ait: Triginta annorum erat Ioseph, quando stetit in conspectu Régis Pharaonis. Similiter verò & Moyse, seruus Domini, quadraginta annis incola fuit, ac peregrinus in terra Madian. Et filij Israël per annos quadraginta in terram ingressi sunt promiss.

sonis. Item & Daniel vir præclarus, cum tribus quoque pueris, qui fornacis ignem, rorem per fidem effecerunt; seruitutem, & tribulationes, atque opprobria, in terrâ aliena pertulerunt, quare & * saluati sunt. Nos autem ne minimam quidem molestiam sufferre volumus: nam quia non credimus, patientia longè recedit à nobis. Sic enim dolori teipsum tradidisti, ac si ob alienum deperditum depositum, in captiuitatem abiisses. Alacritatem tibi ipsi adhibe in Domino, & viriliter age tanquam fidelis, ne quando præ multa tristitia firmitatem ac robur animi deperdas, & in fine tepëniteat. Perpende igitur animo, eos qui in exilio, & in metallis, atque acerbissima seruitute torquentur: & subditus esto Præfecto tuo in Domino. Quod si humano more, potius seruitutem reputas, quam propter Deum sustines: quis obsecro vnquam pro Rege, ignominia affectus, non potius iniuriam arbitratur in gloria? Verùm * sæpe fortè dicturus es, quod res laborem in se atque molestiam contineat. Hei mihi peccatori, & seruo inutili: si laborem propter Dominum sufferre nolumus, quorsum è seculo exiuius? Quis, dilectissime, dignus est, ac sic felix, vt pati mereatur pro eo, qui pro ipso est passus? Exigua, charissime, præstas, & magna reportas. Patientia porro nobis est necessaria, vt Dei voluntatem facientes, promissiones eius consequamur. Qui enim in finem vsque perseuerauerit, hic saluabitur. Quoniam ipsi conuenit gloria, atque potentia, Patri, & Filio, & spiritui sancto: nunc & semper, & in secula seculorum. Amen.

Dan. 3.

* al. insti-
ficati sunt.* al. sed fre-
quenter via
dicere.Matth. 10.
24.

PARÆNESIS XI.

Quòd frangi atque deficere non oporteat.

NON frangaris, ac dissoluaris, Frater, à * cogitationibus inuadentibus: principitū enim est certaminis. Perdisce autem ex pluuiali lacu: quando enim pluerit, & benedictio aquæ in lacu collecta fuerit, in initio quidem turbata est aqua; quanto autem diutius perstiterit, purior redditur ac clarior. Ne abijcias animum, ô dilecte. Scriptum quippe est. Torrentes iniquitatis conturbauerunt me. Rursusque

* al. Ne frā-
gari à cō-
spectu in-
gruentium
cogitatio-
num.

Psalm. 27.

*Psal. 87.**Psal. 117.*** al. euelle
ac dele.**Joan. 15.*** al. ad co-
gnitionem
voluntatē-
que cœlestē.**1. Tim. 1.*

in alio dicit Psalmo: Repleta est malis anima mea, & vita mea inferno appropinquauit. Ideoque dicit: Dominus mihi adiutor: & non timebo, quid faciat mihi homo. Quando ergo obrepserit menti tuæ praua cogitatio, cum lacrymis ad Dominum exclama, dicens: Domine propitius esto mihi peccatori, & da mihi veniam benignissime: malumque à nobis Domine funditus * depelle. Cordium enim scrutator est deus, & nouit cogitationes quæ ex maleuolo animo procedunt, nouitque suggestiones quæ nobis à dæmonum amaritudine inferuntur. Hoc autem scito, quòd quantò certaueris, & sustinueris in seruiendo Domino: tantò purior tibi mens redditur, & cogitationes. Ait enim dominus noster Iesus Christus: Omnem palmitem in me non ferentem fructum, purgabo eum, ut fructum plus afferat. Velis modò saluari: quoniam Dominus amat, & adiuuat eos, qui ut saluentur, sunt solliciti. Audi porro & Parabolam aduersus turpes & sordidas cogitationes: Vua dum ex vite fuerit vindemiata, & in torcular proiecta atque calcata, vinumque suum dederit, & in vasa immissa; tantum in initio vinum ebullit, quantum ab ardentissimo labro succensum est, ita ut & vasa quantumuis præclara non ferentia violentiam, præ contentione atque vigore rumpantur & disfluant: Sic quoque hominum cogitationes, quando ex vanissimo hoc seculo, eiusque solitudinibus transferuntur ad^m cælestia. Siquidem dæmones zelum non ferentes, multifariam hominis mentem perturbant, turbidam ei euerfionem admisce-re volentes; ut si vas obnoxium ac fragile inuenerint, mox perfodiant illud, hoc est, animam infidelem, & vacillantem, ac duplicem. Sunt enim dæmones lupis rapacibus similes, qui obeunt monachorum cellas, ianuam sibi apertam inquirentes, ut intro insilientes, animam ipsis obedientem corrumpant atque occidant: Sin autem ostium repererint oclusum, in faciem suam mœsti concidentem, recedunt: dico autem de anima, in fide fundata. Ne ergo timeas, neque verearis à versutia & calliditate eorum: non enim tibi nocere poterunt, Christum adiutorem habenti. Ait quippe Apostolus: Non enim dedit nobis Deus spiritum timoris: sed dilectionis, & sobrietatis. Quin & ipse Dominus ad suos dixit discipulos: Videbam

Saranam

Satanam sicut fulgur de cælo cadentem, & ecce dedi vobis potestatem calcandi supra serpentes, & scorpiones, & super omnem virtutem inimici, & nihil vobis nocebit. Ite circo charissime, viriliter age, & confortare in Domino: quia in æternum misericordia eius. Si porro etiam nobis parentum secundum carnem, memoriam adducunt: dicamus ad eos, melius esse parentes contristare, quàm Dominum. Quod si diuitias quoque nobis in medium attulerint, ad eos dicamus: Scriptum est: Thesaurizas, & nescis cui congregabis ea. Ac rursus: Simul insipiens & stultus peribunt, & relinquent alienis diuitias suas: vt mihi quidem peccata ac culpas, aliis verò * pecunias; non expedit mihi hoc: est enim malitia multa. Ideo, neque thesaurizare in terra edocti sumus, vbi ærugo & tinea demolitur, & fures perfodiunt atque furantur: vbi enim est thesaurus tuus, ibi & cor tuum erit. Benedictus autem Deus, qui fortitudinem nobis aduersus hostes inuisibiles elargitur. Cui gloria, in secula seculorum. Amen.

Mat. 6. 23

Luc. 12.

Psal. 48.

* dona ac munera.

Matth. 6.

PARÆNESIS XII.

De animi promptitudine ad omne opus bonum.

DEcerta Frater, tanquam bonus miles Christi, donec adhuc tempus suppetit, quia non super corruptibili corona tibi certamen propositum est. verum de peccatorum expiatione, & vita æterna. Vindica ergo tibi in cunctis operibus tuis humilitatem, matrem obedientiæ: projice autem abs te animi duplicitatem, & in omnibus fidem induere, vt Dominus cernens animi tui promptitudinem, confirmet te in * omni opere bono. Vehementer porro ignauiam, & contentionem detestare, cum omni * astuto consilio, & inuidentia: quippè qui propter Dominum reliquisti parentes tuos secundum carnem, amicos, & facultates. Nam si ab initio, in cogitationibus improbis relaxatus fueris; molestiam consequeris & damnum. Si ergo aliquando acciderit nobis, vel modicum amore Christi, laborare, vel etiam supra vires: ne obmurmurauerimus. Nam qui murmurat, seipsum declarat, non ex proprio labore institui-

* al. in cunctis.

* al. peruer-
sa; volunta-
te.

* *ad. infir-
mioribus.*

to ac voluntate. Tu igitur tanquam prudens, ne contende-
ris cum * negligentioribus fratribus, neque zelaueris eos qui
absque timore Dei vitam traducunt: illud certò sciens,
quòd qui cadit, sibi ipsi decidit: & qui vincit, coronatur.
Noli ergo litigare cum fratre: non enim nosti, an morbus
aliquis eum diuexet, quem tu ignores, & huius causâ im-
becillior sit: cùm eidem nos potius oporteat compati, so-
latiumque præbere, atque adhortari, & nequaquam exa-
gitare, quasi perturbationum experteres. Tu ergò bonum
certa certamen, conscius ad quænam exieris: nunc enim
tempus tibi commodum, aptumque est propositum con-
gregandi diuitias indeficientes, per ministerium & fructum
quem facis erga fratres. Quapropter charissime, si à sterco-
ribus intimas * ædes vindicas ac reprimis: intrinsecus etiam
mundanas concupiscentias comprime. Et si cineres coqui-
næ purgas atque aufers, multa cum humilitate opus perfici-
to, memor Prophetæ dicentis: quia cinerem tanquam
panem comedebam, & potum meum cum fletu miscebam.
Considera etiam simul dilectissime, corruptibilem ignem,
& perpende animo flammam illam æternam, quæ pecca-
tores deuoratura est: ac deplange peccata quæ commisi-
sti, pariter autem & pro me peccatore: vt remissionem no-
bis peccatorum largiatur Dominus. Quem decet omnis
gloria, & fortitudo, in secula seculorum. Amen.

Psal. 101.

• PARÆNESIS XIII.

Commonitoria est ad Humilitatem.

* *ad. mona-
cho.*

Philip. 3.

FRater, si post abdicationem vanæ vitæ, ingressus sis
cenobium plurium fratrum, & à Præfecto traditus fueris
alteri * fratri, qui te virtutum præmia doceat: ne tibi contra-
ria videatur dicere dignitati tuæ, aut agere; dum tu tecum
quæ non conueniunt cogitas, dicisque: Ergo quidem diuitias,
domos, agros, seruos, & ancillas reliqui, omniaque vt ster-
cora arbitratus sum, vt Christum lucrifacerem: hic verò
cum nullius rei dominus esset, sæpèque etiam ex necessitate
ad hoc venerit, huius ego subijciar, vt & in eiusmodi vi-

itatem redigar? nunquid huc me compulit fames? Noli
 charissime, talia tecum mente voluere; cùm isti superbia
 pleni sermones sint: sed perpende, quo pacto omnium no-
 strum Dominus Christus, propter nos humiliauerit seipsum, philip. 2.
4. Tim. 2.
 factus obediens vsque ad mortem, mortem autem crucis.
 Intellige quæ dico: dabit enim tibi Dominus in omnibus
 intellectum. Duo athletæ simul ad certamen venerunt,
 quorum alter splendida indutus erat veste; alter autem
 vili ac sordida. Sed nunquid splendidum sibi vestimentum
 adhibet certaminis tempore, athleta in subsidium contra
 aduersarium? aut non potius fortitudinem, artemque cum
 animi vigore, contra secum adfert Antagonista aduersus
 colluctatorem? Aut quomodo ausi simus remissionem no-
 bis priorum peccatorum à Deo efflagitare: si ipsi non obli-
 uiscamur conuersationis pristinae? Aut quo pacto nouum ho-
 minem, qui secundum Deum nobis creatus est, induemus:
 si veterem hominem, qui corrumpitur secundum deside-
 ria, non prius exuerimus? Non enim vetus nouo coalescit,
 cùm dicat Saluator noster: Nemo immittit commissuram
 panni rudis in vestimentum vetus; tollit enim plenitudinem
 eius à vestimento, & peior scissura fit. Ac rursus: Neque
 mittunt vinum nouum in vres veteres: sed vinum nouum
 in vres novos mittendum, & ambo conseruantur. Neque
 sapias secundum veterem hominem, quia scriptum est: Qui Ephes. 4. &
Colos. 3.
 vult inter vos sapiens esse in hoc seculo, stultus fiat, vt sit
 sapiens. Sapientia enim huius mundi, stultitia est apud
 Deum. Quocirca humilitatem amplectere, quoniam scri-
 ptum habetur: Quæ apud homines alta sunt, abominabi-
 lia sunt coram Deo. Vt omnia rectè probèque ex virtute
 agens, laudem apud Deum obtineas; coronamque vitæ ac-
 cipias, quam repromisit diligentibus se, in Christo Iesu Do-
 mino nostro: Cui gloria, in secula seculorum. Amen. Matth. 9.
Luc. 5.

PARÆNESIS XIV.

Quòd non oporteat altè sapere.

OPortet porro & eos qui ex misera atque ærumnosa vi-
 ta ad solitariam vitam accedunt, non sublime sapere,
 II ij

neque gloriâ aliquâ extolli : quin potius omnem mansuetudinem modestiâque animi exhibere , memoriâ recolentes , ac simul perpendentes beneficia Domini ; quippe ex cuiusmodi ipsos exemerit turbatione seculi istius , Dominus : ne fortè mente elati , tamque ingrati audiant à benefactore , quod in Psalmo dictum : Et homo cùm in honore esset , non intellexit : comparatus est inmentis insipientibus , & similis factus est illis. Seruiamus ergo Domino , charissimi , magna cum humilitate , omnibus diebus vitæ nostræ. Qui suscitât à terra inopem , & de stercore erigit pauperem : ut & post finem vitæ huius , nos gloriâ dignetur mansuetorum atque humilium. Quia scriptum est : Dominus retribuet abundanter facientibus superbiam. Et rursus : Dominus superbis resistit , humilibus autem dat gratiam. Cui gloria , in secula seculorum. Amen.

Psalm. 42.
Psalm. 112.
Psalm. 30.
Iacob. 4.
1. Pet. 5.

PARÆNESIS XV.

De statu Præpositorum , ac de cura Pastoralî.

FRATER , creditæ tibi sunt animæ ; cingere contende , sicut vir lumbos suos : certamen quippe imminet non exiguum ; siquidem perfectorum est virorum animas suscipere. Quare sobrium te præbe vehementer ac vigilantem : quoniam multam res exigit attentionem ; & non despexeris , verum in omni sanctitate , ac puritate sit vestra conuersatio ad inuicem ; ne fortè ex segnitie aliquid de proprio occultè subseminet inimicus , per ipsius qui morem gerit , obedientiâ. Nā qui terminos castitatis , ac pudicitie transgreditur , & obedientiâ ad voluptatem atque libidinem requirit , non impunitus euadet : nam vinea eius ex Sodomis , & palmes ipsius ex Gomorrha. Cùm dicat Apostolus : qui hæc spernit , non hominem spernit , sed Deum , qui etiam dedit Spiritum sanctum in nobis. Sed neque qui eiusmodi * morem gerit mandato , laudem apud Deum obtinet : quoniam neque Ioseph , neque B. Susannæ imitatore se præbet. Siquidem Ioseph , etiam in seruitutem venundatus Ægyptiæ , non est abductus blanditiis eius , nec mortis minæ dei amicum deteruerunt. Nam cùm aliquando blanditiis iuuenem demulceret , pro-

Deut. 32.
1. Thess. 4.
** al. eiusmodi rem audit.*

mittebat se daturam ei dona plurima: cùm autem eum in sententiam pertrahere nequireret, etiam mortem ac tormenta sæpe est comminata. At iste nihil prius habebat pudicitiam, morigerus alioquin in omnibus: sed istud solum recusabat. symbolum ac notam nostræ vitæ proponens. Similiter autem & beata Susanna mortem potius elegit, quàm peccare coram deo. Magnum porro supplicium sibi conciliat, qui iustum calumniatur. Vnde & Apostolus dicit: Cum metu & tremore vestram salutem operamini.

Valde enim inimicus aduersatur iis, qui virtutum studio sunt dediti, verumtamen conculcatur à fidelibus.

Oportet verò maiores minoribus formam præbere atque exemplum ad omnem virtutem: vt non demus occasionem, quærentibus occasionem. Nam si nos inobedientes simus: quomodo ceteris obedientiam demonstrabimus? Sigulosi, aut ebriosi aut auari: quomodo inferiores nobis, temperantiam, ac patientiam docere poterimus? Si nos temerarij, aut multiloqui instabilesve fuerimus: quo pacto iuniores nobis, grauitatem morum, ac tolerantiam, constantiamque docebimus? Cum dicat Dominus, & Saluator noster Iesus Christus: Qui fecerit & docuerit, hic magnus vocabitur in regno cælorum. Rursusque per Apostolum ait: Exemplum esto fidelium. Sed dices mihi: tamen si ego non faciam, dico tamen quod expedit fratri meo. Et quid prodest nobis charissime, alios admonere, si ipsi contraria agamus? Domino per Prophetam Ezechielem dicente: Vnumquemque vestrum secundum viam * suam iudicabo, dicit Dominus Adonai. Non fecimus? at nunc faciamus. Victi sumus: at nunc ne vincamur. Negligentes fuimus? at verò iam ne negligamus. Deinceps ad Dominum conuertamur. De docendo porro & admonendo nos inter nos mutuò, præceptum à Spiritu sancto habemus: Nam qui conuerterit, inquit, peccatorem ab errore viæ suæ, saluabit animam eius à morte, & * operiet multitudinem peccatorum. Itaque Charissimi, neque nobis conuenit superiores nostros iudicare. Nam scriptum est: Nolite iudicare, vt non iudicemini. Exemplum autem humilitatis, fratres mei, in Samuele Propheta habetis: Non enim exaltatum est cor eius aduersus Heli Sacerdotem, quamuis etiam

Gen. 32.

Philip. 2.

Matth. 23.
1. Tim. 4.Ezech. 18.
33.
al. viam
vestram.

Iacob. 5.

* al. operit.

1. Reg. 2. 3.

1. Pet. 2.

Ibidem.

* al. patien-

ter.

Ibidem.

* al. vobis.

* al. sequa-

mini.

à Deo audisset de viro isto. Admonet quoque Apostolus Petrus dicens ; Non solum bonis & modestis obedite ; verum etiam dycolis. Hæc est enim gratia apud Deum , si propter Dei conscientiam sustinet quis tristitias , patiens iniustitiam. Quæ est enim gloria , si peccantes , & colaphis excepti suffertis ? Sed si bene facientes , & * patientes sustinetis : hæc est gratia apud Deum. In hoc enim vocati estis : quia & Christus passus est pro * nobis , nobis relinquens exemplum , ut * sequamur vestigia eius , qui peccatum non fecit , nec inuentus est dolus in ore eius , qui cum malediceretur , non maledicebat : cum pateretur , non comminabatur : tradebat autem iudicanti se iniuste. Salutem ergo nostram curemus charissimi , prompti atque parati ad poenitentiam ; in omni verbo quodcunque audierimus : potissimum verò , à præfecto in Domino , semper ei respondentes : Ignosce. Nam quemadmodum aqua exstinguit ignem : ita poenitentia pura restinguit iram , & auertit furorem. Fidemque tibi faciat * Quinquagenarius Eliæ temporibus , qui cum Prophetam humilitate ac summissione placasset , ab ira liberatus est. In cunctis igitur obedientiam cole dilectissime in Domino : ut cor tuum ab omni superbia alienum , ac humile cernens Dominus , te exaltet. Sermones porro eius ad finem usque custodi , & ne despexeris locutionem oris ipsius. Eritque nobiscum , qui ait : Vbiunque duo vel tres congregati in nomine meo , ibi sum ego in medio ipsorum. Ipsi gloria , in secula seculorum. Amen.

* al. Centurio.

* Reg. I.

Matth. 18.

PARÆNESIS XVI.

* al. Denō
gravando
subditos
atque obediētes.

Qualem oporteat esse Præfectum : & de Obedientia , admonitio.

Paulatim ac per partes ædificatur ciuitas , & cum gubernatione oritur bellum. Nequit inexpertus , sicut exercitatus , arcum ac telum tenere , nequitque puerulus sicut vir currere. Si puero onus supra vires imposueris , nocebis ipsi : Et si instruere eum omiseris , nequam & inutilis euadet. Sic quoque novitium Monachum cum iudicio & discretione

gubernare oportet: & non per inanem gloriam imponere ei onus, neque rursus despiciere animam ipsius. Ceterum instar prudentis perpende tecum quomodo Superiori tuo ipse subiectus fueris: atque ita paulatim ac per partes præbe ei exercitium. Sed neque affectione * alicuius avaritiæ, fratrem ad opus impelle: quoniam cordium scrutator est dominus. Verum tanquam apud deum, retributionem te accepturum sperans, doce ipsum virtutum præmia, ac castæ religiosæque vitæ virtutem, & conuersationem. Si igitur post adimpleras vigilas, & consuetam regulam, vigilare ipse priuatim volueris; subditus autem, paululum dormire cupierit, requiem ipsi concede: non enim (vt antè dictum est) potest puer currere, instar perfecti atque adulti viri. Et si infirmo sit corpore, ne spernas æque reijcias eum; sed compatere & auxiliare ipsi patienter atque longanimitè: super ipsum vt prudens agricola, plantam inferens bonam, in agro ipsius. Omne porro studium adhibeas, vt corpus * eius hostiam exhibeas viuentem, ac bene placentem Deo, vt non cum ijs iudicemur, quos Apostolus accusat, dicens: Speciem quidem habentes pietatis, virtutem autem eius abnegantes. Omnem igitur bonam edoce actionem, eum qui sub obedientia viuit. Quia scriptum est; Si pretiosum ex * indigno eduxeris, quasi os meum eris. Si enim præceptores huius seculi, non respuunt molestias infantium animarum; neque recusant cum pueris conuersari, propter mercedem quam ab hominibus expectant: quanto magis oportet perfectos, propter Dominum tolerare imbecilles? Scriptum quippe est: Hæc verò dicit Dominus: Beatus qui habet semen in Sion, & domesticos ac familiares in Hierusalem.

Ipsæ autem, charissime, vide ne reijcias Patrum, qui te genuerunt in Domino, adhortationes. Ait enim Apostolus: Obedite præpositis vestris, & subiaccete eis. Ipsi enim perui-gilant pro animabus nostris, quasi rationem reddituri: vt cum gaudio hoc faciant, & non gementes: hoc enim non expedit vobis. Ideo in Psalmo ait Propheta: Corripiet me iustus in misericordia, & increpabit me: oleum autem peccatoris non impinguet caput meum. Si enim qui secundum carnem ægrotant, suæ vim inferunt naturæ, vt seruent quæcunque ipsis præscripsit medici: nonne multò nos magis

* al. aliquo contentio-nis vitio ac animo.

* fort. tuū.

2. Tim. 3.

Hier. 17.
* al. ex villi.

Psal. 31.

Heb. 13.

Psal. 140.

deceret morem ijs gerere, quibus cura animarum nostrarum est credita? Cupiamus porro etiam Spiritus sancti ediscere mandata. Nam qui mundi istius præceptores atque interpretes agunt, studiosè in lectionem sapientiæ, quæ non est, incumbunt: cùm sapientia mundi huius stultitia sit coram Deo. Quantò magis meditari nos decet, atque perdiscere ad salutem animarum nostrarum, eloquia Dei. Quin & Spiritus sanctus beatificat eos, qui exquirunt testimonia ipsius dicens: Beati qui exquirunt testimonia eius: quia in toto corde exquirent ipsum. Et rursus in alio ait Psalmò: Beatus populus, qui scit iubilationem. De quo & Apostolum audi dicentem: Omnis autem disciplina in præsentem quidem videtur non esse gaudij, sed mœroris; postea autem fructum pacatissimum exercitatis per eam reddit iustitiæ. Quoniam ipsi conuenit gloria in secula seculorum. Amen.

*Psalm. 22.
Heb. 12.*

PARÆNESIS XVII.

FRATER, dignus es habitus sancto indumento monastico: ne extollaris aduersus expectantes, in futurum annum. Non enim videri aliquem primum esse, virtus est: sed ad finem vsque tolerare. Neque videaris tibi dicere apud te ipsum, assumpto habitu, iam à laboribus sum liberatus: imò nunc multò ampliùs in virtutum labore occupari debes, ne tibi ipse damnum inferas. Adhuc enim sæpe etiam Superiore ac moderatore cogente, tuam salutem non neglexisti. Nam adhuc in exteriore versatus es tholo, seu camera: nunc verò in interiorem tholum ac domum introisti. Ne igitur te ipsum neglexeris, vt non perdas labores tuos, sed vt mercedem potiùs tuam recipias. Ex hoc enim tempore, apparet tuum quietis ac silentij studium. Ex hoc tempore, tua apparet patientia. Ex hoc, tua apparet humilitas, & mansuetudo, ac morum grauitas. Ex hoc, tua apparet monastica exercitatio, & tranquillitas ac pacificus vitæ status. Ex nunc, tua apparet probatio; & num saluari expetas. Ex nunc, desiderium tuum apparet, & occultarum cogitationum consilia. Ex nunc, tuus apparet labor ac studium, & castitas, atque tranquillitas. Ex nunc apparet, qualem inire viam desideres: an latam, & amplam quæ ducit ad perditionem; an angustam
& ar-

& arctam, quæ ducit ad vitam æternam. Et quidem in lata via, hæc sunt: temeritas, distractiones, ingluuies ebrietas, luxuria, lasciuia, contentio, excandescencia, inflatio atque superbia, & instabilitas, ac his similia; quæ consequuntur, infidelitas, diffidentia, inobedientia, omniumque malorum vltimum, quod est desperatio: & qui in istis versatur, à via veritatis aberrat, sibi quæ ipse propriam perditionem conciliat. In angusta porro & arcta via, sunt ista, quies atque silentium, continentia, temperantia, mansuetudo, charitas, gaudium, patientia, pax, humilitas, & hisce similia; quæ consequitur vita immortalis. Cum ergo iam cognoueris, charissime, quæ in lata & spatiosa lateant via, recede ab ea, vt vitam æternam accipias. Si enim à iuuentute tua per semitas iustitiæ incesseris, etiam exitus tuus in pace erit. Sin verò ex nunc per * obliquum ambulare inceperis, postremum lugebis amarè. Quòd si conspexeris eos, qui absque timore Dei vitam agunt, crassos & pingues, ac corpore sanos: ne opera eorum timoris Dei expertia imitatus fueris. Quid enim melius fuerit, paucos dies in delicijs versari, & carnis desideria perficere, vitæque æterna priuari: an verò modicum angustijs premi, & effugere iudicium atque supplicium sempiternum, stridoremque dentium: ac cum Christo, vitâ in perpetuum perfrui sempiternâ? Valde te ipsum custodi à licentia & vitæ libertate: ne fortè multiloquio, & impudentiæ inseruias, teque dæmonibus ridiculum præbeas, ac denique à fraternitate te etiam detorqueas, atque abrumpas. Non tantum * asini syluestres deuastant frumentum; quantum nimia libertas corrumpit labores Monachorum. Præcinge igitur te ipsum pietate ac reuerentia, & humilitate, ac patientia, in patientia * veritatis. Admone te ipsum & cohortare, dicens: Et si monasticum assumpsisti habitum, monachi tamen mores nondum didici. In his igitur permanebit humilitas tua. Confidente porro te in silentio ac tranquillitate cellæ tuæ, recollige cogitationes tuas, & dic tecum, corde: Nonne ô homo, mundum reliquisti, & parentes carnales, atque amicos, & ciuitatem, & patriam, ac diuitias Domino tibi cooperante? Quæ porro erit utilitas, siquidem etiam huc profectus, agas ea, quæ aliena sunt à salute; peccetque coram Domino, nudum & otiosum no-

* *al. per viâ latam,*

* *al. onagri,*

* *al. in vera patientia,*

men circumferens, dum à familiaribus & amicis prædicaris beatus? Aiunt enim: Beatus ille est, quoniam mundum istum auersatur, & gloriam ipsius, ac fallaciam eius & non ampliùs quidquam rerum curat terrenarum: secessit enim, inquiunt, & factus est Monachus. Et ecce tu hîc non monastico ritu ac more vitam degis. Cuiusmodi ergo confusio nos occupabit, si qui beatos nosiam prædicant, iidem nos præcesserint in regno cœlorum? Aut qualis quantusque timor ac tremor nobis obueniet, dum fletu comprimemur amaro: si qui felices iam nos censent, genuque nobis flectunt, ac dicunt: orate pro nobis peccatoribus, serui Christi: si, inquam, ipsi reperti fuerint in quiete ac refrigerio; nos autem propter delicta nostra in ærumnis & angustijs? Quapropter charissimi, sobrij simus & vigilemus ad Dominum, obsecro, donec tempus suppetit: & non efferamur, neque distrahamur fraudibus seculi huius. Nam mundus hic tranîit, & concupiscentia eius, ac gloria. Qui autem facit voluntatem Domini, manet in æternum. Cunctas igitur res seculares ac temporales, mentem à Deo auellentes despiciamus: nam vires & pulchritudinem senectus excipit, atque infirmitas. Gloriam & diuitias mors dissoluit, atque corruptio: iustitia autem manet in secula. Bene ergo decerta charissime: ecce enim stadium omnibus apertum est. Dicitque certaminis Præfectus, per Apostolum: Sic currite, vt comprehendatis; Et: Omnis, qui certat in agone, ab omnibus se abstinet. Rursusque ait: Nemo militans Deo, implicat se negotijs secularibus, vt ei placeat cui se probauit. Nam & qui certat in agone, non coronatur, nisi legitimè certauerit. Deus autem & Pater Domini nostri Iesu Christi, donet nobis spiritum fortitudinis, & sapientiæ, atque patientiæ, ad seruiendum ipsi omnibus diebus vitæ nostræ: Cui gloria, in secula seculorum. Amen.

1. Ioan. 2. 17

1. Cor. 9.

2. Tim. 2.

PARÆNESIS XVIII.

De iis, qui de seipsis magnifice sentiunt.

FRATER cur deciperis, correptus à diabolo; vt gradus transilias in quibus nullam capies vtilitatem, tibi ipse honorem acquires? Apostolum dicentem audi: Non enim qui seipsum commendat, ille probatus est: sed quem dominus commendat. Ipsumque Dominum ausculta: Quomodo potestis credere, qui gloriā ab hominibus accipitis: & gloriam quæ à solo Deo est, non quæritis? In teipsum ergo descende charissime, & mente causam reuolue, quare vanissima huic vitæ, & diabolo, ac superbiæ ipsius renuntiaueris: & desine res mundanas sapere. An ignoras, quòd si proximum tuum deprefferis, peccatum committas amoris proprii & inanissimi erroris? Finge porro te promotum esse, & primum ante fratrem constitutum, ac ad maiora per contentionem & ambitionem progressum: quodque fratri tuo submitti ac humiliari nolueris. Nunquid vana ista gloria præsentabit te Deo? Vide frater, ne fortè dum vis primus supra fratrem tuum esse: ibi minimus inueniaris in futuro seculo. Tuncque audias quod audiuit prædiues ille ambiciosus, qui vritur igne illo inextinguibili: Fili recordare, quòd receperis bona tua, in vita tua. Scriptum est: Quæ alta sunt hominibus, abominabilia sunt coram Deo. Nunquid oblitus es dicentis: Qui cupit inter vos magnus fieri, sit vester minister: Et si quis voluerit inter vos primus esse, sit omnium seruus. Cogita ergo quòd mortuus sis mundo, & vita tua est abscondita cum Christo in Deo. Quando igitur apparuerit Christus vita nostra: tunc & vos apparebitis cum ipso in gloria. Ne ergo gloriam humanam dilexeris: non enim permanebit tecum in seculum. Secundum eum qui ait: Omnis caro fenum, & omnis gloria hominis vt flos fœni. Beatior porro, qui inter homines perfectos connumeratur. Quæ enim videntur, momentanea sunt: quæ verò non videntur, æterna. Nam si adhuc humano sensui & elationi, seruis: vanitati res tua obnoxia redditur. Nemo enim potest duobus Dominis seruire. Projice igitur abs te iugum inimici, cha-

2. Cor. 10.

Ioh. 5.

Luc. 16.

Matth. 20.

Coloss. 3.

1. Pet. 1.

1. Cor. 4.

Matth. 6.

Luc. 14.

Iacob. 4.

rissime, omnemque factum ipsius: & subde ceruices tuas iugo suauissimi Domini, & Saluatoris nostri Iesu Christi. Ipse enim dixit: Qui seipsum humiliauerit, exaltabitur: qui uero seipsum exaltauerit, humiliabitur. Et rursus: Deus superbis resistit, humilibus autem dat gratiam. Timeamus ergo charissimi, ne fortè dicat de nobis: Dilexerunt gloriam hominum magis, quàm gloriam Dei. Gloria & magnificètia, omnis principij experiri, Patri, & Filio, & Spiritui sancto. Amen.

PARÆNESIS XIX.

De excitatione animæ, & de bono seruando ordine.

Psal. 118.

Ibidem.

FRater, quando fores tuas noctu frater pulsauerit, ut ad collaudandum & glorificandum Deum confurgas: promptè atque alacriter te erige: ut & negligentiores promptitudinem tuam cernentes, animam suam ad sobrietatem vigilantiamque excitent. Secundùm eum qui dicit: Præuenerunt oculi mei ad te diluculo, ut meditarer eloquia tua. Et rursus: Media nocte surgebam ad confitendum tibi, super iudicia iustificationis tuæ. Quòd si contigerit te profundiore obdormiscere somno, & dæmoniacis districtum teneri uisionibus, postea autem euigilaueris: ne per negligentiam pigeat expergisci, & surgere, atque abire ad Synaxim fratrum. Hoc sciens, quòd sicut qui ad mala pergunt, de gradu atque incessu, ac sermone otioso rationem reddituri sunt, in die iudicij: Sic & de unico bono verbo, & incessu præmium referet, quisquis ad id quod bonum est, concurrit. Noli igitur pigrescere, sed euigila atque expergiscere, & ne intra te dixeris: nunc Synaxis absoluta est atque dimissa, & ego quòd me conferam; Ignauorum enim ista sunt uerba: sed potius è strato mox te erige, proiciens abs te stragulum, moxque tuas ad Deum extendens manus, thronumque gratiæ ipsius adorans, cellam tuam aperi, & ad Synaxim orationis propera, quasi vi eò adactus, & sicut caprea ex laqueis effugiens. Et licet ad posteriores aduentares orationes, saltem ne pigriteris, & adire decretes: uerùm euigila ac surge; poteris enim

post absolutas in communi preces, psalmos tuos fundere in cella tua, quos phantasia subtraxit dæmonum. Neque pigritiæ occasione, suggeras tibi posteriorem esse precationem, charissime: sed postero die, promptior atque alacrior ad opus Domini inueniaris. Nam si absque necessitate, aut infirmitate prætermiseris, audies quod dictum est in Psalmo: Dormierunt somnum suum, & nihil inuenerunt. Illud verò scitote charissimi, quod quantum quis perperam suam foyet carnem: tantò ampliùs in seipso perturbationes ac passiones auget; ipsaque deinde anima à praua consuetudine corporis grauata, inutilis & infructuosa redditur. Icircò ait Saluator: Videte ne fortè grauentur corda vestra, in crapula & ebrietate, & curis huius vitæ. Hinc & Apostolus dicit: Castigo corpus meum, & in seruitutem redigo, ne fortè cùm aliis prædicauero, ipse reprobus efficiar. Si quis autem seipsum ad opus Domini compulerit: tantò etiam magis corpus eius sanum validumque reddetur, & anima illustrabitur. Nam quemadmodum athleta corpus suum studiosè exercet, vt illud ad certaminis artificium, aptum compositumque reddat: Ita & pietatis pugil, seipsum ad omne opus bonum exercere debet. Cùm dicat Apostolus: Te ipsum verò ad pietatem exerce: Nam corporalis exercitatio ad modicum utilis est: pietas autem ad omnia utilis est, promissionem habens vitæ quæ nunc est, & futuræ. Dominus porro nostras excitet animas ad timorem ipsius: Cui gloria, in seculorum secula. Amen.

PARÆNESIS XX.

Complectamur mente ac consideremus Charissimi, eos qui coram Rege constituti sunt terreno, thronoque mortali ac corruptibili ministrant: quomodo omni cū scientia, & timore, Regi suo adsistant: nonne & nos multò magis vt fideles oportet corā Rege cælesti consistere cum timore, ac tremore & cum omni grauitate atque decoro? Propterea non existimo dilectissimi, bonum esse impudenti oculo contemplari proposita mysteria corporis & sanguinis Domini nostri, & saluatoris Iesu Christi. Fidemque huius nobis faciat Diuina scriptura dicens: Tremefactus autem Moyses, dicitur. 7.

2. Reg. 2.

non audebat adspicere. Scriptum est enim: Quicumque honorificauerint me, glorificabo eos; qui autem contemnunt me, erunt ignobiles. Tu enim vt homo contemptularis: at ipse vt Deus, nouit profunda cordis tui, & cogitationes tuas intuetur. Non enim est creatura abscondita coram ipso. Quomodo porro etiam audent quidam relinquere Synaxim, & exire ante finem, absque magna necessitate? Nunquid si vocatus esses ad prandium diuitis viri, auderes ex medio accumbentium surgere, & abire domum? nonne ibi remaneres, donec omnes pariter surgerent? Timeamus igitur fratres, quia scriptum est: Maledictus omnis, qui facit opus domini negligenter. Demus ergo operam, vt in modico hoc seculo atque peruerso, grati & accepti simus Domino; regniq; cælestis euadamus hæredes. Ipse enim est sanctus, & in sanctis requiescit, pusillanimisque patientiam ac longanimitatem præbet: Cui gloria, in secula seculorum. Amen.

Ierem. 48.

PARENÆSIS XXI.

De dormitationum diuersitate.

1. Reg. 2.

VT arbitror Fratres tres sunt dormitationes quæ conturbant hominem noctu: & prima quidem accidit fratri, ex maligni hostis operatione, quando psallere inceperit; sed sine fratris ignauia, nihil potest. Vehementius porro diuexabit, si stomachus fratris, cibo potuq; grauatus fuerit. Secunda ferè suboritur fratri ad medium diuini officij, ex propria negligentia, quando non adlaborat, vt cum fratribus persistat vsque ad expletum canonem: sed in medio Synaxis, alios canentes relinquit, & ad lectum suum pergit. Tertia verò contingere solet fratri, secundum naturam, hoc est, post expletum canonem soliti officij. Propterea patientem & longanimum erga imbecilliores fratres esse oportet, vt non perficiatur consilium inimici. Tu igitur frater, vide ne negligas te sobrium ac vigilantem præbere in omnibus. Nonne audisti, quod sapius vocatus Propheta Samuel, neque semel cunctatus sit surgere, quantumvis adhuc puer esset? Cum ergo inter alios fratres, in

officio constiteris: siue etiam per te solus ad laudem & glorificationem saluatoris nostri Iesu Christi, & prima te dormitatio infestaret, re animaduersa, resiste: ne fortè pigritantem te, vacuum & inanem, ad lectum strati tui auertat. Verùm patienter sustine, & si te inuasit, oculisque te conuiuere cogat, & semel & iterum, ne te tuo dimoueris loco, & inuenies requiem. Similis quippe est perturbatio ac passio insatiabilis somni, ingluuiei ventris. Nam si quis multa comedere sit solitus, multa quoque natura requirit: at si temperantiæ se assuefecerit, non multum vorare appetet. Perpende tecum animo charissime, piscatores, qui totam noctem transigunt in vigiliis, propter opus incumbentes. Si quis verò ipsorum, somno grauatus, ex negligentia dormierit, quando à somno experrectus est, videt se nihil prehensisse; eos verò qui vigilarunt & attenti fuerunt, domui suæ ipsorum quemque consuluisse. Tunc pœnitere atque dolere secum incipit, ac dicere: Hei mihi peccatori, & negligenti ac pigro, quoniam per negligentiam obdormiui: cùm & ego laborare ac satagere, vt sodales mei debuissẽm, frugique esse ac domui prospicere; verùm nunc negligens, ecce vacuus & inanis in domum meam reuertor, nihil manibus retinens. Dormierunt enim, inquit, somnum suum, & nihil inuenerunt. Reuolue etiam mente, charissime, figulos, & fabrilem artem pertractantes, inueniesque illic laborem immensum, & vigiliam valde magnam, atque patientiam. At nos quorum corpora, neque fumo, vel cinere, ac puluere vexantur, neque aliud quidpiam simile sustinemus, sed consistentes in loco mundo & sanctificato coram Domino deo nostro, in grauitate & pace multa, in psalmis & hymnis, canticisque spiritalibus, in spiritali exultatione & spe bona, cur torpescimus dilectissimi? quod enim est tempus nostrum super terram? Ecce Propheta clamat: Homo vanitati similis, dies eius sicut umbra prætereunt. Noli ergo contendere tecum, qui ignauus sum & patientiam deperdidi; istud exactè sciens, quòd qui sobrium ac vigilantem se præbet, ipse lucrum ac quæstum sibi faciet: qui autem segnis fuerit, is damnum patietur. Nam vnusquisque nostrum, pro seipso rationem daturus est Domino

Psal. 75.

Psal. 143.
Job 8.

Rom. 14.

Deo. Ego quippe noui inexcusabilem me esse ex operibus: nam alios admonens, in eadem cum ipsis inertia perseuero. Ideo vos precor serui fideles saluatoris, deprecemini pro me peccatore Saluatorem nostrum Christum, Regem virtutum ac potestatum, vt deleat multitudinem peccatorum meorum, secundum multitudinem miserationum eius, saluetque in Regnum ipsius caeleste, vt benignissimus Deus. Ne ergo pro lucro duxeris somnum, corporisque quietem: At lucrum est ac requies, seipsum ad opus Domini semper compellere. Quocirca cogamus nos ipsos dilectissimi: vt adueniens Dominus, comperiat nos vigilantes, suaque nos beatitudine dignetur. Ipse enim dixit: Beati serui illi, quos cum venerit Dominus ipsorum, inuenerit vigilantes. Inuicem ergo nos cohortemur, inuicem admoneamus, ad timorem Domini. Mutuam alacritatem ad laudandum & glorificandum Dominum Deum nostrum, & Saluatorem Iesum Christum, excitemus, vt & ipse nos resuscitet cum omnibus qui dilexerunt aduentum ipsius: nosque ex dextris suis constituat in Regno suo. Cui gloria in secula seculorum, Amen.

Luc. 12.

2. Tim. 4.

PARÆNESIS XXII.

De iis qui ab initio negligentes, ac sine cura sunt.

SI acciderit Fratrem aliquem ad Monasticam ac Solitariam vitam quacunque occasione venire, & non se sobrium vigilantemque praeberit, protinus & è vestigio deuorabit eum diabolus. Incipit enim improbus suggerere ipsi, & dicere: Quid iam vis in virtutibus labores subire, & tibi negotium faceffere, ac miseriis affligi, absque remuneratione aliqua? Nunquid enim tua voluntate atque iustituto ad monachatum accessisti? Nisi enim illa tibi res euenisset, & necessitate constrictus fuisses, nunquam sanè monachus factus esses. Ne igitur modò frustra affligaris atque te excrucies, cum neque in hoc Deus gratias tibi habeat. Ista fratri suggerit inimicus, cupiens, ipsum in desperationis profundum praecipitare. Tunc igitur frater, non discernens in seipso beneficia Domini, seipsum desperationi tradit,

tradit, mente occæcatus; incipitque deinceps in negligentia atque ignauia vitam traducere, & absque timore Dei, paruis ac magnis æquè resistendo, & insatiabili somno perfruendo. Et si quid vnquam fecisset boni, dolendo, damnique loco illud reputans, assiduè obmurmurat, & seipsum deplorat prorsusque perditioni se se tradit: & pro eo, quòd se virtutum laboribus tradere vehementius ac diligentius debebat, contraria admittit & agit, non secum dijudicans reputansque beneficia Domini. Et pro eo, quòd secum dicere debebat: O anima, quàm multi per multa ieiunia & eleemosynas, promeruerunt ad eiusmodi vitæ religiosæ institutum venire: ego verò in negligentia omne vitæ meæ tempus dum transigo, etiam Dominus me eiusmodi dignatus est felicitate, vt ad sanctam honorandamque hanc vitæ rationem, ac omni distractione carentem peruenire possem, multorum peccatorum meorum immemor. Cur ergo & nos, ô anima, non damus operam, vt digna pœnitentiæ opera agamus, ne duplicatum in his supplicium inueniamus, tanquam diuinam gratiam aspernantes, & beneficiorum ipsius non recordantes. Audi porro & Parabolam ad ista: Erat quidam diues in regione quadam, emitque possessionem sibi vltra fluium, & proprios aduocans seruos, confestim peregrè profectus est, diuidens eis possessionem, singulis pro sua libera voluntate attribuens. Dixitque ad eos: Abite singuli vestrum in partes proprias, & operamini in iis, donec veniens conspexero opus vestrum. Et quidam eorum inuenti grati, & amantes herum suum, non immorgeri imperatis sui domini exstiterunt, sed mox fluium traijcientes, operati sunt in possessione domini sui: alij verò ex ipsis inobedientes & duræ ceruicis, contradixerunt domino suo, dicentes: Nos vocem tuam non auscultabimus, & fluium non traijciemus, neque in tua possessione laborabimus, & in omnibus hisce non succensuit ipsis dominus eorum. Tunc præparat diues ille seruis potulenta; & inebrians immorigeros seruos, imperauit aliis seruis vt illos traijcerent: qui cum eos traiecissent, collocarunt singulos in agri parte, quam illis eorum dominus attribuit. Et postea vnus ex iis ad se rediens, seipsum vltra flumen comperit translatum, in possessionem quam ei suus exercendam dederat dominus. Obstupuitque

seruus ille propterea, & dixit intra seipsum: Si ita me diligit dominus meus; cum enim inobediens ei fuerim, non est iratus, sed patienter tulit, ac per ingentem fluuium istum atque vehementem, velut per somnium me traduxit, & in parte mea me constituit. Quare & ego rectè laborare incipiam in possessione eius, memor beneficiorum ipsius in me collatorum. Incepitque seruus ille cum diligentia operari, ita vt reliquos anteuerteret qui ante ipsum inceperant. Postea & alius expectatus seruus inuenit seipsum vltra fluuium in possessione domini sui. Malus autem ac durus cum esset, dixit intra se: Ecce, inquit, per fluuium hunc magnum ac rabidum, traiecit me, tanquam per somnium: ego autem agrum eius incultum relinquam, & videbo quidnam facturus sit mihi. Rursusque reclinans seipsum piger seruus obdormiuit: ipsoque dormiente excreuerunt spinæ, herbæque syluestres, & obtexerunt eum. Post multū verò temporis, venit dominus seruatorum illorum ad videndum cuiusque opus: cernensque eorum, qui antea inceperant, opus, benedixit ipsis. Deinde iterum ad seruum, quem ipse per fluuium transfulerat veluti per somnium, reuersus, aspiciensque pulchrum ipsius opus, lætatus est in eo, & benedixit ipsi. Postea venit visurus pigrum seruum, opusque illius: & adueniens offendit eum dormientem, & spinis herbisque syluestribus obtectum. Aduocansque eum dominus suus, dixit comminatoriè ad ipsum: Serue nequam, ac piger, cur incultum meum reliquisti agrum? an ignoras quomodo te quasi in somno traduxerim per flumen: & in eadem parte quam compartitus sum tibi, reposui te; neque sum minor prioris iniuriæ tuæ atque contumaciæ in me demonstratæ? Nonne oportebat & te imitatoremi tui esse conserui, quemadmodum & eum per flumen traduxeram? Tunc nullam seruus ille excusationem inuenit, in die tremenda. Tuncque ipsorum dominus cum iis fecit, secundum vniuscuiusque actionem. Dico autem, diuitem illum esse Dominum Christum: possessionem verò, fidem. At ebrietatem, casuum incommodum, & calamitatem. Violentum porro fluuium, fraudem atque deceptionem, ac diuitias huius seculi. Promptos autem seruos, viros iustos. Eum verò qui ex ebrietate se collegerat, & operari cœperat, hominem peccatorem, qui ex

infortuniis, & calamitatibus ad se rediit, & ad Deum recurrit, ac voluntatem Domini fecit. Piger verò seruus est homo qui aspernatus est gratiam Dei, suamque neglexit salutem. In cunctis autem istis, Saulum considera. Hic enim acceptis epistolis à principibus sacerdotum, abiit in Damascus, persecuturus ac vinculis constricturus credentes in Dominum. Quique exierat, euersurus fidem, ipse fidei prædicator inuentus est. Multæ enim miserationes domini, in omnes qui in veritate inuocant eum. Ipsi sit gloria in secula seculorum. Amen.

PARÆNESIS XXIII.

De Nouitiis laborem fugientibus.

NOuitios in cœnobiis Monachos variè oppugnare solet inimicus: nam aliquibus odium & alienationem suggerit in labore atque exercitio manuum. Et quo pacto? Dicam diuinâ adiuuante gratiâ. Manè surgit frater, orationem sibi facturus in cella sua. Deinde arrepto opere, infert ei tunc honestatis inimicus dæmon cogitationem acedix: & si obueniens acedia resisteret frater, operando & se exercendo; tunc acedix spiritum Diuinæ gratiæ auxilio repelleret. Nam ingruente ipsi acedia, non resistit ei per patientiam: statim enim cogitationem laxans, incipit secum dicere: Hodie quasi dissolutum ac læsum esse me sentio, & minùs valeo. Quid igitur, quid, inquam, est agendum mihi? Potiùs hodie otiabor, vt paululùm me ipsum reficiam; & cras opus meum persequar, faciamque duorum dierum opus. Interea in otio versatur frater per primum diem, subtrahitque deinde opus vnus diei. Similiterque postero die honestatis hostis dæmon vehementiorem fratri circumfundit acediam quàm die præcedente; in memoriam ipsi præteritum reuocans diem, atque præsentem. Tunc ergo cogitationibus compressus frater, euigilat, & opus suum dimittit, incipitque sæpè opera, quæ ad ipsum non spectant, quasi sua essent, facere: aut etiam ex cella sua eliciens Monachum, efficit vt euagetur. Et in hoc improbus monachum tentat, ex ipsiusmet ignauia atque socordia. Alium porro

2. Pet. 5.

Fratrem aliter impugnatus inimicus : cuius causam ausculta ac sapiens esto & da gloriam soli sapienti Deo : & ubi didiceris , observa , tamquam rectè callens insidias eius ; ut non in laqueos illius incidas. Sicut enim leo rugiens , circuit quærens quem deuoret , cui resiste fortis in fide. Alteri porro Fratri præbet malignus promptitudinem ad opus , vltra quàm oportet ; vnde auaritiæ morbus generatur , indeque anima vulnerata , radice malorum omnium auaritiâ , efficit ut monachus mane summo surgat & ad vespèram producat opus plùs quàm par est : ita ut si fieri queat , & precationem is , & Synaxim negligat , solique operi insistant causâ auaritiæ. Signo verò ad Synaxim & officium dato , omnium vltimus tunc frater occurrit , & ante omnes è congregatione exire conatur. Hæc igitur sciens , serua teipsum , charissime : ne illicitorum errore adductus , propria infirmitate excidas. Et ne protrahamus sermonem , neruis eius per auaritiâ dissolutis , & vigore succiso , incipit rursus improbus suggerere fratri. Tuncque frater non considerans diuexantem eum perturbationem , incipit dicere , inculando opus : Tot iam annos operor in benedicto hoc manuum opere , & neque mercedem refert sicut oportet , nisi quòd laborem habeat immensum ; & ait : melius esse cessare , quàm mala agere : quare vado , inquit , aliam ut addiscam artem , vnde sufficientem consequi possim mercedem , & facillè quæ necessitatis meæ sunt , acquirere ; similiter autem & iste , per propriam ignorantiam à Satana tentatur. Ceterùm vir sciens atque intelligens , omnia cum modo atque prudentia operatur , & sicut oportet : ut precibus & Synaxi suæ vacet , orationeque fidei fortitudinem ipsi præbet , & gratiam in omni opere bono. Nam si occasione operis , animum non suberit aliena cogitatio , & cogitatione quis non abreptus fuerit , siue auaritiæ , & inanis gloriæ , siue amoris sui ipsius , & luxuriæ , atque inuidiæ , siue perfidiæ , & negligentie : siue otij ac segnitiei , ebrietatis , & libidinis , inobedientie , & his similibus : Nisi aliquid , inquam , horum vitiorum quæ dicta sunt , in anima profeminatum fuerit , ac seruituti subiectus exstiterit homo talium affectionum : non est censendum graue opus manuum monachi vrgentis quæ oportet , & quæ sufficiunt. Sin verò aliquas ex passionibus ac perturbationibus

istis anima concupierit, tunc accidit in homine illo, quod scriptum est: A quo enim quis superatur, huic & seruus efficitur. Nam si propter te ipsum operaris, ultra quam conueniat, superaris. Cum verò abundaueris, præbe indigenti in hilaritate: Hilarem enim datorem diligit Deus. Et rursus: Ut & illorum abundantia vestre inopiæ sit supplementum, ut fiat æqualitas, sicut scriptum est: Qui multum, non abundauit: & qui modicum, non minorauit. Dominus autem dirigat corda nostra in timore ipsius: Cui gloria in secula seculorum. Amen.

2. Petr. 2.
Ioh. 8.

2. Cor. 9.
2. Cor. 8.
Exod. 15.

PARÆNESIS XXIV.

Quod diuersimodè impugnantur, qui sub obedientia viuunt.

Diuersimodè impugnantur qui sub obedientia spiritalis patris constituti sunt: Nam si eos viderit inimicus carnalia sapientes, suggerit ipsis cogitationes carnales, dicens: Recede à monasterio, & negotiare aliqua in re ad lucrum. Spirituali porro viro opponit se aduersarius improbus per rectè facta suggerens eiusmodi, dicendo: In seculo, hæc seruilis opera exercebas, & comedebas sicut animalia rationis expertia. Et qualis hæc iustitia, operari & comedere? Ecce enim & per cibum excitatur tibi fornicationis bellum: Et vicissim nisi comedas, laborem ferre non potes. Quin potius huc veni, ingredi in eremum interiorem & saluaberis: Domini enim est terra, & plenitudo eius. Ceterum ferramentum tecum paruum tolle, quo herbas euellere possis, & comedere quemadmodum & antiqui ac primi Monachi faciebant, qui etiam grati acceptique fuerunt Deo. Et quid necesse tibi est hîc desiderare, vbi scandala regnant, & obrektionem, aliæque res quæ non oportet dicere? Quando autem exieris, & nihil istorum habueris: aliam addices artem vnde & sufficientem emereri possis mercedem, ut etiam inopi atque mendico ex tuis laboribus elargiaris. Tales suggerit malignus cogitationes fratri. Tunc suggestori respondet frater, dicens: Ecce discedam ab his qui hîc versantur,

ad quas tamen partes diuertam nescio: vereor ne fortè egressus, si locum non inuenero, iterum huc reuerti cogar. Cui aduersarius: solùm ab his discede, & locus tibi non deerit. Quem enim, inquit, deseruit Dominus, vt te derelinquat? quin & iureiurando affirma, te huc non reuersurum. Quibus responder frater, dicens: Exspectemus ad certum tempus: non enim iam tempus idoneum est, quo nos hinc secedamus. Ad quæ aduersarius: Et quomodo sustinebis ingruentes tentationes in loco isto? Existimasque frater ad maiorem se profectum trahi, assensum cogitationibus præbet, quod omnibus deterius est. Quemadmodum enim in pelago naui, si vel exiguum ipsi foramen acciderit, nisi citò curata fuerit: ex modico illo, talis tantaque magnitudo vndis maris facillè inuoluetur: Ad eundem modum etiam anima excipiens insultus hostium, nisi ad creatorem suum redierit. Sobrietate igitur & vigilantia, multaue humilitate opus est, charissimi. Omne enim malum funditus deletur, perfectæ in Deum charitatis possessione. Frater ergo qui cogitationibus consentit, & vehementius ab ijs deinceps diuexatur, accedit ad Præfectum suum, ac dicit: Pater Abba, fac charitatem, & dimitte me: non enim queo amplius in cœnobio desidere. Quæ audiens senex, incipit contristari, ac lugere vices fratris, quòd illusus sit: cœpitque senex consolari & hortari fratrem dicens: Ego, frater, non dimittam te. Cur verò, fili, dæmones audis, volentes te à fraternitate segregare, & dulci eorum charitate? An ignoras frater, quòd si ex caula ouis non exierit, ea à feris, non capiatur? sed dic mihi, frater: num quis te fratrum contristarit, aut ego ipse? Dic quæso, & ego te curabo in Domino. Et si quis te fratrum molestiâ iniuriæ affecerit, tolera propter eum qui dicit: Alter alterius onera portare, & sic adimplebitis legem Christi. Quorsum autem attendis erratis alienis? Te ipsum potius purum intemperatumque serua. Et si fortè molestus ego tibi fuerim, testis mihi scrutator cordium est Dominus, quòd non ex aliquo tui odio, id sim conatus: sed potius salutis animæ tuæ saragens. Atque ista auribus quidem frater excipiens, interiùs suis interim cogitationibus abstrahitur. Similiter quoque & fratres eum interpellant, dicentes: Ne deferas nos, frater, vnanimiterque condolent ei. Quòd

si persuasum fratri fuerit, & acquiescat: liberatur multis tentationibus atque tribulationibus. Quod si adduci non possit, vt maneat; dicit Præfecto: Non propterea, sed solitarie viuere desidero. Et ne in longum protrahamus sermonem: nisi morem gerat frater, recedit à confraternitate. Egre- diensque monasterio, in quo degebat, circumspicit ad dexteram, & ad sinistram. Quod si mundum spectarit, & in seculum reuerterit, occæcatus mente, dicit intra seipsum: Liberatus sum à solitudine vitæ monasticæ; suumque exitium arbitratur esse sapientiam. similis autem talis est homini, qui sumptâ hydriâ suâ abiit haustus aquam, & tamen hydriam aquâ non impleuit; sed reuersus etiam vas confregit. Talis quoque est qui spretâ gratiâ Christi Domini, de- nuo in mundum ad vitam secularem se conuertit.

Quod si piam frater, ac religiosam mentem obtinnerit, in interiorem ingreditur eremum. Contingit autem vt in senes quosdam incidat qui hospitalitatis virtutem exercentes, fratrem cum gaudio excipiunt. Deinde interrogant, vnde, ô frater? At ille, Huius sum, inquit, cœnobij, fratres. Et acce- diâ circumfundente me in cœnobio, ab eo exiui, nuncque inquiri vbi confideam, & plangam peccata mea. Tunc quo- que Senes illi cohortari fratrem incipiunt, dicentes: Potius ad tuum te confer cœnobium, ô fili, & ibi conquiesce. Ecce enim, vides quantis nos premamur angustijs in locis istis. Au diuimus autem & à Patribus, bona esse cœnobia, maxi- mēque iuuenibus. Et si morem gerens frater, reuertatur ad locum suum, ibique quietam amplectatur vitam: iam mul- tas ac malas tribulationes effugit. Quod si senibus non pa- ruert: interiorem petieremum, & paulatim fames eum af- fligit ac premit; tuncque fratrem tædere ac pœnitere inci- pit. Quin & dæmones ipsum timore atque ignauia exagi- tant, & dicunt: Bene cum fratribus tuis confidebas, quis te disturbauit, atque adduxit in eremum istam? Et cuiusmodi censebitur iusticia, si mala moriaris morte in ista eremo? Tunc magnum fratri incutiunt timorem atque terrorem, tormentaque multa in mente ipsius. Tuncque frater intra seipsum dicere incipit, pœnitentia ductus: Bene mihi inter fratres meos versanti erat. At quis me seduxit? aut cuiusmo- di me dæmon decepit, vt ad eremum hanc horribilem exi-

rem, vbi feræ inhabitant multæ, malæ atque terribiles; Quid porro agam miser, si in manus Barbarorum incidero: ne fortè & in latrones incurram; aut etiam fera aliqua praua occurrat mihi: quin & dæmonia multa in locis istis reperiuntur, nam locus, inquit, desertus est. Et quomodo ego solitariè potero habitare in eremo ista, vbi assiduè spiritus sunt immundi: præsertim verò cùm ego inter plures fratres degere consueuerim? Reuera autem nisi sobrium se ac vigilantem præbuerit, qui vitam solitariam in eremo agit, citò etiam mentem deperdet, quemadmodum & multi id perpeffi sunt. Deinde post eiusmodi cogitationes, incipit secum frater dicere: Eamus habitatum apud fratres, solitariam vitam quietè ducentes. Postea ad solitarios, frater accedit: Excipiuntque eum fratres in pace, tribuunt ei cellam inter ipsos, & assumunt ipsum in Domino, offerrentes ei quantum poterat manus ipsorum. Deinde confidens frater in cella sua, ait intra sese: Paululum nos operari oportet, vt inueniamus quo alamur. Et rursus quid agam: quoniam opificium huius loci nondum didici? Et post aliquot dies, vbi opificij rationem didicit, incipit deinceps distrahi, & conflictari, quippe qui solitariam vitam degat. Quemadmodum enim solitariam vitam ducere solito difficilis atque molesta videtur vita cœnobitica: Ita ei, qui in cœnobio viuere consuevit, molesta apparet vita solitaria. Omne porro lignum à proprio agnoscitur fructu: Et laboribus deditus, ex iuuentute sua. Incipit deinde frater, sæpe distractionibus tentus, pœnitentiâ duci, ac dicere: Ecce distrahor vndique, & neque horarias preces meas persolvere possum, cum cogitationibus quotidie dimicans. Cùm verò in cœnobio versabar, ab omnibus istis liber eram: at cura omnis mea erat in Synaxi ac precibus, & exiguo manuum penso persoluendo. Ac nunc quid agam miser? nam propter mea peccata, ista mihi euenerunt, quia enim immorigerum me Patris admonitioni præbui, ecce multæ tribulationes constringunt me. Præua enim admodum inobedientia Adamum ex paradiso eiecit: & me ex monasterio meo. Et post hosce sermones, accidit fratrem duplici ferri cogitatione, tum bona, tum mala: quarum mala, ei suggerit eiusmodi, dicens: Ecce & cœnobium probasti, & eremum expertus es: & si ad cœnobium redieris, pu-

dor tibi erit, & dedecus: neque verò istud solum: quin & in cœnobijs oppressiones regnant, ac scandala plurima. Rursusque in eremo ista terrores sunt varij, & labor immensus: imò potiùs hinc digressus in mundum abi: nam & ibi, inquit, si Deum timere volueris, saluaberis. An putas solos eos, qui in eremo versantur, saluari? Ceterum si sapuerit frater, respondebit cogitationi eiusmodi, dicens: Si in eremo, vbi magna est quies atque tranquillitas, non permiseris me con- quiescere: quæ non mala aduersum me excitabis, si in mun- dum abiero? Hæc quippe suggerit inimicus, volens ipsum reflectere velut canem ad proprium vomitum. Nam si fra- ter cogitationi consenserit, illico in mundum inimicus abi- git eum. Sin verò fratris anima concupierit salutare Domi- ni, dabit ei Deus cogitationem bonam, in semitam iustitiæ. Talia igitur sunt cogitationis bonæ propugnacula. Ecce, in- quit, & cœnobia probasti, & eremum expertus es. Proba igitur cogitationem tuam: & vbi vides in bonum ædificari animam tuam, ibi persiste. Quòd si etiam hisce in locis quietam degere vitam volueris, sicut & ceteri fratres, qui ibi resident propter Dominum, nequaquam te dominus no- ster Iesus Christus despiciet: sed ipse tui curam geret, so- lùm in timore Dei versare. Sin autem & ad cœnobium re- deundi fuerit animus, hoc etiam melius est. Caueasque ta- cita mentis cogitatione tecum dicere: Ad fratres meos re- uerti erubescio: reputabunt enim me, si ad eos rediero, ran- quam impatientem, & labores eremi ferre nolentem: imò instar segnis alicuius ac pigri militis à belli acie profugien- tem. Verùm non sic, mi frater, non sic: sed tu potiùs, velut probatus pugil, quod dictum est ab Apostolo, explesti & effecisti. Ait enim: Omnia probantes quod bonum est te- nete. En tu vtrumque explorasti atque tentasti, hoc est, so- litarium, & cœnobiticum vitæ genus. Inuenisti bonum & iucundum esse, fratres habitare in vnum, quemadmodum scriptum est: Frater qui adiuuatur à fratre, quasi munita at- que excelsa ciuitas: nam fundati regni instar, fortis est ac potens. Quibus compunctus frater, ad cœnobium reuertitur. Suscipit eum Præfectus cœnobij, cum fratribus, prom- ptè atque libenter, propter illum qui dixit: Suscipite ac sus- tinete infirmos, attribuitque ipsi cellam. Et aliquot post

1. Theff. 5.

Prover. 27.

2. Theff. 3.

dies, fratre in sua conquiescente cella, incipit malignus talibus exagitare fratrem, atque suggerere ipsi, dicens: Iterum ad antiqua venisti. Nonne tibi solitudo sufficiebat, libertasve eremi? ubi neque quid noxium cernebas, neque scandalo afficiebaris, neque etiam aliquid cum aliquo loquebaris. Et tantopere rursus dæmones exagitare ac diuexare atque perturbare fratrem incipiunt; ut si fieri posset, etiam parietibus monasterij effractis effugeret. Vsq̃ue adeo turbatur cogitationibus à malo dæmone immisissis, qui eum volens adhuc è cella retrahere, tædium illi in exiguo opificio injicit. Ceterum prudens si est frater (quemadmodum scriptum est: Prudentes estote sicut serpentes, & simplices sicut columbæ.) resister illis, dicens: Ne me illuseritis operarij iniquitatis: quoniam consilium vestrum ego non tolerabo, cum illud veneno sit plenum? Auscultans quippe vos, prima vice egressus sum monasterio, existimans me ad maiorem profectum abire. Et cellâ quidem exiui, sed utilitatem mihi non retuli: imò cognoui quòd omnes viæ vestræ sint tenebræ, & qui in eis ambulat, in tenebris iter faciat. Ego autem ab hoc tempore, me ipse putabo seruum cuiuspiam, qui huc profectus, me huius monasterij Præfecto commendarit, in quo habito: ideò non sum mei iuris. Et super modico manuum opere, quid me diuexatis atque affligitis? Nunquid ego sum melior hominibus secularibus, qui quidem non solum de die, sed etiam de nocte operantur, sataguntque eorum quæ sunt vxoris, & liberorum, & cellæ, & pretij conductæ domus? me vero ab omnibus istis liberauit Christus: quia iugum ipsius suaue est, & onus eius leue. Propterea declinate à me maligni, & scrutabor mandata Dei mei: Quoniam ipsi gloria, in secula Amen.

Matth. 10.
Psalm. 118.

PARÆNESIS XXVI.

Inuasio atque impugnatio hostis in transgressores.

Suggerit fratri cogitatio: Tot iam annos in hoc sancto loco degis, inseruiens Christo Domino: at nunc conseruisti, nec sufferre poteris amplius regulas loci istius: nam

caro tua debilitata est, neque vires tibi vltra suppètunt faciendi quidquam, spernerisque deinceps à paruis & magnis: quin & propter senium tuum requie indiges. Age igitur, inde egredere, & in vno aliquo residelo, atque quiesce: & siue ex charitate, siue ex qualicunque alia occasione, Deus tibi victum mittet. Quæ enim tibi impendet necessitas, vt etiam miserè causâ victus tui, impropria sufferas? Quid porro & cibus tuus est: quòd ita quotidie etiam prauum instar serui defatigeris atque affligaris, sustineasque minoribus te subijci? Hæc atque alia eiusmodi, improbus hostis Seni suggerit, volens à fraternitate ipsum post tot tantosque annos abstrahere, & loco, in quo consenuit, demonstrare. Et si cogitatione senex facilius leuiorque fuerit, mox & è vestigio obedientem se improbo consultori præbet, & exagitur ab ipso, sicut sarmentum ac stipula à vento agitata: Sin autem senex cogitatione perfectus sit, eum de loco tranquillitatis non dimouent, neque ipsum vincunt, tanquam aliquem catena vinctum. Non enim prævalent cogitationibus pijs: nam & ijs resistit senex, dicens: Ne senectutem meam irriseritis improbi dæmones: non enim prauas vestras cogitationes atque consilia ignoramus. Nam si in iuuentute mea patienter labores pertuli: multò magis nunc sustinebo, quando tempus resolutionis meæ instat, vt sim cum Christo, quemadmodum & vos mihi contestabamini: consenui enim, & caro mea infirmata est, quò igitur abibo? Senex quippe aliud exspectat nihil, nisi vt hac liberetur vita, ac dissoluatur: & adhuc vt ignauix forma reddatque exemplum, & non patientiæ, suadetis? Si enim senex Eleazarus, dum incendiij supplicij torqueretur, non est mutatus mente, vnde & iuuenes ætate, huius patientiam respicientes, contempserunt tormenta quæ videbantur, viceruntque tyrannum Septem sancti pueri: quid igitur ego? Atque ita diabolicas cogitationes dissipat, si in eadem voluntate sententiaque permaneat, diuina adiuvante gratia, moriturque in loco, vbi consenuit, referens coronam gloriæ, & à Domino audiens: Euge serue bone, & fidelis: in paucis fuisti fidelis, supra multa te constituam; intra in gaudium Domini tui. Cui gloria & imperium, Patri, &

2. Mach. 6.

2. Mach. 7.

Matth. 25.

Filio, & Spiritui sancto: nunc & semper, & in secula seculorum. Amen.

PARÆNESIS XXVI.

De transmutatione loci in locum, &c.

Heb. 11.

Jacob. 1.

Fides, mater est boni omnis operis, & per ipsam quis acquirit repromissiones Domini, & Saluatoris nostri Iesu Christi, quemadmodum scriptum est: sine fide autem impossibile est placere Deo. Fertilis porro possessio est diabolo infidelitas quæ operis omnis mali est mater: quippe ex qua duplicitas animi nascitur, quæ est inordinatio atque confusio. Vir autem duplicis animi, inquit, instabilis est in omnibus vijs suis. Si ad eremum exierimus, in eremo non quiescunt pedes nostri: Et si ad loca quæ habitantur, eos qui eremum sequuntur, felices prædicamus. Fratres, nisi seminauerimus, quomodo metemus? Et fructus largitori fructuum non offerentes, quomodo fructum ferre poterimus? Tribulationem non sustinentes, quomodo refrigerium adinueniemus? In eremo patienter non perseverantes, quo pacto mercedem peregrinationis nostræ recipiemus? Inopiam & angustias non sufferentes, quo pacto veras diuitias reperiemus? In contumelijs, & plagis, atque contemptionibus non acquiescentes; quo pacto vestigijs Domini Christi insistemus? Sub obedientia seniorum esse in Domino non sustinemus: sed ex loco in locum alium transimus. Primum verò debet quis ex proprijs perdiscere cogitationibus, cur, & quam ob causam velit proprium deferere locum in quo habitat; ne fortè laborem effugere cupiens, interiorum petat eremum, arbitrans leuiorem se in eremo inuenturum locum, ne rursus ab honestatis inimico dæmone, liuore atque inuidia vulneratus angatur, quippe quòd alius frater in ijs rebus quæ cernuntur proficiat, ipse verò non sit honoris gradum ac dignitatis adeptus, & huius rei gratiâ relinquare vult locum. Ne laborem fugiens virtutum, aut sub obedientia in Christo viuere detrectans, solitudinem petat. Neue terrenam hæreditatem persequens, suum deferere velit locum: nam cogitationes ista pa-

refaciunt. Si ergo ante exquisiuerimus ac perscrutati simus; cognouerimusque diuexantem nos perturbationē ac passionem animi: eam minimè sequamur; ne in manus improborum incidamus dæmonum, in locis desertis & inaquosis. Examina igitur teipsum strenuè, an planè secundum Deum in veritate accidar res, & non consilio atque proposito deprauato: Nam qui non cum consilio ac deliberatione rem agit, similis est talis viro volucres suis pedibus persequenti, & imprudenter quæ ad ipsum pertinent agens. Consilium autem bonum, mandata Domini obseruat. Et quid ad ista dicere oportet? Sobrietate ergo & vigilantia opus est, charissimi. Accidit porro, vt & rectè iustèque factorum prætextu, fratres oppugnet inimicus. Et si consenserit condescenderitque frater, vt à loco separetur; machinatur inimicus ipsum aliquo in loco suis laqueis capere. Sin verò homines nos acerba quadam æmulatione persequantur, aut communicare operibus cogant alienis, in quibus non sibi complacet Deus, & ad alium confugimus locum, fiduciam habeamus ad Deum; cum dominus & Saluator noster Iesus Christus dixerit discipulis suis: Quòd si vos persecuti fuerint; ex hac ciuitate, fugite in aliam. At de non oberrendo, ait rursus Saluator: Nolite transire à domo in domum. Et iterum: In quamcunque ciuitatem ingressi fueritis, ibi manete. Si porro nostram explere voluntatem voluerimus: quæ ista erit virtus? Sin autem Præfecti nos separarint, locum præbeamus: resistamus autem diabolo magis. Sic enim agebat Dauid alienigenas oppugnans, dum à facie Saül declinabat.

Matth. 10.

Luc. 9. 10.

Si ergo rectè in eremo quiescas, & diuexarit te cogitatio, vt ad loca quæ habitantur te transferas: responde ei bellum mundi, & quæ aliquibus ibi degentibus eueniunt. Sin verò bene in cœnobio quiescis, teque conturbarit cogitatio, vt eremum ingrediaris: responde ipsi bellum atque molestiam eius. Quòd si solitariam vitam probè degas, ac te molestarit cogitatio, vt in plurium fratrum conuentum ac cœtum introeas: responde ipsi certamen cœnobiorum, ac præterea retributionem. Et ne imprudenter nostris abripiamur cogitationibus: non enim nouimus, quid expediat nobis, quemadmodum ait Sapientia: Non te extollas in cogita-

Ecc. 6.

tione animæ tuæ : ne abripiatur velut taurus anima tua; Frondes tuæ comedentur & fructus tuos perdes, & relinques teipsum vt lignum aridum in deserto. salus autem est in multo consilio.

At sæpe vis dicere, te propter scandala & obtreccationes inde fugere velle; feras æquo animo, ac tibi consilium dabo: Cupis fugere scandala, & obtreccationes; obstrue os tuum in Domino; & auerte oculos tuos ne videant vanitatem: atque ita vtrumque vices, & detractiōnem per silentium, & scandala per custodiam oculorum. Nam si ista non vicerimus: quocunque abierimus, in nobis portabimus à quibus oppugnemur. Hos vince charissime, & habebis requiem vbicunque resederis. Ceterum frequens vis dicere: cognita cundis est fratribus mea ad conuersionem difficultas, atque negligentia, & ideo non ampliùs habitare queo in loco isto; Nam quamuis ego virtutem desiderem, homines tamen quibuscum habito, iidem sunt. Audi ergo charissime: tu bonum fac, & videbis quòd Dominus conscientiam tuam curabit, fratrumque tuorum, in iis quæ ad te pertinent. Nam si discedere vis, quia nota est fratribus tua ignauia: illud est fugere velle dedecus, & eos quærere, quibus non sint noti prauī mores tui, vt apud eos bene audias, nec sit memoria defectus, & imbecillitatis tuæ prioris. Cum dicat Propheta: Improperium expectauit cor meum, & miseriam. Valde enim conducit, opprobrium & despectionem ab hominibus ferre propter Dominum, ad purgationem peccatorum. Fidemque illius tibi faciat Propheta, dicens: Quoniam in humilitate nostra memor fuit nostri Dominus: & redemit nos ab inimicis nostris. Sed vbi te petit, qui ex aduerso insurgit, reluctare ac resiste inimico; vt quibus tui defectus & imperfectiones notæ sunt, iis quoque tua rectè facta manifestentur: atque in eo magnam à Domino referes gloriam: ipso Saluatore nostro Iesu Christo dicente: Et erunt nouissimi primi, & primi nouissimi. Ex quo enim die, sordida vestis lota est, non ampliùs cum immundis seponetur. At si quis inuidia atque æmulatione praua ductus, vestem mundam appellarit sordidam, non credetur ei, nam forma atque aspectus vestimenti coarguet eum: Lauabis enim me, (inquit Scriptura)

psalm. 68.

psalm. 35.

Mat. 19. 28.

psalm. 51.

& ſuper niuem dealbabor. In aduerſarios porro tuos, & qui mentem ac cogitationem tuam rurfus ad antiqua ſtudent conuertere mala, etiam ait Scriptura: Vt qui potum *Habac. 2.* dat amico ſuo, mittens fel ſuum & inebrians, vt aſpiciat nuditatem eius. Velut qui relinquunt iter rectum, vt ambulent per vias tenebroſas: qui lætantur cum malè fecerint, & exultant in rebus peſſimis; quorum viæ peruerſæ ſunt, & infames grefſus eorum: vt longè te faciant à via recta, & alienum à iuſto conſilio. Ideo dicit: Non comprehenditur ſub annis vitæ. Nam ſi per ſemitas ambulaffent bonas: inueniffent vtique ſemitas iuſtitix planas ac faciles. Boni erunt habitatores terræ, ſimplices autem relinquuntur in ea. Semitæ impiorum, ex terra peribunt: & iniqui expellentur ab ea. Fili, ne mearum obliuiſcaris concionum: *Preuerb. 2. iuxta LXX.* verba autem mea retineat cor tuum. Quoniam Deo noſtro gloria, nunc & ſemper, & in ſecula ſeculorum. Amen. *Preuerb. 3.*

PARÆNESIS XXVII.

Oportere reuertentem fratrem, ſine præteritorum malorum recordatione, & cum gaudio juſcipere.

SI contigerit fratrem à cœnobio, quocunque prætextu recedere, cumque acciderit in morbum labi; aut etiam ſponte reſpiſcentem reuerrere: non oportet fratrem deſpicere, ſed potiùs ipſum in Domino velut proprium membrum conuenerit amplecti, etiam ſi peccarit. Attamen tu non id homini præſtas, ſed Domino dicenti: Quod vni horum ex minimis feciſtis, mihi feciſtis. Nam ſui ipſius duntaxat curam gerere, prohibitum eſt, ſaluatore noſtro dicente: Ne *Mat. 25.* ſoliciti ſitis animæ vestræ quid māducetis, & quæ ſequuntur; deinde adiungit: Hæc enim omnia, inquiens, gentes inquirunt. Quare & per Apoſtolum admonet dicens: Non quæ ſua ſunt ſinguli conſiderantes, ſed ea quæ aliorum. *Mat. 6.* Rurfusque idem ait Apoſtulus: Et adhuc excellentiorem viam vobis demonſtro. ſi linguis hominum loquar, & Angelorum, charitatem autem non habeam: factus ſum velut *Philip. 2. 4.* æs ſonans, aut cymbalum tinniens. Et ſi habuero prophæ- *1. Cor. 13.*

tiam, & nouerim mysteria omnia, & omnem scientiam. Et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum, omnes facultates meas; & si tradidero corpus meum, ita ut ardeam; charitatem autem non habuero, nihil mihi prodest. Caritas patiens est, benigna est. Caritas non emulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, sed congaudet veritati: Omnia suffert, omnia credit, omnia sperat, omnia sustinet. Caritas nunquam excidit. Bona igitur oratio cum ieiunio: sed hæc roborat atque confirmat eleemosyna. Misericordiam enim (inquit per Prophetam Dominus) volo, & non sacrificium. Cerne porro Prophetam, quo pacto immisericordes redarguat: Pro eo (inquit) quod non est recordatus facere misericordiam, & persecutus est hominem inopem & mendicum, & cōpunctum corde mortificare, dispereat de terra memoria eius: quoniā quem tu percussisti, ipsi persecuti sunt, & super dolorem vulnerum meorū addiderunt. Propterea beatos prædicat Saluator misericordes, dicens: Beati misericordes, quoniā ipsi misericordiā consequentur. Quid enim Angelus ait ad Cornelium? Non orationes duntaxat tuæ, sed etiam eleemosynæ, inquit, tuæ ascenderunt in memoriam, in conspectu Dei. Ab errore igitur reuertentem, ac pœnitentem suscipe; à mortuis resurgentem de profundo priuationis timoris Dei, & negligentia, amplectere. Apostolum audi dicentem: Confirmate in illum charitatem; ne forte abundantiori tristitia absorbeatur, qui eiusmodi est. Rursusque ait: Rogamus vos fratres, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat: sed semper quod bonū est sectamini, in inuicem & in omnes. Etenim Dominus gloriæ non reiecit filium prodigum: sed amplexus est eum tanquam à mortuis resurgentem, & induit ipsum stolā primā, ac calceauit, annulumque dedit in manum eius, & vitulum saginatum occidit, ut lætaretur super inuentione filij perditī; de quo cū alter filius doleret, etiam ipsum patēr consolando curauit, dicens: Fili, tu semper

*osæ 6.**ps. 109.**ps. 68.**Matth. 5.**Act. 10.**1. Cor. 2.**1. Thess. 5.**Luc. 15.*

per inecum es, & omnia mea tua sunt; epulari autem & gaudere oportebat, quia frater tuus hic inortuus erat, & reuixit; perierat, & inuentus est. Sic ergo conuenit misericordes esse fraternitatis Præfectos.

Tu porro frater, misericordiam assecutus, ne parui pendas: sed filium illum resipiscētem ac reuertētem imitare: quippe qui dum reperit patrem suum, non obliuioni peccatum tradidit; sed etiam in genua se prouoluit, confessusque est in veritate, & non in simulatione, dicens: Pater peccaui in cælum & coram te: & non sum ampliùs dignus vocari filius tuus; fac me sicut vnum de mercenariis tuis. Vides qualem compunctionem habuerit, qualem dolorem, qualem humilitatem. Quocirca & nos charissime de cetero sobrii simus, & vigilemus; vt & turrim negligentia euersam restauremus. Nam qui suam ipsius parui facit negligentiam, planè non ignoscet, etiam in alterius euersione. Ad quem Prophetia dicit: Vx qui propinat proximo suo subuersionem turbidam. Seruiamus igitur Demino in timore, & in humilitate. Prudenter verò ac cautè quæ dicuntur tibi, intellige. Ne ad modicum tibi tempus feruiat humilitas ac silentium: & post modicum obmurmuratio, & ad ministerium ac vigiliam pigritia atque negligentia, neque occasione minùs necessarij operis & accessorij, tuam despexeris Synaxim. Quemadmodum enim pluuia augeat semen: ita & Synaxis ad virtutem incrementum præbet animæ. Ne hodie gratiarum actio pro iis quæ apposita sunt in mensa: & cras aduersus eum qui cibos coquit, & panes parat, obmurmuremus. Marcidi sunt panes? Sed Prophetæ meminerimus dicentis: Quia cinerem tantquam panem manducabam. Acerbum & marcidum est vinum? At recordemur, quomodo omnium nostrum Dominus & Saluator, acetum cum felle propter nos gustauit. Ne ergo hodie téperantia & abstinentia, & postero die Præfectos ob voluptatem ventris tentemus ac lacesamus, vt non audiamus: quorū Deus venter est, & gloria. Ne hodie quietem sectemur ac meditationem, & cras è cella in cellam oberremus: vt non dicam, è vico in vicum; & in ciuitate detineamur: neque prætextu ministrandi senibus acediam tædiumque præ nobis feramus. Quantum enim quis que-

Habac. 2.

Iuxta.

LXX.

Psalm. 101.

Philp. 3.

tem sectatur, tanquàm cogitationes eius in puritate versantur: & quantò quis longius à tranquillitate recedit, tantò crassior hebetiorque mens eius redditur. Et si opificium tibi committitur, quod quoque vtile sit cœnobio, ne ob illud extollaris. Nam si propter hominem id exerceres, rectè quidem diceres: at si Deo, ne efferaris aduersus fratrem tuum, verum Deo relinque: Nam ipse unicuique largitur secundum opera sua, quippe qui cernat omnia. Ideoque humiliemus animas nostras coram Domino: vt nos exaltet, & velut quotidie initia iacentes, componamus cogitationes nostras: sic enim & robustiores atque paratiores erimus. Ne ergo carnalibus abducamur voluptatibus, neque vitam timoris Domini expertem degamus: sed omnem iuuenilem vitæ concupiscentiam, ne fortè eiusmodi concupiscentia in priorem nos ducat conuersationem, & in eadem incidamus mala, peius nobis ipsi iudicium iræ preparantes: abscindamurque putrido membro similes, & in reliquorum corporis membrorum beneficium, amputato. Cùm Dominus & Saluator noster Iesus Christus dicat: Ecce sanus factus es: iam noli amplius peccare, ne deterius tibi aliquid contingat. Ipse porro Dominus concedat nobis gratiam exhibendi conuersionem, ac digna pœnitentiæ opera faciendi: vt indui veste nuptiali, occurramus ei in gloria. Quoniam ipsi gloria, nunc & semper, & in secula seculorum. Amen.

Luc. 5.

PARÆNESIS XXVIII.

De priuatione timoris Dei, & de negligentia.

FRATER quidam exposuit mihi, dicens: Patrum habui aurificem, abdicataque vita seculari, factus est Monachus. Et circa senium eius venit ad ipsum secularis quidam Alexandrinus natione, artis cabidiæ, cupiens fieri Monachus. Admisitque eum senex in monasterium suum: ac post aliquod tempus, curauit fratrem Senex sumere sanctum habitum, & non amplius sub obedientia senis fuerat. Ipsi autem Senex duas in suo monasterio cellas adsignarat. Insaniebat porro frater in opere suo, cabidus relictus. Pro-

gressus enim erat in loco, vt de alia re nulla iam laboraret, neque de synaxe, nisi de opere, quippe qui argenti cupiditate teneretur. Quare fratrem pius exhortabatur Senex, dicens: frater Palladi, huc age, rigemus hortum. Cui ille: vade, & venio. Et non ibat, sed negligebat. Rursus ad eum Senex: Palladi frater, huc age, faciamus Synaxim. At ille iterum respondit: vade, & venio; & non abibat, sed contemnebat. Habebat verò secum Senex tres fratres, & ex us duos cæcos: alius autem sanus erat, & integer. Quando ergo Senex exiguum aliquod pulmentum faciebat, Palladius sibi panem ferens, edebat cum ipsis: sicque rursus ad opus suum abibat. Sanctus autem senex adhortabatur fratrem, monens ne suam salutem sperneret. At ille non acquieuit bonis sancti Senis monitis: sed relinquens eum, exiuit monasterio, habitaturus in solitudine, expers timoris Dei. Sic verò dum suam ipse vitam negligeret, cum neque obedientiam ferre posset, neque vitam agendo solitariam, salutem curaret suam: tandem mente sua longius à Dei auxilio ac spe sanctorum remota, ad extremum à malo superatus demone, mentem perdidit. Cùmque non posset amplius ori manum admouere, ab aliis instar infantium, cibis illi in os inferebatur: neque enim hominem ampliùs agnoscebat; & nares ipsius, ac saliuæ in barbam ei defluebant. Vbi verò eius sorores, quod illi acciderat, acceperunt; sumptum eum secum: erant autem virgines. Eumque acceptum recluserunt in oratoriq monasterij: ipse verò se in sua sedicula trahebat, per totum officium atque synaxim. Cumque iam Presbyter veniret adducturus ipsas, rogabant eum vt precaretur pro illo: vt misericordiam cum ipso faceret Dominus. Manensque in ea disciplina aliquandiu, interea moritur. Ecce quid efficiat nimia audacia? Ecce quid inobedientia, & negligentia concilient? En quorsum euadat finis inobedientiæ? Quare non contemnamus timorem Dei, charissimi: sed humiliemur sub potenti manu ipsius, seruiantes inuicem in timore dei: & ipse nobis erit murus, & protector à facie inimici. Sicut scriptum est: Immitter Angelus Domini in circuitu timentium eum, & eripiet eos. Ipsi sit gloria, & imperium in secula seculorum. Amen.

PARÆNESIS XXIX.

In illud Dictum: Habenti dabitur, & abundabit.

Mat. 13. 25.

Scriptum est: Habenti dabitur, & abundabit: ei autem qui non habet, & quod videtur habere, auferetur ab eo. Quid ergo dicemus? Nunquid iniustitia est apud deum? Absit. Audi porro & de hoc parabolam: Erat pater-familias in regione quadam, qui duos habebat seruos, & tria iuga boum: deditque vni duo iuga boum, alteri vnum, & dixit ad ipsos: Euntes operamini, donec ad vos venero. Abiēsq̃ue qui duo iuga boum acceperat, operatus est in iis, & ditatus est homo vehementer, bouesque bene atque egregiè nutriuit: qui autem vnum acceperat, abiens, ligauit boues ad præsepe, nulli prorsus rei adiuuens illos, inclinansque seipsum obdormiuit. Deinde venit Dominus seruorum illorum, vt videret eorum opera; & cernens opus ac lucrum eius qui duo acceperat iuga, benedixit ipsi. Postea venit & ad alterum seruum; inuenitque ipsum dormientem, & boues præsepio alligatos, fame ac siti pereuntes. Dixitque intra sese: Si reliquero boues meos apud pigrum hunc seruum, perdet eos: auferam igitur meos ab ipso boues, & dabo illi qui bene operatus est, & diligentem operis sui curam habuit. *Mat. 13.* Omni enim habenti dabitur, & abundabit: ei autem qui non habet, & quod videtur habere, auferetur ab eo. Et rursus Dominus: Ego quidem cum sim bonus, vocaui ipsum, & potestatem ei dedi, vt bonum operando, vitam eternam possideat: ipse autem me spreuit, & propterea despicietur, ignominiaque afficietur. *Psal. 48.* Quia homo cum in honore esset, nō intellexit: comparatus est iumentis insipientibus, & similis factus est illis. *Psal. 108.* Noluit benedictionem, & elongabitur ab eo. *Psal. 35.* Et quid ita? Noluit intelligere vt bene ageret: iniquitatem enim meditatus est in cubili suo. Astitit omni viæ non bonæ: malitiam autem non odiuit. Numquid iniustitia est apud deum? absit. Ideo fratres, demus operam, vt placeamus deo: accipiamusque repromissiones ipsius, cum omnibus Sanctis eius. Quoniam ipsum decet gloria, in seculorum secula. Amen.

PARÆNESIS XXX.

De temerario iudicio non ferendo.

FRatres, si quis ex simplicioribus fratribus in Synaxe constitutus, aut inter deambulandum vertigine ipsi obueniente, repente humi concidat, non in eo admirandum est, neque obstupescendum: sed potius toto corde ac mente orare oportet Deum; ut in omnibus nos protegat atque defendat. Nam si veraci corde seruiamus ei, non sinet nos tentari ultra vires: quin & tentatos liberabit. Sic enim in Psalmo scriptum est: *Altissimum posuisti refugium tuum.* Non accedent ad te mala, & flagellum non appropinquabit tabernaculo tuo. Quoniam Angelis suis mandabit de te, ut custodiant te in omnibus vijs tuis. In manibus tollent te, ne fortè offendas ad lapidem pedem tuum. Super aspidem & basiliscum ambulabis, & conculcabis leonem & draconem. Quoniam in me sperauit, liberabo eum: protegam eum, quoniam cognouit nomen meum. Clamabit ad me, & ego exaudiam eum: cum ipso sum in tribulatione, eripiam eum & glorificabo eum. Longitudine dierum replebo eum, & ostendam illi salutare meum. Et rursus: Qui confidunt in Domino, sicut mons Sion: non commouebitur in æternum, qui habitat in Hierusalem. Et iterum: Iunior fui, etenim senui: & non vidi iustum derelictum, nec semen eius quarens panes. Atqui vertigo ex efferuescentia acutæ coleræ accidit: aut etiam ex abundantiore humore: aliquibus autem & ex corporis debilitate atque languore: interdum verò aliquid huiusmodi comparat atque molitur diabolus, cum nequeat vel opere, vel sermone fratrem vincere, ut saltem hac machinatione confundens eum, repellat à stadio. Ceterum Dominus non sinet ultra vires ipsum tentari, sed citò confirmabit cor eius. At certè non simpliciter, neque casu imperum facit in fratrem: sed cum illius cogitationes distractionibus iracundiæ perturbantur.

Alius autem in manus traditur inimici, ex Dei permissione, idque ex elatione quadam, quando seipsum fallaci-

bus inimici consilijs commiserit, & dicit: Ecce præ omnibus hominibus magis probatus es, & non est ex ijs, qui similis sit tibi super terram, aliaque his sublimiora, aut potius grauiora. Præterea etiam rectè facta sibi ipsi adscribens, & non Deo honorem deferens, tanquam à quo auxilium acceperit. Hic ergo in tentatoris manus traditur, vt correptus, infirmitatem cognoscat suam, & non obliuiscatur auxilij eius, qui dicit: Quando cuncta feceritis quæ præcepta sunt, dicite: serui inutiles sumus. Nam qui seipsum exaltat, humiliabitur. Fieri enim non potest, vt qui in veritate Dominum diligunt, diaboli dominio potestatique subijciantur. Siquidem diabolus agitare conatur atque conuellere, sed euellere radicitus non valet. Quemadmodum & in Iob accidit, qui in manus quidem tentatoris erat traditus: sed non ausus fuit tentator attingere ipsum, propter tutelam Dei: quamuis etiam potestatem à Deo accepisset, vtendi eo sicut voluisset, saluâ tamen animâ iusti. Nam vicit iustus aduersarium solo amore ac desiderio, quo verè in Deum ferebatur. Datus porro & Apostolo est stimulus, Angelus Sathanæ, sed illum deuicit, per eum qui dilexit ipsum, Dominum nostrum Iesum Christum, quem mente continebat, in charitate perfectâ. Neque enim ægrotare secundum carnem, est delictum; neque in damna & tribulationes incidere, est lapsus atque ruina, sed in temptationibus non probatum inueniri. Videmus quippe, ne in porcos quidem inimicum potestatem habere, citra permissionem diuinam. Ego quidem alium, virtutis amore, in columna constitutum aspexi: putâsne si potestatem tollendi quos vellent, haberet, talem ipse è vestigio vnâ cum columna non detraxisset? unde nouimus contusam esse potentiam eius, per virtutem pretiosæ passionis, & crucis Saluatoris nostri Iesu Christi.

Ne ergo pertimescas, serue Christi, nec conturbentur cogitationes tuæ, neque recesseris à loco, vbi proficis in Domino. Credimus enim ei qui dixit: Vestri autem etiam capilli capitis omnes numerati sunt. Et ecce dedi vobis potestatem calcandi super serpentes, & scorpiones, & super omnem virtutem inimici, & nihil vobis nocebit. Sagittæ enim paruulorum, factæ sunt plagæ eorum, & infirmatæ

Lucæ 17.

Matth. 23.

Iob. 1. 2. 3.

Iob. 2.

1. Cor. 12.

Matth. 26.

Luc. 8.

Matth. 10.

Luc. 10.

Psalm. 63.

sunt contra eos linguæ eorum. Quando ergo in varias incideris tribulationes, non te ignaum ac pusillanimum præbueris, cum dicat Propheta: Domine in tribulationibus memores tui fuimus. Et: Multæ tribulationes iustorum, & ex omnibus hisce liberabit eos Dominus. Vnde & in alio loco dicit: Respicite in veteres generationes, & videre quis sperauerit in Domino, qui sit confusus? Quis enim permansit in mandatis eius, & derelictus est? aut quis inuocauit eum, & despexit illum? Quoniam pius & misericors est Dominus, & remittit peccata, saluatque in tempore tribulationis. Timor ergo Domini turris fortitudinis est à facie inimici. Ne ergo turrin diruas, atque ita non capieris. Verum ad solum benignissimum accede Deum, cum Propheta ad ipsius clamans bonitatem: In te domine speraui, ne confundar in æternum, in iustitia tua libera me, & eripe me. Inclina ad me aurem tuam, accelera vt eruas me. Esto mihi in Deum protectorem, & in domum refugij, vt saluum me facias. Quoniam fortitudo mea & refugium meum es tu: & propter nomen tuum deduces me, & enutries me. Educes me de laqueo hoc, quem absconderunt mihi: quoniam tu es protector meus Domine. In manus tuas commendo spiritum meum: redemisti me Domine Deus veritatis. Vt & ipse, quod scriptum est, ad nos dicat, hoc modo: Ego ero tecum, & non deseram te, neque despiciam te: Viriliter age & confortare. Rursusque ait: Ne timueris à facie eorum, neque paueas coram ipsis. Quoniam ego tecum sum, inquit Dominus, vt eripiam te. Gratias ergo benignitati eius agens, procide coram eo, dicens: Impulsus euersus sum vt caderem, & Dominus suscepit me. Fortitudo mea, & laus mea Dominus: & factus est mihi in salutem. Ipsi gloria, in seculorum secula. Amen.

psal. 33.

Eccles. 3. 4.

psal. 30.

Isaie 41.

Jerem. 2.

psalm. 117.

PARÆNESIS XXXI.

De Humilitate.

Charissime frater, si promotus fueris, ut in supremo consistas gradu, caue obliuiscaris humilitatis, ac modestiæ animi: ut si quando tibi è gradu descendere contigerit, viam inuenias; & non inopinato grauique casu corruas. Hoc quippe aliquibus ex propria accidit ingratitude atque inscitia, dum eum non agnoscunt, qui ipsis donauit gratiam. Nam si benefactorem agnouissent, non eius mandatis inobedientes se præbuisent: & si non inobedientes fuissent, non sanè dilapsi essent. Quemadmodum

Matth. 23. & scriptum habetur: Qui seipsum humiliauerit, humiliabitur: & qui seipsum humiliauerit, exaltabitur. Ideo & in

Psal. 36. Psalmo ait: Vidi impium superexaltatum, & elevatum sicut cedros libani, & transiui, & ecce non erat; & quasiui eum, & non est inuentus locus eius. Custodi innocentiam, & vide æquitatem; quoniam sunt reliquæ homini pacifico. Rursusque dicit: Dominus superbis resistit, humilibus autem dat gratiam. Et per Apostolum admonet, dicens: Non alta sapientes, sed humilibus consentientes.

Rom. 12. Alibique dicit: Non teipsum exaltes, ne fortè cadas, & adducas animæ tuæ inhonorationem: & reuellet Dominus absconsa tua, & in medio synagogæ elidat te, quoniam accessisti malignè, & absque timore ad Dominum, & cor tuum plenum est dolo & fallacia. Propterea, fratres, studeamus humiliare animas nostras coram Domino, ut nos exaltet in tempore visitationis. Ipse enim est, qui suscitavit à terra inopem, & de stercore erigit pauperem. Quicumque enim seipsum ob pietatem humiliare noluerit sponte, humiliabitur inuitus. Quoniam & iniusto Iob scriptum reperitur: Apud ipsum est potentia, & fortitudo: ipsi scientia, & intellectus: Qui ducit consiliarios captiuos; iudices autem terræ rapit in stuporem. Qui collocat reges super sedes, & præcingit balthæo lumbos eorum. Qui sacerdotes captiuos emittit, dynastas autem terræ euerit. Qui commutat labia fidelium: intelligentiam verò senum cognouit.

Qui ignominiam effundit super Principes, humiles autem san-
 ctitati restituit. Diligamus igitur humilitatem charissimi,
 quoniam ipse Dominus dixit: Tollite iugum meum super
 vos, & discite à me: quoniam mitis sum, & humilis corde, Matth. 23.
 & inuenietis requiem animabus vestris. Iugum enim meum
 suaue est, & onus meum leue. Etiam benedicite, etiam glo-
 rificate, etiam misericors, etiam amator hominum optime,
 valde iugum tuum suaue est, & onus tuum leue, in omnibus
 accedentibus ad seruiendum tibi in vero corde. Quoniam
 te decet gloria, & potentia, ac fortitudo, in secula seculo-
 rum. Amen.

PARENÆSIS XXXII.

*Quod Christianum oporteat esse longanimum, &
 immemorem iniuriarum.*

SI quæ acerbitas acciderit, non quidem est pessimum id
 contigisse, sed graue admodum & horrendum persi-
 stere in acerbitate. Frater, si in tua absentia, contigerit tibi
 ab aliquo maledici & obrectari: veneritque alius qui re-
 nuntiet tibi, fratrem quendam in te maledicta atque con-
 uicia contulisse: tu vt prudens, agnosce cuius ista sit sugge-
 stio, & ne aduersus fratrem exacerberis. Quin & ei, qui te
 certiozem illius fecit, sic responde: quamuis contumeliis
 me confectatus sit, frater tamen meus est, ego verò conui-
 ctijs sum dignus: veruntamen non ex se ipso, contumeliâ &
 ignominiam me affecit; sed hoc inimicus machinatus est, vt
 inimicitias inter nos spargat: at Dominus malignum de-
 struet, fratris autem misereatur, & nos non derelinquat. Sin
 autem & in faciem rursus dictæ tibi fuerint contumeliæ: ne
 succenseas atque indigneris, neque citò mente commouea-
 ris. Sin porro de malo aliquo contigerit in nos conuicia
 spargi: ne simus duri corde: sed potius lapsum atque erra-
 tum corrigamus. At si improbi hostis suggestionè hoc ac-
 ciderit: tu velut conscius operis, ne indigneris aduersus
 fratrem tuum. Nam si affectus contumelijs, contumeliam
 rependas: duplici te ipsum contumelia afficis: primum qui-

dem, quòd contumeliosè tractatus, non patienter ac longanimitè tuleris: deinde verò, quòd impudenter vsus, vicissim maledixisti & conuitiatus es. Quando ergo contigerit te conuitijs ab aliquo onerari, ne excandescas irā in proximum: sed mox labijs placidè grauitèrque subridens, in teipso iracundiam in pacem conuertere.

Ceterum est etiam risus, qui excitat animum ad iram contra proximum, si ad alterum irritandum rideas. Nam *Prouer. 10.* stultus, inquit Sapiens, in risu operatur mala. Verum non de illo hæc dico, fratres: sed ut tanquam bonus & probatus medicus, charitatis admisceas pharmacum, in vinculo pacis. Ignis enim ignem non extinguit. Alioqui ridendum non est: sed ut charitate, gravitate, ac longanimitate, iracundi dæmonis impetum reprimas. Nam scriptum est: *Iacob. 1.* Ira viri, iustitiam Dei non operatur. Alibique dicit: Momentum enim furoris eius, ruina ipsi. Si porro & frater tuus, dum leniter arrides, non ædificatur: ne vincatur ab ira, adnitamur modis omnibus curare ac conciliare fratrem. Cùm dicat Dominus, & Saluator noster Iesus Christus: Si offeras munus tuum ad altare, & ibi recordatus fueris, quòd frater tuus habet aliquid aduersum te: relinque ibi munus tuum ante altare, & vade primùm reconciliare fratri tuo; & tunc veniens offer munus tuum. Et per Apostolum admonet, dicens: Pacem sectamini cum omnibus, & sanctimoniam: sine qua, nemo videbit Deum.

Et ne te doceat inimicus improbus dicere: Non tristor de contumelia qua affectus sum: sed quòd in præsentia fratrum me conuitijs exceperit. Hoc te conturbat, serue Domini Iesu Christi? Sed ubi arma tua reliquisti, ô miles Christi? dico autem de Cruce, quæ crux est humilitas; sicut scriptum habetur: Humiliauit semetipsum, factus obediens vsque ad mortem, mortem autem crucis. Vis ostendam tibi, frater, quòd cum gratiarum actione debemus omnia sustinere, quæcunque pro Christo nobis illata sunt: siquidem Saluatoris nostri Iesu Christi vestigijs insistere velimus; Christus est vita nostra, & salus animarum nostrarum. Qui ergo pro Christo patitur, pro sui ipsius salute & vita patitur. Ostendam verò, & per similes nobis passibiles homines, quòd per humilitatem grati acceptique Deo fuerint, primùmque tibi ab ijs, qui se-

cundum carnem ambulant, producant exemplum: deinde ad eos qui spiritaliter vitam duxerunt, transibimus. Contumeliâ affectus es? mente pugilum certamen perpende, eosque qui publicis spectaculis interueniunt: quomodo propter momentaneam gloriam, anxietates & opprobria, sæpe etiam mortes perferant. Verum omissis illis qui secundum carnem ambulant, veniamus ad eos qui secundum spiritum. Quando fugit Dauid à facie Absalon filij sui, nonne egressus Semei, contumelijs excepit Regem dauid in conspectu omnium qui comitabantur ipsum? Num seorsim maledicebat Regi, vt dicere quis posset, quod ea de causâ patienter ac longanimitere contumeliam Rex tulerit? Et non solùm maledicebat, sed etiam execrabatur, ac lapides in Regem projiciebat: ita vt quidam ex veris amicis, Regi diceret: Quare maledicit canis hic moriturus, Domino meo Regi? vadam & amputabo caput eius. Rex autem ad eum: Quid mihi & vobis est filij Saruiz? sinite eum sic maledicere: Dominus enim præcepit ei, vt malediceret Dauid. Et quis est qui audeat ei dicere, quare sic fecisti? Rursusque ait: sinite eum vt maledicat: si forte respiciat dominus humilitatem & afflictionem meam, reddatque mihi bonum pro maledictione eius, in die ista. Vides charissime, quod in humilitate seruiert Sancti & iusti Domino? Si porro Rex & Propheta cum esset, tantum studium & humilitatem exhibuerit: quales obsecro esse oportebit mendicos, & peccatores? Reuolue simul etiam mente, ipsius sancti Dauid obliuionem iniuriarum, erga Saül. Quare & nos, fratres, longanimitatem colamus, alter alterius onera portantes. Quis enim est miles, qui dum suum aspicit commilitonem ab aduersarijs comprehensum, non decertet ac pugnet cum aduersarijs, vt commilitonem suum è manu eorum, qui captiuum eum ducunt, eximat atque recuperet? Quando autem recuperare eum nequierit, tunc plorat & lamentatur, memor sodalis sui atque amici. Nonne multò magis debemus nos pro inuicem ponere animas nostras? Cùm Dominus & Saluator noster Iesus Christus dicat: Maiorem Ioan. 21. hac charitatem nemo habet, quàm vt quis animam suam ponat pro amicis suis. Ipsi gloria & potentia in seculorum secula. Amen.

PARÆNESIS XXXIII.

De Patientia & Compunctione.

Charissimi, præbeamus nos tanquam strenuos milites, pro Rege nostro Christo alacriter mortem oppetentes. Quando enim adhuc in seculo eramus, quando in humanis negotijs versabamur, talia non patiebamur, neque tot ærumnas sustinebamus: Nunc autem cum accesserimus ad Dominum, ut ei maximè placeamus, incursiones eiusmodi, tentationes, vexationesque in nos improbi hostis excitantur. Vides autem nos hæc Domini causâ perpeti: cum enim nobis inimicus inuideat, nosque à vitæ viâ conetur abducere, in molliem defidiamque nos inducit, ne Deo complacentes, saluemur. Quantum igitur aduersum nos malignus exsurgit: tantum nos in patientia inueniamur viriles, magnanimi, strenui & alacres, paratos nos præbentes ad sustinendum vsque ad mortem, propter spem in Christum, & cunctæ eius insidiæ dissoluentur. Habemus siquidem defensorem & propugnatorem nostrum Christum, qui que nobis oppressis & sperantibus in ipsum patientiam præbet, illosque confundit; nobis interim præmia victoriæ atque laborum, id est, Regnum cælorum, propter dominum, reportantibus. Præbeamus ergo nos velut incudes percussi, & nequaquam terga vertentes, neque aliquam notam mollietiei, vel despicientiæ, defidiæue per flagella atque tentationes in nos ipsos admittentes. Cæsi vincamus aduersarium, per patientiam: Etenim dominus noster sic hanc vitam traduxit, flagellatus, contumelijs affectus, consputatus, lapidatus, ac denique ignominiosa quoque morte crucis, ab impijs affectus: omniaque sustinuit propter nostram salutem, nobis exemplum vitæ relinquens, ut quâ viâ tribulationum, tentationum, ac mortis ipse ambulauit, eadem quoque qui in ipsum verè credunt, & coheredes regni eius fieri desiderant, iter suum instituant. Ut quemadmodum ipse per multas passiones, postremò autè in Cruce moriens, vicit crucifixus, & moriens superauit, interemit,

condemnavitque peccatum in carne, abigens aduersarias potestates, sicut scriptum est: Exspolians principatus & potestates in cruce, ostentauit palam triumphans illos in semetipso: Ira & nos omnem ipsius insultationem, angustiamque ab hoste improbo illatam, viriliter alacriterque etiam ad mortem vsque si sustinuerimus, tunc aduersarium superabimus, per fidem & patientiam, ac spem firmam in Dominum. Sicque probati inuenti, & hinc redemptionem merebimur, sanctique Spiritus sanctificatione implebimur, & hereditatem deinde vitæ æternæ consequemur. Nam in spiritali certamine, victoria contra aduersarium, per passionem & mortem comparatur. Patiendo igitur & moriendo propter Dominum, promptissimè superabimus omnem inimicorum potestatem. Neque ergo nobis laboriosum sit, quamcunque tribulationem ac tentationem perferre: sed desiderium omne figentes in Dominum, & ob oculos mortem eius statuentes, cum patientia, quæcunque sustinebimus. Et sicut dictum est à Domino: Quotidie tollentes crucem eius, quæ est mors, sequamur ipsum. Atque ita faciliè quamcunque afflictionem tolerabimus, siue occultam, siue manifestam. Si enim mortem à Domino sustinere expectamus, & coram oculis ponentes, semper desideramus: quanto magis qualescunque afflictiones graues, opportunè importunèque cum omni prorsus gaudio sustinebimus? Propterea graues nobis, molestæ, & intolerabiles res aduersæ videntur, cum mortem Domini continuò ob oculos constitutam non retinemus, ipsumque non semper mens concupiscit. Nam qui Christum possidere desiderat, etiam pro ipso pati optabile omnino illi est, & expetendum. Itaque Christi amatores in hoc apparent, quando omnem tribulationem ipsis superuenientem, generosè alacriterque propter spem in Deum sustinent. Quocirca obsecremus dominum, ut intellectum nobis concedat, ad cognoscendam diuinam eius voluntatem, promptèque præstandam eam, in omni patientia & longanimitate, cum gaudio & exultatione, quam ipse largiatur nobis, confirmans nos in omni beneplacito suo: ut probati, dignique reperi, æterna perfruamur salute, In Christo Iesu Domino nostro: Cui gloria & potentia in secula seculorum. Amen.

PARÆNESIS XXXIV.

De passionibus ac perturbationibus animi.

VIr in torpore ac negligentia dies suos transigens, seipsum decipit, prorsusque non cogitat de bonis, quæ Dominus Deus iustis præparauit. Nec supplicia peccatoribus parata considerat, sed seipsum absque timore villo pascit: in tali autem omnem concupiscentiam operatur carnalem hostis improbus; nequitque talis intelligere, qua ratione ne porta quidem Urbis potest animaduvertere, quinam per eam ingrediantur, & exeant. Nam concupiscentia in mentem eius ingressa, oculos ipsius obuelat. Athletas porro variis modis inimicus oppugnat: & ante quidem consummationem iniquitatis, vehementer eam in oculis ipsorum imminuit; potissimum verò concupiscentiam voluptatis carnalis: tantumque eam in ipsorum oculis, priusquàm peragatur scelus, extenuat improbus; quomodo si quis poculum aquæ frigidæ humi effunderet. Consummato autem iam scelere, usque adeo illud extollit atque exaggerat malignus in manibus fratris qui in illud incidit, ut nihil suprâ. Quin etiam desperationis aduersus eum vndas excitans, sæpe quoque & per parabolas se illi opponit, talia ipsi suggerens dicensque: Quid fecisti, inanis & inutilis operarie? Nunc patefaciam ibi cui labor tuus sit similis: Quemadmodum si quis sibi plantasset vineam, quam studiosè coluisset atque custodisset, donec fructum ferret: deinde illâ vindemiâtâ, vini cados impleisset, tum verò repente surgeret, arreptâque securi dolia frangeret, effusumque vinum periret, huic simile est opificium tuum. Hæc improbus dæmon fratri suggerit, volens ipsum in profundum desperationis deprimere. Quare hæc inimici machinationes prænosces, frater charissime, fuge peccatum. Et si fortè in delicto aliquo præoccupatus fueris, ne in eodem permaneas errato: verum resurge, & conuertere ad Dominum Deum tuum, in toto corde tuo: ut saluetur anima tua. Ad improbam porro cogitationem dicito: Etsi dolia confregi, vinumque deperidi: vinea tamen adhuc superest, & Dominus lon-

ganus est, & misericors, ac iustus: & spero bonitate eius mihi cooperante, fore ut iterum ipsius vineam studiosè excolam, atque custodiam: ac dolia ex ipsa ut antea compleam. Ait quippe per Prophetam Esaiam ipse: Si fuerint peccata vestra, ut phœniceum, quasi niuem dealbabo: & si fuerint ut coccinum velut lanam dealbabo. Et, si volueritis, & audieritis me, bona terræ comederitis. Si autem nolueritis, neque exaudieritis me, gladius deuorabit vos: os enim Domini locutum est ista. Ipsi gloria, in secula seculorum. Amen.

*Isai. 1.
LXXII 70.*

PARÆNESIS XXXV.

Quomodo oporteat consolari pusillanimes.

FRATER suum quærebat fratrem, illòque inuento, dixit ad eum: Quo te recipis frater? ille autem ad eum: Quidam in angustiis versabatur ex fratribus, & abibam consolaturus eum. Et frater eius ad ipsum: Si propter Dominum abiisti, mercedem habebis. Sunt enim nonnulli, qui videntur consolari, ac compati, & nesciunt quòd potius affligant, & ad nocendum abeant: Frater autem: Et qualis, inquit, ille qui sic suum consolatur fratrem, ad nocumentum & damnum? Respondit illi frater eius: Si vir spiritalis fuerit, qui alterum consolatur, non ad nocendum, sed ut multum prosit, vadit. At qui, quæ carnis sunt, sapit: hic nihil proderit. Frater autem ait: Vellem scire vtriusque verba: ne fortè dum prodesse cupio fratri, obsum. Et frater ad eum: A Domino miserationes quæramus ambo, ut gratiam suam cordibus nostris immittat: nam sine gratia ipsius, homo rectè & cum virtute agere nihil potest. Audi ergo gratiam cooperantem. Qui carnalia sapit, ad fratrum consolationem vadens, talia depromit: Quid habes, inquit, mi frater? Ille verò ad ipsum: Rem quandam necessariam ab Oeconomo postulauì, nec dedit mihi, vel alium adhibet fratrem, à quo sit violatus iniurià. His auditis, qui scilicet ad consolandum venerat, exclamat dicens: Et quamobrem iste nos vsque adeò dedecore afficit? Nam & mihi aliàs idem fecit, ignominiaque notam intulit,

*Differentia
inter Con-
solatorem
spiritalem
& sensualē*

& honore à nobis afficitur, & non intelligit, neque vult seipsum ferre, putantque Præfecti eorum qui hîc sunt, in hoc solum loco licere saluari: vel hîc tantummodò solem oriri, & alibi saluari hominem non posse. Recedo & ego à loco isto, & ab istis hominibus liberor: magisque in verbis hisce, fratri nocet. Si porro & alij reperiuntur, eidem obnoxij cogitationi, peius fratris cogitationem dissoluunt atque euertunt. Sæpe verò contingit & vinum in medium proferri, & donec inebriati fuerint, non cessant potitare, & verbis contendere ad inuicem. Accidit autem quòd & manibus se inuicem adoriantur: alij verò etiam in ipso loco, ex nimia compotatione obdormiscunt.

Frater autem ait: Cuperem spiritualium quoque nosse verba, vt optima ex iis mihi ipse deligam. Ille verò respondit: Spiritualis, quando ad fratris concessurus est adhortationem, in primis etiam priusquam suâ egrediatur cellâ, in oratione consistit, vt Dominus viam suam prosperet, veniensque ad ianuam fratris & pulsans, pœnitentiam agit, admissusque ingreditur, ac se ad orationem componit. Postea verò, simul in silentio sedent. Deinde ad fratrem, dominus cellæ: Bene, inquit, venisti, frater: aduenisti enim benedicturus nobis, Frater respondit: A pietate & reuerentia tua ego benedicar. Obsecro igitur te, benediste à domino, quid est quod habes? At frater, cogitationes suas profert, ac fratrem quendam esse qui ipsi molestiam exhibuerat. Quibus auditis, frater ait: Domine adiuua me; non enim sinit inimicus quemquam quiescere. Rursus autem sermonem subiungens, dicit: Veruntamen charissime, & vbi non est tribulatio? vbi non est labor? Mundani, nonne laborant? Nautæ, per maria discurrentes, nonne periclitantur? Milites in bello, nonne pericula subeunt? & quo pacto nos sic pusillanimes sumus tanquam soli angustiis ac tribulationibus pressi? Mundani in mundanis laborant, & fatigantur; spirituales in operibus spiritualibus affliguntur; at mundi tristitia mortem operatur; qui autem secundum Deum est dolor pœnitentiam in vitam æternam. Et nos ergo tribulati, ne pusillanimes simus. Scriptum est enim: Tristitia vestra conuertetur in gaudium. Et tu quidem ista sustinuisti, nunc autem carne consummaris? Recordare, quòd mundo renuntiasti,

nuntiasti, ac propriæ voluntati, & verbum non sustines? Nam nostro ventri seruimus, proprięque voluntati? & verbum non toleras? propter quod etiam à mansione vis abscedere. Istane nostra laus est? Itane inimicus cogitationem humilitatis deprędatus est, & ea de causa perturbationes vehementer in nos insurgunt? Ne mihi res veras ad te referenti irascaris: hæc enim pro te tolerans, loquor. Nam vnde causa prouenit? planè vel ob cibum, aut ob potum: aut quòd verbum tolerare nolueris, tantis affectus es damnis. Et reputasti omnia velut stercora, vt Christum lucrifaceres: & iterum antiquis mentem pateris demergi passionibus? Nam nisi continentiam diligamus, nisi tribulationem feramus, nisi nostram voluntatem abscindamus, non est nobis libertas dicendi: Ecce nos reliquimus omnia, & secuti sumus te. Perpende mente qualis eras, dum primum ad ianuam monasterij aduenisti, spiritu seruens in timore Domini.

Mat. 19.

At fortè cupis dicere: homines isti cogitationem meam peruerterunt. Ergo nostri ventris mancipia facti sumus, & propriæ voluntatis? Vis ostendam tibi, charissime, ex nostra ignauia id ortum esse? Lot in Sodomis habitabat, & non cum iis periit. Giezi Prophetæ Elisæo seruiebat, & peceauit. Similiterque Samûel apud Heli permanebat, & simul cum filiis ipsius versatus est: & illi ceciderunt, hic autem saluatus est, quia in veritate dilexit Dominum. Iudas porro Iscariotes cum discipulis sequebatur Dominum: & tradidit magistrum ac Dominum glorię in manus impiorum. Ne igitur cedamus inimici consilio suggerentis, videlicet, honestas prima fronte causas ad animas nostras evertendas. Ex diuinis enim Scripturis exempla habemus, quomodo vnusquisque sibi ipsi attendere debeat, siue cum iustis conuersetur, siue cum peccatoribus. Inter iustos ergo ac bonos dum commoramur, iustè ac sanctè viuamus: at si peccatoribus cohabitemus, demus operam, vt à nobis illi ad viam pertrahantur salutis, diuina adiuuante gratia.

Quòd si vis dicere, debilem te esse & pusillanimum. Audiamus sacras Scripturas, & Sanctorum Patrum vinendi normam imitemur, vt sanetur anima nostra: & non solum dum audimus, compungamur, & paulò pòst deteriora aga-

*Mat. 3.**Prov. 12.**1. Pet. 5.**Jacob. 4.**Tit. 1.**Mat. 24.*

mus. Nam qui ita sermonem accipit, nunquam fructum referet: cum radicem tales in seipsis non habeant; omnis autem arbor, quæ non facit fructum bonum, excidetur, & in ignem mittetur. Tanquam infirmi, auscultemus admonitiones virorum timentium Dominum, qui ad sanitatem deducant animam: & ne similes efficiamur illis, qui, quæ voluntatis sunt propriæ, audire solum volunt: ut ne miserè, infanis ac temerariis cogitationibus adhæreamus. Dixit enim quidam sanctorum Senum: Si conspexeris adolescentem propria voluntate in cælum ascendentem, tene ipsum: expedit enim ipsi. Id verò de illo quoque intellige, qui cum ætate sit senex, mente tamen est iunior. Dicit enim in Proverbiis Sapiens: Vix insipientium rectæ coram ipsis: qui autem sapiens est, amplectetur consilia. Audiamus porro & eum qui dicit: Adolescentes, subditi estote senioribus. Omnes autem inuicem humilitatem insinuate: quia Deus superbis resistit, humilibus autem dat gratiam. Sunt enim nonnulli, qui sibi videntur sapientes esse, & non dignantur obedire iis qui verè sapientes sunt, ac cognitionem Dei habent. Quos etiam iure Apostolus vaniloquos & seductores denominat, dicens: Sunt multi vaniloqui, inobedientes, & seductores.

Alteri porro sæpe cogitatio suggerit, & ait: Iunior adhuc es, circa senectutem tuam poenitentiam ages. Et si ad senium peruenerit, iterum cogitatio ipsi objicit: Nunc consenuisti, & requie indiges. Vnde necessarium est, charissime, cum timore & tremore Domino quotidie inservire. Quis enim nobis dixerit, certioresque fecerit, fore ut consenscamus? & si consenuerimus, quòd bonam cogitationem inueniemus? siquidem vel iam hinc salutem nostram neglexerimus. Audiamus dicentem Dominum: Vigilate & orate, quia nescitis diem, neque horam. At nos ob nostrum torporem, atque segnitiam, graue reputamus suauem iugum Domini. Quot putas, charissime, in mundo diuersimodè conflictari atque vexari, eorumque filios pro pignore poni? aliorum verò etiam optimatum filios in captiuitatem delabi, & in seruitutem diuendi, seruientes vilioribus ac miserabilioribus hominibus, quàm sint ipsi, in terra aliena? Alij verò inopes atque mendici, in plateas & vicos ciuitatis

proiecti iacent nudi, frigore æstuque afflicti : nobis verò non satis est habere rectum hoc, quod nobis largitus est Dominus, & mundanarum rerū curā vacuos esse atque solutos. Hæc recolamus memoriâ, & non aspernemur gratiam Dei, beneficia eius : quia dignatus nos est suavi iugo suo. Imò & quæsiuimus, inquit, & non dedit nobis. Et quis scit, non ad commodum & vtilitatem nostram, id accidisse : dicamus autem & istud : Nonne nouit quispiam nostrum, sese inobedientem fuisse Domino : & tamen id videns Dominus, patienter ac longanimiter tulit ?

De præfectis porro nostris, relinquamus Domino. Omnes enim astabimus coram tribunali Christi. Nam Dens personam hominis non accipit. Exurge igitur, & præcinge te ipsum. Et ne succumbas cogitationibus. Audi dicentem : *Rom. 12.* Noli vinci à malo, sed vince in bono malum. Hei mihi peccatori, charissime. Tot ac tanta Dominus gloriæ pro nobis pertulit : quid poterimus ei, æquiualens passionibus proferre, quas propter nos sustinuit ? Procidamus ergo coram ipso, tota mente ac viribus, patientiam à bonitate ipsius deprecantes. *Act. 14.* Per multas enim tribulationes oportet nos intrare in regnum cælorum. Dixit quippe Saluator suis discipulis : Vos tribulationem habebitis in mundo, mundus autem gaudebit, vos verò contristabimini ; sed tristitia vestra vertetur in gaudium. *Ioh. 16.* Mulier cum parit, tristitiam habet, quia venit hora eius : cum autem peperit puerum, iam non meminit horæ illius propter gaudium, quia natus est homo in mundum. Et vos igitur tribulationes hinc habebitis : iterum autem videbo vos, & gaudebit cor vestrum, & gaudium vestrum nemo tollet à vobis. Et sic confirmans fratrem verbo veritatis, secundum donum gratiæ, vterque gratias agit Domino. Si porro etiam gustare inter se cibum contigerit, omni cum honestate ac verecundia comedunt & bibunt, ob sustentationem corporis : & ne inebrientur vino, in quo est luxuria. Faciens ergo opus Domini, reuertitur ad cellam suam, glorificans Deum super mutatione atque conuersione fratris. Quoniam ipse est potentia & gloria, in secula seculorum. Amen.

PARÆNESIS XXXVI.

Oportere fratrem cū legit, aduertere: & studiosè legere velut in præsentia Dei.

FRater charissime, si onus legendi mandatum tibi fuerit coram fratribus; aduerte diligenter, vbi qui auspicatus est, finiuit: & resumptis verbis, lectionem incipe: vt sit lectio tua instar catenæ ex auro contextæ. Nam qui verbum vnum contemnit, & versus transilit; hic neque discere vult sicut oportet, neque eos edocere, qui attendunt: solum enim finem Sermonis expetit; & quando absoluator liber. Tu autem charissime, sobrius esto ac vigilans, vt & tibi ipsi prodis per lectionem tuam, ac iis qui te auscultant. Quod si repente imperetur tibi vt legas: ex sinistra parte, lectionem aggredere. Si autem initium Sermonis sit; dic titulum atque inscriptionem: sic enim quod legitur, intelligitur. Sin verò librum bene compunctum, rectèque descriptum habes: posside ac tene eum, ne in ipso offendiculum legenti reperiatur, aut exscribenti.

PARÆNESIS XXXVII.

Non debere nos huc illucque retorquere oculos, sed potius deorsum aspectum habere, sursum verò animam ad Dominum.

INTERROGATIO.

IN quonam, fornicationis dæmon funditus profigatur?

RESPONSIO.

NON solum per abstinentiam à cibis: verum etiam vt oculos auertamus, ne videant vanitatem. Nam in oculo vago atque distracto adulterium consistit, quod &

Dominus testificabatur, dicens: Amen dico vobis, quia omnis qui viderit mulierem ad concupiscendum eam, iam mechatus est eam in corde suo. Hanc fornicationem eradicat, atque euellit, qui oculos deorsum deprimit, sursum autem mentem ad Dominum attollit. Et qui ventrem domat, aspectum quoque cohibet. Grauis enim ac vehemens est proditor, oculus vagus atque distractus. Nam ceteræ affectiones atque perturbationes animi, recentem habent tentationis ardorem. Bellum autem oculorum, & præsens, & absens, dolore affligit animam, prauâ concupiscentiâ inflammans mentem. Exempli gratiâ, charissimi: Audiuit quis suauem musicorum concentum, & præterit: postea luctus vocem audiuit, & planctus dulcem musicorum concentum depulit. Similiter gustauit quis mel, postea verò aliquid etiam acerbissimarum degustauit specierum: & acerbitas mellis dulcedinem ex gutture reiecit. Item, odoratus est quis suauissimum aliquid, deinde etiam malum aliquem olfecit odorem; & grauis odor suauitatem odoratus exstinxit. Et rursus, tetigit quis aquam frigidam, ac postea ebullientem attigit; & feruor calidæ, frigiditatem aquæ repressit. Ceterum vagi atque distracti oculi bellum, & præsentem & absentem materiæ comburit mentem per concupiscentiam. Quin etiam in somnis corda simplicium, imaginationibus illudit: Nam demones tentationem in animo describunt, mentemque exercent, efformantes tentationem in oculis hominis. Pro quo & Propheta obsecrat, dicens: Auerte oculos meos; ne videant vanitatem. Effrænata quippe concupiscentiæ cogitatio, mentem etiam puram ac simplicem transfert atque immutat: Nam in oculorum conflictu, demonum insidiæ latent, nisi præciderit qui aspectu superatus est. Quando ergo efformare tentationem daemon inceperit, & in mente tua ac cogitatione depingere pulchritudinem mulieris, quam aliquando conspexisti, vel quid similem: in medium tibi adducito timorem Dei, & memineris illorum qui in sepulchris dormiunt. Cogita diem tui hinc exitus, quando anima tua separanda erit à corpore: considera formidandam atque tremendam vocem, quam audituri sunt, qui iustitiam neglexerint, & Christi præcepta non seruauerint: Discedite à me maledicti in ignem æternum, qui paratus est diabolo.

Psalm. 118

Matth. 25

& angelis eius : ubi erit fletus , & stridor dentium. In tenebris exterioribus considera vermem non quiescentem , & tormentum non cessaturum. Horum reminiscaris. Ista animo tecum perpende : & exterminabitur è mente tua concupiscentia voluptatis carnalis : sicut dissoluitur cera à facie ignis : non enim resistere poterunt timori Dei.

Quicumque enim prauæ concupiscentiæ non resistit, sed euacillat, lasciue oculos suos dimittens : prorsus & mentem ad passiones eiusmodi inclinavit : & nisi ob verecundiam omisisset humanam, sæpe etiam corpus corrupisset. Si ergo non se sobrium ac vigilantem talis præbuerit, timoremque domini præ oculis suis constituerit : non tardabit etiam corpus corrumpere. Nam istum dæmonem, qui oculorum euagationem atque distractionem suggerit, alius dæmon subsequitur, qui naturaliter in carne operatur peccatum. Si enim secundus priorem viderit potuisse animam ad distractiones eleuare : continuo consilium suggerere incipit, peccatum carnaliter perficiendi. Incipit enim aliquid eiusmodi suggerere, & ad eum, qui oculorum aspectu victus est, dicere : Ecce, studio & instituto proprio peccasti, inquit, & corde iam mœchatus es. Deinde etiam præcepto excidisti : & peccatum transgressionis mandati modò reputatum est tibi : nunc ergo tuam perfice concupiscentiam : cum idem sit agere, & in animo habere : frui igitur ipse tua concupiscentia. At tu charissime, ne acquiescas consilijs ipsius : non enim (vt ait Apostolus) eius cogitationes ignoramus. Nam in istis animam tuam ipse venari cupit. Audi porro & de eo Parabolam : Adolescens quidam erat in regione quadam, & sibi ipse tres virgines desponsauit : peregrèque in regionem longinquam est profectus, ubi cum diutius moraretur, vna virgo sibi virum accepit : secunda autem elapsa, similiter scortationi se dedit, & vterum tulit. At tertia virgo, secum dixit : Nisi humanus me cohiberet pudor, ego quoque mihi virum caperem. Et incepit virgo in eiusmodi verliari cogitationibus : ac postea recordata est adolescentis peregrè profecti, à quo & arrabonem acceperat post reliquas virgines : poenitentiaque ducta, defleuit quòd etiam omnino permisisset cogitationem improbam in suo

corde succrescere. Quando ergo iam reuersus est adolef-
cens, qualem putas ex tribus istis virginibus ipsi fuisse magis
acceptam? nonne postremam, quæ cogitauit solum, & non
opere perfecit? imò verò & de praua cogitatione poenituit,
ac fleuit. Quapropter necessarium fuerit dicere sollicitanti
dæmoni ad actionem iniqui peccati: Tametsi oculis impege-
rim, & corde mæchatus sim: ipsum tamen cor meum adul-
terio obnoxium, gemitibus inenarrabilibus conteram; & o-
culum collapsum, lacrymis abluam. Quoniam cor contri-
tum, & humiliatum Deus non despiciet. Ipsi gloria, in secula
seculorum. Amen. *Psalm. 50.*

PARÆNESIS XXXVIII.

De Mansuetudine.

ITane ô Monache, professus es te Christo placere vel-
le, vt tentationes ac tribulationes, quæ ingeruntur ab
aduersariis, non fortiter sufferres, neque correctiones &
admonitiones à tuo Præfecto susciperes: cùm Apostolus
dicat: Quòd si extra disciplinam estis, cuius participes facti *Hebr. 12.*
sunt omnes: ergo adulterini & non filij estis? Cæsus es? gau-
de te cæsum esse verberibus: verùm, erratum corrige. In-
iustè verberatus es? gaude, quoniam merces tua magna.
Nam & Apostoli, qui salutem mundo nuntiabant, oppida-
tim velut facinorosi atque malefici cædebantur, & non iras-
cebantur, neque ægrè ferebant: sed gaudebant, quòd di-
gni haberentur pro nomine Iesu contumeliam pati. Qua-
re tu quoque gaude, quòd dignus sis habitus, qui pro nomi-
ne ipsius, ignominia afficiaris. *Act. 5.*

At fortè quis ex negligentioribus dicet: Doleo hoc mihi
accidisse, & quidem post tantos labores. Istud te angit, ser-
ue Christi? hinc ergo te ipsum cognosce; num reuera post
tot annos, passionis & affectionis tuas viceris? num super-
ueniente aliqua ignominia gauisus sis? & non potius super-
bieris de gloria quæ obtigit? Nam si quis existimat se ali-
quid esse, cùm nihil sit, ipse se seducit. Experimentum e-
nim gubernatoris, in tempore fluctuationis ac tempestatis *Galat. 6.*

apparet. Nam qui se iactitat, & dicit: Tot iam annos in vita solitaria ago: promissi autem sui effectum non ostendit, neque rationes castæ ac religiosæ vitæ suscipit; instrumenta hic circumfert, quorum artificium nondum didicit. Consenuisti in habitu; tanquam experientiam prædictæ vitæ habens, forma esto iuuenibus & inexpertis. Si verò adhuc es nouitius: senioribus morem gerito. Etenim terreni regis milites, ducibus atque principibus suis subiiciuntur, parentque. Nonne multò nos magis decet obedire, non solùm ob timorem, sed etiam propter conscientiam? Nam si illi, qui secundùm carnem militant, omni studio contendunt curare subditos suos: quomodo tu, qui & vitam ipsam abnegasti, pateris te ab eiusmodi distrahi passionibus, effrænis, atque inobediens, & Christi disciplinam propulsans? Laudem quidem & gloriam perfectorum Anachoretarum expetimus; verùm labores, quibus acquiruntur honores, subterfugimus. Cur tantam tibi quietem & laborem, ob diem horamve vnicam perire pateris? Si te ipsum peremeris, quis miserebitur tui? Hæcne tua laus? istane probatio tua? vt vel modica tibi obuiente tribulatione, & habitum & vitam abneges, ac contra te, inimicum propriâ negligentia armes? Ne frater, ne quæso aduersarius des terga: verùm resiste, atque oppugna eos, & à te profugient. Existimo enim eum, qui tui curam suscepit ac præfecturam, non in tuo gaudere vituperio, quippe cui incumbat rationem pro te reddere Domino: sed gaudio afficitur, si te perfectum Christo Domino sistat. Ingredere igitur in te ipsum charissime, & reuertere in requiem tuam. Induere thoracem fidei, & tibi galeam salutis impone. Assume gladium Spiritus sancti, quod est verbum Dei. Esto forma & exemplum mansuetudinis fratribus concordibus. Admirentur etiam Superiores patientiam tuam. Gaudeat & Spiritus sanctus in te inhabitans de fortitudine tua. Si autem exiguum non feras tentationem, quomodo magnam sufferes? Et si puerum vincere nequeas, virum perfectum in lucta quo pacto superabis? Et si verbum non toleres, verbera quomodo perferes? Et si alapas ac verbera non sufferas, crucem tuam quomodo portabis? Et si crucem portare nequieris, quo pacto gloriæ consorti in cælis eris, cum iis qui dicunt: Hæc omnia venerunt

Ephes. 6.

Psalm. 43.

runt super nos, nec obliti sumus te, & iniquè non egimus in testamento tuo. Et rursus: Quoniam propter te mortificamur tota die, æstimati sumus sicut oves occisionis. Volebam mihi silentium imponere, frater dilecte, ob confusionem faciei meæ, sed dolor cordis mei, vt loquar perurget. Ita, frater charissime, obliti sumus eorum, quæ propter nos omnium nostram sustinuit Dominus: quippe qui nostrâ causâ contumelijs affectus est, & contemptui habitus. Audiuit, dæmonium habes, & non est ira commotus; audiuit, seductor es, & non est ultus; alapis percussus est, pugnis cæsus, & cruci affixus, acetum cum felle gustauit, lanceam in latere accepit: hæc cuncta propter nostram salutem sustinuit. Hei, hei, misero mihi, hei, hei infelici mihi, & peccatori: quia inexcusabilis sum. Quid dicam, aut quid eloquar coram te, Domine, qui occulta nosti cordis mei? Propitius esto mihi indigno peccatori Deus, qui planè nullam iniuriam, aut verbum contumeliosum, propter te, qui tanta propter nos pertulisti, audire volo. Quis super me non plangat, qui religionem ac pietatem mihi pro operimento malitiæ vindico? Nam verbis monachatum profiteor: operibus autem ad iracundiam Dominum prouoco. Verè quia abundauit iniquitas, refrixit multarum animarum charitas. Resipiscamus, & ad Dominum reuertamur, obsecro charissimi: non enim quemquam saluari cupientem reicit Dominus, sed etiam saluti cooperatur. Dicamus & nos cum Propheta: Conuertere anima mea in requiem tuam: quia Dominus benefecit tibi. Quia eripuit animam meam de morte, oculos meos à lacrymis, & pedes meos à lapsu. Placebo in conspectu Domini, in regione vinorum. Vt nos quoque illud audire mereamur dictum: Hic filius meus mortuus erat, & reuixit, perierat, & inuentus est. Quia Deo nostra gloria, nunc & semper, & in secula seculorum. Amen.

Matth. 26
27.

Psal. 134.

Luc. 24.

PARÆNESIS XXXIX.

*De inobedientibus, & de statu ac timore Dei,
& de futuro iudicio.*

Charissime, si frater aliquis aduentans, cohortetur te, dicens: Veni nobiscum, velut sanguine iuncti communemus consilia nostra; in fratria ac factione coniuncti sumus; Contradicentes verò reprimamus; Senioribus resistamus, & non reuereamur caniciem; percutiamus œconomos; subfannemus quietis ac silentij cultores; religiosos ac pios ludibrio excipiamus; Cunctos nobis ipsi subiiciamus: erimusque nominati ac celebres; Reprehensi, ne præbeamus silentium; vnà pariter vociferemur, ne nostrum appareat mendacium; Admoniti fastum retineamus ac tumorem; adhortationibus interpellati, effermur. Sit nostra vis lex iustitiæ: nam quod infirmum est, velut inutile reprehenditur. Tu ergo charissime, ne cum iis in via ambulaueris: verum ab ipsis declina, & te expedi. Non enim conquiescent, nisi malè egerint. Responde autem ei, qui ista dicit: Nihil mihi tecum est negotij. Ista omnia effugi: & rursus iisdem seruire volo? Quæ vtilitas detonsi capilli? aut cuiusmodi vtilitatem ac fructum ex iis rebus quis capiat? Mente retineamus, quòd mundum deseruerimus, vt Monachi effemus: & quo pacto tu animas vis fratrum turbare? Audiens autem ista veridica verba, ne succenseas: nam communis est adhortationis vtilitas. Et cur non agnoscimus, quæ psallimus? Nonne ista canimus: Beatus vir, qui non abiit in consilio impiorum, & in via peccatorum non stetit: & in cathedra pestilentie non sedit. Sed in lege Domini voluntas eius: & in lege eius meditabitur die ac nocte? Et rursum ait: Quoniam nouit Dominus viam iustorum; & iter impiorum peribit. Et in alio iterum Psalmò dicit: Quia ecce, qui elongant se à te, peribunt: perdidisti omnes qui fornicantur abste. Mihi autem adhærere Deo bonum est, ponere in Domino spem meam. Rursusque ait: Inimici verò Domini, mox vt honorificati fuerint & exaltati, de-

Psalm. 1.

Ibidem.

Psalm. 73.

ficientes quemadmodum fumus deficient: Mansueti autem hæreditabunt terram; & delectabuntur in multitudine pacis. Dicit porro & in alio Psalmo: Quid gloriaris in malitia, qui potens es iniquitate, tota die. Et in alio ait: Non habitabit in medio domus meæ, qui facit superbiam: qui loquitur iniqua, non direxit in conspectu oculorum meorum. Multos quippe cogitatio decepit superbiæ, inania spirans. Nam scriptum habetur: Non alta sapientes, sed humilibus consentientes. Quiesce igitur obsecro: ne fortè dum ad tempus voluntati tuæ indulges, nouissima tua in dolore peragas. An potius insidias struere conaris aduersus locum hunc sanctum? secundùm eum qui dicit: Qui edebat panes meos, magnificauit super me supplantationem. Concedamus ergo ad cellas nostras. Dedicamus peccata nostra, vt Deum placatum reddamus: propter quem etiam ex vano hoc seculo egressi sumus: ne quando rapiat, & non sit qui eripiat. Consideremus hæc clarè atque perspicuè: quoniam & si mille nunc sumus, in die tamen mortis singuli hinc soli abibimus: solùm opera quemque sequentur sua, quæcunque hîc egerit, siue mala siue bona. Hæc meditare, de istis cogita, vt à ventura fugere possis ira. Non enim nobis est possibile, manus effugere Creatoris nostri, secundùm Psalmistam dicentem: Quo ibo à spiritu tuo? & quo à facie tua fugiam? Nemo ergo seipsum decipiat. Nam coram tribunali Christi oportet nos omnes præsentari: vbi cuncta erunt nuda & aperta oculis ipsius, vbi millia millium, & decies centena millia sanctorum Angelorum & Archangelorum assistent coram eo, & omnes cælorum Virtutes mouebuntur. Et vbi tunc erit superbia atque inflatio? vbi tunc temulentia & exandescencia? vbi tunc luxur atque lasciuia, minæ, & iactantia vana? Quis horribiles Angelorum Dei minas sustinebit? Cogitemus fore, vt qui Christum Dominum expectarunt, & ei accepti fuerunt, ipsi tunc nos iudicent. Sicut scriptum est: An nescitis, quòd Sancti hunc mundum iudicabunt? Ipsi enim cùm similes nostri passibiles fuerint homines, in mundo gratos atque acceptos se Deo præbuerunt: Nos verò malis operibus Deum exacerbamus.

Sed fortè dixerit quis duplicis animi homo: Nouit, in-

*Psalm. 51.**Psalm. 100.**Rom. 12.**Psalm. 40.**Psalm. 138.**1. Cor. 6.*

*Ecd. 7. 2.**Iob. 9.
Iuxta 70.**Matth. 5.*

quiens, Dominus quæ meæ sunt imbecillitatis, & comparatur infirmitati meæ. Hei mihi, hei mihi. Quis hos non deploret; quoniā in opere Domini infirmitatē præteximus: ad pugnas autem & fratras seu factiones, ac contradictiones faciendæque mala potentes sumus. Cur te ipsum decipis, Deum irridere putans? Ne semines mala, & mala non meres. Audi eum qui dicit: Quis durus factus; & ante eum permanfit? Qui in vetustatem perducit montes, & nesciunt: qui subuertit eos in ira. Aut potius cor nostrum in crapula & ebrietate, curisque secularibus increffatum est ac impinguatum: vt ordinem nostrum atque institutum intelligere nequeamus. Nam pro eo, quod vnumquemque nostrum cogitare secum oporteret, & dicere ad animam suam: Non reperio quod me bene veram; quin potius omni vento circumferor. Et, quorsum ego aliorum animas, in meam damnationem conturbo? Et nonne magis mihi conueniebat, etiam tale quid conantes, aliqua comonitione & adhortatione ad modestiam reuocare & in officio continere, ne adoptione excidam? Scriptum est enim: Beati pacifici: quoniā ipsi filij dei vocabuntur. At nunc quid agā negligens? Quid in die iudicij, corā horribili tribunali non solū pro anima mea: sed etiā pro illis, quibus scandalo fui, & à via veritatis auerti, respōdebo? Nā cū alius patrem reliquisset & matrē: alius vxorem & filios, fratres & amicos, vniuersamque substantiam, propter spem in Christum; quietamque vitam elegissent: Ego miser non cessavi eos diuexare, atque affligere. Et dum per quietem atque tranquillitatem contendū placere hominum amatori Deo: tu hisce contraria agis, & tua non conquiescis in cella; verum monachorum cellas obis, peruertens fratrum animas, & fratres inter sese traducens, ac calumniis premēs, suspicionesque improbas ipsis proferens, & cogitationum pulueres iis excitans, ac pugnas fraternitati conflans. Nam quia te malæ concupiscentiæ emancipasti: stulta atque inepta ista didicisti. Quid ita crudeliter tuā ipsius vitā abuteris? Cur damnū animæ tuæ, velut lucrum reputas? Cur in te ali ena attrahis mala? Nisi deinceps temperatē ac modestē te gesseris, vitæque tranquillæ te dederis: etiam ab eis coarguēris atque damnaberis. Cūque penitus in profundum collapsus fueris maiorum; tunc etiam tu veritatis inimicos accusabis. Non

enim subsistet impiorum consilium, secundum eum qui dicit: Dominus dissipat consilia gentium, & quæ sequuntur: Consilium autem Domini in æternum manet. Aut adhuc magis ex duritie cordis nostri, & ob corporis nostri vires efferimur? nescientes dictum illud: Quoniam gigas non saluabitur in multitudine virtutis suæ. Et paulò post: Ecce oculi Domini super metuentes eum, & in eis qui sperant super misericordia eius. Ut eruat à morte animas eorum, & alat eos in fame. Ne recuses, admonitus. Video enim inclinationes tuas, ambitionem, dominandique libidinem spirantes. Noli suspicere humanam gloriam: sed in consequens periculum respice. Siquidem potentes potenter tormenta patientur. Nam si animam unicam, quam nobis credidit Dominus, neglexerimus; permiserimusque eam desolari ac deuastari, & spinis impleri, tanquam vineam in sepimento neglectam: quomodo totius paradisi nobis curam Dominus committeret? Qui enim in paucis, inquit, fidelis est, etiam in multis fidelis erit. Et qui in modico iniquus est, & in maiori iniquus est. Oremus igitur pro anima nobis à Deo concredita: ut de ea rationem reddere possimus, quando Dominus vniuersum mundum discutiet. Non enim exiguum sequetur eos periculum, quibus gregis ouium fuerit cura commissâ: si præter voluntatem Principis pastorum, ouibus abusi fuerint. Nam potentes, sicut iam dictum est, potenter tormenta patientur. Quare resipiscamus ante finem vitæ; priusquam hinc nobis emigrandum sit, ac moriendum: ubi non erit, qui pro nobis aduocati ac patroni partes suscipiat. Ibi conspiciemus mites & humiles corde, in magna gloria: nos verò, qui inobedientes ac contumaces sumus, in angustiis & suspiriis. Nihil enim propter Deum facimus, nihil ob charitatem ipsius, nihil cum humilitate: sed omnia in fastu ac superbia, omnia studio complacendi hominibus, & ob perditam inanem gloriam. Omnes superbi sumus, omnes iracundi, & exandescentes: inuicem enim nobis inuidemus, inuicem æmuli sumus, inuicem nos mordemus, & deuoramus. Citò anticipent nos misericordiæ tuæ, Domine: quia pauperes facti sumus nimis. Adiua nos Deus salutaris noster. Dicentem audi: Qui non est mecum, contra me est; & qui non colligit mecum, dis-

Psal. 101.

Luc. 16.

Psal. 78.

Matth. 22.

Luc. 17.

pergit. An oblitus es frater lapidis molaris, in supplicium definiti aduersus eos qui scandala committunt? Ne decipiaris & homo: Impossibile enim est, sine timore Dei, magnaque humilitate proficere. Nam quæ absque iis commoda accidunt, damna conciliant. Scriptum quippe est: Nec quisquam sumit sibi honorem, sed qui vocatur à Deo. Diuertere ergo à malo, & fac bonum: inquire pacem, & persequere eam, ut assequaris, quoniam oculi Domini super iustos, & aures eius in preces eorum: vultus autem Domini super facientes mala, ut perdat de terra memoriam eorum.

*Heb. 5.**Psal. 33.**Luc. 18.*

Ne simulachris, & opinionibus huius seculi abstrahamur: nihil enim ab umbra differt. Nam multi cum obdormissent opulenti, surrexerunt pauperes. Et qui hodie princeps, cras magistratu priuatur. Et qui hodie Rex, cras morietur. Beati autem qui sustinent Dominum, & fallaciam seculi huius abominantur: nam reuera gloriam futuram hæreditate possidebunt. Ille enim diues induebatur bysso, & purpura, & quotidie epulabatur splendide; ipsumque felicem prædicabant filij istius seculi: at non Angeli Dei. Lazarus verò mendicus, vlceribus plenus iacebat ad ianuam diuitis, cupiens saturari de micis quæ cadebant de mensa diuitis: sed & canes aduentantes lingebant vlcera eius. Lazarus ergo non cupiebat aliud ab ipso diuite, neque ex ferculis mensæ ipsius; sed neque ex quibus comedeat diues: verum tenuia saltem atque abiecta petebat, ex quibus vescerentur canes. Et quantum quidem diues suspiciebatur ac magnificabatur ab hoc seculo, propter gloriam de ipso conceptam: tantum ab iis mendicus spernebatur ac respuebatur: Angeli verò Dei, patientiam ipsius admirabantur. Quando ergo vtriusque iam aduenit finis, factum est ut deportaretur mendicus ab Angelis in sinum Abraham; diues autem in supplicium iniectus est: & in inferno suos eleuans oculos, cum esset in tormentis, videt Abraham à longè, & Lazarum in sinu eius. Et ipse clamans dixit: Pater Abraham miserere mei, & mitte Lazarum ut intingat extremum digiti sui in aquam, & refrigeret linguam meam, quia crucior in hac flamma. Dixit autem Abraham: Fili, recordare quia tu bona tua recepisti in tua vita, & Lazarus similiter mala: nunc autem hæc consolatur, tu verò cruciaris. Et in omnibus his, inter

nos & vos chaos magnum firmatum est: vt qui volunt hinc transire ad vos, non possint: neque inde ad nos transmeare. Dixit autem: Rogo ergo te, pater, vt mittas ipsum in domum patris mei: habeo enim quinque fratres, vt testetur illis, ne & ipsi veniant in hunc locum tormenti. Et ait illi Abraham: Habent Moysen & Prophetas, audiant illos. At ille dixit: Non pater Abraham: sed si quis ex mortuis resurgens, ad eosierit, fidem ei adhibebunt. Ait autem illi: Si Moysen & Prophetas non audiunt, neque si quis ex mortuis resurrexerit, credent. Quid profuerunt diuiti illi, in hora illa, diuitiæ quas habuit; & oblectatio qua exhilabatur quotidie splendide?

Conemur igitur, fratres charissimi, effugere supplicia, contemptoribus & peccatoribus parata: antequam nos in illum tormenti locum tradamur. Et tunc plangemus amare, cum non sit qui pro nobis ibi interpellet, aut nos consoletur: audientes simul & ab iis qui tormenta inferunt, quod peiora his supplicia promeriti sitis; nam ipsi vobis hæc fecistis. Cum enim per modicum tempus præteriti seculi, iudicium hoc per poenitentiam effugere possetis, neglexistis: deliciisque indulxistis, ac corda vestra nutriuistis, velut in die occisionis. Vbi sunt oblectamenta temporis præteriti? Vbi fallacia eius, & risus? Nonne ecce illa, vmbrae instar præterierunt? & tanquam nebula gracilis, quæ à procella impellitur, & tanquam fumus qui à vento diffusus est? Nunc ergo quantum tulit desiderium, præmiis istis ac suppliciis voluptatum præteritarum perfrui mini. Non enim istis contenti eratis: quoniam non solum in tantorum malorum foueam vos ipsos coniecistis, verum & alios vobiscum pertraxistis. Nec eo contenti fuistis quod propriam neglexeritis animam: sed aliorum quoque animas peruertistis. Quæ igitur virtus, ac quale præceptum, reddet Deum vobis placatum? Animæ enim vestræ, amarulenta æmulatione, & contentione, inuidia, atque omni malitia repletae erant. Excandescentiam sæuarum bestiarum dilexistis: nunc verò vniuersa mala quæ præterito tempore operati estis, circumdederunt vos. Deum loquentem vobis quotidie per Prophetas, & sacras Scripturas, spreuistis, irrisistis, & in sublime vagati estis. Et quantum in vos, benignissimi Dei

*Joan. 3.**Matth. 5.**Tob. 3.*

longanimitas intendebatur : tantum & vestra peccata redundabant. Domino autem dicente : Nolite diligere mundum, neque quæ in mundo sunt : vos de gloria, & avaritia atque ambitione contendistis. Domino dicente : Beati qui lugent nunc : quoniam ipsi consolabuntur. Et, Beati pauperes spiritu ; quoniam ipsorum est regnum cælorum : vos superbi & arrogantes euasistis, & risui atque fallacii dediti. Cum Dominus diceret : Beati mites, quoniam ipsi possidebunt terram : vos immanes & immites facti estis. Cum Dominus diceret : Beati qui esuriunt, & sitiunt iustitiam ; quoniam ipsi saturabuntur : vos iustitiam odistis, & qui eam colebant, eos persecuti estis. Cum diceret Dominus : Beati misericordes, quoniam ipsi misericordiam consequentur : vos absque misericordia & compassione, cum eiusdem conditionis atque naturæ hominibus versati estis. Cum Dominus diceret : Beati mundi corde ; quoniam ipsi Deum videbunt : vestra corda avaritiam, & concupiscentiam pravam meditata sunt. Domino dicente : Beati qui persecutionem patiuntur propter iustitiam ; quoniam ipsorum est regnum cælorum : vos & iustos afflixistis, & veritatem non custodistis. Nunc ergo quid clamatis ? Tempus pœnitentiæ vestræ præterit, Illuc virtutum opus exerceri poterat : at hæc compensationum retributio est. Nunc coronam acceperunt iusti : vos autem peccatores in confusione constituti estis. Nunc iusti lætantur : at vos peccatores gehennæ ignis traditi estis. Nunc iusti, instar lucis resplendent in regno cælorum : vos verò peccatores, in tenebras missi estis exteriores. Nunc iusti cum Angelis collaudant Deum : vos autem peccatores cum dæmonibus ploratis è tormentis, dentibusque strideris, pœnitentes, & nihil proficientes : quoniam pœnitentiæ vestræ tempus, in negligentia perdidistis, Nonne vos estis, qui à iustis vos ipsos segregastis : & peccatorum atque impiorum opera imitati estis ? Nunc autem & vos cum ipsis traditi estis in supplicium. Deplorate igitur tormenta & supplicia vtrisque illata. Tunc quoque nos valde ingemiscentes, fletu exclamabimus amaro, dicentes : Iustus es Domine, & iudicia tua recta. Quando enim in præterito adhuc eramus seculo, ista nobis per sanctas aperuisti Scripturas, & non credebamus, sed dubita-

bat

bat cor nostrum: at nunc manifestè cuncta oculis nostris cernimus. Væ nobis: quoniam dies nostros in multa perdidimus negligentia. Hæc ergo præcognoscentes, charissimi fratres, studeamus effugere confusionem illam, & supplicium æternum: vt digni gaudio reddamur iustorum.

Quousque tandem veteris hominis concupiscentias circumferimus? Quousque mentem nostram in vanis seculi butius voluptatibus sinimus? Resipiscamus igitur, & euigilemus tanquam ex somno, ex memoria inanis vitæ istius. Sursum mentem & cor habeamus: vbi permanentia, vbi pulcherrima sunt bona, vbi vera vita, & lux vera. Detestemur mundum & quæ in ipso sunt. Corruptibilia propter incorruptibilia, & terrena propter cælestia contemnamus. Dominum, qui fecit & creauit nos, totis viribus diligamus, solum bonum & benignissimum Dominum. Diligamus & nos inuicem propter Dominum. Cerne enim Domini benignitatem & amorem erga homines: quippe qui ita suos allocutus est discipulos: In hoc inquit, cognoscent omnes quod mei discipuli estis, si dilectionem habueritis ad inuicem. Non dixit: Si vitulos, & hircos mihi obruleritis. Sed dixit: si dilectionem ad inuicem habueritis. Seruemus ergo charitatem, fratres, castitatem, pietatem atque religionem, quietem ac tranquillitatem, humilitatem, & quæcunque decent sanctos. Detestemur autem impudentiam, & muliloquium. Nam scriptum habetur: Vir linguosus non dirigitur super terram: virum iniustum mala venabuntur in interitum. Cognoui quod faciet Dominus iudicium inopum, & causam pauperum. Veruntamen iusti confitebuntur nomini tuo, & habitabunt recti cum vultu tuo. Rursusque ait: Super quem respiciam: nisi super mansuetum, & humile, & tranquillum, ac timentem sermones meos? Ipse porro Deus, & pater Domini nostri Iesu Christi, qui habet potestatem vitæ & mortis, illuminet oculos mentis vestræ, ad rectè piæque seruendum ipsi omnibus diebus nostris: & ad misericordiam inueniendam coram ipso in die illa. Recordamini & mei peccatoris Ephraim, qui ista conscripsi, in precibus vestris, obsecro: vt & misericordiâ in me indignum moueatur omnium Dominus. Quoniam ipsi gloria, in secula seculorum. Amen.

Iean. 13.

Psalm. 193.

Esaia 66.

PARÆNESIS XL.

De Pietate, & abſtinentia ab illicitis; ac de timore Dei.

*Prover. 2.
Iust. LXX.*

Proverb. 4.

Ephes. 5.

Isaia 51.

Charissime frater, attende vehementer, ne deperdas viam rectam, ut ambules in viis tenebrosis: ne quando in nouissimis tuis, apud Deum & homines inueniaris peruersus & obliquus. Væ enim, inquit Sapiens, iis qui derelinquunt vias rectas, ut ambulent in viis tenebrarum. Væ his, qui latantur in malis, & gaudent in consuetudine mala: quorum semitæ obliquæ ac prauæ, & flexuosi cursus eorum: ut longè abſtraharis à via recta, & alieneris à sententia iusta. Ideo addit, & dicit: Non enim apprehenduntur sub anno vitæ. Nam si per semitas bonas ambulassent, etiam semitas iustitiæ planas ac faciles inuenissent. Qui recti sunt & boni, inhabitatores erunt terræ; & simplices atque innocentes remanebunt in ea. Viæ autem impiorum est terra perdentur, & iniqui expellentur ab ea. Necessarium ergo est incedere per viam rectam, secundum eum qui dicit: Ne declines ad dexteram neque ad sinistram: auerte pedem tuum à via mala: vias enim quæ à dextris sunt, nouit Dominus: peruersæ autem sunt, quæ à sinistris sunt. Deum time, & timor eius custodiet te. Serua mandata ipsius, & mandata eius in veritate deducunt te. Contumacia verò, aut pestilentia, aut inuidia, aut superbia, & his similia, non commorentur in sinu tuo; neque ingluuies, vel turpitudine, vel stultiloquium, vel scurrilitas, quæ ad rem non pertinent. Omnis enim, qui in hisce ambulat, à via veritatis aberrat, seipsum per loca inuia terendo. Qui autem in via ambulat recta, ipse se in mansionem vitæ prouehet atque deducet. Ne ergo religionem ac pietatem veram, & ab omni simulatione alienam deperdas, frater charissime. Pietas porro est, abstinere ab omni specie mala. Si verò accideris, nos de opere bono contumeliam pari: ne erubescamus opprobrium nobis iniuste ab hominibus illatum, & faciamus quæ non oportet. Scriptum est enim: Populus meus, cuius nomen meum in cordibus vestris, nolite timere opprobrium hominum, & blasphemias eorum ne

metuatis. Sicut enim vestimentum inueterascet tempore, & sicut lana comederetur à tinea: ita destruentur obuentura mihi mala. Iustitia autem tua in seculum manebit, & salus tua in generationum generationes. Rursusque ait: Dominus Deus aperuit mihi aurem; ego autem inobedientem me non præbeo, nec contradico. Dorsum meum dedi in flagella, & maxillas meas in colaphos: faciem autem meam non auerti à confusione sputorum. Et Dominus factus est mihi adiutor, ideo non sum confusus, sed posui faciem meam ut petram durissimam, & scio quod non confundar. Propterea, licet videatur ex seipsa comprehendisse ac superasse, non reformidemus, neque viam rectam deseramus, secundum eum qui dicit: Si consistent aduersum me castra, non timebit cor meum. Et denuo ait: Viriliter agite, & confortetur cor vestrum, omnes qui speratis in Domino. Et: Noli æmulari gloriæ peccatoris: non enim nosti, quid de exitu ipsius erit. Melius est enim cuncta secundum Deum agere, & laudari ac probari in Domino, quam conuersari male, & turpem famam habere. Cum Dominus & Saluator noster Iesus Christus dicat: Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est. Ne ergo à via recta diuertas in loca inuia: ne fortè in præcipitia & deserta loca incidas, & ferarum agrestium multitudo circundet te, congregatioque aquarum multarum, & tunc pœnitentiâ ducaris, dolore afflictus. Quis enim dolet, nisi quem mala detinent? Deus quippe benignus ac bonus cum sit, malum non vult plasmare atque figmento suo, secundum eum qui dicit: Non enim delectatur in perditione viuorum. Iustitia enim perpetua est & immortalis; Alioque in loco refertur: Nemo cum tentatur, dicat, quoniam à Deo tentatur. Deus enim intenterator malorum est: Ipse autem neminem tentat. Vnusquisque verò tentatur à concupiscentia propria abstractus & illectus. Deinde concupiscentia cum conceperit, parit peccatum: peccatum verò cum consummatum fuerit, generat mortem.

Concupiscentia mater est peccati. Hæc Euam ex paradiso eiecit. Hæc Caim fratricidam effecit. Hæc Ægyptiam aduersus castum Ioseph, in rabiem adegit. Iuuenis

*Esa. 50.
iux. LXX.*

Psal. 26.

Psal. 30.

Matth. 5.

Sap. 1.

Iacob. 1.

Concupiscentia mala, & damna.

Sermon. 3.

Matth. 26.

Leu. 15.

autem Deum timens, hanc deiecit. Hæc populum in eremo prostravit. Hæc gentes septem in terra Chanaan destruxit; per quam Creatorem suum exacerbauerant, quare & exterminati sunt. Hæc corda filiorum Israël, à Deo altissimo declinare fecit, quemadmodum scriptum habetur: Equi furentes in fœminas, & emissarii facti sunt: vnusquisque ad vxorem proximi sui hinniebat. Hæc iudices populi in Babylone decepit. Concupiscentia enim praua, mater verè est peccati. Hæc bella & tumultus in terra excitat. Hæc Herodiadem ad petendum caput præcursoris Baptistæ subornauit. Hanc Iudas amans Dominum gloriæ in manus impiorum tradidit: nam aurum appetens, vitam perdidit. Propterea omnem concupiscentiam malam fugiamus, fratres charissimi, eamque à corde nostro depellamus. Non ignoscamus ei: non enim est fructifera, sed diaboli germen existit. Non est morbus carnis, non vulnus, nec cicatrix, neque percussio tumens atque inflammans. Non est cui malagma imponatur, nec oleum infundatur, neque vincula adhibeantur, sed vulnus est animæ, & percussio cordis. Hæc nos à Sanctorum comitatu atque conuersatione separat. Hæc nos à cælestibus diuellit, & terrenis coniungit. Arbor est folia habens, fructum verò planè nullum: folia habet & quidem densa, & in densitate eius genimina viperarum demorantur. Arborem malitiæ excinde, & pro ea arborem vitæ in anima tua planta; pretiosam, inquam, crucem, spem & expectationem Saluatoris, passionisque mortis ipsius. Dilectio eius sit in corde tuo: quemadmodum scopulus in mari propositus, & nauigia in pelago tempestatibus exposita ad vitæ portum inuitans. Certa tanquam bonus miles, vt coronas assequaris. Dicentem audi: Cautos atque abstinentes facite filios Israël. Quando legitime certaueris, tunc perspicuè & Regis dona cognosces. Tunc intelliges bonum & vtile esse, agnoscere & sustinere Dominum, eiusque mandata seruare. Tunc senties labores, velut per somnium præteruisse, cum remuneratione hîc facta. Quemadmodum diadema in capite Regis sedentis in suo regno, gaudium tibi erit & exultatio: & gaudium tuum nemo à te tollet. Concedat porro nobis Dominus, vt misericordiam inueniamus coram bonitate ipsius, & in præseñti

seculo, & in futuro. Ipsi gloria & imperium, cum Patre initij experte, & sancto ac adorando Spiritu nunc & semper, & in infinita secula seculorum. Amen.

PARÆNESIS XLII.

De his qui propriâ cadunt negligentia, excusationesque in peccatis prætexunt.

FRater, solitariam desiderasti vitam, bonum appetiisti opus, si ad finem vsque seruaueris. Aduigila igitur, & tibi ipsi attende, vt sapiens & non tanquam insipiens: vt Monachus, & non quasi à monastico ritu ac more vitam alienam degeres. Non est enim colluctatio nobis aduersus carnem & sanguinem: sed aduersus principes & potestates, aduersus mundi rectores tenebrarum huius seculi, contra spiritalia nequitie in cælestibus. Sobrium ergo & vigilantem te præbe vsque in finem; ne fortè propriâ superatus negligentia atque segnitie, stultè dicas & insipienter: Ad monachatum accessi, & nec ibi viam salutis inueni. Cur igitur, frater, gratiam aspernamur Domini? & cur vitam solitariam calumniaris: cum nolis ipse iuari, neque pro tua anima adlaborare; quin potius tuis te abripi sinis concupiscentiis, ac cogitationum voluptatibus: & vitam adhuc solitariam accusas? Si enim præcepta Domini custodisses, non sanè excidisses: & si timorem Domini dilexisses, etiam tuam animam conseruasses. Primùm quidem, solitariæ vitæ canonem non seruasti, synaxim tuam neglexisti, obliquè atque dolosè incedere amasti, & superbiam potius delegisti. Superiores tuos non honorasti, inferiores autem contempsisti, temperantiam non dilexisti, inexplibilem magis edendi voracitatem amasti, vigilias non es complexus, insatiabilem autem somnum potius amplexus es. Castitatem non probasti, sed pollutionem potius amasti. Mansuetudinem & humilitatem non coluisti, insolentiam autem ac fastum potius dilexisti. Subiectionem atque obedientiam non es sectatus, inobedientiam verò potius es amplexus. Furem & iracundiam

Ephes. 6.

non odisti, contentionem autem & iniuriarum memoriam magis probasti. Quietem & orationem respuisti: clamores verò & iuramenta, atque maledictiones potius coluisti. Grauitatem & verecundiam non seruasti, scurrilitatē autem cum cachinnis magis comprobasti. Taciturnitatem & reditudinem spreuisti, multiloquium verò & detractionem maluisti. Cum cordis compunctione in precibus consistere non probasti: at euagari potius ac mente distrahi amasti. Paupertatem non coluisti, auaritiā verò magis amplexatus es. Exercitatione monastica & labore voluntario non es delectatus: at deliciis & oblectamentis potius gauisus es. Propriis operari manibus tibi displicuit: quies autem & otium magis placuit. Fraternitatem non amasti: peruersitate verò improba gaudere potius probasti. Compati tribulatis noluisti: durus autem & commiserationis expertus esse maluisti. Tribulationes & impropria propter Dominum perferre detrectasti: primam verò cathedram laudesque vanas potius affectasti. Timorem Dei, & dilectionem ipsius non seruasti: contemptum autem in eum, & odium in proximum magis amasti. Quid multa? Cælestia odisti, & terrena dilexisti, & adhuc vitam solitariā calumniaris? Non nosti quia scriptum est: Perdet Dominus omnes qui loquuntur mendacium? Et rursus: Nolite aduersus Deum loqui iniquitatem: quoniam Deus iudex est.

*Psal. 5.
Psal. 74.
Psal. 49.*

Eccl. 18. 33.

Matth. 9.

Vides frater, causam ex nobis esse, & non ex aliis? In te ipsum ergo descende, & ad Dominum in toto corde tuo conuertere: non enim vult mortem peccatoris, sed magis ut conuertatur ipse, & viuat. Cupit enim Dominus omnes homines saluos fieri: nam bonus est. Vulneratus es? sed curari poteris. Cecidisti? at resurgere duntaxat. Ne te ipsum in fine perditioni tradas. Ipse enim Saluator dixit: Non indigent qui sani sunt medico, sed qui malè habent; Et: Non veni saluare iustos, verum peccatores. Ideo, frater charissime, parere, & consilium tibi dabo: In quiete ac silentio reside, & præ oculis tuis timorem Domini gerito, colligensque cogitationes tuas, præfide illis ut Iudex, & institutum vitæ temporis præteriti perdisce, ex quo solitariā aggressus es vitam: ut quænam status huiusmodi causa tibi fuerit, intelligas, notesque in corde tuo damnum ac causam, & vnde ta-

lis damni prouenerit causa. Nam si mercator in piratas atque latrones inciderit, siue etiam submersa fuerit nauis, & onera perdidit, non obliuiscitur loci ubi eorum iacturam fecit: si autem post multum temporis acciderit ipsi locum eundem adire, magna cum suspitione per illum transit. Quare & nos illorum imitatores simus, aut potius iis prudentiores. Illi corruptibilibus deperditis diuitiis, non obliuiscuntur loci: at nos etiam incorruptibilia negligimus bona. In quiete igitur & silentio reside, sicut iam dictum est, tuasque cogitationes recollige, ac spiritum die noctuque scalpe atque scarifica: ut eiusmodi damni & subuersionis causam agnoscas, ne fortè ab initio vanam libertatem habueris quæ piam ac religiosam cogitationem tuam inuerterit, moresque corruperit, ac te inuerecundum impudentemque reddiderit, ne fortè damnum ex multiloquio prouenerit, ne fortè causa ex gula & crapula exstiterit, ne fortè ex inobedientia damnum emanarit, ne fortè ex desiderio & appetitione diuersorum locorum, ne fortè ex ministerij atque distractionum occasione, maximum sibi malum pararit: & ubi agnoueris, absconde libertatem, atque impudentiam pietate.

Ne verearis ab hominibus præcepta Domini aspèrantibus appellari hypocrita. Perspicuum est enim, illos non ad fratris correctionem hypocrisis mentionem facere: sed ut pudore suffundatur fratris causa, impudensque efficiatur, & abhorreat à recta sententia, nam pios ac religiosos, hypocritas nuncupant. Ad quos ait Dominus: Hypocrita, eice primùm trabem de oculo tuo, & tunc videbis eiicere festucam de oculo fratris tui. Ne igitur verearis impropèria, frater charissime, & verbo indisciplinato ne capiaris: nam indisciplinatos mors comitatur, secundùm Scripturam; quemadmodum & alio in loco dicit: Si enim cor nostrum non reprehenderit nos, fiduciam habemus ad Deum. Alibique ait: Si exprobramini in nomine Christi, beati eritis: quoniam quod est honoris ac gloriæ, & Dei Spiritus super vos requiescet. Nemo autem uestrum pariat ut homicida, aut fur, aut alienorum appetitor. Si autem ut Christianus, non erubescat, sed glorificet Deum in isto nomine. Et si iustus vix saluabitur, impius & peccator ubi parebunt? Fuge ergo

Matth. 7.

1. Ioan. 3.

1. Pet. 4.

impunitatem, & risum; non enim conducunt animæ tuæ.
3. Cor. 6. Nam quæ pars fidei cum infidei? Similiter autem & gulam,
 per temperantiam vince; auaritiam, per exercitationem &
 inopiam voluntariam: multiloquium, per taciturnitatem:
 accediam, per cellæ patientiam; negligentiam, per futuro-
 rum bonorum memoriam; & inobedientiam, per humili-
 tatem. Sin verò, & sub prætextu detestationis malorum, ti-
 bi quid mali pararit inimicus: mundum ac castum deinceps
 teipsum serua, & non communices peccatis alienis. Mea au-
 tem sententia, arbitror initium tibi exstitisse malorum, im-
 punitatem atque licentiam, quæ & te impudentem effecit.
Præter. 18. Iccirco ait Scriptura: Beatus vir, qui semper est pauidus
 propter pietatem. Quid porro lucri habet mundus, frater?
 aut quod bonum diligentibus ipsum præbebit? Accepit quis
 uxorem, initium curarum; genuit filium: sollicitudo altera;
 nascitur alius: cura abundantior; moritur filius vnus: luctum
 parentibus suis relinquit. Si porro etiam viuens, improbus
 euaserit atque peruersus: magis de eo quàm de mortuo do-
 lent. At quando iam viro mortis obuenerit hora; graui-
 orem propria ducit morte afflictionem suæ coniugis, eo quòd
 vxorem relinquat viduam, & filios suos orphanos. Ab iis au-
 tem omnibus, liberum te reddidit suauē iugum Domini, ô
 monache, & quomodo rursus ad antiqua vis reuerti? Ne
 ergo tuam ipse salutem desperes, neque dixeris amplius te
 saluari non posse: imò saluari te posse confide: sed Dei ti-
 morem totâ animâ tuâ cole, & ipse tua sanabit vulnera, te-
 que absque vulneribus deinceps conseruabit. Quandiu enim
 diuinum colit timorem anima tua, in laqueum diaboli non
 incidet, sed eris velut aquila in sublimia volitans. Sin autem
 postea, anima torpore correpta, contempserit mandata ac
 timorem Dei; tunc ab excelsis deturbata, irridetur ab infi-
 mis: qui etiam obuelatis eius oculis, agunt ipsam in passio-
 nes ignominia, tanquam bouem iugo constrictum. Ideo fra-
 tres dilectissimi, demus operam veritati, curemus salutem
 nostram, meditemur horam mortis. Odio prosequamur
 res mundanas: istæ enim omnes hîc manent; istæ nos non
 eximent a liberabunt in hora necessitatis nostræ, quando
 poenitentes nihil proficiemus, quando pro remissione de-
 precabimur, & nullus erit qui absoluat. Hei mihi, heu mi-
 hi,

hi, quàm tremenda erit mortis hora, quando anima separabitur à corpore. Tunc non comitabitur filium pater, non filiam mater, non vxor maritum, non fratrem frater: sed solum opera quæ quisque egit, siue bona, siue mala. Præmittamus igitur nobis ipsi opera bona, vt cum hinc abierimus, admittant nos in ciuitatem Sanctorum.

Quòd si progressum facere velis, Regem ipsum abhinc amicum tibi para; qualem verò putas inuenies gloriam, frater charissime, si amicum Regem gloriæ posthac tibi vindicaueris? Nam sicut hîc ipsum honoras, talem ipse transitum præbebit tibi, & quantum ei hîc inseruis, tantum & ipse honorabit te ibi. Scriptum est enim: Sed tantum glorificantes me, glorificabo: & qui contemnunt me ignominia afficientur. Honora igitur ipsum tota mente & anima tua, vt te honore dignetur Sanctorum. At in quo ipsum vendicare ac possidere oportet? Dicam, offer illi aurum & argentum. Et si nudum videris, cooperie eum. Quòd si nihil horum suppetat tibi: alia ipsi genera auro & argento pretiosiora offer: Fidem scilicet, & charitatem, continentiam, patientiam, humilitatem, ac longanimitatem. Abstine à detractionibus. Serua oculos, ne aspiciant vanitatem, & manus ne faciant iniustitiam. Auerte pedes tuos ab omni via mala, consolare pusillanimes, compatere infirmis. Da calicem aquæ frigidæ sitienti, da fragmentum panis esurienti. Ex quibus habes, ex quibus, inquam, ipse tibi largitus est Dominus, offer ei. Etenim duo æra minuta viduæ non repudiavit Christus Saluator noster. Quid porro etiam Elias postulauit à vidua? nonne modicum aquæ in vase, & buccellam panis? Surgens enim, inquit Scriptura, Elias abiit in Sarepta Sidoniæ, cùmque appropinquasset portæ ciuitatis, ecce apparuit ei mulier vidua, colligens ligna. Et clamauit post eam Elias, & dixit ei: Cape nunc mihi paululum aquæ in vase, vt bibam. Illaque pergente vt acciperet, clamauit post eam Elias, & dixit: Cape nunc mihi obsecro, & buccellam panis in manu tua. Vides charissime, quibus alebantur Prophetæ; modica nimirum aqua, & buccella panis; & quidem cum angustia: omne quippe studium ponebant in bonis, quæ ipsis in cælo reposita erant. Diligamus igitur & nos viam Sancto-

1. Reg. 2.
iuxta 70.

2. Sal. 118.

3. Reg. 17.

1. Cor. 13.

Prover. 4.
mat. 70.

Prover. 22.

4. Pet. 2.

Rom. 16.

rum, fratres charissimi. Dum tempus adhuc nobis suppetit, præstemus in eo fructum pœnitentiæ bonum. Ne tempus pœnitentiæ idoneum deperdamus, nec imaginibus atque simulachris huius sæculi distrahamur, neque cum viris opera sua absque timore Dei peragentibus nos ipsos coniungamus, neque eorum imitemur opera, qui propriam salutem despicunt, secundum illud oraculum Apostoli: Corruptunt mores bonos colloquia mala. Alioque in loco dicit Scriptura: Fili, apprehende disciplinam meam: ne dimittas eam, sed custodi eam tibi ad vitam tuam. Vias impiorum non ingrediaris, neque zelaueris vias iniquorum. In quocunque loco castrametati fuerint, ne transeas illac: verum declina ab eis, & abscede: non enim somnum capient, nisi malefecerint: ablatus est enim somnus eorum, & non dormiunt. Comedunt enim escas impietatis, & vino iniquo inebriantur. Iustorum autem viæ instar lucis fulgent, procedunt, & illuminant, donec illucescat iam dies. Et rursus ait: Noli esse sodalis viro furioso, neque cum amico iracundo cohabitare: ne fortè discas vias eius, sumasque laqueos animæ tuæ. Alioque in loco iterum: Hi sunt fontes sine aqua, & nebulae turbinibus exagitatae, quibus caligo tenebrarum in æternum referuata est. Superba enim vanitatis loquentes, inescant in desideriis carnis luxuriæ eos qui paululum effugiunt, qui in errore conuersantur, libertatem illis promittentes: cum ipsi sint serui corruptionis. A quo enim quis superatus est, huius & seruus est. Si enim refugientes coinquinationes mundi istius, in cognitione Domini nostri Iesu Christi, his rursus implicati superamur, facta sunt eis posteriora deteriora primis. Rursusque alibi: Rogamus autem vos fratres, ut obseruetis eos qui dissensiones & offendicula præter doctrinam, quam vos didicistis, faciunt; & declinate ab illis. Huiusmodi enim Domino nostro Iesu Christo non seruiunt, sed suo ventri: & per dulces sermones & benedictiones, seducunt corda innocentium. Fugiamus ergo latam viam quæ abducit in perditionem: appetamus autem arctam & angustam, quæ in æternum diducit regnum. Laboremus hic bono & alacri animo, antequam coactè nobis laborandum sit, ac lassescendum. Mundum perturbationibus ac passionibus obnoxium, vitamque malè affectam oderimus. Rectos no-

bis ipsi cursus faciamus. Studium ac diligentiam amemus, feruentes spiritu erga Dominum. Ploremus hinc sponte atque libenter, ut Deum placatum reddentes, eripiat nos ab æterno ploratu, & stridore dentium. Diligamus luctum, quoniam Christi præceptum est. Ipse enim dixit: Beati qui lugent nunc, quia ipsi consolabuntur. Consideremus fratres charissimi, eos qui per mare naugant, qualia subeant pericula cum fluctibus decertantes, & amplitudinem pelagorum transmeantes. Quando autem quis tempus conductio-
Matth. 5. nis suæ impleuerit, non reputat pericula quæ in mari decertans sustinuit, propter gaudium: quia plenam mercedem suam accepit, quin & alacrior ad nauigandum in mari, hinc redditur. Illi quidem quando finiunt, tunc incipiunt: At nos, fratres charissimi, si assequamur, ut bene finiamus propositum nobis certamen, non amplius nobis necessitas incumbet iterum eundem cursum instituendi; cum id sit impossibile. Exiguum certamen est, fratres, & mercedis retributio ineffabilis. Vigilemus igitur, & diligentes simus in opere Domini, charissimi, toto corde ac viribus, donec tempus habemus. Quemadmodum enim dona Dei, & promissa bonis non reuocantur præmia: ita nec malis intentata supplicia. Iccirco beatus vir qui timer Dominum: quoniam ab ipso coronam gloriæ accipiet, quam præparauit diligentibus ipsum. Ipsi gloria, in secula seculorum. Amen.

Iacob. 1. 2.

PARÆNESIS XLII.

Ad Fratrem qui excidit, & de Pœnitentia.

SVb obedientia Patris spiritualis constitutis suggerit inimicus, dicens: Discede hinc, & priuatim habita, ut quiescas magis. Et si cogitationibus eiusmodi frater consenserit, à fraternitate recedit. Sin autem viderit inimicus cogitationem fratris paululum attendere sibi, tunc suggerit ipsi, dicens: Ingredere in interiorem eremum. Deinde confidente fratre per aliquod tempus in eremo: tunc affert ei honestatis inimicus dæmon cogitationem tædij, temporisque produ-

R ij

ditionem, ac rerum necessariarum penuriam, senectutis imbecillitatem & solitudinis lassitudinem atque molestiam. Et si inimicus fratrem commouere potuerit; etiam inde ipsum extrahit, transportatque prope castellum, aut ciuitatem. Et tunc fornicationem molitur atque intentat ei dæmon. Quare frater se continet ac cohibet ab accessu ad ciuitatem, neque castellis ac vicis appropinquat. Tunc cernens inimicus propositum fratris, incitamenta ac machinamenta excogitat, quibus fratrem deiiciat, ex quibus vnum est istud: Vna dierum, dum frater in cella quiescit; mulierem subornat, quæ ianuam eius pulset, prætextu quòd à via aberrarit, & metu perculsa sit, vel quòd pro elemosyna venerit: aut etiam prætexit se Monachum aliquem notum atque insignem inquirere. Frater itaque ostium aperiens suum, videt mulierem in sua consistentem cella. Quæ ait ad illum: Domine Abba, vbi certus quidam moratur Monachus? & quia inclinata iam est dies fac charitatem ac gratiam suscipiendi nos intrâ fores tuas ista nocte: ne fortè oberrantibus nobis, comedant nos feræ syluestres. Sæpe enim etiam aliam secum adducit deceptricem mulier: fortè etiam expensas deferunt, & res necessarias, quibus fratrem inescare volunt. Tunc frater cum vtrisque pugnat cogitationibus, meruitque ne velut immitis atque immisericors, præcepto excidat, & ne fortè etiam boni occasione capiat eius anima. Sed ne in longum protrahamus sermonem, si concupiscentiâ victus fuerit Monachus, & post consummatum scelus si emittere eam voluerit, respondet illi, dicens: quando me humiliasti ac compressisti: à te dimittis; vt quòd velim abeam? At quo pacto ante conspectum parentum meorum comparebo? An poterit amodò res cælarum? Certò igitur scias Monache, non ampliùs me à te abscessuram: quin etiam tecum in tua cella conquiescam; & vnde voles me sustententes. Tunc seipsum Monachus deslere incipit, quòd prorsus ianuam suæ cellæ aperuisset. Ista igitur sciens Monache, teipsum custodi. Nam si in eius laqueos incideris, difficulter te explicare poteris. Laqueis enim, inquit, quæ à labiis sunt, pertraxit eum. Quare prænoscent quæ peccati futura sint nouissima, qualemque committentibus illud infamiam postea conciliet: fuge voluptatem car-

nalem : quippe cuius fructus pudoris atque infamiæ fructus existunt. Et ante voluptat quidem concupiscentia, post voluptatem autem dolor. Perpende ergo animo, quòd voluptatem dolor consequatur, & fuge peccatum : mente complectens humanum dedecus, atque adeò timorem Dei. Repelle igitur abs te dæmonem volentem te decipere, & labores tuos abripere : vt absque tristitia permanças. No- uuit quippe cordium scrutator Dominus, quòd non malitiæ causâ, aut humano aliquo odio, mulierem respuas : verùm vt non per bonum, tibi opereris malum Si autem quis dicat, rem bonam esse hospitalitatem, consentio & ego : At hospitalis vir imitari debet eum, qui aurum in fornace probat, purumque sibi accipit, improbatum verò despicit, hoc est, mandatum obserua, à peccato autem velut ab ore serpentis fuge. Nam qui dixit, hospes eram, & collegisti me : dixit etiam, non fornicaberis. Sobrium igitur ac castum te præbe in iuuentute tua. Vigilanter attende, ne fortè otio atque torpori indulgens, inueniaris prauis affectionibus seruiens à iuuentute vsque ad senectutem. Nam qui in mari naufragium facit, forsitan & vigilauit & decertauit : verùm magna inundationum insultatio ipsum obruit. Qui autem in portu naufragatur, similis est illi, qui merâ suâ negligentia nauem Domini sui in profundum deducit ac perdit. Tu ergo in portu versaris Monache, siquidem tibi ipsi attendas. Propterea neque nobis in vicis, ac castellis conuersari expedit : sin autè te illuc vsque properandi vserit necessitas, ne colloquiis distraharis mulierum. Quemadmodum enim qui hamum deglutit, ita tua abripietur anima. Sobrium igitur, ac vigilantè te præbe, quia non procul abest prolapsio. Cum modestia igitur ac timore Dei aduersus tentationem decerta : nam fornicationis mater est impudentia. Quòd si te liberius loquentem, & accedentem ad ipsas viderint, ad peius incitantes, deiciant te. Verùm etiamsi verecundus sis ac modestus, non confidas tibi : sed aduigila, ne fortè compunctionis & pietatis prætextu mentem tuam verbis blandiloquis corrumpant ac destruant. Dixit enim quidam Sanctorum : Sermones proferunt, affectum animi emol- lire eonantes. At certè, quemadmodum dixit Saluator :

Matth. 25.

Matth. 5. 19.

Exod. 20.

Matth. 10. Ecce ego mitto vos sicut oves in medio luporum; Estote ergo prudentes sicut serpentes, & simplices ut columbæ.
Ephes. 5. Admonet autem & per Apostolum dicens: Nolite fieri imprudentes, sed intelligentes quæ sit voluntas Domini. Et nolite inebriari vino, in quo est luxuria.

Certò igitur scias, charissime, quòd si fueris ut aurum purum in mundo, & ad institutum profectus monasticum, neglexeris te ipsum: non tardabis fieri sicut plumbum. Et si iterum ad monasticum vitæ genus veniens, Dominum in veritate dilexeris: non tardabis fieri ut margarita, non habens maculam, aut rugam, vel quid eiusmodi: sed eris immaculatus omni ex parte. Et istud te rursus nosse volo, quòd qui committit peccatum, gravius bellum habet eo qui se continet. Nam sicut qui lutum in aliquem locum infundit, foetorem reddit abundantior: ita & qui non se continet, passionem auget. Intellige, quòd si te ipsum neglexeris, in fine te poenitebit. Cum dicat Apostolus: Qui sine vxore est, sollicitus est quæ Domini sunt, quomodo placeat Domino. Qui autem cum vxore est, sollicitus est quæ sunt mundi, quomodo placeat vxori, & diuisus est. Tu verò Monache, non mundanam elegisti sollicitudinem: sed quo pacto placeas Deo, unde te ipsum castrasti propter regnum cælorum. Rursusque dico, si non continueris, nouissimè multis modis dolebis, secundum Apostolum dicentem:

1. Cor. 7. Tribulationem verò carnis habebunt huiusmodi. Nam qui vxorem duxit, inopiâ virtutis laborat, curis domûs, & vxoris, educationisque liberorum distractus. Qui autem absque vxore est, sollicitus est quæ sunt Domini, quomodo placeat Domino. Te ipsum propter regnum cælorum castrasti, non ferro seminaria vasa amputans, quippe quod à virtute est alienum; sed pia cogitatione voluptates comprimens. Quare iisdem terminis, viuendique institutis insiste. Quia scriptum est: Melius erat te non vouere, quam post votum promissa non reddere. Te ipsum igitur ad continentiam compelle; & mundas cogitationes tuas, mentemque inuenies, tanquam portum serenum tranquillitate plenum. Ex futurorum bonorum spes, vires animæ tuæ pinguefaciet, quasi adipe & pinguedine repletas: quibus nos Dominus dignetur iustus iudex, Amen.

Ecd. 5.

Neque alio modo templum corrumpas Dei, obsecro, & non contristes inhabitantem in nobis Dei spiritum; nec sanctos Angelos nostræ deputatos custodiæ, die noctuque, qui & dæmones à nobis repellunt inuisibiles, dentibus aduersum nos stridentes, ne forte ipsi accusatores nostri, in die euadant iudicij, subijciamurque euerfioni Sodomorū. Nam etsi nos, parietes, ac muri circumdederint; & licet nos tectum contexerit, & fores occlusæ sint, ac tenebræ existant: attamen cogitemus nihil eorum quæ ad nos pertinent, latere eum qui tenebras à luce separauit. Fidemque tibi Propheta faciat, dicens: Intelligite insipientes in populo, & stulti aliquando sapite. Qui plantauit aurem non audit? aut qui finxit oculum non considerat? Qui corripit gentes non arguet, qui docet hominem scientiam? Dominus scit cogitationes hominum, quoniam vanæ sunt. Vides frater charissime, quodd non solum hominum actiones intueatur Deus, verum etiam cogitationes. Quodd si tibi suggerat inimicus, dicens: Restat pœnitentia, ideo iam voluntate tua perfrui. Dicad eum: Quæ utilitas est diabole, domum bene exstructam diruere, ac de integro rursus ædificare? Cùm dicat Apostolus: Cum metu ac tremore vestram salutem operamini. Vbi verò metus est & tremor, perspicuum est nullam adesse voluptatem. Da ergo operam saluti tuæ, dilectissime frater, ac mentem ad tranquillitatem traducens, recollige cogitationes tuas, & dic intra teipsum: Tanto iam tempore tuas voluntates & carnis cupiditates explēs, & cogitationibus satisfacis tuis? Quodd lucrum his perficiendis retulisti? Nunquid ad statueram tuam adiecisti cubitum vnum? At crassus ac pinguis factus? aliud igitur tibi ipse nihil præter escam vermium collegisti. Quid ergo in die tibi utilitatis accessit? Cælestem thesaurum bonis complesti, dum ita sine metu vitam degis? Quid igitur tibi profuerit, reliquisse mundum? Heu mihi, ô anima, quodd ad talem vitæ conditionem, aut potius euerfionem deueneris? Ecce fratres mei virtutibus exornati sunt, Deumque in veritate timent: ego autem in tenebris ambulo. Mane resipisco propter ea quæ ago, ac die consequenti deteriora perficio. Et cùm mihi Dominus vitam & sanitatem donauerit, his ego confisus Creatorem

Psal. 93.

Philip. 2.

Quomodo
quis ad se-
ipsum redi-
re debeat.

meum exacerbo. Quare negligens es, ô anima mea? Cur pro nihilo ducis? Non enim te pellet atque abijcet Creator, qui te ex non esse ad esse produxit. Ipse mittit Angelum suum: tu hinc discedes? Agnosce infirmitatem tuam ô anima mea. Quandiu factori tuo ac mandatis ipsius reluctaberis? Opprobrium me fecisti? ô diabole, & Angelis & hominibus, inorigerumque impiis tuis reddidisti consiliis. Suggestis enim mihi, dicens: Semel exple concupiscentiam tuam, & non amplius indulgebis ei, neque cognoscetur peccatum tuum. Et ecce paruum illud. Magnus mihi factus est hiatus: nec possum improbis, variisque concupiscentiis tuis resistere. Nam exiguum foramen aqua inuenit, hiarumque magnum ac omnibus manifestum effecit. Verè enim peccatorum consuetudo in deterius agit eum qui lapsus est. Mentem quippe meum immundis obscurasti cogitationibus, & in peccati foueam impulisti me. Cui dicam, vt super me plangat misero peccatore? Nudum enim me inimicus reddit ob meam pigritiam: verùm spe in Deum respiciens, non despero salutem meam in finem, quoniam clementissimus est, & optimus Dominus.

Quid porro & ad fraudulentum deceptorem inimicum? quia continentiam meam ob stomachi infirmitatem euerit, & me à vigilia in orationibus alienum fecit. Auaritiam in me, pretextu longioris senectutis plantauit, lacrymas meas exsiccauit, cor meum crassum ac stupidum reddidit. Ab obedientia in Christo me segregauit, & in distractionibus me suffixit, inobedientem, ac otiosum me reddidit, ne quid agerem: & vt curiosè ac frustra laborarem effecit. Inuidiam & detractationem me docuit. Trabem, quæ in oculo meo est, non permittit mihi vt considerem: festucam autem, quæ in oculo fratris mei est, oculis meis obijcit. Quæ in corde meo sunt, occultare suadet; sin autem in aliquod impegerit frater meus delictum, de eo vt garriam efficit. Superbiam, & iracundiam atque excandescentiam me edocuit. Venti & ebrietati, ac voluptatibus me deditum esse fecit. Damna animæ meæ, tanquam lucra comparauit mihi. Pigrum, & murmuratorem, atque multiloquum me esse docuit. Versutum, & susurrionem, ac inorigerum me effecit. In lectione & psalmodia, distractum esse aliis, me docuit,

cuit. Oro, & non attendo, captiuum me ducit, & non considero. Admonitus frequenter à viris Deum timentibus, bonæ ipsorum adhortationi non parebam: nam sicut iacula illorum verba excipiebam, & commonitus irascebar. Satis sit tibi tantus interitus, diabole.

Agedum in teipsam ô anima mea reuertere. Qua potissimum re freta, tuum Creatorem exacerbas? Quandiu in iisdem versaris malis? Noli aspernari gratiam eius qui te protegit atque conseruat: ne fortè abs te recedat, & in manus tuorum tradaris inimicorum. Fuge diabolium ô anima mea, & opera eius: nam odium erga homines gerit, & homicida est ab initio. Si ad eum accesseris, non parcat perditioni tuæ. Relinque hostem malignum, & Deo benignissimo adhære. Erubescere igitur ô anima, & in viam salutis reuertere. Vulnerata autem, ne te ipsam desperes. Nam sæpe licet pugil ceciderit, tandem adhuc coronam refert. Cecidisti? resurge. Viriliter age, & dic: nunc incepti. Et ne perseueres in lapsu tuo: ne fortè vt cadauer in auium & bestiarum cibum tradaris. Cùm Propheta clamet: Ne tradideris animam confidentem tibi. Animas pauperum tuorum ne obliuiscaris in finem. Procide & tu Regi gloriæ, confitens peccata tua: nam multitudinem miserationum continet. Qui terrenum adire Regem volunt, à ianitoribus prohibentur, à militibus & ministris expelluntur; dona Principibus afferunt, vt voti compotes fiant. Tu autem ad Regem accedens vniuersorum, nihil horum suspiceris. Non dona requirit: nullus enim est qui accipiat, neque qui impediatur: quoniam statim Rex inuenitur & admittit te. Malitiæ est immemor, & benignus, & de hominum vitiis dolet. Accede igitur ad ipsum, non in simulatione, neque corde duplici: verum in conscientia pura. Nam priusquam tu exiguum aut magnum quid loquaris, præuidet de quibus locuturus sis: & antequam tuum aperturus sis os, quæ in tuo sunt corde præcognoscit. Ne ergo vacilles, neque morbum tuum occultes: non enim durus est medicus, sed indulgens solo verbo curat. Dixit, & facta sunt. Hocque ex ipsis crede rebus. Dixit paralytico: Tibi dico, surge, tolle grabatum tuum, & vade in domum tuam: & è vestigio sanus factus est homo, & baiulans suum quo portabatur lectum, ambulabat sanus. Dixit & le-

Psalm. 73.

Marc. 2.

Matth. 8.

*Nan. 11.**Matth. 9.**Matth. 7.*

profo: Volo, mundare, & illico mundata est eius lepra. Quin
& Lazarum quoque quatrduanum solo verbo à mortuis ex-
citauit Dominus. Et ne sigillatim recensentes, videamur
in longum protrahere sermonem; nam opera ipsius innu-
merabilia sunt: Illius etiam (quæ pedes eius lacrymis irri-
gauit, & capillis suis absterfit) peccata verbo diluit, atque
dimisit, dicens: Confide filia, fides tua te saluam fecit. Nam
fons est indeficiens, medicamenta salutis hominibus produ-
cens. Ne ergo hæsites. Non enim te saluari volentem reij-
ciet, qui ait: Si vos cum sitis mali, nostis bona data dare fi-
liis vestris, quanto magis Pater vester qui in cælis est, dabit
bona petentibus se? Accede igitur ad Patrem misericordia-
rum, & confitere peccata tua cum lacrymis, dicens:

Peccaui in cælum, & coram te Domine Deus omni-
potens, & non sum amplius dignus vocari filius tuus, neque
sursum aspectum tollere, & cernere altitudinem cælorum
præ multitudinem iniquitatum mearum, neque nomen tuum
gloriosum nuncupare labiis mei peccatoris. Nam cælo &
terra indignum me reddidi: quia te optimum Dominum
exacerbaui. Precor obtestorque Domine, ne me à facie tua
abijcias, neque recedas à me ne miser peream. Nisi enim
me tua gratia protexisset, iam ego periissem, & esseni in-
star pulueris ante faciem venti, & quasi nunquam in hac vita
apparuissem. Nam ex quo viam tuam dereliqui, nullus hîc
mihi bonus occurrit dies. Qui enim in peccatis melior visus
est dies, acerbissimorum existit acerbissimus. Verùm dein-
ceps spero fore, vt gratia tua, quæ me confortat, consulat
saluti meæ. Nuncque ad te supplex recurro, obsecrans, vt
me à iustitiæ aberrantem via, suscipias. Effunde in me mise-
rationum tuarum multitudinem, sicut in filium olim effudisti
prodigum, quia vitam meam dedecoraui, dissipatis diuitiis
gratiæ tuæ. Miserere mei Deus, & ne vitæ memineris meæ,
quæ ad extremam redacta est vilitatem. Miserere mei, sicut
olim peccatricis, & publicani es misertus. Miserere mei, si-
cut commiseratione ductus es latronis. Nam is in terra cum
esset, ab omnibus reprobatus est: at tu eum suscepisti, &
deliciarum paradisi incolam fecisti. Quare & meam inutilis
tui serui pœnitentiam suscipe: nam & ego à cunctis speratus
sum, atque reiectus. Aduenisti enim Domine, non vt iustos,

sed peccatores vocares ad pœnitentiam. Deprecare charissime, & confitere: verùm actio orationi cooperetur, atque confessioni, vt oratio tua sicut incensum dirigatur in conspectu Dei; audiasque: ô homo, magna est fides tua, *Matt. 17.* fiat tibi sicut vis. Ipse autem Deus, qui aberrantium dux est, & collapsorum atque debilium erector, donet nobis vt vitam peragamus irreprehensibilem: statuatque nos à dextris suis in illa die iustus iudex. Quoniam ipsi conuenit omnis gloria, honor, & adoratio, Patri, & Filio, & Spiritui sancto: nunc & semper, & in omnes seculorum generationes. Amen.

PARÆNESIS XLIII.

Quod non oporteat iurare, neque blasphemare.

CVM dicat Dominus & Saluator noster Iesus Christus: *Matt. 5.* Iterum audistis, quia dictum est antiquis: non periurabis: reddes autem Domino iuramenta tua. Ego autem dico vobis, non iurare omnino, neque per cælum, quia thronus Dei est: neque per terram, quia scabellum est pedum eius; neque per Hierosolymam, quia ciuitas est magni Regis: neque per caput tuum iuraueris, quia non potes vnum capillum album facere nigrum. Sit autem sermo vester, est, est: non, non: quod autem his abundantius est, à malo est. Et quomodo nos præcepta Creatoris nostri transgredi audemus? secundum eum qui dicit: Et posuerunt in cælum os suum, & lingua eorum pertransiuit in terra. Et audes aperire audacter os tuum, & in cælum verba emitte, iuramenta, atque blasphemias? & non times, ne forte falsæ ignea, quam Propheta vidit, demoreretur in domo tua, donec ex ea quæ sub cælo est, te excidat ac deleat: dum sic audes os aperire aduersus Deum omnipotentem, in quem Angeli, Archangeli, Cherubim, & Seraphim, non audent oculos conijcere: sed cum timore ac tremore assistunt collaudantes formidabile, & gloriosum, atque honorabile nomen eius? Et sicut scriptum est: Audaces, sibi

2. Petr. 2.

placentes, sectas non metuunt introducere, blasphemantes. Vbi Angeli, fortitudine & virtute cum sint maiores, non portant aduersum se execrabile iudicium. Hi verò velut irrationabilia pecora, naturaliter in captionem & in perniciem in his quæ ignorant blasphemantes, in corruptione sua peribunt, percipientes mercedem iniustitiarum. At tu homo cum sis, non agnoscis te ipsum? An putas quod probitatem præbeat res ista? non inquam: verum in perniciem atque exitium ea tibi res accidet: quia & aliorum animas coinquinans, Satanæ administer effectus; Cum dicat Apostolus: Docentes & commonentes vosmetipsos in psalmis, & hymnis, ac canticis spiritualibus, cantantes in cordibus vestris Domino. Tu verò, pro hisce contraria doces, blasphemias & iuramenta, teque ipsum vnâ cum imitatoribus insipientiarum tuarum, filium gehennæ efficis: quoniam os quod ad glorificationem suam procreauit Deus, illud tu amaritudine imples. Desine igitur ô homo: ne fortè idem sermo, quem contemnis, flamma fiat in ore tuo; & tuam linguam comburat. Nam si homo homini pugnam suscitans, etiam pace iam facta, in conspectum eius prodire erubescit: quomodo tu hodie in mundo constitutus, & cras tribunali ipsius præsentandus, audes talia eloqui? & non metuis, ne fortè ignis è cælo descendat, & deuoret te: dum tu sic os aduersus omnipotentem aperis; neque vereris, ne fortè terra sub te repente disrumpatur, & te absorbeat? Ne decipiaris ô homo: impossibile est enim manus effugere Creatoris nostri. Audi eum qui dicit; Blasphemantes: qui rationem reddent Deo, qui paratus est iudicare viuos & mortuos.

2. Petr. 4.

Quousque tandem exacerbamus eum, qui tanta nobis bona donauit? qui puluerem è terra capiens, formauit hominem; & inspirauit in eum spiritum vitæ. Qui cuncta subiecit sub pedibus suis, & nos dormientes custodit, & excitatos protegit, & esurientes nutrit, ac nudos vestit: pusillanimes consolatur: corripit, & miseretur. Qui etiam Filium suum vnigenitum, pro omnium vita tradidit: Nos autem pro beneficiis eius, spinas & tribulos proferimus, quorum consummatio in combustionem. Accede ergo ad benignissimum, & malorum atque iniuriarum planè immemo-

rem Deum: petens ab eo custodiam ori tuo, & ostium circumstantiæ labiis tuis. Cernis enim Prophetam, quomodo tremore ac metu percussus, & per puram cum Deo precationem fermocinans, exclamabat dicens: Domine audiui auditionem tuam, & timui. Domine consideraui opera tua, & expaui. Ac rursus: Obseruaui, & conturbatum est cor meum, à voce precationis labiorum meorum. Et ingressus est tremor in ossibus meis, & in me conturbata est virtus mea. Quod si adhuc pergitur iustum contemnere Iudicem, audiamus Apostolum dicentem: An diuitias bonitatis eius, & patientiæ, & longanimitatis contemnitis: ignorans quoniam benignitas Dei ad pœnitentiam te adducit? Secundum autem duritiam tuam, & impœnitens cor, thesaurizas tibi iram in die iræ, & reuelationis, & iusti iudicij Dei: qui reddet unicuique secundum opera eius. Propterea & alibi dicit Scriptura: Si peccans peccauerit homo in hominem, etiam orabunt pro eo ad Dominum: Si autem in Dominum peccauerit, quis orabit pro eo? Iccirco pœnitentiam agamus Fratres: quousque Creatorem nostrum exacerbamus? Si portum perdiderimus: ubi tempestatis ac perturbationis tempore saluabimur? Quod si Dominum exacerbauerimus: ad quem tribulationis tempore, & in hora necessitatis confugiemus? Ego quidem, dilectissimi, non tanquam opere veritatem demonstrans, ista vobis conscripsi: verum vti frater consilium præbens. Nisi quia Dominus adiuit me, paulo minùs in inferno habitasset anima mea. Quocirca & vos ego miserrimus hominum, obsecro: precemini pro me apud Dominum, vt multitudo peccatorum meorum ante finem meum deleatur, ne confundar ab expectatione mea, Et in hora mortis, me respiciat secundum multitudinem miserationum suarum; Et tunc per fideles, illuminatosque Angelos, animam meam peccatricem cum vestris animabus ad requiem iustorum deducat. Qualem enim putatis, terrorem atque tremorem habet anima, in hora illa? Nam si is, qui in regionem proficiscitur longinquam, subsistit & admiratur, populum cernens peregrinum, & terram alterius linguæ, quam nunquam vidit: quo putatis timore percelli animam, quando ex hoc seculo ad futurum emigrarit, dum cernit tunc quæ nunquam aspexit? Satagamus igitur

*Habac. 3.**Ibidem.
iuxta 70.**Rom. 24.**1. Reg. 21.**Psalm. 93.**Psalm. 50.*

142 S. PATRIS EPHRÆM SYRI,
eorum, quæ ibi contingent, charissimi, tota mente & corde.
Seruiamus Deo totis viribus nostris. Custodiamus manda-
ta eius omni contentione. Diligamus formidabile, & omni
honore dignissimum nomen sanctum eius, & proximum, si-
cut nosiplos: vt audire promereamur benedictam illam vo-
cem: Venite benedicti Patris mei, possidere paratum vobis
regnum, à constitutiohe mundi, Benedictus Deus, qui nos
sua implet benedictione: quoniam in omnia secula, miseri-
cordia eius. Amen.

Matth. 25.

PARÆNESIS XLIV.

De Timore Dei.

Attende tibi ipsi, Charissime, ne fortè in negligentia
arque distractione perdas tempus tuum. Attende iis
quæ dicta sunt à Domino: Vineam plantasti tibi: circunda
illi maceriam. Amœnum hortum comparasti tibi; fructus
eius serua: vt læteris in nouissimis tuis. Et non dimittas
porcos tuos, in labores tuos; ne deuastent eos. Quid enim
prodest, fratres, si hodie vitam quietam in cella degamus:
cras autem in ciuitate ac vicis remoremur, ea agentes, quæ
non placent Deo? Quid prodest, fratres, si vno die ædifice-
mus, duobus autem destruamus? Quomodo enim sic ope-
rantibus nobis, perfici poterit opus? Quid nobis, & seculo?
Quid nobis, & negotiationibus huius vitæ: qui mortui su-
mus mundo? At de alimentis fit sermo? manus ad carnis
ministerium sufficiunt, maximè adiuuante nos Domino.
Nemo enim militans Deo, vt ait Apostolus, implicat se ne-
gotiis secularibus, vt ei placeat qui ipsum ad militiam ele-
git. Ac rursus: Nocte & die operantes propriis manibus, ne
quem vestrûm grauaremus. Quid nobis cum vicorum viis,
ô monache? Si enim dum in nostra residemus atque quies-
cimus cella, vitiorum cogitationibus, rerumque adumbra-
tionibus obsistere nequimus: quomodo non magis facilitus-
que capiemur: si in alienigenarum manubias nosiplos con-
iecerimus? At frequenter vis dicere, ex Præfectorum com-
missione, te necessario vicos adire. Quòd si eorum per-

2. Tim. 2.

1. Thess. 2.

missu, & propter obedientiam id agas; extra culpam es, dummodò quod tibi mandatum est, cum timore Dei egeris: at sunt nonnulli, qui prætextu obedientiæ, propriam quoque perficere concupiscentiam quærunt, secundum hominem veterem. Vide igitur ut prudens, ne pro auro & argento, testam ac lutum inferas: & pro obedientia, inobedientiam opereris. Quid enim profecerunt, qui cum Iesu Filio Naue, & Chaleb profecti sunt ad explorandam terram? quippe qui prætextu obedientiæ, inobedientiam exercuerunt, veritatem deserentes, & à Domino recedentes, atque ab ipso corda filiorum Israël peruercentes. Quocirca si quando in ministerium mittaris: cum timore Dei cuncta gerito, tanquam Deo præsentē, & iugiter opera tua spectantē. Si enim missus, vadis ministraturus Sanctis, ipsoque ministerio spreto contraria agas, ac Deo contempto delicias quæras, concupiscentiasve expleas: nequaquam obedientiæ opus impleuisti, sed inobedientiæ crimen commisti. Scire autem te volo, quòd quemadmodum hi, qui te in monasterio quietē ac tranquillē viuētem, & Domino Christo seruientem vident, in te Deum glorificant: ita qui te in ciuitate aut castello facientem quæ displicent Deo adspexerint in te scandalizabuntur. Atqui obsecro quæ tibi merces debetur, si conscientiam proximi vulneres? Quòd si consilio acquiescas meo, ut Deum timeas, & quietam vitam ducas: in te glorificabitur Dominus, eritque tibi ad omnem virtutem capessendam, robur.

Ceterum suggerit tibi crebrò inimicus, dicens: Interea dum iuuenis es, tuis frui concupiscentiis. Quot enim putas in seculo deliciis deditos, & tamen cælesti regno non priuatos? Tu ergo dum iunior adhuc es, comede, bibe, seculique voluptatibus perfrui: quando autem ad senium perueneris, tum demum pœnitentiam agas. Quid enim ab eiusmodi ætatis flore, corpus tuum affligere quæris? vide ne fortè in ægritudinem incidas. Dic ergo tu illi, talia tibi suggerent: Quòd si in iuuentute deprehensus fuero, & ad senectutem non peruenero: quidnam ante Tribunal Christi respondebo? Videmus enim iuuenes quamplurimos in ætate iuuenili morientes, senes verò longæuos: sunt enim imperuestigabilia opera Domini. Et quomodo tu me

decipete tentas, admonens ut senectutis tempore pœnitentiam agam? Dicerene tunc mihi licebit ad iudicem: Iunior deprehensus, ex hac vita excessi: quare dimitte me modò ut pœnitentiam agam? Nonne planè tunc quoque ipse mihi respondebit: Per tot iam annos dimisi te, sæpiusque peccantem in me, patienter tuli, neque confestim te occidi, concedens tempora, loca, & momenta, quibus pœnitentiæ semina iactare posses. At tu tempus quod tibi ad pœnitentiam permisi, in peccatis consumpsisti, ac voluptatibus. Certò igitur noueris, frater, quòd si timorem Dei spreueris, & peccatis te ipsum dederis, æterno supplicio condemnaberis. Nam qui deliciis ac voluptatibus sua membra tradidit, non in futuro duntaxat seculo, dolore afficietur: verum etiam in præsentem, nisi citò pœnitentiam Christo egerit. Similis enim vili atque abiecto erit panno, quo ubi omnes abusi fuerint, ad extremum abijciunt, atque proculcant. Ceterum tu si ab hisce te omnibus exemeris, & Christo Domino placere volueris, tuam seruans castitatem corporis in charitate Dei, quæ virtutum omnium columna est: similis eris purpuræ regiæ, & fulgebis instar luminaris magni, in medio fratrum, insurgentesque in te auerter atque prosterner Dominus; nam timor Dei, quem amasti, loco muri erit tibi, inueniesque gratiam coram Deo & hominibus. Aduigila igitur, & attende tibi ipsi, hoc sciens, quòd non ignorat inimicus etiam intra claustra atque repagula captare animas torpori & negligentia deditas. Sed dicet fortasse insipientium aliquis: non sum idoneus ad resistendum obrepentibus viriis, verum statim perturbatione abducor, & in assensum trahor. Ne in eo glorieris: non enim est ista religio, sed ignauia atque dementia. Cùm dicat Sapientia: Ne acceptor sis personæ contra animam tuam, neque confundaris in casu tuo. Nunquid, obsecro, si furem senseris effringentem domus tuæ parietem seu murum, iacere te sustinebis, & domum ab eo spoliari? nonne surgens, latronem persequeris? Et quomodo non est tibi curæ, castitas corporis tui: sed Dei prodis templum, illudque corruptelæ exponis? Cernimus quippe, quanto eos dignetur honore Deus, qui à diebus iuuentutis suæ vsque ad senectutem seruiunt ei. Ait enim ad Ieremiam Prophetam; Memo-

cap. 4.

Jerem. 2.

rat us

ratus sum misericordiæ iuuentutis tuæ, & charitatis perfectionis tuæ, vt sequeris post sanctum Israël. Illos porro qui à iuuentute vsque ad senectutem, sensum sequuntur erroris, ita reprehendit Propheta, dicens: Inueterate dierum malorum, nunc venerunt peccata tua, quæ fecisti prius. Ideoque beatificat eos Spiritus sanctus, qui iugum Christi super se tulerunt à iuuentute sua, dum dicit: Bonum est viro, cum portauerit iugum ab adolescentia sua. Dan. 13: Thren. 3.

Euigilemus & resipiscamus igitur charissimi, ne fortè summa Dei longanimitas nobis in iudicium sit, dum agere pœnitentiam nolumus: sed singulis diebus peccata peccatis accumulamus. Quis putas diem iudicij mente reuoluit, & non perhorrescit? Perpendamus quæ dicuntur, dilectissimi. Cum venerit æstas, & calores incaluerint, dicere solemus: Duo alij supersunt menses, & æstas præterierit. Quid agemus charissimi, si æterno ignis supplicio post mortem damnemur? Et dum rursus hyems obuenerit, dicimus: Alij duo, aut tres restant menses, & magna comminatio ac vis frigoris se remiserit. Quid agemus, fratres dilectissimi, si in inferioribus partibus terræ, post mortem damnati fuerimus? Quodd si quis etiam in aduersam inciderit valetudinem, & nocturno somno priuatus fuerit; crebrò oculos in fores atque fenestras domûs defigit, lucem diei videre desiderans: Nos autem quid faciemus, fratres, si in exterioribus condemnemur tenebris, vbi fletus est, & stridor dentium: vbi nulla spes est aspiciendæ vnquam lucis, in sempiterna secula? Similiter autem & qui in exilium eiectus est, dies, & menses, & annos enumerat, quotidie præfiniti temporis finem expectans: at qui in futuro seculo condemnatus fuerit; neque dies numerare poterit, neque noctes, neque menses, neque temporum momenta. Sunt enim infinita & sempiterna secula; in quibus, qui nunc lugent ac plorant, tunc consolabuntur: qui verò nunc negligentes, vanisque seculi rebus distracti sunt, tunc condemnabuntur. Nam quæ in deliciis est vidua, inquit Apostolus, viuens mortua est. Et rursus Saluator; Væ qui rideris nunc, quoniam lugebitis & flebitis. Euigilemus ergo ab hac vita dilectissimi. Lugeamus modò, vt tunc consolemur. Vitam 1. Tim. 5: Luc. 6:

*Psal. 135.**Psal. 103.*

quietam atque tranquillam, cum humilitate in cellis nostris degamus: ut respiciat humilitatem nostram, & laborem Dominus: remittatque nobis cuncta peccata nostra. Scriptum est enim: Quia in humilitate nostra memor fuit nostri Dominus. Et iterum: Quemadmodum miseretur pater filiorum, misertus est Dominus timentium se. Det porro nobis Dominus, irreprehensibilem peragere vitam, & cum Sanctis suis glorificari. Quoniam ipsum decet gloria, in secula seculorum. Amen.

PARÆNESIS XLV.

*De charitate siue dilectione.**Matth. 25.**Matth. 7. 25.**Matth. 7.**1. Ioh. 4.**Luc. 10.**1. Cor. 12.
C. 13.*

SI tibi, Charissime, donum scientiæ & discretionis, siue gratiarum, & curationum, concessum sit: vide ne fortè his confusus muneribus, perman eas infructuosus. Ut non dicas tunc: Domine, miserere. Et responsum audias cum his qui à sinistris erunt, quando magnus ille Rex iustos separabit à peccatoribus: non novi vos. Scriptum quippe est. Non omnis qui dicit mihi: Domine, Domine, intrabit in regnum celorum: sed qui facit voluntatem Patris mei, qui in cælis est. Multi enim dicent mihi in illa die: Domine, Domine, nonne in nomine tuo prophetauimus; & in nomine tuo dæmonia eiecimus; & in nomine tuo virtutes multas fecimus? Et tunc confitebor illis, quia nunquam novi vos, discedite à me, qui operamini iniquitatem. Cur ita: quia charitatem non seruauerunt. Nam quemadmodum scriptum repetitur: Qui fratrem suum quem videt, non diligit, Deum quem non vidit, quomodo potest diligere? Scriptumque est: Seruus ille qui nouit voluntatem Domini sui, & non fecit, vapulabit multis: qui autem non cognouit, & fecit digna plagis, vapulabit paucis. Atque Apostolus: Et adhuc excellentiorem vobis viam demonstro: Si linguis hominum loquar & Angelorum, charitatem autem non habeam, factus sum velut æs sonans, & cymbalum tinniens. Et si habuero prophetiam, & nouerim mysteria omnia, & omnem scientiam: & si habuero

omnem fidem, ita vt montes transferam: charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita vt cardeam, charitatem autem non habuero, nihil mihi prodest. Charitas patiens est, benigna est, Charitas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Charitas nunquam excidit. Ecce, audisti charissime, vim charitatis. Hanc tibi in cunctis tuis operibus vindica: vt quantum duce gratia fieri potest, laudem à Deo referas.

Obtestor autem vos, fratres charissimi, vt mei serui inutiles, in precibus vestris apud Deum gratissimis, memineritis: ne sermones mei sint otiosi atque inutiles, neque contra me faciant coram Iudice, in die atque aduentu Domini & Salvatoris nostri Iesu Christi. Nihil mihi conscius sum: at iudicij successus terribilis, & ignis zelus, qui aduersarios consumpturus est, horrorem mihi incutiunt. Ceterum Deus, per suam misericordiam, mihi quoque quamuis indigno introitum vobiscum, & cum aliis electis suis, in suum regnum concedat. Diffundatque Dominus Iesus charitatem suam in cordibus nostris. Quia ipsi gloria, & potentia, in seculorum secula, Amen.

Heb. 10.

PARÆNESIS XLVI.

Ad Eulogium.

AD fructum obedientiæ respiciens, Frater charissime, tibi de quibus mihi imperaueras, perscribere studui. Principium optimum est timere Dominum. Senectus verò honorabilis, in anima Christo deuota. Qui sibi ipsi attendit, in omni loco salutem assequi poterit. Qui conuersationibus gaudet mundanis, seculum nondum se odisse ostendit. Nam sicut qui ignem excitat, flammam suscitatur: ita & mundana colloquia, passionibus atque affectionibus prauas in corde monachi commouent. Vtinam, frater, adueniantes colloquen-

di causâ, nihil tibi nocerent. Qui mulierum familiaritatem amat: aduersus seipsum, fornicationis dæmonem excitat. Cum bonam de te famam acceperint parentes tui, plusquàm vino & epulis lætabuntur. Qui delectatur ebrietate, multis damnis afficietur. Dicit enim & agit, quæ non decent, deprædaturque proprias diuitias, & velut alienas distribuit etiam inimicis: nam ebrietas mentem atque intellectum ipsius excæcauit. Modestum ac grauem te gere, frater: modestia enim & grauitas pacificum ac tranquillum vitæ statum parit, porro tranquillus vitæ status, vitam perturbationibus liberam efficit. Sit tua modestia cum humilitate coniuncta: vt verus monachus reddaris, & charitatem atque temperantiam possideas. Multiloquium, frater, mentem sensumque obtenebrat: mens autem tenebris obducta, ad impudentiam trahit: imprudentia verò fornicationis est mater. Qui silentio gaudet, absque perturbationibus viuit: quin etiam ne proximum quidem irritat. Risus porro & impunitas, instar veneni nouitio obest, ac monacho quoque inutilis. Nam illos, qui nunc lugent ac plorant, beatificat Dominus. Iactura est monacho, multiloquium. In mensa maximè tacendum. Ama silentium frater, vt tecum grauitas atque modestia maneat. Conserua modestiam & maturitatem, vt te à fornicatione custodiat. Qui contradicit, & immorigerus suo est Præfecto, non tardabit prolabi in mala: at qui morem Superiori gerit, cum iustis gaudebit. Qui in propriis gloriatur viribus, ipse à se diuinum auxilium repellit: qui verò gloriatur, in Domino gloriatur. Qui distractiones amat, & quietem odit, sæpe multumque tribulabitur: at qui in humilitate quietem sectatur, in Domino lætabitur. Qui patienter in Synaxe consistere recusât, haud leue damnum subibit: at qui cum reuerentia & patientia perstiterit, exaudietur. Qui tempore Synaxis, verbis intentus est otiosis: in duplicem reprehensionem incurrat: propterea quòd à precatione atque psalmodia eum retrahit quo cum loquitur: tum etiam quòd sibi ipse dænum conciliet, ac simul iis qui proximè adstant. Qui exercitationem diligit, robustior euadet. Qui verò ebrietatem amat, in nullo sibi temperabit. Cui operari molestum est, in curiositatem incidet: multa quippe mala otium docuit; at cui operari iucundum est, sine molestia erit. Qui in splendido paren-

tum gloriatur amictu, probatus non erit: non enim in acie belli proderunt ipsi. Honora, frater, paruos & magnos: ut te exaltet Dominus: qui enim seipsum humiliat, exaltabitur. Humilia caput Superiori tuo, & Præfectis fratrum in Domino subiectus esto. Nam in eo, fructus timoris Dei existit. humilitas porro non solum in submissione erga maiores exhibetur, sed etiam in attributione honoris erga minores atque inferiores. Scriptum quippe est: Quicumque honorificauerint me, glorificabo eos: qui autem contemnunt me, ignominia afficientur. Nos ergo glorificemus Deum, ut & ipse nos glorificet, cum omnibus Sanctis suis. At in quo glorificabimus ipsum? in obseruatione legum, ac mandatorum eius. Nam scriptum habetur: Non in sermone est regnum Dei, sed in virtute. Et rursus: Non omnis qui dicit mihi, Domine, Domine, intrabit in regnum cælorum: sed qui facit voluntatem Patris mei qui in cælis est.

Luc. 4. 18

1. Reg. 2.
iuxta 70.

1. Cor. 4.

Matth. 7.

Ante omnia frater, Deum in veritate time: & timor eius illuminabit oculos mentis tuæ. Dilige autem humilitatem: nam quæ secundum Deum est humilitas, murus firmus & inexpugnabilis est à facie inimici, ac petra ex opposito percutiens atque confringens machinas Satanæ, & tela nequissimi ignea. Si tecum mente constitueris, quavis contumelias, damna, atque contemptions propter Dominum sufferre: eris tanquam generosus ac strenuus bellator, contra aduersarios semper armatus: tuncque inimici viso tanto tuo studio, concident à facie tua. Si velis inconsideratè currere, & nihil fatigari: quæ, obsecro, utilitas?

Castitatem corporis tui, vnà cum charitate custodi: nam charitas mater virtutum est: castitas autem lucerna ac firmamentum: lumen porro istorum, quies est atque tranquillitas: murus verò eorum, timor Domini. Seruemus, Fratres, castitatem corporis nostri, in charitate Dei: ut cum sanctis suis Angelis nos Dominus connumeret. Nam his qui castitatem diligunt, delectatur Spiritus sanctus, & patientiam ipsis donat. Quare perfectè exerceatur castitas per temperantiam, mansuetudinem, & tranquillitatem, quæ est cum charitate coniuncta. Quocirca subtrahere nos

debemus ab omni fratre ambulante inordinatè : ne fortè suspicionem demus his qui nos vident. Ait enim Apostolus: *Rom. 12.* Prouidentes bona non tantùm coram Deo, sed etiam coram hominibus. Si quis autem contentiosus est, nos talem consuetudinem non habemus, neque Ecclesiæ Dei. Rursusque eum dicentem audi: Tu quidem rectè gratias agis, sed alius non ædificatur. Vt quid enim libertas mea iudicatur ab alia conscientia? Quamobrem necessarium est adhortationes hominum timentium Dominum suscipere, & non sibi ipsis placere, secundùm eum qui dicit: Vnusquisque vestrùm proximo suo placeat in bonum, ad ædificationem. *Rom. 15.* Et iterum: Vt is qui ex aduerso est vereatur, nihil habens malum dicere de vobis. Ait enim Dominus gloriæ: Sic luceat lux vestra coram hominibus, vt videant opera vestra bona, & glorificent Patrem vestrum qui in cælis est. Cauendum est, ne occasione communicationis, sanctificationem perdamus: vñtatum quippe inimico est per bonum operari malum. Nam qui peccat, & sibi occultare videtur, decipitur: nihil enim occultum, quod non reuelabitur. *Matth. 10.* Si tibi inimicus concupiscentiam carnalem suggesserit: responde ipsi: Absit à me, vt ampliùs contristem Spiritum sanctum Dei, in quo signatus sum, in diem redemptionis: sufficit enim mihi tempus præteritum. Nam scriptum est: *Ephes. 4.* Omne peccatum quodcunque fecerit homo, extra corpus est: qui autem fornicatur, in corpus suum peccat. *1. Cor. 10.*

De pugna autem mentis ac cogitationis, ex parte didici: Nam frater ab alio interrogatus fratre, dicente: Cogitationes sordidæ conturbant me. Ille respondit: Sancti senes quibusdam permittebant, vt intus sinerent cogitationes ingredi, & tunc bellum cum iis gererent: imbecillioribus autem ne vñlo quidem modo cum iis agerent, interdicebant; ne fortè dum mens atque memoria iis immoratur, morbus incurabilius reddatur. Tunc frater: Et quid est, inquit, permittere cogitationes intus ingredi, & tunc bellum cum iis gerere? Cui ille, audi, inquit: Quando inimicus cogitationem alicui turpem, considerationesque impuras adduxerit, mox formosi aspectûs mulierem menti eius obijcit, aut quid similius, ad corruptionem occurrentium. Quæ dum cernit coram se constituta, qui mente pugnat,

non terretur cogitationibus eiusmodi : sed fortiter se opponit, impugnatque vehementer ac sapienter eas. Deinde aperit ipsis, & occludit eas. Et ubi iam ipsæ intus fuerint, simul cum materia per quam pugnabant, dicit ad eas: hæc est quæ vobiscum consistit, cuius causâ me turbatis ac molestatis quotidie, mentemque meam informatis? Cupio igitur perfectè nosse, quis ipsius sit usus? Imperatque ensem sibi deferri, cogitatione ac mente; quo accepto aperit eam in ventre, imaginatione mentis, & dicit: Volo cognoscere, quid tandem in ipsa reperiam; pulchritudinemne an putredinem? apertoque ventre eius, inuenit intus quæ omnes nouimus; manifestatur enim ex parte turpitudine concupiscentiæ. Quare aduersariæ cogitationes cernentes cladem sibi illatam, tumultuari incipiunt: volentes fratris cogitationem diripere, atque reprobare; vt mente ab aliis cogitationibus turbata, destruant præsens certamen; metuentes ne fortè prorsus ipsarum appareat turpitudine atque confusio. Qui autem ex aduerso cum iis pugnabat, ait: Cur alia pro aliis adducere vultis? non enim vos egredi sinam, donec accuratè quidquid est in hac re, penitus indagauero, & utrùm reuera sit amore dignum quod vos laudatis. Tunc frater, ad tres vel quatuor vsque dies, in interiore cubiculo cadauer recludit: ac postea aperit, cupiens cadauer videre. Et priusquam ipse intus ingrediatur, occurrit ei intolerabilis ille fætor, manuque os sibi cum naribus obstruens, nutu demonstrat aduersariis cogitationibus, ac sociis cooperatricibus peccati, finem rei. Deinde ait ad ipsas: Quid respondetis ad ista? Illæ autem rubore suffusæ, instar fumi abibant in aërem. Sicque frater morbidas perturbationes diuina auxiliante gratia superauit: vnde etiam confitens Domino, dicebat: Gratias ago tibi Domine Deus meus, quòd non tradidisti me in manus inimicorum meorum: sed saluasti me de laqueo venantium: & gratia tua, Domine, illuminauit mentem meam ad intelligendum ista: non enim per meam sapientiam, ab earum liberatus sum laqueo.

Semper ergo fratres, timorem Dei ante oculos habeamus: vt ipse nos protegat: nam absque eius protectione, homo nihil est. Magna quippe inimicorum nostrorum est fraudulentia atque malignitas, sed diuinum auxilium cir-

cundans hominem longè præstat ac superat: verum oculis nostris illud cernere non permittitur. Diligamus ergo Deum auxiliantem nobis, & saluantem totis viribus: & proximum, sicut nos ipsos. Perpende mente diem obitûs tui, frater charissime, quando obrigescens in tua iacebis regeticula seu storea. Heu mihi, heu mihi, qualis animam meam detinebit timor ac tremor in hora illa, frater charissime? Si quid igitur boni fecerit in vita ista, dum in ea instar aduenæ & peregrini habitavit, si tribulationes & opprobria propter Dominum sustinuerit, ac optima coram ipso fecerit: magno cum gaudio in cælos sustollitur, à sanctis Angelis diducta. Quemadmodum enim operator laborum, ac per totum laborans diem, expectat duodecimam horam: ut post laborem, accepta sua mercede respiret: Sic & iustorum animæ, illam præstolantur diem: peccatorum autem, timore atque tremore in illa die ac hora corripientur. Et sicut reus quispiam à ministris comprehensus, & ab ipsis ad iudicij locum deductus: ita quoque in illa contremiscent hora iniustorum animæ, in sempiterna tormenta æternæ caliginis respicientes. Quod si quis dixerit: permitte me in illum proficisci mundum, ut deinceps pœnitentiam agam; non erit qui dimittat. Audiet enim talis: quando suppetebat tempus, non egisti pœnitentiam; & nunc vis ire ad agendam pœnitentiam, quando omnibus iam stadium est apertum? Non decertasti; & modò decertare cupis, quando cunctæ fores clausæ sunt, tempusque certaminis præterit? Nonne dicentem audisti: Vigilate, quia nescitis diem neque horam? Ista autem præscientes, fratres charissimi, dum tempus habemus, pœnitentiam agamus: ut eruat nos Deus ab ira super filios diffidentiae ventura: nosque in partem Sanctorum ascribere dignetur. Ora etiam pro me peccatore, dicente & non faciente. Nam scriptum est: Confitemini alterutrum peccata vestra, & orate pro inuicem; ut sanemini in nomine Domini & Saluatoris nostri Iesu Christi, Cui gloria & potentia, cum Patre initij experte, & sanctissimo atque optimo & viuifico Spiritu: nunc & semper, & in secula seculorum. Amen,

*Matth. 24.
25.*

Jacob. 5.

PARÆNESIS XLVII.

Ad Monachum acedia deditum, qui tentabatur ut rediret ad seculum.

Dixit Dominus gloriæ: Intrate per angustam portam: *Matth. 7.*
 quoniam lata & spatiosa est via quæ ducit ad perditionem, & multi sunt qui inveniunt eam. Quid sibi vult angusta, & arcta via, quæ ducit in vitam æternam; & pauci sunt qui inveniunt eam? Et quis est qui inuenit ipsam, pronuntiatque nobis vitam ipsius? Sancti omnes; per quam, vas electionis Paulus cucurrit: & consummans cursum, coronam reportauit. Ideo que viam eius annuntiat nobis, dicens: In omnibus exhibentes nosmetipsos sicut Dei ministros, *2. Cor. 1.*
 multa patientia, in tribulationibus, in necessitatibus, in angustis, in plagis, in carceribus, in seditionibus, in laboribus, in vigiliis, in ieiuniis, in castitate, in scientia, in longanimitate, in suauitate, in Spiritu Sancto, in charitate non flecta, in verbo veritatis, in virtute Dei, per arma iustitiæ à dextris, & à sinistris, per gloriam & ignobilitatem, per infamiam & bonam famam; ut seductores & veraces, sicut qui ignoti & cogniti: quasi morientes, & ecce viuimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tanquam nihil habentes, & omnia possidentes. Et spes nostra firma est pro vobis: scientes quod sicut socij passionum estis, sic eritis & consolationis. Quare & nos, fratres, debitores sumus ut eandem teneamus viam vsque ad finem, in qua etiam stipendia fecimus. Vitam quietam in solitudine agis? recordare eorum qui in carceribus conclusi detinentur; qui non solum ibi inclusi sunt, sed etiam ferro circumdatum est ipsis collum: alij verò etiam in compedes coniecti sunt. *1. Cor. 1.*
 Eremiticam vitam degis? cogita pastores ouium, qualia in solitudinibus & montibus pericula lubeant: & quidem hyeme frigore obrigescunt, æstate verò solis radiis exardescunt.

In cœnobio viuis? cogita id quod scriptum est; Multitudinis autem credentium erat cor vnum, & anima vna; nec *Matth. 23.*

quisquam eorum, qui possidebat aliquid, suum esse dicebat: sed erant illis omnia communia. Funiculos efficis? in mente habeto illos qui per mare nauigant: nam hi cum mari pugnantes, eandem artem tractant. Sportulas exiguas operaris, quæ dicuntur malacia? cogita brencarios. Pulchrè & eleganter scribis? ædium fabricatores, & operis tessellati atque exquisiti effectores cogita: veruntamen diuinos sermones in fide & veritate conscriptos ne deprauaueris. Quid enim eo maius peccatum est: reddere id quod est dulce, amarum: & quod amarum, dulce: lucem, tenebras, & tenebras, lucem, in subuersionem audientium? Væ facienti ista: nam animarum scandala ponit. Punctis distinctum opus efficis? caligarios & coriarios cogita. Storeas operaris? cogita eos, qui marmora secant. Chartam coccineam operaris? coriarios cogita. Thecas ac peras operaris? canabarios cogita. Canistra operaris? cogita mundanos eandem artem tractantes. Vermiculata opera, antennisue facis? scrinifices & vasculares cogita. Linum operaris? linifices cogita. Lintea facis? sericarios cogita. In pistrino te constituerunt? lictores atque tortores cogita. In hortum te redegerunt? fullones cogita: qui hyemem æquè atque æstatem peragunt, in aquis suum opus facientes. In culina te posuerunt? tinctores, fabrosue ærarios cogita: qui quidem die noctuque laborant, cum igne pugnantes: & alienæ potestati subiecti, turbatique sustinent: & à principibus frequentes coacti atque angustiiati, suum opus non negligunt. Ianitorem te statuerunt? seruos terrenorum principum cogita. Ministrum, siue œconomum, vel præfectum aliorum te constituerunt? dicentem cogita: Seniores ergo qui in vobis sunt, obsecro, consenior & testis Christi passionum qui & eius, quæ in futuro reuelanda est, gloriæ communicator: pascite qui in vobis est, gregem Dei: prouidentes non coactè, sed spontaneè secundum Deum: neque turpis lucri gratiâ, sed voluntariè: neque vt dominantes in clero: sed formæ facti gregis. Et cum apparuerit Princeps pastorum Christus, percipietis immarcessibilem gloriæ coronam. Et ne cuncta sigillatim recensentes, in longum protrahere videamur sermonem: omne quod operatus fueris, & tædij atque pigritiæ tibi spiritum inimicus in opere intulerit, ad si-

mile aliquod opificium referas animum, vt contradicas aduersario. Quodcunque verò feceris, siue in opere, siue in sermone: testem tibi propriam adhibe conscientiam, illud nimirum secundum Deum esse, quod efficitur, & saluaberis.

Dic autem & ipse mihi, obsecro: Quòd si abnegaueris gratiam eius, qui te in æternum suum vocauit regnum ac gloriam, & ad seculum redieris, quid facturus eris, vt putat cogitatio tua? aut potius quid tibi suggerit hostis animarum nostrarum, nempe, si datam tibi gratiam reieceris, te esse regnaturum? Et si verò regnaueris, nonne & mors te excipiet? Si porro etiam facultates multas possederis, diuitiasque in copia congregaueris: nonne aliis eas relinquens, nudus hinc abibis? Secundum dictum illud Apostoli: Nihil enim, inquit, intulimus in mundum, nec quid etiam auferre poterimus. Qui autem seminat in spiritu, de spiritu metet vitam æternam. Secundum hominem loquor: Frater; quòd si abnegaueris gratiam Domini, non erit apud alios ea de te, quæ fuit opinio prius, quam vitam monasticam institueres: sed apud amicos, familiares, ac propinquos, tanquam transgressor habeberis, & negator. Sed quis te auspicari coëgit opus, quod implere nequires? annon & lex istud dicit? Scriptum quippe habetur in lege: Si quis est vir, & formidolosus, ac meticulosus corde, non egrediatur ad bellum, sed reuertatur in domum suam: ne pauere faciat cor fratris sui. Nunc igitur quod exorsus es, etiam perficito.

1. Timoth. 6.

Deut. 20.
IN STA LXX.

Quòd si etiam in peccato aliquo præuentus fueris, ne in eo permaneas: sed ad Dominum in veritate conuertaris, est enim in cælo, qui peccata eorum, qui conuertuntur ad ipsum, delet. Solum cogitationibus temerariis ne consenseris: neque enim leones, neque dracones, nec barbari tantum nocere poterunt, quantum temeritas, morem ipsi gerentibus. Nam multi initio hanc propulsantes, sententiasque eius communicare nolentes, etiam à barbaris in pretio sunt habiti, leonesque cum draconibus hos veriti sunt. Flamma ignis non valuit capillos capitis eorum exurere: neque enim inuenta in ipsis est materia malitiæ, sed bonitatis. Temeritas verò suos crudeliter cædit amatores: non enim est malitia, cuius non sit mater temeritas. Nam palam est

1. Tim. 6.

Præverb. 28

avaritiam omnium malorum esse radicem, secundum illud Apostoli dictum: Radix omnium malorum est cupiditas; ab ipsa verò radix germinavit: nam ipsa malitiæ caudicibus ac ramis nutrimentum incrementumque præbet. Quid eâ in mundo sæuius atque atrocius? quippe quæ suos amatores hostibus tradit, & profugos reddit. Fugit enim impius, nemine persequente: Iustus autem tanquam leo confidit, in magna sua libertate atque fiducia. A temeritate porro qui detentus est, non barbarorum cruciabitur manibus, non in regione externa: verum intus angitur, intus affligitur, & à propriis contribulibus verberatur; nullusque pro eo qui roget invenitur; quamvis non occultè, sed apertè tormenta ipsi inferantur, non ob actiones bonas, verum propter temeritatem. Cuncti eos, qui labuntur per illam, condemnant: cuncti istos accusant. Nullus est qui succurrat, nullus qui liberet atque defendat. Si temeritatem secutus fueris, in mortis penuaria deducet te. Hæc etiam potentatus subvertit, & familias desolauit, Reges concussit, & in ruinam tradidit. Recede igitur ab ea, frater charissime, ne constringaris vinculis eius; nam vincula ipsius sunt ferrea, & pedicæ eius æneæ. Hæc suos amatores funditus euertit, & in hac vita ruinam iis infaustam parit, & post mortem exitium. Et quod ipsius est nomen, nisi temeritas? odit veritatem, mendacium diligit, disciplinam non admittit, admonitiones auersatur ac rejicit, insolentiâ & contumaciâ gaudet, reprehensiones non suscipit, voluptates nutrit: Deum contemnit, non reueretur, non erubescit homines. Initium eius priuatio diuini timoris: finis verò ipsius perniciēs & exitij hæreditas. Domine, Domine, qui oculos cæci à natiuitate aperuisti, oculos quoque mentis nostræ repera: ne in laqueos eius incidamus.

Ne ergo diuinam repellamus gratiam, charissime, an ignoras, quod gaudiū in cælo erit maius super vno homine peccatore pœnitentiam agente, quàm super nonaginta nouem, qui non errauerunt, & pœnitentiâ non indigent? Quid porro est tribulatio huius sæculi, pariter & gaudium in hoc mundo, charissime? Melius igitur est, tribulationes occurrentes ferre, quàm deceptiones. Nam similis est gloria mundi huius, atque fallacia eius, flammæ ignis, quæ apposita ligna deuorauit, & mox exstincta est, talisque flam-

ma in cinerem ac puluerem abiit. Qui verò tribulationes propter Dominum sustinet, similis est ei, qui domum suam super petram Christum ædificat. Propterea, frater, respicamus, & ad Christum Dominum redeamus, obsecro. Meminerimus inevitabilis tribunalis Dei, & iudicij æterni, infirmitatisque naturæ nostræ, oro. Quid culice minus ac vilius? & huius minas sufferre nequimus. Quid ergo aduersus venenatum & non quiescentem vermem faciemus? Vesperâ porro factâ, dicet quispiam, Lucernam accende, quia tenebræ sunt: at quid agemus in tenebris istis caliginosis atque obscuris? Quod si quis à solaribus vritur radiis, ad umbram confugit: & quid contra inexstinguibilem flammam ignis, præstabimus? Sumamus exemplum charissimi, à rebus quæ videntur, de iudicio futuro. In hoc seculo, si malum quis egerit, & sciatur, & in custodiam mundi huius principibus missus fuerit: in qua putas anxietate atque pudore, erit in eo anima ipsius? Et licet sæpe à domesticis atque familiaribus ei obsequia præstentur, & à consanguineis curetur, & ab amicis consoletur, atque à sibi notis ac charis assidue visitetur: hisceque omnibus sic perfruatur, non tamen ab ipso dolor recedit. Denique verò post multa verba, siue per amicorum consolationem, circuncursationem, atque obsecrationem: siue etiam per pecuniarum donationem, fortè spem concipit, se suo aliquando tempore à custodia liberatum iri. At ibi, qui à propriis condemnatus est operibus, non habet consolatores atque intercessores; non circuncursat pater, non assidens consolatur mater; non ibi vxoris, & amicorum condolentia; non ibi annuntiatio bona, non fama atque auditio pacis, nec lux, nec sonorus auium concentus, non solstitiorum vicissitudo, temporumque permutatione, non musicorum sonus atque lætitia: nam cuncta ista ab impiis sublata sunt: pars autem eorum contraria. Sicut scriptum est: Pluet super peccatores laqueos, ignis & sulphur, & spiritus procellarum, pars calicis eorum. Quoniam iustus Dominus, & iustitias dilexit: æquitatem vidit vultus eius. Deprecemur igitur Dominum ex tota anima, ut nos in tremenda illa hora protegat atque defendat. Nam in iis qui saluantur, gaudet: quippe quibus præparauit, quæ oculus non vidit, nec auris audiuit, & in cor homi-

Psal. 119.

Isa. 64.

nis non ascenderunt. Hæc mente reuolue, & ad Dominum conuertere. Noli esse instar securis in manu diaboli, quæ plantas excindit fructiferas; neque sicut ventus exæstiuans, ac fructus bonos corrumpens. Non nosti, charissime, quòd si vir quispiam in acie belli vulneratus ex castris ceciderit, eum timiditatis materiam suis commilitonibus præbiturum? At tu quid dicatur intellige: Si quis autem seipsum viriliter contra aduersarios armauerit, etiam segniores atque ignauiores corde, sua excitabit alacritate. Non recordaris charissime, quali prius fueris compunctione præditus, quando solitariam vitam exorsus es? Vbi igitur illa compunctio, lacrymarum plena? Vbi cæleste desiderium, & non simulata modestia, morumque maturitas? Vbi, quæ ad cælum sustollit humilitas, Vbi silentium, plenum intus orationibus? Vbi oculorum custodia, cogitationes purgans? Vbi charitas, Deum flectens? His porro spretois atque remotis, quidnam tibi comparasti? Iracundiam, excandescentiam, clamorem & blasphemiam, intemperantiam, & impudentiam, & os effrænatum? Hei mihi, quomodo fructifera terra conuersa est in falsuginem, à malitia habitantium in ea? Hæccine sunt verba, quibus pactus es seruire Deo, & exspectare salutem eius? Istæ sunt orationes, quibus precatus es Deum in tribulationibus tuis? Caueto, charissime, ne fortè qui molestiâ te afficit, studetque à fraternitate te abrumperè, ipse mortem tibi acerbam turpemque conciliet. Vera narro: Noui ego vnum atque alterum, ac tertium fratrem, à vita solitaria recessisse, & ad vitam secularem redisse, qui non durarunt in vita, sed amara atque indecenti morte suam vitam finierunt. Quare iis vt resistas, te, rogo, frater, concupiscentiamque reprimas, & non consentias illis, qui te captiuare volunt. At sursum mentem, frater charissime, habeamus: Sursum manus cum Moyse tendamus, & Dominus cæcitare ipsos pro nobis oppugnabit. Ne ergo timeas à facie eorum: nam sæpe tibi suggerunt infirmitatem carnis, inappetentiam stomachi, suspicionem Superioris, timorem Præfecti, prolixitatem temporis, ac priorem viuendi rationem, & carnalium parentum memoriam: cunctaque ista excitant, vt animam tuam obsideant, & circunueniant. Non animo verfas, quòd si quis filium facinorosum ha-

beat, eum leges in conspectu parentum punire iubeant: & non est qui ipsum ex tortorum manibus eripere possit? Quotò ergo magis, putas, timore omnia plena erunt in iudicio illo futuro: vbi Reges atque tyranni, diuites & pauperes graui t remore detenti assistent? Descende ergo in te ipsum frater charissime, & ne contemnas iustum atque infallibilem iudicem, neque inextinguibilem vnquam flammam. Quòd si parui pendas, vel hinc experire, an ignis asperitatem, & tormentum sustinere possis: Lucernam accende, & extremitatem saltem digiti impone, & si ferre queas dolores, fortasse poteris te ipsum etiam ibi iuuare. Sin autem totum corpus tuum extra ignem sit, & exigui huius membri dolores perferre nequeas: quid, obsecro, faciemus, quando totum corpus cum anima in gehennam ignis proicietur?

Sed dicet fortasse insipientium aliquis: Ego quoque sustinere vellem: verum quid agam? infirmus enim sum, & negligens. Nam si me saluari vellet Deus, etiam patientiam mihi præberet. Venite, videte, fratres, animam captam, non à barbaris, & gladio, verum à temeritate atque malitia. Deum cupientem omnem hominem saluari, & ad veritatis agnitionem venire, accusas & culpas: qui propter nos peccatores etiam Crucem sustinuit? Ipse inuitat, & dicit: Venite ad me omnes qui laboratis, & onerati estis, & ego reficiam vos. Tollite iugum meum super vos, & discite à me, quoniam mitis sum, & humilis corde, & inuenietis requiem animabus vestris. Iugum enim meum suauis est, & onus meum leue. Rursusque ait: Petite, & dabitur vobis: quærite & inuenietis: pulsate, & aperietur vobis. Omnis enim qui petit, accipit: & qui quærit, inuenit: & pulsanti aperietur. Quo igitur pacto dicis, si me Deus saluari vellet, patientiam mihi tribueret? cur sic te fallit inimicus, vt eius acquiescas consiliis? cur tantum tibi consciscis damnum, vt exutà stolâ gloriæ, te ipsum ab Angelorum conuersatione segreges: voluterisque in passionibus ignominiz? Quorsum tibi, quorsum tibi hoc probum, vt audias dici te apostatam? Dicaturque de te: Ecce qui Domini sui ac Dei gratiam aspernatur? Cur hac te enecas morte, vt videas te proici in tenebras exteriores, possidens fructum igno-

1. Tim. 6.

Matth. 22.

Matth. 7.
21.

miniæ: alios verò fratres, qui exspectant salutare Domini, videas coronari, & in gaudium Domini sui introduci? At quò fugere poteris? aut quis te locus excipiet fugientem à conspectu Domini quem repellere cupis? Propterea sustineamus, obsecro, ne fortè in te veniat, quod scriptum est.

1. Pet. 3. Melius enim erat illis non cognoscere viam iustitiæ, quàm post agnitionem retrorsum conuerti ab eo, quod traditum est illis sancto mandato. Contigit enim eis illud veri pro-
Prover. 26. uerbij: Canis reuersus ad suum vomitum, & sus lota in volubro luti. Alioque in loco ait Scriptura: Sed æstimaue-
Sapien. 15. runt lusum esse vitam nostram, & conuersationem vitæ compositam ad lucrum. Cogitemus, frater charissime, nos peregrinos & aduenas esse in hoc seculo: nam multi qui manè surrexerunt, non peruenerunt ad vesperam: alij autem, qui cubitum vesperi concesserunt, non peruenerunt ad tempus matutinum. Dicentem audi: Homo vanitati similis factus est, dies eius sicut vmbra prætereunt. Adhuc modicum præstolare, ac sustine, oro, frater dilectissime: nam qui perseuerauerit vsque in finem, hic saluus erit. Nemo enim nouit, an fortasse tempus resolutionis nostræ immineat: & hanc ob causam nostræ inolescunt & abundant tentationes. Ne ergo pusillanimes simus, neque conuertamur retrorsum: at potiùs retroactorum obliui, ad ea, quæ antè sunt, extendamur: vt simul cum sponso ingrediamur, prius quàm fores occludantur. Ait enim Saluator: Vigilate & orate, quia nescitis diem neque horam. Et rursus: Sicut factum est in diebus Noë, ita erit in aduentu filij hominis. Sicut enim erat in diebus ante diluuium, comedentes & bibentes, nubentes, & nuptui tradentes, vsque ad eum diem quo intrauit Noë in arcam, & venit diluuium & perdidit omnes. Similiter sicut factum est in diebus Loth: Edebant & bibebant, emebant & vendebant, plantabant & ædificabant; qua die autem exiit Loth à Sodomis, pluit ignem & sulphur de cælo, & omnes perdidit: secundum hæc erit, qua die filius hominis veniet. Quare nostram salutem non negligamus, charissimi. Ecce enim diuinæ nobis Scripturæ diem illum indicant: vt per pœnitentiam, à ventura saluemur ira, vitamque possideamus æternam, grata & accepta operantes Domino. Si autem in priori tua perseueres inobedien-
 tia,

tia, & in cogitatione turpis securitatis atque ignauit̃ verseris: scias non ita multò post fore, vt excindaris. Verax quippe est, qui ait: Iam securis ad radicem arborum posita est. Omnis ergo arbor quæ non facit fructum bonum, exciditur, & in ignem mittitur. Audi porro & fici parabolam: Arborem fici habebat quidam plantatam in vinea sua, & venit quærens fructum in ea, & non inuenit. Dixit autem ad cultorem vineæ: Ecce anni tres sunt, ex quo venio quærens fructum in ficulnea hac, & non inuenio. Succide ergo illam, vt quid etiam terram occupat? At ille respondens, dicit illi; Domine, dimitte illam & hoc anno, vsque dum fodiam circa illam, & mittam stercora, & siquidem fecerit fructum, sin autem, in futurum succides eam. Vide igitur charissime, ne fortè præscriptum tempus impleatur, aliudque tempus non inueniamus. Venite ergo adoremus, ac procidamus ipsi, & ploremus coram Domino qui fecit nos. Manus ad eum tuas attolle toto corde, lacrymansque ad ipsum accede clamans ad eum cum Propheta; Salua me de luto fecis, vt non infigar; libera me ab iis qui oderunt me, & de profundis aquarum. Non me demergat tempestas aque, neque absorbeat me profundum; neque vrgeat super me puteus os suum. Exaudi me Domine, quoniam benigna est misericordia tua: secundum multitudinem miserationum tuarum respice in me. Et ne auertas faciem tuam à puero tuo, quoniam tribulor, velociter exaudi me. Intende animæ meæ, & libera eam, propter inimicos meos eripe me. Vt & ipse vicissim ad te dicat, quod scriptum est: Viriliter age, & confortetur cor tuum, & sustine Dominum. Tuque gratias bonitati eius agens, dicas: Expectans expectaui Dominum, & intendit mihi, & exaudiuit deprecationem meam. Et eduxit me de lacu miseriæ, & de luto fecis: & statuit super petram pedes meos, & direxit gressus meos. Et immisit in os meum canticum nouum, carmen Deo nostro. Videbunt multi, & timebunt, & sperabunt in Domino. Beatus vir cuius est nomen Domini spes eius, & non respexit in vanitates & insánias falsas. Benedictus Dominus, qui virtutem, ac potentiam dat populo suo: & benedictus Deus noster in secula seculorum. Amen. Deus propitius esto peccatis nostris: quia tua est gloria, in seculorum secula. Amen.

Matth. 3.

Luc. 13.

Psal. 34.

Psal. 68.

Psal. 26. 30.

Psal. 39.

PARÆNESIS XLVIII.

De morum peruersitate ac dissolutione, & negligentia.

Quemadmodum gladius neruos incidit equo, & equum succidit: ita versuta ac peruersa mens vigorem animæ succidit, & tristitiam affert, tristitia verò sibi obuios destruit ac perimit. Quis enim cupidus adeundi ciuitatem triginta stadijs distantem: & ubi viginti nouem confecerit, vno adhuc restante & non confecto, dicet se eò peruenisse: hic quippe ex propriis exiit, & ad ciuitatem, quò pergebat, non peruenit. Nam sicut qui ad vndecimam horam venit, plenam mercedem accepit, velut etiam ceteri qui pondus diei portarunt: ita & qui ad vndecimam vsque horam operatus est. Circa porro vndecimam horam, si inceperit euertere, & quæ plantata sunt euellere: mercedem nullam percipiet. Cum Dominus & Saluator noster Iesus Christus dicat: Qui autem perseuerauerit vsque in finem, hic saluus erit. Et iterum: Nemo mittens manum suam ad aratrum, & respiciens retro, aptus est regno Dei. Nam vxor Loth, quòd retro respexerit, in statuam salis versa est. Quare etiam Apostolus, eorum quidem quæ retro sunt obliuiscens, ad ea verò quæ sunt priora seipsum extendens, ad destinatum persequatur. Et tu ergo charissime, sustine, ac perseuera. Nam mundus iste transiit, & concupiscentia eius: qui autem facit voluntatem Dei, manet in æternum. Peregrini enim sumus, & aduenæ in hoc seculo. Si autem dum tempus habuerimus, in illo grata & accepta Domino operati fuerimus, mercedem referemus. Patientiam igitur posside frater dilecte; nam scriptum est: In patientia vestra possidebitis animas vestras. Enoch ducentis annis placuit Deo, postquam ipse genuit Marhufalem: & nos in breui hoc vite tempore negligentes sumus? Resiste, charissime, cogitationibus noxiis, & dic cum eo, qui ait ac clamat: Christo confixus sum cruci; viuo autem, iam non ego, viuit verò in me Christus. Quid enim proderit homini, si mundum lucretur

Matth. 20.

Matth. 20.

Et 24.

Luca 9.

Philip. 3.

1. Ioan. 3.

Heb. 11. Et

1. Pet. 4.

Luca 21.

Galar. 2.

Matth. 16.

uniuersum, animæ verò suæ detrimentum patiatur? aut quam dabit homo commutationem pro anima sua? Declinare à me maligni, & scrutabor mandata Dei mei. Ecclesiaste quoque proclamante: Vanitas vanitatum, & omnia vanitas. Post tantam opulentiam ac gloriam, non amplius vanitati labores meos offeram, ne eas alij post meum hinc exitum possideant, & ego interim pœnas pendam: verum optimo & misericordissimo Deo labores meos offeram præbenti post mortem vitam æternam, & paranti diligentibus ipsum, quæ oculus non vidit, nec auris audiuit, neque in cor hominis ascenderunt. Etiam charissime, viriliter age, & confortetur cor tuum, & sustine Dominum, eritque in pace exitus tuus. Ibi iustos gaudentes videbis ob salutem tuam. Ibi, in sinu Abraham, cum Lazaro demoraberis: paupertatem enim & inopiam elegisti, tribulationem & angustiam sustinuisti, contumelias passus es, contemptiones non es auersatus. Propterea cum lætitia in æterna tabernacula suscipient te, ubi exultat luctus atque tristitia, ac gemitus: Ibi vitam cernes & lucem veram, ac spem omnis creaturæ, redemptorem animarum nostrarum Iesum Christum regem gloriæ: & gaudebit cor tuum, & gaudium tuum nemo tollet à te. Ipse porro Dominus & Deus noster, irreprehensibiles nos tueatur atque custodiat. Quoniam ipsum decet gloria, in secula seculorum. Amen.

Marc. 8.

Ecc. 12.

Ecc. 12.

PARÆNESIS XLIX.

De differentia, atque præstantia vitæ Monasticæ, supra vitam secularem.

FRater charissime, si abdicatâ vitâ seculari factus sis Monachus, sobrium ac vigilantem te præbe, quia multæ sunt insidiæ inimici: ne forte locum ac spatium inueniens, tibi suggerat res huiusmodi: Ecce, inquit, renuntiasti seculo, ac propriis, quid inde tibi lucri accessit? Nunquid ecce etiam feræ in suis conquiescunt antris? Tu ergo increpa eum, dicens: Dominus delebit te, profligabitque, diabole, quia hominem quem ad propriam imaginem ac similitudinem fecit, tu feris ratione carentibus comparas; non desinis subuer-

tere vias Domini rectas ac planas?

De differentia verò huius, & illius audi: Primùm quidem, qui cupit fieri Monachus, renuntiat seculo, renuntiat propriae voluntati, accipitque crucem suam, & Saluatorem nostrum Christum sequitur, non contentiosè agit, non imaledicit, non peierat, non diffamat, non meditatur verba mendacia, per loquacem & nugacem philosophiam; temperans est, non deliciatur, cunctos Dei Angelos sibi amicos habet, inimicum autem diabolum; non affligit agricolam, non violat viduam, non rapit quæ inopis sunt, non sœuit in orphanos, non furit in diuitiis: contentus viuitt præsentibus, non est sollicitus de familia, aut quomodo vxori placeat; non cogitat stipendia facere suismer filiis, aut quo pacto filias nuptui tradat; non est confectus distractionum vinculis, verùm dat suæ operam salutis, non est elatus: verùm humiliter sentit & agit, verùm benignus est & mansuetus, psallit, & non tragedias excitat; precatur, & non mente vagatur; non fluctibus & vndis negotiorum huius vitæ agitur; non curat quomodo gloriam atque existimationem sibi terrenam comparet. Pro tibiis ac tympanis, aliisque instrumentis musicis, Domino psallit & orat. Plangit & lacrymatur in intimis penetralibus, & domûs, & animæ, remissionem peccatorum deprecans: Dum orat, etiam pro vniuerso precatur mundo. Non ad vana accedit spectacula, sed ad viros sanctos, pro aula, solitudinem consecratur. Declinat periuria, & animas eorum qui illis delectantur. Manus extendit ad res viles, ad opificia, ad lectionem diuinorum Scripturarum. Non est sollicitus de parentibus, neque de rebus terrenis. Promissiones Saluatoris mente perpendit, & in eo recreatur spiritus eius, doloremque curat ac fugat. Corporalis occurrit infirmitas, gaudet quia propè est corona. Tædiû atque pigritia ingruit; exspectat à Domino patientiam. Damnum aliquod terrenum emergit, diem sui obitus mente recolit, quia omnia hæc remanent. A voluptate vexatur carnali, acerbitem tormentorum animo versat. Accidit in eum calumnia, patienter fert, quia propè est qui iustificet ipsum. Infertur ei iniuria & cruciatus, passiones Saluatoris nostri cogitat. Cōtingit superbia: recordatur quòd per ignem transurus sit. Ista gratiarû sunt dona, rectè Domino seruientibus concessa, & quæcunque decent sanctos. Te porro diabolus,

re infectâ auertet Dominus ab institutis tuis pessimis. Etiam charissime, dicentem audi: Resistite diabolo, & fugiet à vobis: appropinquate Deo, & appropinquabit vobis; simul & pro me misero deprecans, quia iniquitates meæ caput meum supergressæ sunt: vt bonus Dominus misericordia ductus, custodiat & saluet nos in suo regno ac gloria, qui desperatorum spes est. Quoniam ipsi gloria, & fortitudo atque potentia, & regnum, Patris, & Filij, & Spiritus sancti, nunc & semper, & in secula seculorum. Amen.

Iacob 4.

Psalm. 37.

PARÆNESIS L.

Commonitoria, & catechetica ad Monachos.

Venite dilecti mei, venite Patres, Fratresque mei, grex Saluatoris electe: operemur bonum donec hæc duret celebritas. Oculos vestros adimplete lacrymis, & confectum oculi cordis vestri aperientur. Verba vitæ loquimini ad inuicem: & è vestigio, cordis compunctionem sentietis. Bene sentite de regno ac paradiso: & mox res terrenas contemnetis. Nullus per socordiam atque negligentiam animo percellatur: neque in pusillanimitatem veniat, neque pauore quis perfundatur, aut sapore obruatur. Sed audacter Deū imploremus, & Saluatori nostro deferuiamus. Corda quoque nostra studiosè Spiritus sancti ope emundemus. Simul conspiremus in bono, nos inter nos cohortemur & cōfirmemus. Ignoscamus nobis mutuo, ex toto corde: siquidem serui sumus Dei, omnis mendacij expertis; qui dixit: Amen amen dico vobis, nisi ex toto corde remiseritis peccata vestra alterutrum: nec Pater vester cælestis remittet vobis peccata vestra. Quin & per sanctos suos Apostolos designauit nobis, quoties fratri ignoscendum sit. Dicente enim Petro: Domine quoties peccabit in me frater meus, & dimittam ei usque septies; Airilli Dominus: Non dico tibi usque septies, sed usque septuagies septies. At nos subinde ne tertio quidem, in die nobis mutuò ignoscimus. Quamobrem vos obsecro, charissimi mei, supplexque oro o amici mei: sobrij estote ac vigilate hoc tempore exiguo, & ad vndecimam hanc horam contendite. Appropinquauit iam vespera, &

Matth. 6.

Luca 17.

retributor mercedis cum gloria adueniet, redditurus vnicuique secundum opera sua.

Attendite vobis ipsis: ne quis vestrum, honestè atque virtute viuens, nimium de se præsumat: negligensque munusculam eius remunerationem deperdat. Similis enim est Monachus agro seminato, qui pluuia ac rore rigatus incrementum capit, lætitiæque fructum fructificat: Sed cum iam ad ipsum fructum peruenerit, maiorem sollicitudinem bono agricolæ ingerit: sollicitus namque perurgilat, timens ne vel repentina grandine, vel à pecoribus campi, sua sata destruantur. Sic & Monachus donec in hoc corpore vitam duxerit, quotidie de immortalis vita curet sollicitusque sit, necesse est: ne per segnitiam, in vanum cucurrisse reperiatur. Gloriatur exultatque agricola, quando suam messem iam congregarit, & compensationem laborum receperit: eundem in modum gaudebunt exultabuntque Angeli Dei in cælis, quando quis timens Deum, consummauerit cursum suum. Agricola, horreis suis repletis, & in securitate iam positus, genio indulget, & gloriatur: Monachus quoque in suo constitutus horreo, hoc est in monumento, confestimque diuitiis eius in cælum perlati, exultat.

Sobriijigitur simus & vigilemus charissimi: vigilemus, inquam, quandiu in prælio aduersus hostem constituti erimus. Illius quidem pugna semper est præsto: sed ipse debilis est atque infirmus. Noster verò Dominus fortis præliator, his qui a lacriter certauerint, virtutem largitur, & coronam immarcessibilem. Sicut enim à vehementi vento puluis impellitur, & submouetur, ita etiam aduersarius noster diabolus impugnatur fugaturque, quando nostris vocibus diuinas laudes personamus, ac preces lacrymasque Deo exhibemus. Quocirca nemo hîc sit segnis, metuue frangatur: sed qui fortem se sentit, infirmiores suscipiat, qui alacritate valet, pusillanimum consoletur. Qui vigil est, somno grauatum excitet. Qui per se modestus est, immodestum admoneat. Qui continens est, inordinatum increpet. Hoc nanque modo simul conspirantes, pariterque victoriam de aduersario nostro reportantes, eum confundimus, & Deum nostrum gloriosa celebratione colimus. Sancti

quoque super nos gaudebunt Angeli, & qui nos vident, audiuntque de nobis, ædificabuntur. Paradisus refertus fructibus lætitiæ, & floribus diuersi generis, est multitudo Monachorum, in idipsum in charitate Dei exornata atque ordinata. Fons pulcher, & aquis scatens, quibus multitudo irrigatur plantarum, est multitudo Monachorum, suam psalmodiam in lacrymis irrigantium. Ciuitas muris circumdata atque munita, est multitudo Monachorum, in idipsum inuicem conspirantes in charitate Christi. Diadema pretiosum ex pretiosis lapillis, speciosisque margaritis contextum, est Monachorum multitudo, in idipsum ad omne opus bonum pulchrumque adornata. Nauis plena regalibus diuitiis, est Monachorum multitudo, in idipsum Christi dilectione referta. Oliua splendida atque frugifera, est multitudo Monachorum in idipsum circumornata, & confirmata in dilectione Christi. Imago regalis, admirabilem aspectum quorumcunque selectissimorum colorum ac florum continens, est multitudo Monachorum, in idipsum varietate virtutum decorata. Castra sanctorum Angelorum, multitudo est Monachorum in idipsum bene ordinata, mentem suam ad Deum semper eleuatam habentium.

Sicut mel & fauus in ore, ita responsio fratris ad proximum suum, cum dilectione & humilitate. Quemadmodum aqua frigida, æstu nimio est sitienti: ita consolationis verbum est fratri in tribulatione ipsius. Quemadmodum qui cadenti manum dat, erigit illum: ita & animam segnem atque pusillanimum excitat verbum vitæ & consolationis. Quemadmodum semen bonum atque electum in terra bona & optima: ita bonæ cogitationes, in mente monachi. Quemadmodum lucida lampas in obscuro loco relucens: ita Monachus sobrietati mentis & cordis vacans, tempore suæ psalmodiæ. Quemadmodum connexio bona ac fortis in ædificio: ita longanimitas in corde Monachi. Quemadmodum onus intolerabile, viro debili atque infirmo: ita & monachi somnus, tempore suæ psalmodiæ. Quemadmodum vincula & carenæ, aquilæ: ita & Monacho, sollicitudines mundi. Quemadmodum spinæ, & tribuli inter sata optima: ita malæ & sordidæ cogitationes, in anima monachi. Quemadmodum cancer, dum curatur, & putrescit, &

PRÆF. 25.

nunquam curationem absolutam admittens: ita iniuriarum memoria, in anima monachi. Quemadmodum à verme corrumpitur lignum: ita & ab inimicitia labefactatur animus monachi. Quemadmodum à tineâ corrumpitur vestimentum: ita à detractiōe mens monachi. Quemadmodum lignum altum ac speciosum, sed infructuosum: ita superbus & insolens Monachus. Quemadmodum fructus pulcher quidem & delectabilis exterius, putridus autem interiùs: ita Monachus inuidus ac æmulus. Quemadmodum quis lapidemiactans in limpidissimum fontem, conturbat eum: ita iracundi monachi responsio commouet mentem proximi sui. Quemadmodum quis coram Rege astans, & cum eo colloquens, à conseruo autem suo vocatus, Rege relicto, cum illo sermones miscet: ita Monachus, qui in sua psalmodia cum Deo obloquitur, intentione interim mentis suæ aliò reflexa. Intelligamus igitur ac consideremus dilectissimi, coram quo constituti sumus. Quemadmodum enim Angeli Dei, cum timore & tremore collaudantes Dominum, coram eo assistunt: ita & nos puro corde, & cum reuerentia atque timore coram Deo consistere oportet, ut in die iudicij misericordiam consequamur. Per Dominum nostrum Iesum Christum: Cui gloria in secula seculorum. Amen.





S. P.

E P H R Æ M

IN ILLVD:

ATTENDE TIBI IPSI.

PROLOGVS.



EBITORES sumus, Charissimi, vt nos
inter nos admoneamus, & consolemur,
secundum vocem Apostoli. Dicit au-
tem & alius alibi: Scienti bonum fa-
cere, & non facienti, peccatum est

*Iacob. 4.**Psalms. 39.*

illi. Sed & Prophetam audi dicentem: Ecce labia mea
non prohibebo. Suscipite ergo consilium etiam vili-
tatis meæ, obsecro, & siquidem offendimus verbo,
ignoscite mihi tanquam homini rudi, ac peccatori.
Si autem rectè sermones dicti sunt, hoc gratiæ opus
est. Gratiâ igitur sermonem nobis suppeditante, non
oportet cohibere labia: Malitiæ quippe pigritiam con-
iunxit Dominus, dicens: Serue male & piger, opor-
tuit te committere pecuniam meam numulariis, & ve-
niens ego recepissem utique quod meum est, cum vsu-
ra. Donet porro nobis Dominus, qui sermonem acci-
pimus, fructus acceptos referre Domino: Cui gloria in
seculorum secula. Amen.

Matth. 23.

Tom. II.

Y



S. P.

E P H R Æ M

IN ILLVD:

ATTENDE TIBI IPSI

CAPVT I.



LUC. 15,

Ephes. 6.

VSCVLTA Charissime, qui ad Monachatum venisti, & seculo renuntiare elegisti. Si legitimè quod instituisti perfeceris: non modò super te gaudebunt homines, sed etiam Angeli Dei, sicut scriptum est: Quoniam ita gaudium erit in cælo super vno peccatore pœnitentiam agente, quàm super nonaginta nouem iustis, qui non indigent pœnitentia. Quare legitimè cœpisti, legitimè perfice, & antequàm te spolies, intellige te in certamen venire. Quibuscum autē colluctandum sit, audi eum qui dicit: Non est nobis colluctatio aduersus carnem, & sanguinem: sed aduersus principes & potestates, aduersus mundi rectores tenebrarum harum, contra spiritalia nequitiae, in cælestibus. Propterea accipite armaturam Dei, vt possitis resistere in die malo. Ne ergo cursu defatigeris, donec brauium assequaris. Mundum odisti, superbiam quoque oderis. Parentibus tuis carnalibus valefecisti, diuitiasque momentaneas abiecasti: abjice etiam diuitiarum fastum, ac in renuntiationis proposito perseuera, generosè virtutum labores perferens. Non enim ad vnum duntaxat diem Renuntiatio nuncupatur: sed extendit se vsque ad mortem. Si verè victor euadere velis, disce fortiter tolerare virtutum molestias, in mansuetudine sapientiae. Exempli gratiâ: si à vilioribus iniuriarum atque contumeliam passus, non irascaris; despectus, sustineas:

Colaphis exceptus, patienter feras; calumniis circumnecus, longanimum te geras; depressus ac longè relictus, gratias Deo agas. Vide enim ciuem tuū, Lazarum, inquam, Luc. 16. mendicum, in quanta inopia atque labore expectarit Dominum. Respiciebat quippe in retributionem mercedis, sicut scriptum est: Non enim sunt condignæ passionibus huius temporis, ad futuram gloriam, quæ reuelabitur in nobis. Rom. 8. Quocirca & tu charissime, qui Domini beatitudinem consequi desideras, per humilitatis viam incède: & donabit tibi Dominus coronam vitæ, quam cunctis reponnit diligentibus ipsum; Quoniam ipsius est gloria in secula. Amen.

CAP. II.

DVo viri proficiscebantur ad quamdam Ciuitatem, quæ itadiis aberat triginta: cū autem duo aut tria iam confēcissent stadia, obtulit se in via locus, in quo syluæ & arbores erant vmbrosæ, fluentaque aquarum, multaque ibidem delectatio. Qui dum contemplarentur ista: alter quidem ad Vrbem spectandam contendens instar cursoris locū præteribat: alter verò cū constitisset vt cōtemplaretur, remansit retrò. Deinde cū prodire iam vellet extra arborum vmbra, calores timuit, atque ita diutiùs ibidē dum remaneret, locique simul amœnitate sese oblectaret, atque occuparet; bestia ex iis, quæ in sylua cōmorantur, prodiit, apprehensumque ipsum pertraxit in suum antrum. Alter verò, qui neque neglexisset, neque formā arborum se detineri passus esset, rectā ad urbem perrexit. Ad quæ Frater, interpretationem, inquit, istius addiscere cupio, quoniam quid sibi velint ista, non assequor. Cui ille: Audi, inquit, gratiam nobis cooperantem: Duo homines sunt, qui ad pietatis iter, scopumque ambulare, atque contendere cœperunt: Inimicus autem eos à cursu impedire cupiens, desideria ipsis ingerit dæmoniaca, videlicet, inanem gloriam, ambitionem, superbiam, ac quæcunque alia his similia, quorum ille, qui ad supernæ vocationis brauium comprehendendum, in Domino sollicitè properabat, ab istis non est detentus: qui verò arborum, locique amœnitate capi se, atque oc-

cupari passus est, hic est, qui suam auertit mentem ab invisibilibus ad visibilia: porro æstus est labor atque molestia virtutum. Quod autem ipse in loco tardaret, & à bestiis caperetur, hoc mentem ac cogitationem desiderio terrenarum rerum inhærentem denotat, vnde instar lauiantis feræ, peccatum egrediens apprehendit eum, sicut scriptum est: Nam concupiscentia cum conceperit, parit peccatum: peccatum verò, cum consummatum fuerit, generat mortem. Quare, charissimi, fugiamus desideria secularia, ne fortè rursus in seruitutem redigamur peccati, ait enim Saluator: Omnis qui facit peccatum, seruus est peccati. Seruiamus ergo libenter, atque hilariter Deo, qui nos libertate donauit: & ne corruptionis passionibus deliniamur, neque attendamus venustati vestitus, aut cucullæ, cincturæque, aut donec ab obedientia commenderis: quin potiùs humilia consèctemur, & ab inani gloria remota, sicut decet Sanctos, nam turpe est eos, qui maxima sibi subiecerunt, à vilioribus vinci. Sed in eo semper nostrum sit studium: vt qui intra nos est homo, placeat cordium, ac renum scrutatori Deo, & inutilia despiciamus. Nemo enim duobus seruire potest Dominis, secundùm vocem Domini. Quis enim faber addiscens, vnquam pro secure hastam sibi comparat? aut quis humilitatem excolere volens, de vana gloria dimicat? aut quis cælestia expetens, non spernit terrena? Concedat autem nobis Dominus: vt quæ grata & accepta ipsi sunt, faciamus ac cogitemus. Quoniam ipsum decet gloria, atque potentia, in secula seculorum. Amen.

*Iacob. 1.**Ioan. 8.**Matth. 6.*

De pugna Carnis.

C A P. III.

SI porro carnis pugna in te insurrexerit: ne verearis, neque succumbas turpibus cogitationibus, ne tuum aduersus te inimicum insolentiorum reddas, inspiretque tibi aliquid de suis versutis consiliis, ac dicat: Impossibile est inflammationem in te cessare, nisi concupiscentiam ex-

pleueris : vt vulnere tibi inflicto , ex aduerso consistens , tuam irrideat mollitiem atque ignauiam. Verùm tu expecta Dominum , precesque tuas cum lacrymis coram bonitate ipsius effunde : & ipse te exaudiet , eleuabitque ex lacu miserix sordidarum cogitationum , & à volutabro luti turpissimorum phantasmatum : & constituet supra petram sanctitatis pedes tuos , & videbis auxilium ab ipso tibi emissum. Expecta modò , & ne relaxeris cogitationibus , neque defatigeris , sentinam exhauriendo : in propinquo quippe est portus vitæ : nam te adhuc loquente , dicit : Ecce adsum. Ceterùm aspicere tuum certamen expectat , an reuera ad mortem vsque , aduersus peccatum sis decertaturus. Ne ergo deieceris animum , non enim te relinquit. Et enim tuum certamen cernit : & sanctorum Angelorum chorus , & dæmonum turba assistentes videbuntur. Angeli coronas vincenti præbent : dæmones victo dedecus afferunt , infamiam præferunt. Magnum certamen Angelorum de te , charissime : magna cura ac sollicitudo dæmonum de te Christo , dilecte. Attende igitur tibi ipsi , ne familiares , atque amicos contristes , alienosque læticia afficias : familiares dico sanctos Angelos : alienos autem , impuros dæmones. Non est locus absconditus ab oculis Dei , Charissime : non est caligo in oculis Domini , frater. Ne igitur te decipiat aduersarius : iuxta enim pedes Dei consistis , ne paruifacias. Scriptum enim est : Cælum mihi sedes , *Isa. 66.* terra autem scabellum pedum meorum. Caue igitur relaxeris cogitationibus : verùm viriliter age ; propè enim est auxiliator. Audi Prophetam dicentem : Omnes gentes circumdederunt me ; & in nomine Domini propulsaui eos. Circundantes circumdederunt me , & in nomine Domini propulsaui eos. Circundederunt me , sicut apes fauum : exarserunt sicut ignis in spinis , & in nomine Domini propulsaui eos. Impulsus euersus sum vt caderem : & Dominus suscepit me. Fortitudo mea , & laus mea Dominus : & factus est mihi in salutem. Sustine igitur in certamine , vt cùm probatus fueris , coronam vitæ accipias , quam repromisit Dominus diligentibus ipsum. Nam impugnari à passionibus , & repugnare iisdem , probatos nos reddit ad belli casum. Nisi enim impugnaremur , eos qui oppugnantur fortasse con-

demnaremus, certaminis experientia destituti, ac in
perbiam incideremus. Non enim graue est oppugnari, &
repugnare passionibus: sed graue est per ignauiam cadere
coram aduersariis, ipsisque succumbere. Resiste ergo ven-
ti concupiscentiæ: vt flammam, quæ nunquam exstingue-
tur, effugere queas. Nam si nos perturbationes supera-
rint, non recedent à nobis: quin & magis aduersum nos
insolescent. Audi eum qui ait: Mel distillat à labiis mulie-
ris fornicariæ, quæ ad tempus impingat fauces tuas;
postea verò felle amariorem inuenies, & acutam magis
gladio ancipiti. Attende igitur tibi ipsi, ne gloriâ diuinâ as-
pectus priueris. Nam scriptum est: Pacem sequimini cum
omnibus & sanctificationem; sine qua nemo videbit Deum,
Cui conuenit gloria, in secula seculorum. Amen.

Præf. 5.

iuxta LXX.

Heb. 12.

C A P. IV.

NE admiseris consilium prauè sentientium, qui dicunt
A quo die mortuus fuero, quid expecto? eaque ad
exacerbandum Dominum Deum, qui venturus est iudicare
vivos, & mortuos. Væ animæ obsequenti suspicioni huic.
Væ homini sic sentienti. Consilium istud in mortis prom-
ptuaria obediens sibi deducet. Hoc consilium à Deo se-
parat, & ad diabolum declinare facit. Tu autem tanquam
fidelis, pessimum consilium fuge; & noli esse incredulus,
sed fidelis: nam credimus post mortem esse iudicium, &
retributionem. Fidelis quippe est, qui repromisit, non enim
iniustus Deus, qui obliuiscatur mercedem reddere his, qui
in veritate seruierint ipsi, sicut scriptum est: Oculus non
vidit, nec auris audiuit, nec in cor hominis ascenderunt,
quæ præparauit Deus iis qui diligunt illum. Cupis autem
Charissime, vim nosse sermonis? Considera qualem gloriam
etiam super terram acquisierint Sancti, sicut scriptum ha-
betur: memoria iusti cum laudibus, nomen autem impio-
rum exstinguitur. Tu verò charissime, fidem habe cunctis,
quæ in diuinis reperiuntur Scripturis. Fuge autem sermo-
nes incredulorum: Deprauata enim est illorum mens, &
conscientia. Confitentur se nosse Deum; factis autem neg-
gant. Cerne enim Herodem regali veste amictum, ac ad po-

*Esai. 64. 8.
1. Cor. 2.*

Præf. 10.

Tit. 1.

pulum concionantem : sed quia non dedit gloriam Deo : Angelus Domini percussit eum, & consumptus à vermibus expirauit, atque interiit. Si vbi virtutem fueris adeptus, aliquos aduersum te suscitauerit honestatis inimicus, vt te exterant; ne pertimescas, neque ob timorem humanum, pietatem deferas: nam horrendum est incidere in manus Dei viuientis. Audi Saluatorem dicentem: Si me persecuti fuerint, & vos persequentur. Quare fugere oportet corruptos deprauatè sentientium hominum sermones, & non solùm ad habitum attendere, vel canitiem, sed ad sensum viri. Hi enim sunt, de quibus ait Apostolus: Habentes speciem quidam pietatis, virtutem autem eius abnegantes, ne fortè fallacibus eorum verbis assentiens & ab angusta atque arcta via recedens, vocem illam acerbam omnisque consolationis expertem, planctu, amarisque lacrymis plenam audias; flammæ atque incendio inextinguibilis ignis traditus: Fili recordare, quia recepisti bona in vita tua, & Lazarus similiter mala: nunc autem hîc consolatur, tu verò cruciaris. Sed ad Deum intentionem tantummodò dirige: vt de bona religioſaque tua vita antè acta gaudeat in futuro iudicio anima tua cum iustis: & gaudium tuum nemo abs te auferat. Quoniam Deo gloria conuenit, in secula. Amen.

Heb. 10.
Ioh. 15.

1. Tim. 3.

Luc. 16.

C A P. V.

NVnc duæ sunt tribulationes, quibus omnis sub Sole homo implicatur: vna secundum Deum, altera secundum mundum; & absque alterutra præsentem vitam transigere impossibile est, ac illa quidem, quæ mundi est, difficilis, & sine mercede existit: quæ autem ex parte Dei, spem vitæ æternæ repositam habet. Tu autem vt sapiens, quam delegisti, in eam incumbe; neque tua consilia sequare: sed primum quidem Dominum ipuoca, quando ab eis turbaris; deinde consilium à quocunque homine timente Dominum accipe: nisi enim admonitiones timentium Dominum sustinueris: anima tua erit instar ciuitatis muro non cinctæ, quam cum voluerit Barbarus ingreditur, ac capiet. Cum & scriptum sit: Interroga patrem tuum, & annuntiabit tibi: seniores tuos, & dicent tibi. Qui autem sapiens est, audiet consilia.

Deut. 32.

*Proverb. 7.
2. Cor. 10.
Psalm. 93.*

Fugiamus porro ebrietatem, fugiamus commercia mulierum, quantum in nobis erit: nam sermo mulieris, tanquam laqueus in corde: protrahitque amplectentem, ad turpem commissionem. Si corporalis te inuasit infirmitas, noli deicere animum, sed cum gratiarum actione tolera; ait enim Apostolus: Quando infirmor, tunc potens sum. Et alibi Propheta: Beatus homo quem tu erudieris Domine, & de lege tua docueris eum. Proiciamus ergo omnem sollicitudinem nostram, charissime, in Deum: quoniam ipsi cura est de nobis. Pro victu autem nostro, operemur dum valemus. Si verò superueniente aliqua infirmitate, Præfecti (quod absit) curam nostri abiecerint: Deus præter expectationem, subsidium nobis immitteret; nam scriptum habemus: Pater meus & mater mea dereliquerunt me: Dominus autem assumpsit me. Si purâ ipsi conscientiam seruiamus, etiam corda præpositorum nostrorum ipse in nos dirigit, ac sua nos beatitudine dignos reddet. Ne ergo molestus tibi sit labor: nam multi etiam nihil operantes, à negligentia, atque torpore turbati sunt. Disce igitur operans, ut ne discas mendicans. Noli ergo in opere tuo negligentem te præbere, quoniam scriptum est: Dominus prope est, & laborantibus secundum Deum, multiplicem mercedem retribuet. Ceterum perfer, ut iustorum promerearis requiem; quippe in qua non regnat labor, non negligentia atque pigritia, non cura & sollicitudo, non tristitia, non infirmitas, non concupiscentia praua, neque aliud huiuscemodi: sed gaudium, pax, & exultatio in Spiritu sancto. Nam aduersario nostro diabolo in gehennam ignis proiecto, cum omnibus Angelis eius, cunctæ actiones, atque machinamenta ipsius cessabunt. Dominus autem dignos nos reddat gaudio illo ineffabili: Cui gloria in secula. Amen.

Psalm. 26.

CAP. VI.

AVdi Charissime: incurabiles morbi, nisi cauteriatis, & acerbis medicamentis adhibitis, non eradicantur. Et tu Charissime, veritatem audiens, caue irascaris. Si verò aduersus eum, qui medicinam tibi affert, indignaris
iam

nam te declaras sanari nolle, neque à morbo liberari; sed adhuc in sordibus hæreere malle. Nam si veritatem abscondamus, & voluptatis illecebras aliis consulamus, nihil à falsis prophetis differimus, qui populum seducebant, ad gratiam vnicuique loquentes. At Dei Prophetæ, quòd veritatem prædicarent, odio habebantur, & occidebantur. Non quòd inter Prophetas ego me referam, cùm similis sint cani oves sequenti, qui simul atque aspexerit lupum venientem, non quiescit, sed mox surgens irruit in ipsum, pastores autem audito larratu canis surgunt, & insequuntur corruptorem, ac saluant suas oves. Quid ergo nostram negligimus salutem, ô dilecti? Cur circumferimur concupiscentiis veteris hominis: & externum quidem hominem habitu ornamus, internum autem operibus corumpimus? Non duro simus corde, instar Pharaonis: ne & partem cum ipso sortiamur, neque duræ cervicis, sicut quidam filiorum Israël: ne promissionis terrâ priuemur. Conuersationem imperitorum atque imprudentum hominum oderimus: quoniam via ipsorum non est absque periculo, sicut scriptum est: Gens absque consilio est & non est in eis scientia. Vnde & Propheta dicebat: Domine omnipotens, non sedi cum consilio vanitatis ludentium, sed metuebam à facie manus tuæ: solus sedebam, quoniam amaritudine repletus sum. Audi porro, quomodo alibi quoque genus nostrum lugeat Propheta alius: Væ mihi, inquit, quia periit pius de terra, & rectus in hominibus non est. Omnes in sanguinem iudicantur, vnusquisque proximum suum tribulatione tribulat: ad malum manus suas præparantes. Diligamus igitur & nos pietatem, etsi contumeliis afficiamur, sique contemnamur, aut flagris excipiamur, propterea non relinquamus eam: nam thesaurus est bonis abundans, & virtutibus plenus. Deum flectit ad respicienda bona eorum, qui possident eam. Quem admodum scriptum habemus: Super quem respiciam, nisi super mansuetum, & tranquillum & trementem sermones meos? At beatus, qui cuncta amore pietatis respuit.

Attende igitur tibi ipsi, charissime: & ne propriam salutem negligas. Noli attendere ignavis ac pigritantibus, sed vigilantibus: neque naufragantibus, sed iis, qui saluantur:

*Deut. 32.**Ierem. 15.**Mich. 7.**1. 2. 4. 6.*

Quousque tandem iis, qui ad turpia, atque indecentia te compellunt, subseruies? Noli effici libidinum seruus, sed iis potius te liberum redde. Multa tibi vigilantia opus est. In scammate consistis, ne te inertem præbeas: nam ex aduerso hostis subsistit; quemadmodum scriptum habetur: Aduersarius noster diabolus, tanquam leo rugiens circuit, quærens quem deuoret. Cernis quàm insatiabilis sit aduersarius: quantaque eius violentia? Non enim ferire tantum vult aliquem, & semiuivum relinquere: sed mox totum deuorat non vigilantem. Donec ergo tempus suppetit, decerta: nam si tempus nostrum per ignauiam deperdiderimus, aliud tempus non reperiemus. Quot, quantique homines ab Adam, ad nostra vsque tempora fuerunt, & ubi iam sunt? Quis nouit numerum? Qui creauit nos, Dominus Deus. Qui educit in numero orbem suum, quique numerat multitudinem stellarum, & omnibus eis nomina vocat: ipse singulos, & vniuscuiusque nouit opus: qui solus sapiens est, & bonus, potens, qui tremendus est, & iniuriarum immemor, misericors & miserator in eos qui conuertuntur, & pœnitentiam agunt. Te, Domine, Creatorem nostrum ac Deum adoramus. Tibi gloriam, & honorem offerimus: quoniam & à meo pateris te collaudari abominando factore. In hoc enim, Domine, magna tua misericordia, atque benignitas: quòd etiam indignos vocas, nec peccatores pœnitentes auerferis, tribulatos non despicias & pusillanimes non derelinquas. Beata, ac ter beata anima, quæ te solum concupiscit: nam quæ te desiderat, etiam mandata tua custodit.

Cur igitur nos propriam despiciamus salutem, Charissimi? Ex momentaneis æterna reuoluamus animo. Quantâ enim quis curâ accedit recitaturus, quod didicit, præceptorum aut etiam operis manuum redditurus pensum Præfecto? & nos de hora illa quare non sumus solliciti, quando totius nobis vitæ reddenda erit ratio? Rursus dum quis tardat hyeme ad horam vespertinam in cella aliena, compulsus adire propriam: quanta putas anxietate corripietur propter tenebras, & confusionem aëris? Et quo pacto nos ineuitabilem illam ita paruipendimus viam? Quid nobis occurrerit, post animæ separationem à corpore? Attendamus ergo nobis ipsis, Charissimi: vt in iustorum læticia collætetur. Qui enim deceptio-

1. Pet. 5.

Psal. 146.

nibus atque imposturis seipsum tradiderit, multis confringetur, & affligetur dum in hac versatur vita. Hodie comedit, bibit, & voluntatem suam quantum potest, sed non quantum vult, explet, exultans in damno animæ suæ: postero autem die, si non habeat quibus saturetur; plurimum tristabitur. Qui verò sibi ipsi attendit, optimum habitum assumit: eumque lætitia non deficiet, neque marcescet, quæ est spes futurorum bonorum. Sicut scriptum est: Memor fui Dei, & delectatus sum. Precemini etiam pro me miserabili, apud Dominum, obsecro. Quoniam ipsi conuenit gloria, in secula. Amen.

Psal. 74.

CAP. VII.

NOli prauæ esse conuersationis, & famæ non bonæ: neque morem geras peccato, ne te abominabilem reddat. Magis autem obtemperes æquitati atque iustitiæ: ut te ex probatorum numero vnum efficiat. Noli animarum scandalum esse: sed attende tibi ipsi, ut & aliis prosis. Ita sanè, Dei electe, tibi ipse attende: ut ceteros quoque ædifices. Noli malus esse, ne in nouissimis tuis mœnore afficiaris. An non audis, quod dicit Scriptura: Quia plagæ, atque liuores, & contritiones occurrent improbis. Et neque mercedem referunt dolorum. At tu fortiter virtutum labores perfer propter Dominum, ut coronam reportes. Ad nuptias inuitauit te Dominus: ne ingratum te præbeas, sed veste nuptiali induere: ut in ipsius collæteris thalamo, & non tanquam contemptor, audias: Amice, quomodo huc intrasti, non habens vestem nuptialem? Et tunc ligatis manibus & pedibus, immittat te in tenebras exteriores, ubi clamor erit, & dentium stridor. Dum vestem audis nuptialem, dilecte, ne de vestimentis, quibus induimur, id existimes: sed de bonis operibus. Et tu ergo, charissime, qui in Monachorum meruisti referri ordinem, enitere, ut virtutem promissi demonstres, ne repellaris. Noli ergo durus esse, non libidinosus, non iracundus, non rixosus, atque contentiosus, non intemperans, neque impudens: sed potius mansuetus, pius & religiosus, humilis, temperans, modestus, quietus, pacificus, prudens, corporisque tui pudicitiam seruans, quemadmodum Christo pactus es, ut si in

*Prover. 20.
in fine.*

Matth. 22.

Iacob. 1.

illa nobis hora dixerit: cur non visitastis viduas, & pupillos in tribulationibus eorum? Respondere queamus ei, dicentes: Domine, vt in quiete ac silentio citra vllam distractionem seruiremus tibi. Sin verò dixerit nobis: Cur immaculatos non seruastis vos à seculo? quid respondebimus ei, siquidem in eo contaminati fuerimus? Neque enim ea virtus est, quando quis ab impuro abstinet opere; & figuras interim effingit, ac simulachra, quæ alios ad passiones desideriorum commouent. Quia scriptum est: Diliges dominum deum tuum, & proximum tuum sicut teipsum. Fuge autem sermones inutiles: ne in turpes cogitationes incidas. Nā quemadmodum sermones boni conducunt animæ: ita non boni eam peruertunt, secundum Apostolum: Corruptunt mores bonos colloquia praua. Omnis sermo turpis ex ore vestro non procedat: sed si quis bonus est ad ædificationem utilitatis, atque opportunitatis, vt det gratiam audientibus. Et: Nolite contristare Spiritum sanctum Dei, in quo signati estis in die redemptionis. Caue dicaris inobediens, durus, temerarius, susurro, bilinguis, murmurator, obrectator, immitis, proximi inimicus, os for virtutis: Sed potius voceris obediens, verax, modestus, taciturnus, impiger, atque alacris, misericors, sobrius & vigilans, proximi amator, hospitalis, cultor virtutis, intercessor & cōsolator, pius atque religiosus. Hæc bona, & vtilia sunt hominibus. Ne igitur efferamur, sed magis humiliemus nos ipsos. Quæ enim est potentia nostra, vt efferamur? Nonne ecce exiguus labor nos vel humi inflectit, atque prosternit? Diligamus ergo humilitatē vt nos exaltet Dominus. Quocirca attende tibi; ne in te dominetur iracūdia, atque excandescencia, & iniuriarum memoria: vt non in perturbationibus, & instabilitate vitam degas. Ceterum longanimitatem tibi ipse compara ac mansuetudinem, innocentiam, & quæcunque decent Christianos: vt quietam atque tranquillam vitam transigas. Excelsi sunt montes Ararat, laeti campi solitudinis, validum ac vehemens est Aquilonis frigus in terra: at Solis æstus in Austrum effunditur. Inter volucres cæli, maxima est Aquila: at inter bestias terræ, leo: Inter filios verò hominum, qui timer Dominum. Magnus Deus noster, & laudabilis valde: qui creauit omnia, & exultat timentes eum. Ipsi gloria, in secula. Amen.

*Matth. 22.**1. Cor. 13.
Ephes. 4.*

CAP. VIII.

SI dum tu opus Domini in humilitate ac pietate operaris, aduersarius aliquos ex negligentioribus in te armet, cupiens à vita terecta remouere: ne verearis ac metuas, neque à via recta declinaueris, cum dicat Apostolus: In omnibus tribulationem patimur, sed non angustiamur: aporiamur, sed non destituimur, persecutionem patimur, sed non derelinquimur, deijcitur, & non perimus: semper mortificationem Domini Iesu in corpore circumferentes, vt & vita Iesu in corpore nostro manifestetur. Semper enim nos qui viuimus, in mortem tradimur propter Iesum, vt & vita Iesu manifestetur in carne nostra mortali. Sustine igitur Dominum, electe Dei: vt qui modò te affligunt, obstupescant in admirabili salutistue refrigerio. Sicut scriptum est: Iustus si morte præoccupatus fuerit, in refrigerio erit. 2. Cor. 4
 Senectus enim venerabilis est, non diuturna, neque annorum numero computata. Cani autem sunt sensus hominis, & ætas senectutis, vita immaculata. Placens Deo, factus dilectus, & viuens inter peccatores, translatus est. Raptus est, ne malitia mutaret intellectum eius, aut ne fictio deciperet animam illius. Fascinatio enim nugacitatis obscurat bona, & inconstantia concupiscentiæ transuertit sensum sine malitia. Consummatus in breui, expleuit tempora multa. Placita enim erat Deo anima illius: propter hoc properauit educere illum ex medio malitiæ. Populi autem videntes, & non intelligentes, nec ponentes in præcordiis talia. Quoniam gratia Dei, & misericordia in electos eius, & respectus in sanctos illius. Condemnat autem iustus mortuus viuos impios; & iuuentus celerius consummata, longam vitam iniusti. Videbunt enim finem sapientis, & non intelligent quid cogitauerit de illo Deus, & quare munierit illum Dominus. Videbunt & contemnent eum: illos autem Dominus irridebit. Et erunt post hæc decedentes sine honore, & in contumelia inter mortuos in perpetuum: quoniam disrumpet illos præcipientes sine voce, & commouebit eos à fundamentis: & vsque ad nouissimum desolabuntur, & erunt in dolore ac gemitu, & memoria illorum peribit. Sap. 41

Venient in computationem peccatorum suorum timidi & traducunt illos ex aduerso iniquitates ipsorum. Tunc stabit iustus in magna constantia aduersus eos, qui se angustiauerunt, & qui spreuerunt labores eius. Videntesque ipsum, turbabuntur timore horribili, & mirabuntur in subitaneae insperatae requietis: dicentque intra se poenitentiam agentes & præangustia spiritus gementes: Hic est quem habuimus aliquando in derisum, & in similitudinem improperij. Nos insensati, vitam illius æstimabamus insaniam, & finem ipsius absque honore. Quomodo computatus est inter filios Dei, & inter sanctos fors illius est? Ergo errauimus à via veritatis, & iustitiæ lumen non illuxit nobis, & sol intelligentiæ non est ortus nobis. Lassati sumus in via iniquitatis, & perditionis, & pertransiimus vias desertas: viam autē Domini ignorauimus. Quid profuit nobis superbia? aut diuitiarū iactantia quid contulit nobis? Transierunt omnia illa tanquam vmbra, & tanquam nuntius præcurrens: & tanquam navis, quæ pertransit fluctuantem aquam; cuius, cū præterit, non est vestigium inuenire, neque semitam carinæ illius in fluctibus: aut tanquam avis, quæ transuolat in aëre, & cuius nullum inuenitur argumentum itineris illius: sed percussione alarum verberans leuem ventum, & scindens per vim stridoris aërem, commotis alis transuolauit, & post hoc, nullum signum inuenitur itineris illius: aut tanquam sagitta emissa in locum destinatum, diuisus aër continuo in se reclusus est, vt ignoretur transitus illius. Sic & nos nati, continuo desinimus esse: & virtutis quidem signum nullum valemus ostendere, sed in malicia nostra consumpti sumus: quoniam spes impij tanquam puluis est, qui à vento tollitur, & tanquam pruinā tenuis, quæ à procella dispergitur: & tanquam fumus, qui à vento diffusus est: tanquam memoria hospitis vnus diei prætereuntis. Iusti autem in perpetuum viuunt, & apud Dominum est merces eorum, & cogitatio illorum apud Altissimum. Ideo accipient Regnum decoris, & diadema specie de manu Domini, quoniam dextera sua teget eos, & in brachio sancto suo defendet illos. Ne ergo quemquam oderis in corde tuo, neque malum reddideris pro malo: sed charitatem tibi ipsi compara, quam supra omnem aliam virtutem Diuina extollit Scriptu-

12. Ipsi enim rerum omnium procreatori comparauit eam, cum ait: Deus charitas est, & qui manet in charitate, in Deo manet, & Deus in ipso.

Frater quidam è cœnobio senem accessit, atque confu-
luit. At ille ad eum: Similia, inquit, sunt cœnobialia ludis li-
terariis: Nam alij in prætorio incedunt, alij sub caminis.
Quo quidem sermone adiutus frater, sibi pœnitentiam im-
posuit. Vnde ipsa vtamur re, tanquam lucro: ne reprobi
facti, ex cœlesti eiiciamur regno, & in caminum ignis pro-
ijciamur. Quando prouectos in habitu conspexeris negli-
gentes: tunc magno præsidio indiges, ne istos fortè imitans,
eandem inambules viam: neve per continentiam tuam,
contra eos extollaris: quod quidem est superbix peccatum.
Sed audi eum qui dicit: Attende tibi ipsi, & custodianima
tuam valde. Neque enim ex operibus alienis, nos iustificabi-
mur: nec alij ex nostris operibus condemnabuntur. Nā quan-
do nudi & aperti, atque reiecti adducemur coram Deo, red-
dituri de cunctis factis rationem, non alius condemnabitur
pro alio: nam vnusquisque proprium onus portabit. Si quis
tibi suas reuelet cogitationes, ne curiosius rem inuestiges;
præsertim si oculus mentis tuæ debilis sit, ne fortè dum ille
enarrat, iisdem perturberis passionibus, similisque reddaris
gubernatori inter fluctus & vndas. Oportet igitur, vt nos au-
dientes quæ dicuntur, ea quæ consequuntur intelligamus, at-
que ita consolemur afflictum, aut iis rebus quas à sanctis viris
accepimus, aut quibus ipsi tentati sumus. Non enim est vo-
luntas Dei, vt alius per alium corruat; cùm cunctos cupiat
saluos fieri. Tu verò charissime, ne cuius homini cogita-
tiones tuas aperias: sed iis duntaxat, quos spiritales esse
probaueris; nam multæ sunt insidiæ atque fallaciæ diaboli.

Dixit quippe Saluator: Attendite à falsis prophetis, qui
veniunt ad vos in vestimentis ouium, intrinsecus autem
sunt lupi rapaces: ab operibus ipsorum cognoscetis eos. A
viris porro spiritualibus ne te occultaueris, ne fortè inimi-
cus angulum comperiens, in te latitet. Cum carnalibus ve-
rò noli conferre consilia. Nam voluptatibus ac libidinibus
dediti, indies peccata sibi accumulunt, illudque discitant:
istud & solum mihi, computetur peccatum; Propheta in-
terim deplorante, atque dicente: Vx iis qui trahunt pec-

Matth. 7.

Esai. 5. se-
cundum.
LXX.

cata sua quasi funiculo longo, & quasi iugi corrigia vitulæ, iniquitates.

1. Tim. 6.

Vnde vitare oportet sermones inutiles, & eorum conversationem, qui timorem Domini despiciunt: quoniam nihil quod sit vtile loquuntur, nihil propter Dominum faciunt, nihil de virtute ac religione, nihil de honestate ac gravitate morum tractant. Sermones quippe eorum laquei sunt mortis; Consilium ipsorum, fovea inferni, impunitas, & risus, temulentia, & perditio animæ. Consuetudo eorum terribilis, ac dirus anguis qui loquitur per ipsos. At tu, ô homo Dei, ista fuge: sectare autem iustitiam, pietatem, charitatem, patientiam, mansuetudinem. Bonum fidei certamen decerta, vitam æternam apprehende, ad quam vocatus es, præclaram confessionem professus es. Vide dilecte serue Domini, & Salvatoris nostri Iesu Christi, ne momentanea inescari te patiaris delectatione, aut, ut potius dicam, deceptione: ut non vitâ priueris æternâ. Rectè vigila, ad negotiandum vocatus es, ne deperdas margaritam, ne thesaurum tuum deprædetur inimicus, ne navis demergatur vnâ cum onere, & vacuus reuertaris ad propria. Inimicus sciens quantam apud Deum referat gloriam, qui immaculatum sese ab inquinamentis servat carnis, vehementer per cogitationes impugnat, cupiens hominem innectere iis, ut non consequatur gloriam futuram. Et si animam inuenerit abieciisse cogitationes inutiles, non frequentat eam, sed neque prorsus recedit, accedit autem magis, vbi ipso pulsante mox aperient, & corpus simul cum anima per sordidissimas cogitationes, non resistentis ei coinquinat. Denumque tanquam bonus consiliarius, ipsi suggerit: Præstat tibi, inquit, in mundum redire, & uxorem vitæque consortem ac sociam capere, quàm sic carunculam corrumpere: à sobriis porro & vigilante cuncta ista recedent. Attende igitur tibi, & nihil eorum te offenderet. Quapropter necessarium fuerit, nimiam fugere licentiam. Iterumque dico: Fuge licentiam, ne impudentia te inuadat, ligatumque velut malum aliquem captivum servum tradat peccato, ac tum dicere incipias: Veni in altitudinem maris, & tempestas demersit me. Et rursus; Infixus sum in limo profundi, & non est substantia, Vnde

psalm. 68.

de fugere oportet peruerforum hominum consuetudinem: non tanquam homines odio persequens, sed damnum ac vitium respiciens. Quòd si cum segnioribus versari cogeris: attende tibi ipsi, vt & illos lucrifacias recta vitæ ratione, & te ipsum non perdas. Ne credas illis, qui inutilia loquuntur animæ tuæ, ac temperantiam profitentur. Ait enim Saluator: Ex abundantia cordis os loquitur. *Matth. 12.* Subtrahe ergo te à iuueniliteragentibus, & qui ridiculis circumferuntur, vt ne sis inobediens ei, qui dicit: Iuuenilia desideria fuge. Et ne accipias personam aduersus animam tuam, non paruam, *2. Tim. 1.* non magnam, non in imperio ac potestate constitutam: nemo enim te ex igne inextinguibili liberare poterit. Audi dicentem: Quid proderit homini, si mundum vniuersum lucretur, animæ verò suæ detrimentum patiatur? *Matth. 17.* Caue igitur, libertatem erga Deum deperdas propter honorem aut gloriam aliquam humanam, vel propter cibum, seu potum, siue indumentum, cum ista cuncta corruptioni sint obnoxia: actiones autem vniuscuiusque, siue bonæ, siue malæ, descriptæ contineantur. Quæ sursum sunt, sapito, *Coloss. 3.* non quæ super terram: vt promissionibus perfruaris Patris, qui in cælis est, & connumereris inter electos Filij: & cum omnibus Sanctis benedicas Spiritui sancto; Quoniam ipsi gloria, in secula. Amen.

CAP. IX.

Attende tibi ipsi, Charissime: ne fortè Serpens te eos imitari doceat, qui suam contemnunt salutem, ac dicere: Non es melior iis, qui passionibus succumbunt. Tu verò considera, quod scriptum est: In magna domo, non solum sunt vasa aurea, & argentea, sed & lignea, & fictilia: & quædam quidem in honorem, quædam autem in contumeliam. Si ergo Dominum non audieris, peccatorum opera peragendo, eris vas contumeliæ: sin verò Domini opera feceris, eris vas electum, pretiosum, sanctificatum, vtile Domino, ad omne opus bonum præparatum. Attende tibi ipsi, obsecro, vt & in præsentī seculo, & in futuro misericordiam à Domino inuenias. Quòd si tibi ipse non attenderis: & hīc contereris, & ibi non requiesces. Nam quæ extra

rectum sunt tramitem, nihil præter dānationem continent
& pœnitentiam. Ne ergo contemptores suæ salutis imiteris,
& qui solum sibi habitum arrogant: vt non similis reddaris
militi ab aduersariis capto, qui Regis quidem gerit insignia:
ipse verò inimicis sui Regis inferuit. Verax quippe est, qui
Ioan. 1. ait: Amen dico vobis, quia omnis qui facit peccatum, ser-
uus est peccati. Foliis enim similis est habitus: fructus verò
est ipsum opus. Qui terreni Regis milites sunt, sanguinem
effundunt, vt Regi suo placeant: at ibi non opus est, vt san-
guinem fundas, sed solum ne à peccato vincaris, vt non
fructifices morti.

Sobrius esto, & vigila, charissime: vigila, inquam, & labo-
res sustine. Non enim iniustus est Deus, qui tui obliuiscatur
laboris: sed & pro obscuritate, quam in cella residens tole-
ras, illucescet tibi lumen veritatis, sicut scriptum habetur:
Psal. 111. Exortum est in tenebris lumen rectis corde. Decerta bonum
certamen fidei, vt victoriā aduersus hostem referens, absque
rubore & verecundia adores Regem gloriæ. Non enim eos
duntaxat, qui gladio perempti sunt, & martyrio à Tyrannis
affecti, coronat Dominus: sed eos etiam, qui religiosa exer-
citatione & charitate probati sunt. Nam quemadmodum
illi propter Dominum flagra ac verbera pertulerunt: sic &
isti vexationes & exercitationes amore Domini subierunt.

Attende tibi, ne fiat verbum malum in corde tuo. Ne fœ-
dus ineas cum improba cogitatione. Sic enim quidam passus
est antiquorum, aliquid ex anathemate in tabernaculo suo
abscondens: Similiter & Giezi minister Helisæi: & non la-
tuerunt Deum, sed ne homines quidem, cū enim clam sce-
lus commisissent, palam retributionem acceperunt: cū hic
quidem cum tota familia ab omni populo lapidatus sit: ille
verò cum vniuerso semine suo leprā infectus vsque in secula.
Galat. 6. Verax est enim, qui dixit: Deus non irridetur. Quod enim
feminauerit quis, hoc & meret. Disce cum patientia, vt dama-
na effugias, quæ obueniunt non quiescentibus. Ausculta eū,
Prouerb. 9. qui dicit: Fili, si sapiens tibi fueris, sapiens eris & proximo:
sin autē malus euaseris, solus mala exantlabis. Vnde nos vin-
cit aduersarius, nostræque redundant passionēs: nonne per
nostram inobedientiam? Edocti enim non attendimus, re-
prehensi super delictorum correctione, recusamus. Homi-

nes cælamus, & Deum despiciamus; non morigerantes ei,
qui dicit: Amen dico vobis, quia & si hi tacuerint, etiam la- Luce 19.
pides clamabunt.

Altutiam nobis suggerit callidus serpens, verbis vincen-
di eos, qui nos corrigere volunt: sicque peccatum in nobis
multiplicatur, cum non habeat resistentem sibi. Deprædatur
te inimicus, & non iam intelligis ô anima mea. Suas in te ope-
ratur concupiscentias, & toleras. Fuge consilia eius improba,
ô homo. Recordare tuorum cum Deo pactorum, & sanctifi-
cationem custodi: vt gratiam inuenias coram Domino. Audi
dicentem: Fugite fornicationem. Et nosse cupis, quàm gra- 1. Cor. 6.
uis atque periculosa sit fornicatio? Quos enim occidere ne-
quiuerunt in eremo morsus serpentum, hos Madianitarum
fornicatio prostrauit: & per fornicationem etiam idolorum
victimam comedere non recusarunt. Vnde ex populo ceci-
derunt vno die viginti tria millia.

Quod si præuentus es; ne lapsui inhæreas, neque longani-
mitatem ac patientiâ Dei contempseris. Memor esto, quod d
mors non tardabit. Recordare fieri non posse, vt manus Dei
effugias. Quare noli negligere: sed pœnitentiam age, lacry-
mas effunde, ingemisce, illufuses. Et si nos obliuioni pec-
catum tradiderimus: qui tamen nos creauit Deus, vniuscui-
usque nouit opus. Ne igitur ignauum te præbeas, sed virili-
ter aduersario tuo resistas. Et aditum, per quem ingredi con-
suevit inimicus ad prædandum atque lædendum te, præ-
clude: vt non ampliùs inueniens ingressum, re infecta rece-
dat. Hoc autem occludere ipsi aditû est, munire seufus, (per
quos in animam ingreditur, siue malum siue bonum) visum,
auditum, odoratum, tactum, gustum & cogitationes, ne ex-
tra id quod decet, euagentur. In mentem tibi reuoca Giga- Genes. 6.
tes, charissime, qui suâ potentiâ terram corruperant: vt eos
vnico momento Dominus per aquas diluuij à facie terræ de-
leuerit, & potentia eorum non iis profuerit. Reuolue animo Gen. 18. 19.
terram Sodomorum, & Gomorrhæorum: quo pacto propter
peccatum habitantium in ea fuerit euerfa: & non profuerint
ipsis deliciae atque superbia. Curemus ergo salutem nostrâ,
charissimi: ne fortè repentinus nos anticipet finis, & in multa
damnatione hinc abeamus.

Quid porro vobis videtur de eo, qui ex hac vita excessit:

A a ij

an quò d post diem vnum ad domum suam reuersurus sit? an post annum? an post centum & mille annos? Cur igitur transeuntia affectamus? & quæ nunquam præteribunt, pro nihilo ducimus? Dic suggerenti tibi concupiscentias sordidas & immundas: O veritatis inimice, vt tu desiderio tuo satisfacias, ego dedecore & ignominia afficiar: vt tu voluntatem tuam expleas, egone confundar? Vade ad tui similes, impudicos atque lasciuos. Porcorum gregem depoposcisti tibi? demergere in mare cum ipsis, non me ampliùs tibi seruum habebis, aut voluntati obedientem tuam. Sufficit præteritum tempus; deinceps nunc veritatis satagam, & Deum meum obtestabor, vt me perfectè à tuis liberet operibus. Spiritum enim sanctum dedit mihi, & ego eum exacerbaui: Animam & corpus mihi mundum donauit, ego aurem ista contaminaui. Sic charissime, suggerenti tibi perniciosas affectiones, responde. Dixit sanctorum quidam, Cani similem esse fornicationem: Si bladiaris, manet apud te; si pellas, fugit.

Psalm. 140.

Audi eum, qui dicit: Singulariter sum ego donec transeam; hoc est, sibi ipsi vnumquemque attendere, donec ex præsentì excedamus vita. Attende ergo tibi, obsecro, & ne rectam vitam tuam rationem despexeris. Ne amore voluptatis modicæ, fructus deperdas laborum tuorum; neque ob immunditiam, operis tui mercedem prodas: & mercedē silentij atque quietis, vigiliarum, continentia, atque temperantia, & reliquarum virtutum, propter impudicitiam amittas, similisque reddaris proijcienti mercedem suam in marsupium pertusum: Modicum enim fermentum totam massam corrumpit. Quare te ipsum confirma, in timore Domini.

Galat. 5.

Audi quod dico, charissime: In vita seculari disertus ac loquax, magnus dici solet; at in solitaria vita, qui quietem ac silentium sectatur, magnus est apud Dominum. Rursus, in vita seculari, qui suum ornat corpus, & subinde vestimenta mutat, humanam obtinet gloriam: at in professione hac, qui ista contemnit, & solum necessario corporis vsui attendit, gloriam sibi in cælis acquirit, secundum eum qui dicit: Habentes alimenta, & quibus tegamur, his contenti simus. Rursus, in seculari vita, qui in corporis robore & diuitiis gloriatur, magnus apud homines dici solet: in ista verò professione, qui humilitatem colit, verè à Domino

2 Tim. 6.

exaltatur, sicut scriptum est: Quæ stulta sunt mundi elegit ^{1. Cor. 1.} Deus, ut confundat sapientes: & infirma mudi elegit Deus, ut confundat fortia: & ignobilia mundi & contempnibilia elegit Deus, & ea quæ non sunt, ut ea quæ sunt, destrueret: ut non gloriaretur omnis caro in conspectu Dei.

Diligamus ergo quæ placita ac grata sunt Domino, tanquam serui frugi, & grati; etiamsi scelestorum ac facinororum insidias sustineamus, licetque à Barbaris capti, qui nos in seruitutem tradant. Scriptum est enim: In tribulatione inuocaui Dominum, & exaudiuit me in latitudine; ^{psalm. 117.} reputantes nobiscum Prophetas quoque in captiuitatem abductos, & in aliena regione seruitutem, ærumnasque subiisse, quorum tamen mens nunquam est à Deo abalienata. Siquidem externum nostrum venundari, aut non venundari hominem, non ex iis est, quæ in nostra sunt potestate: ceterum communicare, aut non communicare internum nostrum hominem impietati, in nobis situm est. Vnde sancti Dei homines tyrannos redarguerunt, mortisque minas spreuerunt, virtutem sibi vindicantes. Quocirca & nos, filij, cum simus Prophetarum filij, eorumque vestigiis insistamus, perfectam ipsorum fidem adipiscamur. Quia scriptum est: ^{Hebr. 11.} Quorum intuentes exitum conuersationis, imitamini fidem: ut cum iis simul in cælestibus coniungamur, ubi exulat laetus ac dolor, & gemitus in splendore Sanctorum. ^{Hebr. 13.} Vigilate ergo, & orate, ut non intretis in tentationem. ^{Marc. 14.}

Meditemur eloquia Spiritus sancti, ut in scripturas incumbamus; & quando etiam librum manibus non tenemus, in mente eloquia Dei habeamus. Si quis suas tibi enarrauerit cogitationes, suaque detexerit errata, ne mente cum contempseris tanquam qui talia peregerit: sed potius de fratris mutatione admirare. Nam quod quis sponte sua peccata spiritalibus viris prodit, correctionis vitæ signum est: occultare verò, animi male affecti indicium existit. Nullus enim cum furibus currens, & partem suam cum adulteris ponens hos prodit vnquam: quia nimis passioni & affectioni indulget. Quare oportet cum omni humilitate eum, qui familiariter sua exponit arcana, consolari, sicut scriptum est: Considerans teipsum, ne & tu tenteris. Dicit enim Dominus per Prophetam Ezechielem: Et tu fili hominis, dic ad

^{Galat. 2.}
^{Ezech. 33.}

190 *S. PATRIS EPHRÆM SYRI,*
filios populi tui: Iustitia iusti non liberabit eum, in quacun-
que die errauerit: & iniquitas impij non nocebit ei, in qua-
cunque die conuersus fuerit ab iniquitate sua. Largiatur
autem nobis Dominus, vt viam erroris expertem possidea-
mus in finem vsque, angustam scilicet & arctam, vt aduer-
sarij nostri diabolici obstruatur, ne habeat, quod de nobis
malum dicere queat: Quia Deum decet gloria in secula.
Amen.

C A P. X.

Attendamus nobis ipsis, Charissimi, quoniam acerbi
nobis sunt inimici & immites, super hominum ruina
gaudentes, eamque solam lætitiā habentes. Hinc sancti
Patres, scientes eorum aduersum nos conatum peruersum,
non segnes fuerunt, non vaga & distracta mente: sed sibi
ipsi attenderunt, sibi que attendentes, & Deo complacue-
runt, & homines in bonum ædificarunt. Cuiusmodi S. An-
tonius extitit, quemadmodum & S. Athanasius Archiepis-
copus meminit in vita quam de eo conscripsit. Nam & mul-
ta exercitatione, eaque incitatore ac vehementiore est vs-
sus: Ieiunabat enim semper, indumentumque gerebat, in-
terius quidem cilicium, exterius autem pellicium, idque
ad mortem vsque seruauit, ita vt neque corpus sordium cau-
sā aquis ablueret, neque penitus suos pedes lauaret, neque
illos vnquam omnino velaquā tingeret, nisi necessitate co-
gente. Sed neque quis eum denudatum vnquam conspexit:
nec prorsus Antonij corpusculum nudum, præterquā cum
post mortem sepeliretur, cuiquam patuit. Rursusque ait:
Et si ista ad illius virtute in parua, ex iis tamen, quālis Dei
seruus fuerit Antonius, considerare & æstimare licet; quip-
pe qui à iuuentute ad tantam vsque ætatem, æqualem sem-
per seruabat in exercitatione alacritatem: & neque senectū-
te fractus, delicatioribus utebatur cibis; neque propter de-
bilitatem corporis, immutabat sui indumenti habitum. Aut
si fortè pedes aqua tingeret, & tamen in omnibus illæsus
permanebat; nam etiam oculos illæsos integrosque serua-
bat, rectèque cernentes. Et ne singula conlectemur; cun-
ctis, qui cibis variis, & lauacris, diuersisque vestimentis y.

tuntur, ipse multò illustrior apparebat, ac clarius, & ad fortitudinem alacrior. At nos, quæ corpus molliter foueant nobiscum excogitantes, distrahimur atque efferimur; non considerantes, quàm acres aduersarios habeamus: unde & ipsi hostes tantam nostram cernentes segnitiam, promptius animosiúsque aduersum nos insurgunt, impudicitia nos iaculis transfigentes. Attendamus igitur nobis ipsis: vt Dominus illorum in nos destruat insidias. Hæc autem dico, fratres, non quasi vitæ puritate ego conspicuus sim; nam si Dominus mea reuellet peccata, antequàm in supplicium mittar, pudor atque confusio operum meorum, non minima mihi pars tormenti erit. Sed ista à me sint dicta per gratiam Domini, vt dum vos boni consilij commoda capitis: ego quoque vilis & abiectus saluberrimi consilij mei mercedem referam. Quemadmodum enim qui ad animarum euersionem cohortationibus vtitur, perditionis earum atque exitij particeps erit: sic & qui ad vitæ morumque emendationem, suis consiliis est auctor, optimam mercedem à Domino consequetur, si & ipse præsertim ab inutilibus deinceps recesserit. Quòd si cum fratre amicitiam habeas: teque conscientia tua arguat, quasi ex eiusmodi coniunctione detrimentum animæ sustineas; te ipsum ab eo separa. Dixit enim quidam Sanctorum: Cum omnibus charitatem habe: ab omnibus abstine. Hæc autem dico, charissime, non vt homines oderis, sed peccatum auerferis. Scriptum est enim: Si cor nostrum non reprehenderit nos, 1. Iam. 3. fiduciam habemus ad Deum; & quidquid petierimus, accipiemus ab eo: quoniam mandata eius custodimus, & ea quæ sunt placita coram eo, facimus. Si verò reprehenderit nos cor nostrum: maior est Deus corde nostro, & nouit omnia.

Frater fratri hortator erat in iis, quæ ad Deum pertinent: Prætereunte autem altero, dixit qui hortabatur, ad eum: Ecce fratrem hunc admoneo, & me audire renuit. Cui ille respondit: Auditurus est; Te enim audire, honestum illi est, & agere audita iucundum. At ille: Nequaquam: nisi enim compererit vera esse, & ad Deum referri, quæ dico; ne me audiat; neque me solum, sed ne Prophetam quidem, si præter Dei voluntatem consilium dede-

Gal. 1.

rit. Ait enim Apostolus: Et si nos, aut Angelus de cælo euangelizauerit vobis, præter id quod accepistis, anathema sit. Quinam enim in Babylone contra Susannam insurrexerunt? nonne seniores? Et non solum Sacerdotes, sed & Iudices, ac Præsides populi, qui quod sibi ipsis non attenderunt, quam miserabili fine vitam clauserunt? neque illis sane ipsorum profuit dignitas. Veritatis ergo curam habeamus, fratres, vt veritas nos circundet ac protegat. Et in hoc quidem seculo, si quis de re male gesta apud Principem in simuletur, si ad alia loca confugiat, fortasse saluatur: at nos à conspectu Dei quoniam profugere poterimus? secundum eum qui dicit: Quò ibo à Spiritu tuo: & quò à facie tua fugiam? Si ascendero in cælum, tu illic es: si descendero in infernum, ades. Si sumpsero pennas meas diluculo, & habitauero in extremis maris, Etenim illic manus tua deducet me; & tenebit me dextera tua.

Dan. 13.

Psalm. 135.

Diligamus quietem ac silentium, fratres: vt à tentationibus liberemur. Diligamus continentiam, in charitate Dei. Diligamus castitatem, & humilitatem. Simus humiles, & affabiles paruis ac magnis: vt vanam effugiamus gloriam, cunctosque diaboli laqueos. Ebrietatem, & risum, inutiliaque malignantium hominum verba execremur ac detestemur; omnia enim agunt, omnia excogitant, vt suis oblectationibus potiri possint. Tu autem, dilectissime, ista fuge, & vt qui Deo placere professus es, omnia secundum Deum operare. Deus enim non irridetur, secundum dictum Apostoli: Nam quod seminauerit homo, hoc & metet. Quoniam qui seminat in carne sua, de carne & metet corruptionem. Qui autem seminat in spiritu, de spiritu metet vitam æternam. Noli sordidis immorari cogitationibus: ne quando te in actum deducant turpitudinis: sed eas detestare, & abs te repelle; vt mens tua serena sit, atque tranquilla. Precare Dominum, vt cordis tui oculos illuminet. Quæ enim impossibilia sunt apud homines, possibilia sunt apud Deum. Cum ad orandum, te composueris. noli vaga ac distracta mente esse; ne quasi contempnens inueniaris.

Galat. 6.

Luc. 18.

Attende tibi ipsi, charissime: ne fortè dum cernis huius seculi diuites deliciis affluentibus, carnemque suam nutriens,

trientes, tanquam in die occisionis, eos propter eiusmodi fluxam ac momentaneam rerum abundantiam beatifices. Neque enim opulentos, neque deliciis deditos, neque potentes, beatos prædicauit Spiritus sanctus: sed eos qui timent Dominum, sicut scriptum est: Beatus vir qui timet Dominum. Et: Beati omnes qui timent Dominum. Ducem te constituerunt: Esto dux pacificus: vt portæ Regni cælestis pandantur tibi, simulque cum facientibus pacem ingrediaris. Dicit enim Spiritus sanctus: Aperite portas, ingredietur populus. Et quis, ac qualis populus? seruans iustitiam, & custodiens veritatem, suscipiens veritatem, & custodiens pacem. Vnde quidam Sanctorum dicebat: Fiat pax, & iustitia in diebus meis. Audi & sanctum Iacobum dicentem: Si quis sapiens, & eruditus est inter vos: ostendat ex bona conuersatione, operationes suas in mansuetudine sapientiæ. Quodd si zelum amarum habetis & contentiones in cordibus vestris, nolite gloriari, & mendaces esse aduersus veritatem: non est enim ista sapientia desursum descendens, sed terrena, animalis, diabolica. Vbi enim zelus, & contentio: ibi inconstancia, & omne opus prauum. Quæ autem desursum est sapientia, primùm quidem pudica est: deinde pacifica, modesta, suadibilis, atque obediens, plena misericordiæ, & fructibus bonis, discretæ, absque simulatione. Fructus autem iustitiæ in pace seminatur facientibus pacem. Largiatur porro nobis Dominus charitatem, atque vnionem secundum voluntatem suam. Precemini autem & pro me misero, obsecro: vt obscuratum in me oculus Dominus illuminet; Quoniam ipsius est virtus, & potentia: Ipsumque decet omnis gloria, honor, & adoratio: nunc, & in secula seculorum. Amen.

Psalm. 112.

127.

*Esai. 26.**4. Reg. 20.**Iacob. 3.*

CAP. XI.

Non torpeamus, fratres, seruientes inuicem propter Dominum: multi enim ancillæ cuiuspiam amore capti, seruire propter amatam non recusarunt. Quid ergo nos magnum præstamus, si nobis mutuo propter Dominum seruiamus? Ne negligentes simus, confidentes in cella, dilectissimi mi: memores, quodd sancti Dei Martyres ferreis vinculis

conclusi fuerint, etiam cum multis tormentis. Ne ergo cellæ angustiam effugiamus. Non deficiamus operantes: memores quoniam multi ex Sanctis in metalla missi sunt propter Dominum. Nunquid igitur si nos temporibus illis fuissetus, nostram vitam ob torturas prodidissetus? Nunquid nostram fidem in iis necessitatibus abnegassetus? Meminerimus, fratres à Domino dilecti, beneficiorum Domini Dei nostri, qui nos creauit, & crescere fecit, nutrit, & protegit in omnibus. Qui educit ventos de thesauris suis ad obsequium nostrum. Qui eleuat nebulas ab extremitatibus terræ in ministerium nostrum. Qui multiplicat volucres cæli, & bestias in aqua, ad obsequium generis nostri. Qui fecit Solem in lumen diei, & Lunam ac stellas in lumen noctis propter nostrum genus. Qui saluauit nos per mysterium pretiosæ Crucis suæ. Seruiamus ei in timore ac tremore multo, & spe bona: quia aduenæ & peregrini sumus in hac vita, secundum eum, qui dicit: Aduena & peregrinus sum in terra sicut omnes patres mei. Obsecro vos, ego minimus, ego vilis & abiectus: ego qui decem millium talentorum sum debitor, qui quemuis peccatorem peccatis excedo: sustinete optimum hoc consilium. Seruate in omnibus vos ipsos irreprehensibiles, ut sitis absque confusione. Si quis autem seipsum in re aliqua condemnet, deinceps sese irreprehensibilem seruet: ne quid habeat aduersarius, quod de nobis malum dicat, hominum inquam inimicus, corruptor, & alienus; hostis iustitiæ, qui in malis nostris gaudet, qui debilis in eos est, qui Domino in veritate seruiunt. Qui conculcatur ab iis, qui pessundant, & auersantur ipsius consilia atque conatus. Qui spernitur ab iis, qui Dominum in veritate diligunt, & faciunt sanctam voluntatem eius, puro corde. Etiam fratres mei dilectissimi, studeamus in vana & breui hac vita, quandiu in ea versamur, perficere mandata optimi, & benignissimi Dei, & Saluatoris nostri Iesu Christi: ut stationem mereamur à dextris ipsius, in secundo eius & horribili aduentu: quando redet vnique secundum opera eius; Quoniam ipsi gloria in secula seculorum. Amen.

Psal. 38.

CAP. XII.

Persiste igitur, Charissime, in vocatione, qua vocatus es. *1. Cor. 7.*
 Da gloriam Deo, quod dignatus sit te in gregem ouium suarum referre, vt in pascuis ouium eius enutriaris. *Eccl. 4.*
 Ergo ad finem vsque tolera: vt saluetur anima tua. Nam scriptum est: In patientia vestra possidete animas vestras. *Luc. 21.*
 Esto instructus in omni conuersatione tua. Dicentem auscul- *Prouer. 27.*
 ta: Fili, si sapiens fueris, lætificabis & cor meum. Noli esse asper in lingua tua, neque durius respondeas fratri tuo.
 sed cum omni humilitate & timore Dei, sit loquela tua.
 Nunquid enim argento bonum sermonem comparamus? Nullo sanè eum pretio emimus, nisi sola nostra voluntate: quoniam vtramque nobis viam dedit Dominus, vt vniuscuiusque cognoscatur affectio & animus. Sic ergo nostræ sint responsiones ad inuicem, ô electi Dei, quemadmodum fidelis quispiam seruus cum suo colloquitur Domino. Verax quippe est, qui ait: Qui seipsum humiliat, exaltabitur. *Luc. 14.*
 Sint porro sermones nostri mutui, non de rebus peregrinis atque externis: verùm de vtilitate animæ, de mutua inter nos ædificatione, de rectè factis, de omni opere bono. Sicut scriptum est: Vt det gratiam audientibus; Et: Nolite contristare Spiritum sanctum Dei, in quo signati estis, in die redemptionis; Quoniam ipsum decet gloria in secula. Amen. *Ephes. 4.*


CAP. XIII.

Atrende tibi ipsi, ô iuuentus exercitationis ac pietatis studiosa, ne fortè dies tui in distractionibus prætereant. Ne vnquam prauas cogitationes admiseris: ne in bello inimici tui virtus tua languescat, atque deficiat. Habeas assiduè dulcem Dominum tuum in mente tua, vt exercitationis tuæ cursus coronam victoriæ referat. In pietatis certamine propera, ô iuuentus: aduentat enim dies, & appropinquat tempus quando laborantes coronabuntur, & negligentes dolebunt. Para virtutes, donec tempus tibi suppetit. Pietatem atque religionem posside in oculis tuis, veritatem in auribus, verba vitæ in lingua tua, vilitationem infirmo-

rum in gressibus tuis, imaginem Domini tui in corde tuo, In membris tuis officia temperantiæ ac continentię : vt coram Angelis & hominibus præ aliis honoreris. Lignum inanime, quod mortalis Regis imaginem continet, honoratur: quanto magis anima honorem meretur, quæ Deum in se continet, & in præsentī hoc seculo, & in futuro?

Attende tibi ipsi, charissime. Concupiscentia mortua est, at corpus tuum viuit : proinde diligenter attende, ne corpus tuum rei mortuæ vitam præbeat. Quod si ipsi vitam dederis, te occidet. O planctum acerbū: quoniam mortuus ad vitam reuocatus, vitæ suæ datorẽ occidit. Disce accuratè, quid sit Cōcupiscentia: ea per se sine corpore mortua est: quando autem concupiscentiæ impetus ad corpus accesserit, subito concupiscentia vitam accipit, & in concupiscentiæ dulcedine mens occupatur, reperiturque corpus quod erat viuū, concupiscentiæ mortificatione emortuum. Quapropter sedulò tibi ipsi attende ab hac morte corporis, dum flāmā concupiscentiæ illius videris. Reuoca tibi in mentem, ignem inextinguibilem, ac vermem nunquam cessaturum; & ē vestigio membrorum extinguetur incendiū. Vide, ne propter relaxationem atque ignauiam vincaris & doleas; præoccupetque te ignis, pœnitentiæ radio; & assuescas peccare, etiam dum es pœnitens. Austeritatem amplectere ab initio. Aduersus omnem concupiscentiam ne vincaris, & ne ex bello inferior discedere consuescas. Consuetudo enim altera est natura. Et relaxationis consuetudo nunquam austeritatem admittit: semper enim ædificat, & destruit; semper peccat, & resipiscit. Charissime, si relaxari sis solitus, dum oppugnaris: inscriptio libelli tui erit, Ignauia in seculum seculi. Qui in aliquibus concupiscentiæ rebus vinci consuevit, semper eum propria coarguit cōscientia, nulloque non tempore angitur, & licet coram spectantibus hominibus religiosum ac hilarem exhibear vultū; intrinsecus tamen ob remorsum conscientię suæ contristatur, nam id secum asferre solet concupiscentia, dolorem amarū suis infligens operatoribus. Tota ergo mēte attēde & anima, Christū apud te semper retinens, qui immortalis animæ spōsus est. Caue igitur verū sponsum tuū deserueris, ne & tu relinquaris ab ipso, derelictusque adhæreas alieno, id est, fraudulento iustitiæ inimico; dolose quippe ad breue tēpus diligit, & mox

EPISTOLA AD IOANNEM MONACH 197
deferit; meretricique immundæ similis, quæ cum subitan-
tiam & vires alicuius absumpserit, auerfari atque odisse in-
cipit. Quisigitur non deploret? Nam & inimicus noster,
vbi vires nostras ac tempus in suis immunditiis fœdisque
concupiscentiis prodegerit atque consumpserit, tunc à
nobis recedit, propter odium quod in nos habet. Nun-
quam enim impurissimus ille, ac fraudulentissimus nos di-
lexit. Deo autem, & Patri gloria in secula seculorum.
Amen.



S. P.

EPHRÆM

AD IOANNEM MONACHVM EPISTOLA.

Absque consilio nihil esse agendum.

BENEDIC PATER.



ARTIS licet adhortationibus cum religio-
sissimo Theodoro egerimus, ne è suo rece-
dat loco; persuadere tamen non valui-
mus. Dixit autem ad nos ille: Si voluntas
iuuandi me, animamque meam saluandi ad-
fuerit, in monasterium tuum ablega me.

Cui respondi: Ex quo Monasterij curam
Fratri Ioanni commisi, illo inconsulto, coniungi alicui ne-
queo. Et nunc quidem bene egisti, prædictum fratrem sus-
cipiendo; nam vt rediit, nobis qua eum sympathia siue com-
passione exceperis, renuntiavit. Cum & tales oporteat in
veneratione habere, qui supra patrem & matrem, fratres
& sorores, vxores, & proles, cognatos atque amicos, dili-
gunt Dominum. Rectè verò agis, exemplum bonorum
operum te ipsum præbens, & potissimum fratribus, qui te-
cum habitant, secundum eum qui dicit: A me videbitis, &

B b iij

*Iudic. 7.
1. Cor. 4. 16.*

fic facietis. Et B. Paulus Apostolus adhortatur, dicens: Imitatores mei estote, sicut & ego Christi, ut quibus sermo plenam fidem non facit, opus ipsum persuaदेат. Spiritualia verò ministeria non contempleritis, neque corporaliū necessitatum prætextu synaxim vestram neglexeritis. Eloquia enim Dei meditata, & suauiter decantata animam nutriunt, atque ſuentur: corpus autem custodiunt intituuntque, dæmones repellunt, & summam animæ tranquillitatem generant.

Rom. 12. 3.

Ecl. 7. 17.

Porro de tentantibus ea, quæ mensuram ac modum excedunt, incurrentibusque in pericula grauissima, commonefacere vos volo: non plùs sapiendum esse, quàm oportet sapere, sed sapiendum ad sobrietatem. Rursusque alibi dicit Scriptura: Noli esse iustus multùm, neque plùs sapias, quàm necesse est, ne obstupescas. Accidit enim diebus hisce nostris, quosdam fratres relictis suis cellis, in terram desertam, infructuosam, atque inaquosam se contulisse: sæpe autem licet à patribus ac fratribus admoniti; non paruerunt, dicentes: Nos ut pastores discedimus. Et ut sese in aridissimam solitudinem impulissent, videntes iam se intra desertam terram conclusos, cœperunt vehementer discruciaciari: incipientesque ad loca quæ incoluntur, redire, nequuerunt se ex difficillima eremo subducere & expedire: neque enim illud facile erat, intra interiora deserti versantibus. Valde igitur per inediam, sitim, æstumque afflicti iacebant, animum deiicientes. Diuina verò prouidentia disponente, frigore pereuntes, ab aliquibus ibi reperti sunt, qui eos propriis iumentis impositos ad loca habitationum reportarunt: alij etiam ibi mortui sunt, & à volucris ac feris corpora eorum deuorata sunt. Qui autem euaserunt salui, longo tempore infirmi remanserunt, deincepsque ipsa experientia cognouerunt, nihil absque consilio faciendum. Nam multi, ut dictum est, contumacia atque temeritate cogitationum ducti, in terram infructuosam & inaquosam progressi, sibi ipsis violentam mortem intulerunt. Alij verò sub obediencia vivere nolentes, vnanimitatemque in subseruiendo detrectantes, eidem sese periculo tradiderunt. Alij manibus propriis laborare recusantes, in idem se periculum coniecerunt. Alij sui consilij complacentiâ decepti laudem

ab auscultantibus captantes, pastores, vt aiunt, effecti sunt, intentos autem labores non cogitantes, iisdem se periculis implicuerunt. Non igitur oportet, charissime, sine prudentia propriis abduci consiliis: quin potius decet vnumquemque proprio se metiri modulo, & in charitate Dei proximo humiliari.

*Proverb. 13
17.*

Si quis autem existimet se perfectam adeptum esse virtutem, passionibus superiorem esse, & in cupiditates dominari, nec sic quidem sibi ipsi fidat, ne fortè in ipsum dicatur, quod scriptum est: Rex temerarius incidet in mala: Angelus autem lucis liberabit eum. Sed fortè præteriens quis dixerit: Et quomodo inuenimus aliquos sanctorum Patrum hanc excoluisse virtutem? Conuenerit itaque nos etiam ex sanctorum Patrum vitis afferre testimonia: vt apertè ostendamus, nihil temerè, vel casu, inconsideratè sanctorum Patres egisse. De Abbate Macario narratur, quòd sic diceret: Confidente me, inquit, in cella mea, exercebar vt monachus, dum interim mihi molestiam cogitationes exhibebant, dicentes: Abi in interiorem eremum, & vide quid ibidem cernes: perstitique in pugna cum cogitatione annos quinque, cùm dicerem, ne fortè id à dæmonibus mihi suggeratur. Perspicias prudentiam sancti viri? nunquid abduci se passus est, aut præceptis accurrere? nunquid cogitationem admisit? minimè verò: sed perseuerauit examinans, ieiunans, vigiliis precibusque vacans, vtque ne fortè ex dæmonibus esset, cognosceret. Ceterum nobis dum cogitatio aliqua se ingerit, contineri non possumus, & efferramur. Et non modò non discutimus sedulò orantes, sed neque ab aliis admoniti obedimus, vnde & facilè ab aduersario capimur. Deinde cùm persuaderet, inquit, cogitatio: egressus in eremum, inuenit ibi lacum, insulamque exiguam in medio eius, & accedebant iumenta vt biberent ex illo, aspexitque duos homines nudos in medio ipsius. Sub hæc, vt locuti sunt inter se, dixit Abbas Macarius ad eos: Quomodo fieri potero Monachus? Et illi ad eundem: Nisi quis renuntiauerit omnibus quæ in mundo sunt, non poterit fieri Monachus. Ad quos ipse: Ego, inquit, infirmus sum, & non ita valeo vt vos. Cui illi: Si nequeas, vt nos, sede in cella tua, & peccata tua defleas. O humilitas diuini viri. O

prudētia virtute insignis animæ, qui tot ac tantis præclarè factis excelebat, non iudicat seipsum eiusmodi re dignum. Sed ait ad eos: Ego infirmus sum, & non ita valeo vt vos. Nos autem, neque persecutione vlla inuadente, neque à quoquam impulsus temeritate & propria quadam complacentia ducimur, aggredientes ea quæ mensuram ac modum superant, tanquam Dominum Deum tentantes, quod est horribile. Væ autem homini, qui propriis confidit ac nititur viribus, vel exercitatione, siue industria, neque in Deo spem omnem reponit suam: ab illo enim solo potestas, & robur. Et cur non oculos demittimus in vitam Abbatis Antonij? & ipsum cuncta ex diuina egisse reuelatione comperiemus. Veruntamen ipse quoque nonne in monasterio vivebat? nonne indumentis vtebatur? nonne pane vescēbatur? nonne propriis manibus laborabat? nonne discipulos habebat, qui quidem etiam mortuum ipsum mœreabant ac sepeliebant? Neque verò solum ipse beatus Antonius hoc vitæ instituto usus est, sed & reliqui Patres, qui religiosam vitam duxerunt, qui hortabantur & consolabantur ad se venientes, per quos signa & curationes exhibebat Deus. Tanquam enim lucernæ quædam claræ, virtutibus coruscabant. Horum vitam ac mores, etiam nos regiâ viâ incedentes, æmulemur, non declinantes neque in dexteram, neque sinistram.

Demus ergo operam quieti, ieiunio, vigiliis, orationibus, lacrymis, conuentibus ad res diuinas celebrandas, labori manuum, conuersationi cum sanctis Patribus, obedientiæ veritatis, & auscultationi diuinarum scripturarum: ne mens nostra syluescat, & inculta squalidaque reddatur. Potissimum autem participatione nos sanctorum & immaculatorum mysteriorum dignos exhibeamus; vt mente nostra enascentibus infidelitatibus, sordidisque cogitationibus purgata, inhabitans in nobis Dominus liberet nos à maligno. In cunctis autem veram atque synceram charitatem ad inuicem, & in omnes, sectantes: nam ex proximo comparat sibi quis malum, vel bonum. Non enim mendax est, qui dixit: Quod vni ex his fratribus meis minimis fecistis, mihi fecistis. Ad eos autem qui pietatis viscera clauferant, dicit: Quoadu non fecistis vni de minoribus his, neq̃ mihi fecistis;

Matth. 25.

ibidem.

stis; & ibunt hi in supplicium æternum, iusti autem in vitam æternam. Antiqui vitulos, agnos, & arietes, cuncta immaculata, in sacrificium Domino offerebant: at nos proprium corpus Domino offeramus in Spiritu sancto, non polluentes hoc rebus vetitis, aut aliqua cogitatione contaminantes; ne reprobetur sacrificium nostrum.

Quo pacto autem comparare oporteat sanctitatem, suffecerit mentem sobriam ac vigilantem habentibus recordatio Dei, cuius radij cor omne illuminant. Qui verò mente adhuc infirmi sunt, aliquibus indigent exemplis, quibus ad imitandam excolendamque eandem virtutem excitentur. Sit ergo nobis exempli loco tale: Qui secundum mundum strenuos se præbent in bellis, imagines sumunt, in parietibus & tabulis belli historiam describentes: ut quomodo hi quidem sagittis feriant, alij vulnera infligant, quidam fugiant, alij incursiones faciant, alij adhibitis gladiis spicarum instar aduersarios decutiunt. Atque hæc agunt ad æmulationem posterorum, & commemorationem eorum, qui rem fortiter in bello gesserunt aduersus hostes repugnantes: alij verò sanctorum quoque certamina in domesticis oratoriis, ad imitationem videlicet ignauorum cordium, & oblectationem spectatorum depingunt. Sic ergo satagite, quasi & nostra vita describenda sit, & in sublimi collocanda, ut omnibus sit conspicua: quin etiam excolendæ virtuti operæ demus, ne quid vituperio dignum atque absurdum inferatur imagini. Turpissimum enim reuera est spectare virum in imagine cum scemina inhonestè versantem, & præsertim ex iis, qui videntur habitum pietatis assumpsisse. Si verò & cum masculo, secundum eum qui dixit: Masculi in masculos turpitudinem operantes: quis tandem oculos in imaginem defigere auderet? fugiendum vel ipsum quoque spectaculum. Si autem cum tali ignominia, præ pudore stupidi, spectari ab aliis nolumus: prorsus Diuina cooperante gratia turpes passiones effugiamus, veræque virtutis studium curemus: ut compositio & structura historiæ, quæ de nobis est futura, præclara & honesta fiat, quæ ad bonam æmulationem excitet sua pulchritudine obuios quosque: nihilque in ea deformæ, minusque virtuti conueniens imprima-
mus. Etenim Sodomitæ historia indelebilis est, in me-

Rom. 1.

Genes. 18.
19.


dium producens, quomodo iusti domum circūdederint homines intemperantes ac flagitiosi, donec cæcitate percussi, ignisque imbre combusti, & in cinerem redacti essent ipsi cum terra sua in qua nefandas commissiones exercuerant. Horum historiam tanquam imaginem quandam horrore plenam, proposuit vniuscuiusque nostrum conscientia, Creator noster Deus: vt ad exemplum huiusmodi respicientes improborum commercia declinemus. Qui autem cæcutientes, propositam nobis historiam prætereunt, facile in voluptatum barathrum præcipientes ruunt. Tu autem defixam tene in huiusmodi cogitatione mentis aciem, vt metu turpissimas passiones elidas, vrentesque voluptates expectatio iræ emarcescere faciat. Quis enim Diuinam iram cernens non trepidet, consternereturque animo, nisi fortè oscitabundus, atque aliud agens ista consideret? Ego verò ignauus, particulas huius historię singulas attentius contemplantus, ingemui, vultuque in genua depositio fleui. Quo enim pacto verè formidabile non erit mundo cordis oculo intuentibus vehementissimum ignis illius fluxum, terramque dum torreretur, & incolas instar ceræ, fumique liquecentes? An non poterunt monimenta atque exempla eorum, qui antea supplicio sunt affecti, vel lapideam animam emollire? Frequentius itaque, imò potius assidue, ad eiusmodi historias intentè respiciamus; vt potiorum studio experientiam prædictorum fugiamus. Nam auget audaciam negligentia: Ex vtraque verò consuetudo conflatur. Qui autem habitum sibi mali acquisuerunt, exitum agrè inuenire possunt, cum habitus is ad abolendum spiritalem fructum semper irrepit. Ex aduerso, velut in imagine recordemur illius Ægyptiacæ, quomodo ad se attrahere conata sit pium Ioseph: ipseque quo pacto etiam vestem suam reliquerit, vt scelus effugeret. Rursusque mente contemplemur tanquam in imagine Senes illos Babylonicos, quomodo ad infamiam beatam Susannam compellere studebant: ipsa autem pia & virili cogitatione adhibita, istos deturbauerit. Sic ergo & nos syncerè certemus, maximèque persuasi, quia nihil occultum, quod non reuelabitur; vt si quæ virtus, ac si qua laus, hæc de nobis circunferantur: vt simus inter eos qui laudantur, & non inter illos qui vituperantur.

Genes. 39.

Dan. 13.

Iudic. 8.

De iis porro, quæ quærentur, & quo pacto conuersari oporteat cum fratribus, & complacere Deo viuenti ac vero, vobis pro nobis orantibus significabimus, Diuina nos adiuuante gratia. Sit autem inter vos & nos Dominus fons vitæ: qui gaudium, pacem, sanctificationem, & spem bonam pluit super quærentes eum in veritate. Saluta fratres, qui tecum sunt. Salutant te, qui hîc sunt fratres.



S. P.

EPHRÆM

MONITA AD FRATREM QVEMDAM. A



Q^UNI hora mente reuoluo visionem, quam mihi recensuisti, Frater: ideò dignam vocatione tua vitam agere contende; vt ei, cuius ascriptus es militiæ, placeas. Tuam enim noui promptitudinem & in Deum zelum atque amorem: iccirco tibi suadeo iam propositum habenti, ac sal-

uari studenti, nondum tamen experientiam vitæ religiosę possidenti: vt sanctorum perfectorumque Fratrum, ac Patrum vestigia persequaris: & ab iis discas quemadmodum Dei seruum versari oporteat. Quod tibi etiam semper dicebam, vt singulorum perspecta conuersatione, bonum vitæ imiteris institutum, attendensque quomodo quilibet pietate instructus ad supernæ vocationis brauium contendat; considerans quoque diligenter aliorum perfectam exactamque fidem, alterius spem in Deum, huius verò duplicem charitatem in Deum & in proximum; ac quo pacto alius in timore Dei suam custodiat animam, ab omni re mala cauens sibi, vitamque inculpata atque irreprehensibilem degens, atque adeo qui ab omnibus ob puram & inculpata vitam laudatur; multi enim reperiuntur eiusmo-

Cc ij

di, de quibus tibi assereram attendendum iis esse, & non mihi pigro atque inerti. Eos ergo imitare, qui quidem in medio vestrum sunt velut luminaria quædam, & quomodo nonnulli dum variis passionibus impugnantur ab hoste, per orationes ad Deum confugiunt, adhærentes ei præsidio cōpunctionis ac desiderij, gratiæque auxilio suffragante, absurdas immundasque cogitationes vincunt, factorum penitentia ducti, multoque fletu ac lacrymis suspiriisque, mœsti sua lugent peccata: confitentes Deo per orationes atque vigilias, afflictiones & labores, in ieiunio, temperantia, vigilia, humicubatione, tribulatione, atque anxietate; iisque armorum generibus saluari enitentes.

Strenuè igitur & tu decerta vsque ad mortem, tanquam verus miles: non enim res est ludicra religiosæ vitæ exercitatio, mi fili: verum multâ cautelâ ac diligentia rectè salus curatur animæ; iccirco ne vnam quidem præteritū virtutum, scripto tibi per Epistolam hæc ipsa mittens; vt ne dicas, non noueram quid esset agendum. Sic igitur enitere, omni grauitate atque prudentia tempus vitæ tuæ transigere, vt Deo placeas & hominibus. Si enim ita te gesseris, perfectam singulorum considerans renuntiationem religiosumque vitæ institutum, facilè te ipsum ad virtutum celsitudinem euehere poteris, conspiciensque quorundam voluntariam paupertatem, quomodo relictis omnibus conantur vbique mentem suam tranquillam reddere, vt sine vlla distractione in orationes incumbere queant; & non sit illis cogitatio aut cura, quæ ipsos retrahat ab oratione, vel lacrymis, aut feruore, perfectæque in Deum dilectione. Nosti enim tu quoque, si quis cum desiderio & lacrymis, puro corde precatur, eum mente sua tanquam in speculo contemplari Deum. Iccirco per inopiam ac paupertatem, magnamque angustiam quilibet ad promissa iustis bona properat: Angusta enim est porta, & arcta est via, quæ ducit ad vitam. Quapropter hanc tibi viam demonstro, quam ego nondum sum ingressus: vt illi insistens, Sanctorum imiteris conuersationem, aliorum quidem pietatem, aliorum rectum in precibus rebusque omnibus ordinem, aliorum scientiam, aliorum tranquillitatem,

aliorum humilitatem, aliorum honorem: aliosque accusatores sui ipsius, alios seipsos pro nihilo habentes atque abiiicientes: aliorum gravitatem & seueritatem morum, aliorum studium atque diligentiam, aliorum quietem ac silentium, aliorum mansuetudinem: aliorum patientiam & longanimitatem: aliorum clementiam, aliorum mores pacificos, aliorum vitam amabilem, aliorum charitatem & concordiam: aliorum intellectum atque iudicium: aliorum prudentiam, aliorum sobrietatem ac vigilantiam: aliorum sapientiam, aliorum discretam differendi vim ac rationem: aliorum in consilio dando benignitatem, aliorum discretionis virtutem, aliorum secreta tegendi modum, aliorum hilaritatem, aliorum mores gratiosos, aliorum affabilitatem, aliorum in reconciliando facilitatem, aliorum in condonando ac venia danda clementiam: aliorum fortitudinem, aliorum audaciam atque fiduciam: aliorum certamina, aliorum obedientiam, aliorum in opificio industriam ac diligentiam: aliorum in aliis laudandis benignitatem, aliorum promptitudinem atque alacritatem: aliorum in fratres obsequium, aliorum zelum & amorem: aliorum feruorem, aliorum submissionem, aliorum perfectam vitæ abdicationem, & crucifixi instar quotidie morientium: aliorum patientiam & tolerantiam: aliorum veritatem, aliorum loquendi & arguendi libertatem: aliorum lucidam & conspicuam cunctis vitam: aliorum sedulitatem & in agendo solertiam: aliorum disciplinam, aliorum temperantiam, aliorum sanctimoniam, aliorum castitatem, aliorum virginitatem, aliorum puritatem, aliorum spiritalem viuendi rationem. Et huius quidem considera eleemosynam, illius in ope ferenda suscipiendaque virtutem, huius benignitatem ac bonitatem, illius insignem clementiam & commiserandi studium, huius fraternum amorem, istius pro beneficiis acceptis benignitatem atque gratitudinem: aliorum restituendi compensadique virtutem: aliorum æquabilitatem & amicitiam: aliorum rectum iudicium, aliorum ad ignoscendum facilitatem, aliorum æquitatem ac probitatem: aliorum compatiendi virtutem, aliorum beneficentiam, aliorum hospitalitatem, aliorum integritatem, aliorum innocentiam, aliorum imperturbabilem an-

mun, aliorum ſinceritatem, aliorum virtutem qua ſunt paucis contenti: aliorum moderationem, aliorum gratitudinem, aliorum ſimplicitatem: huius in adhortando vim, alterius in conſolando gratiam, illius in ægrotis inuiſendis charitatem, huius rectitudinem, illius in admonendo donum: aliorumque continuas orationes, & pſalmorum decantationes, ac lacrymarum riuos: & vt vno verbo dicam, cunctorum diuinam vitæ rationem atque inſtitutum.

Cum igitur in medio tanti theſauri habites, ditari ſtude, cum virginibus prudentibus vitam agens, ne inter ſtuas referaris. Et cum tanta habeas luminaria, quæ tuos ſingulis diebus ac noctibus illuſtrant oculos, in illorum lumine ambula, veſtigiiſque eorum inſiſte, vt cum ipsis in æterna ingrediaris tabernacula; propera greſſibus iſtis, vt aliquos eorum aſſequi poſſis: poſſe autem te ſcio, modò velis. Succinge igitur lumbos tuos, lampademque iuſtitie accende, ac Dominum tuum expecta: vt ad eius occurſum inueniaris paratus. De quibus ad te non ceſſabo perſcribere: Scio enim te quæ iuſta ſunt ac rationi conſentanea libenter audire. Quare attende tibi ipſi, & certa vſque ad mortem, vt cuſtodiaris & conſerueris, vtque cum fiducia ac gaudio obuiam immortalī eas ſponſo. In honore ac pretio virginitatem habe, & te in cæleſtem thalamum introducet. Iccirco dixit Apoſtolus: Deſpondi vos vni viro, virginem caſtam exhibere Chriſto. Nunc ergo, chariſſime, Sanctorum virorum virtutes deſcripſi tibi: ſcribo etiam inſidias aduerſarij, vt ex ipſius liberatus laqueis animam tuam ſaluare queas. Nolim autem mihi iam reſpondeas: Monasterium ingreſſus ſum, & habitum angelicum geſto: non modò enim homines, verùm etiam Deus ipſe non externo delectatur habitu ſed bonorum operum fructus exquirunt.

a. Cor. 11.

Conſiſte igitur inſtar arboris floridæ, fruſtusque tuarum cuſtodi virtutum: ne ſuperbiæ vermis ſubrepens, fruſtum tibi labefactet humilitatis, ne mendacio tibi adimatur veritas, ne inanis gloria tibi pietatem atque religionem obſcuret, ne manſuetudinem tuam iracundia abripiat, ne longanimitatem tuam exandefcentia euacuet, ne pacem

tuam pugna deuastet, ne amicitiam tuam simultas impediat, ne iniuriarum memoria penitus charitatis reconciliationem extirpet, ne contumelia honorem deperdat, ne contentio concordiam dirimat, ne quietem atque silentium perturbatio commoueat, ne ieiunio gula obsit, ne temperantiam inexplebilis edendi auaritia prorsus abroget, ne diligentiam ignauia subuertat, ne somnus vigiliam comprimat, ne acedia promptitudini atque alacritati molesta sit, ne pigritia ministerium prohibeat, ne subiectionem murmuratio depellat, ne obedientiam inobedientia excludat, ne psalmodiam verba otiosa superent, ne scurrilitas Dei laudes vincat, ne luctum risus opprimat, ne indulgentiam nimia seueritas inutilem reddat, ne pudicitiam fornicatio corrumpat, ne fidem incredulitas euacuet, ne auaritia voluntaria præferatur paupertati, ne parentes plusquam Christum diligas, ne ex mundo maiorem quam regno Dei, voluptatem captes: ne tibi diuitiarum paupertatem impropere, ne linguam tuam obrectatio irriter, ne te calumnia fratricida efficiat, ne susurratio tuam animam inquinet, ne te in aliquem inuidia configat, ne dolus tuus puritatem cordis polluat, ne bonis te priuet simulatio, ne proditorem te reddat calumnia, ne perditionem tibi falsum conciliet testimonium, ne te à caelesti moueat regno furtum, ne paradysum tibi ocludat iniustitia, ne tuum hominibus complacendi studium ossa dissipet, ne acceptio personarum tibi libertatem præcidat, ne te voluptatis amor à Diuino amore abstrahat, ne compunctionem tua obscuret concupiscentia, ne tua voluptas amorem ac desiderium in Deum hebetet, ne te edendi delectatio deliciis paradysi spoliet. Ne hominem asperneris, ne eius excerbes creatorem, ne importunè conqueraris, neue accuses ne in condemnationem ipse incidas, ne vlli exprobres, quid enim tibi accidet, ignoras. Caue extollaris corde, ne cadens tibi ipsi ignominiam inferas: caue ne confidentia mansuetudinem ac moderationem abscindat, neque timiditas audaciam opprimat, nec contemptio tuum timorem disperdat, ne te mentis occupatio à ceterorum conuentu comitatuque seiungat, neque animum mentis elatio atque distractio vulneret. Non ex auditu animam

commacules. Non coniungaris improbis, neque cum iis consilium inieris: ne fortè malitia tuæ innocentiaæ atque simplicitati tenebras offundat: neve nequitia tuâ vincat bonitatem, ne invidia animum tuum perturbationibus vacuum superet, ne sis procax atque petulans, ne odiosus reddaris omnibus, ne tibi flagella conciliet pertinacia, ne des relaxationem aliquando carni tuæ: vt tuam non aggravet animam: ne te calumniandi studium à laudandis proximis abripiat. Caue ne desperatio te secludat à pœnitentia, neque à cælis te diuellat vita flagitiosa, non tibi thesaurum propria effringat gloriatio, neque tua secreta diuulget iactantia. Ne obrectatio tuâ causâ quempiam obnubilet, nec tenebras tuo offundat intellectui insipientia, nec tuam stultitia prudentiam tenebris inuoluat, non tuæ dominetur menti dementia: non tuam discretionem alteret indiscretio; aut quid aliud veritorum te non sentiente in corde subeat, ac te calorū regno sequestret. Ceterū sobrietatem ac vigilantiam cole. Et sicut scriptum est: In lege Domini meditans die ac nocte, (quoniam non cessat impugnare nos die noctuque inimicus) ne fortè mentem tuam à meditatione præceptorum Dei inueniat otiosam, suaque superfeminet zizania, reddatque nouissima peiora primis; ne hîc terrenis priueris, & ibi cælestium iacturam facias. Nemo enim manum suam ad aratrum mittens, & retro respiciens, aptus est regno Dei: nullusque militans Deo, implicat se rebus secularibus, vt militiæ præfecto placeat. Mundum ergo deferens, ac Christum sequens, sic curre, vt apprehendas: neque declines in dexteram atque sinistram, id est, in vnam aliquam ex antea descriptis perturbationibus: ne in peccati præcipitium corruens moriaris animâ: sed per regiam Diuinorum præceptorum viam currens accelera, simulque pro me peccatore ora: vt & ego, licet indignus, Sanctorum participes factus, vobiscum merear æternis bonis perfrui, in Christo Domino nostro.

Hæc tibi, charissime, perscripsi, non quòd ego ista vitauerim: sed vt ipse vitans, Deo sis acceptus & charus. Ait enim Dominus: Qui credit in me, opera quæ ego facio, & ille faciet. Ac de te mihi persuasum, charissime, habeo, quòd antecessor,

Luc. 9.

2. Tim. 2. 4.

Joan. 14.

antecessoribus tuis maiora ages, si, vt accepisti, seruaueris. Ne ergo alienarum te actionum censorem præbeas, sed tuam ipsius vitam quotidie instituere contende. Singuli enim de propriis actionibus rationem reddituri sumus Deo. Ipse igitur quotidie tuas cogitationes discerne, & tecum sic loquere: Pietatemne ac religionem colo; temperantiam, ac continentiam seruo? compunctionem habeo? humilitatem possideo? aliaque iam antè à me descripta. Rursumque decerne, & intra te dicitò: Nonne parum laboro, bene an malè uiuam? Nunquid otiosa loquor? Nunquid irascor? nunquid terrenarum rerum aliquid concupisco? sicque sigillatim suprascripta discernens, malumque detestans, bono adhaereo: nemo enim bonus, nisi solus Deus, qui cunctos saluat charitate sua, in Christo Iesu Domino nostro. Adhortor ergo te in Christo Iesu, fili, vt hanc obserues Epistolam, eamque assidue perlegas, rursumque reponas, neque contentus sis donec perdidiceris ipsam. Nam magnâ tibi diligentia de omnibus virtutibus, ac vitiis conscripsi, vt ea assidue mediteris, seduloque conserues. In quo enim vitam suam adolescens instituet, nisi in obseruatione sermonum Domini? Interea, perspicua ista perscripsi tibi, vt faciliè seruare possis: Qui cùm perfeceris, tunc mentem tuam pleniori diligentia firmabo: vt sic quoque merearis ad perfectionem peruenire. In Christo Iesu Domino nostro: cum quo, Patri, vnâ cum sancto Spiritu, gloria & honor in secula seculorum, Amen,



S. P.

E P H R Æ M

DE MONACHIS, AC TVRTVRE.



TVRTVRI viduato comparauit te seculo abdicatum Propheta, ô Monache: quoniam turtur auis est casta, nunquam secundis nuptiis gaudens, neque in ramis humidis confidens: potius autem inhabitabiles consecretur solitudines, ibique dies suos perficit. Quam ob causam te Propheta turturi viduato comparauit: ne & tu ad mundum conuersus, ea quæ retro sunt respicias: neque in ciuitatibus, & castellis, vicisque conuerferis, neque cum mundanis demoreris: neque vias eorum addiscas; recedatque anima tua à Domino Deo suo, vero animarum nostrarum sponso, laqueosque in anima tua accipias, neque ad diuitias & voluptates seculi reuertaris: non enim & Angelus, & homo esse potes, nec Deo seruire potes, & mammonæ. Neque prætexueris ô Monachi, errore ducti mandata & beneficia, curam senum, & hospitalitatem: non enim ab Angelis talia requirit Deus: sed tantummodò vt semper laudetur, glorificetur, & honorificetur ab ipsis, sicut constitutum est vobis.

Hanc porro parabolam suppeditabo vobis: Monachus auarus, & diues, mundanus est professor; at pauper Monachus, cælestis est ciuis. Quicumque Monachi in diuitiis & deliciis degunt, nihil differunt ab iis, qui in vita monastica secularibus rebus vacant, & deliciis atque voluptatibus indulgent; adhuc enim ab Angelico viuendi instituto peregrini sunt ac alieni; quin & mendacesprehenduntur, & nuoc quidem mundo se abdicant; nunc rursus in seculo ac diuitiis,

suosque inter affines ac cognatos versantur. Neque monasticum amplius habitum ferre possunt, qui secularibus diuitiis sunt dediti. Non enim possibile est Deo seruire, & mam-

Luc. 16.

Matth. 19.

monæ, inquit Dominus. Et ipsi quidem Apostoli, cum interrogassent Magistrum suum, dicentes: Ecce nos reliquimus omnia, & secuti sumus te: non amplius ipso relicto abiierunt in mundum, neque conuersi sunt retrorsum, videlicet ad seculi diuitias.

Si igitur videris Monachum diuitem, & voluptatibus deditum, avarum & compassionis atque misericordiæ expertem, opes caducas sectantem, deliciasque ac lucra mundana amantem, postpositis tuis, deplange illum, quoniam in nocte ac tenebris talis ambulat. Neque enim vult Deus Monachum, exempli gratiâ, relictis spiritalibus curare secularia, quamuis etiam iustam aliquam causam habere videatur, illusio enim hæc est diaboli, qui tentat eum perdere. Nam qui propter res corporales ac sensuales, negligunt omittuntque bona spiritalia, magnum assidue damnum patiuntur, non considerantes, neque mente complecti valentes diuinam illam vocem: Nemo mittens manum suam ad aratrum, & respiciens retrò, aptus est regno cælorum. Cur igitur letiferas tibi diuitias consciscis, ô Monache, superbas atque arrogantes, misericordiæ & compassionis omnis expertes, atque insatiabiles? Quantò enim quis amplius ditatur, tantò magis immisericors & inhumanus redditur, ampliùsque suas manus contrahit, ne eleemosynam indigenti tribuat. Tu verò, ô Monache, hæc diuitias ne appetas, nec possideas, neque congreges: nam Monachi primum, & magnum mandatum, quæ secundum Deum est paupertas. Potius igitur Christo citra vllam distractionem adhæreas, residens in loco, in quo & mundo renuntiasti, & te Deo coniunxisti, viuenti in secula. Amen.

Luc. 9.

S. P.

E P H R Æ M

DE PERFECTIOE MONACHI.



NVO præterito ad me accessere quidam, postulantes vtilia nonnulla suis Monasteriis: sed tunc mihi cum iis loqui non vacabat, quòd infirmitate corporis detinerer. Vnde me tacentem, dolor excusauit: conspicientes enim vehementiam dolorum, silentij causam agnouerunt. Admonitus sum ergo paulò antè, quòd & ab aliis monasteriis missi ob id ipsi aduenissent. Quid igitur agendum? priuatim cum his, & ex alia parte cum illis sermonem instituam? aut vno eodemque colloquio, vtrisque satisfaciam. Ceterum vereor pertransire quæ egregiè apud eos paulò antè gesta sunt, ne meipsum condemnem. Absurdum quippe est hominem rudem instituere sapientes, sicut etiam pauperem, opulentos ad conuiuium inuitare. Sensu enim ego puer sum: at illi profectu admirabiles euaserunt. Neque verò verba veritatem constituunt: sed ipsa veritas verbis fidem addere solet. Noui componere verba, non inficior; at variæ virtutis exhibere modos, non est datum mihi. Opus, est imago virtutis: Sermo autem imaginis adumbratio est: in adumbratione verò nullus character, sed solum est characteris & figuræ commentum. Quid ergo? rogati recusabimus? postulati non præbeamus? Quis porro nobis obedientiæ foret fructus? cum & multi obedientiam, ad virtutem parandam assumpserint. Si porro res ipsas intueamur, inueniemus seruos propriis dominis mutuum dantes, & iuuenes senibus consilia impertientes, indignosque maximis viris in aliquibus rebus adiutores & socios. Ex variis populus con-

stat, vnaque gloria resultat: at maior est cui gloria defertur: quàm qui glorificat, ac gloriam defert: & quæ est mediatrix & conciliatrix, inter ambos quos conciliauit, coonestatur. Exerceamus nos in verbis atque colloquiis, sicut miles sub duce suo. Intelligant fratres, nos verba facere posse, cum opera non habeamus: vnum hoc agnoscite in nobis vile, quod veritatem admanentes, nos ipsos accusamus. Doleo me non agere opus, de quo vt loquar obsecratus sum: & vereor, ne qui re ipsa agit quod ego doceo, me vt indignum repudiet. At iccircone imperium detrectabo non potest subditus diiudicantibus aduersari. Plura vos nostis, fratres, qui factis ipsis docetis: breuibusque addiscere desideratis, qui ex oratione voluptatem capitis. Dicam etiam vobis, fructum esse verum cibum: at frondibus, fructum adumbrari. Verba se in modum habent foliorum: opus autem instar fructus. Vultis nosse virtutem arboris? ex fructu ac esu cognoscetis illam: nam folia per similitudinem fallunt. Satisfaciam vobis, conscius humilitatis vestrae. Noui paruitatem meam, & modestiam vestram suspicio. Dicam vestrum esse fluentum, quod apud vos enitescit. Pauperes ij sunt, qui purpuram Regis gestant, tamen ipsi habitu vili vtantur ac humili. Qui Regale diadema faciunt, indigniores sunt qui illo vtuntur: sed tamen faciunt quod iubentur. Noui quo pacto agricola terram aratris ac bobus proscindunt: sed ad opus ego ineptissimus sum. Multi sunt qui ex consuetudine, quæ ad artem aliquam pertinent penitus norunt: sed de illis rationem reddere nequeunt. Alij, vsu ac consuetudine proficientes, excogitarunt artes, aut ab aliis inuentas concinniores reddiderunt atque ornarunt. Sic & ego vobis, de nostri temporis moribus verba faciam: alia quidem ex more dicendi sciens: alia etiam ex iis præbens quæ vsu & laborum experientia didici.

Vita Monachorum Angelis similis, eorumque institutum diuino ministerio plenum est. Continet enim vitam, quæ in præsentia Deo inseruit: & antè, hanc scænorum dat, vt pro vsura vitam æternam accipiat. Præbet ipsi beneuolentiam, & particeps gloriæ cælestis efficitur. Loco præsentium laborum, sperat fruitionem æternorum bonorum. Mutuò

dat terrena, & recipit cælestia. Soli monachi, super terram diuini certaminis conditionem atque constitutionem norunt. Nautæ in mari nauigantes, molestias perferunt: at ipsi in quiete vitam agentes, pericula experiuntur. Sicut illis mare: ita his aërea efficacia & potestas. Sicut illos venti prohibent vltcriùs procedere: ita hi in aëre contra aduersarios spiritus pugnant. Dixit Apostolus de hac concertatione: & spiritalia nequitiae nominauit. Circumuniuit locum optimis vnguentis; & aggredientes accuratè instituit, vt insidias latentes non ignorarent. Monachis cum hostibus certamen est, quos non vident: quales ergo eos esse oporteat, non recusabo dicere quod sentio. Nam & Prophetæ sunt, qui artem spiritalem tractant, cuius expers est caro: opus faciunt incognitum, quod neque ipsi qui faciunt, cernunt; negotiantur non in iis ex quibus fructum capiunt: sed in ea quæ sperant labore intendunt. Via ipsis est intelligentia: terminus autem assensio, & comprobatio. Animo proficiscuntur in cælum: & mentem sexcentis meditationibus ac lectionibus pascunt oblectantque.

Multi occultati insidias effugerunt: alij resistentes, vicerunt: aliqui etiam ob metum recesserunt; nonnulli quoque captiui, illusi sunt; multi etiam occisi: pauci omnino traiecerunt, & rari mercatores suas merces salutis aduexerunt. Quemadmodum qui ad barbaros iter suscipiunt: sic etiam est vita Monachorum. In duabus rebus negotium tractant: aut cum expectatione magni lucris, si rem bene gesserint; aut etiam metu substantiam quam habebant amittendi. Vidi per ciuitates in spectaculis & ludis quæ dicuntur, quosdam cum feris atque leonibus decertantes: nihil planè minus opus aggrediuntur Monachi; aut enim ditantur repentè, aut etiam vita spoliantur. Quin & Apostolus Paulus, suam vitam, spectaculum appellauit: vt confirmetur oratio nostra, quod in agone certatis. Idem etiam stadium illam nuncupauit, & pugnare seipsum affirmat: vnde ex pugna stadium, & ex lucta certamen intellige: quæque ibi agantur, à spectantibus animaduerte. Angeli & homines speculantur: vt non immeritò dixerimus, Monachorum vitam Angelis esse persimilem. Sed cuiusmodi sunt quæ vident Angeli: nisi operationes occultas, laqueos in cauea constitutos,

1. Cor. 4.

1. Cor. 9.

mores fraudulentos, inuasiones ex insidiis, machinationes dæmonum miro modo contextas & implicatas, quo pacto eas transiliant atque euadant. Spectant, quomodo ferarum instar vincant; quomodo aduersarios in fugam vertant; quo pacto alios redarguant; quo pacto fucatos amicos de medio tollant: hæc sunt quæ aspiciunt Angeli. Quæ porro cernunt homines, prorsus res humanæ sunt: excitantur enim aduersus eos, persecutiones, cogitationes, inopiæ, anxietates & inquietudines, morbi, seditiones & instabilitates, accusationes, calumniæ, reiectamenta, & his similia.

Multis difficultatibus est exposita monachorum vita: nam si remissior sit, decipitur; si minùs sincera sit, citò instar vini aqua mixti peruertitur: & acescens non ampliùs in pretio est, sed vilescit; non ampliùs vsui, sed damno: nec oblectamento, sed nauseæ. Instar vini, debet vita nostra conseruari. Non quæcunque sors tulerit, admittenda. Non ridiculis vacandum; non verborum quamuis sanorum multiplicitate gaudendum; non tropis figurisque verborum frequentibus, quamuis sinceræ sint; non diuersis aspectibus, licet etiam voluptatem minimè suggerentibus, non etiam multiloquio indulgendum, etiam si astantes rogent: nam licet non noceant qui in his versantur, lucro tamen frui non possunt. Pigros noui multos in ægritudines incidisse: alios autem ægrotantes, sibi requiem comparasse. Alij aduersus pressi, etsi infirmantur propter labores: valetudine tamen recuperata, & lucrum & laudem referunt. Non recusauit carnis infirmitatem Paulus: & tamen ipse repositam sibi coronam confessus est. Qui ad labores se segnem præbet, stupidus est, & in omne vitium præceps, ac inter fortes gregarius atque plebeius. Hic est, qui non est professus solitariam vitam, ideo neque aliquid possidet, neque exprobratur ei non possidenti: at qui professus est, si labores detrectet, castigatur, & seruitutis ab eo opus exigitur. An ignoratis, quid miles piger sustineat? Repetitur ab eo diligenter armorum, telorumque gestatio, equi vsus ac totius operis militaris, exigitur ab eo meditatio, exercitatio, obedientia & strenuitas in rebus agendis. Non erit iusta monacho negligenti excusatio: sicut neque agricolæ terram

2. Cor. 11.

12.

2. Tim. 3.

et 4.

præclarè non colenti. Carnem tuam, monache, edomans, ac reprimens, euangelici fructus delicias in teipso semina. Ne finas corpus otiosum, sicuti egit qui vnum talentum accepit: remissionem quippe cum gratia nactus, & otio indulgens, condemnatusque vt reus, Christi miles euasit: & cùm iam frueretur regie militiæ prærogatiua, in opere negligens extitit. Quòd si negligenti illi atque torpenti pepercit: sanè & monacho parceret. Si inutiles seruo dominus, etiam illi parceret. Agricola ob negligentiam seminis flagellatur, miles ob infordescencia arma, curator atque œconomus propter malam administrationem: & quomodo non multo magis etiam monachi, si negligentiores extiterint? Vinum deterius euasit: in causa vas fuit, vel locus, aut vnguentum: Inquirat causam illius dominus, eaque cognitâ, non sinit vlteriùs corrumpi. Potest & culex minimus saporem corrumpere: & in hoc, solùm culex accusatur, quominùs viuo possimus vti. Res nullius momenti sæpe magnorum malorum causa efficitur; & ex parua negligentia, ingentia atque incurabilia fiunt vulnera.

Sciant & intelligant monachi, se velut seruos & agricolas, atque milites esse Christi, quòdque in cunctis dictis locis parati esse debeant. Omnesque homines serui sunt: sed alij quidem fugitiui, & aliis seruiunt, id est, dæmonibus: alij verò exiguis officiis se emanciparunt, nonnulli etiam tanquam serui seruorum facti, hominum sese obsequiis tradiderunt. Ceterùm monachi, domestici sunt ac familiares. Attendite ad promissiones vestras, & intelligetis quòd non mentior. Audite Apostolum, & apertè iam dicta cognoscetis, ait enim: Castigo corpus meum, & in seruitutem redigo; Et: Carnis curam ne feceritis; Et: Induite vos armaturam Dei; Et: Sic curro, non quasi in incertum, &c. Primum fecit, & ita docuit. Hæc est armatura Dei, vt quis & sibi, & multis profit. Si paratus sit Monachus etiam, imparatum in impulsu draconis, eximat ac liberet.

Agriculturam hîc exercere oportet monachos, & belligere. Ad multò plura potest animus applicari, quàm corpus. Noui plerosque operi intentos, & interim bellica meditantes. Esdræ quoque tempore, se tales præbuerunt; ædificabant templum, & dexteræ præparabant aduersus hostes,

1. Cor. 9.
Rom. 13.
Ephes. 6.
1. Cor. 9.

hostes. Et tribus Benjamin, iaculandi peritiâ, vtrâque manu hastam contorquebat: multò sanè ampliùs mens scitè & expeditè in variis spiritalibus operibus infecerit. Quòd si hæc paululum sunt persequenda: ego vobis quæ ad semen comparationem pertinent, explicabo. Dicamus ergo nouale esse cognitionem animæ, quam à Deo, mediante gratia accepit: semen autem Euangelicum, mandatorum obedientiam. Tu modò obedientiam tibi para, & de pluvia, qua semen crescit, noli esse sollicitus. Si pro præsentì incrementum concedere voluerit Deus: etiam alios diuinâ gratiâ pascas. Sin in futurum distulerit: tunc metes, & perennes diuitias consequeris. Excole quæ in te est gratiam, & in excolenda ea, caue quod irrepit in detrimentum agriculturæ. Nam & formicæ nobis non sentientibus semen capiunt; & corui, te dormiente diripiunt. Adhibe ergo simul cum rusticis instrumentis, etiam bellica: & ligone spinas euellere: fundâ autem rapaces repelle. Acciditque draconem agriculturæ tuæ imminere: verum tu intrepidè accedens fuga, & persequere eum; vt ne apud te permaneat. Si draconem reliqueris: etiam reliquæ feræ per eum introibunt: & pigritante te circa multitudinem, siluestrem quoque reddent agriculturam tuam, vt nequeas fructum laborum tuorum percipere: quoniam syluam sibi ac domicilium constituit draco. Multæ enim regiones sic desolatæ factæ sunt, varijque agri eo modo à feris penitus vastati sunt. Legislator quoque ait, quòd paulatim delendus sit Chanaanus: ne in te irruant cunctæ bestię terræ. Si inertes ac pigri fueritis, fratres: iam causam vastationis vos præbetis. Si in vobis assueuerit serpens: multiplicabit prolem, multasque latebras faciet, ac terram tuam occupabit; quæ cum perforata, & peruia longè latèque fuerit anguibus aliisque reptilibus, seminari nequit, sataque damno obnoxia erit, quia à serpentibus fructuum prouentus vastatur atque deiicitur. Nisi citius passiones, quæ in te cernuntur, sustuleris, vlcus efficiunt, nisi que paruam putredinem curaueris, in infinitum excrescet: omnemque substantiam tuam corrumpet. Hinc illincque obruras vnum antrum: & serpens (quem diximus esse passionem) aliunde aperturam facit. Vnum aditum tu recludis: ille autem exitus varios parefacit. Ideo non pote-

Deut. 7.
Exo. 23. 33.

stis præualere passionibus, vbi diuturnum callum obduxerint. Propterea ne credatis agriculturam nostram esse fertilem: quia vastationi eam prædenter exposuistis. Diffluxit agricolatio vestra, & talem humanam existimatis naturam. De puritate ac castitate loquitur Scriptura, & aliò illius putatis spectare verba. Testatur rectè factis, & non creditis: admiramini verba, sed opere non declaratis; eaque vt Deus vobis in admiratione sit, duntaxat scripta arbitramini, & non propter suscepta certamina. Ita sunt segnes huiusmodi homines: hostium enim adiutores euadunt, & peiores iis sunt, qui nihil agunt & cessant.

Aduertite quid inimicus fecerit ipsi Iob, ô Monachi: & intelligetis, quâtis certaminibus instruebatur. Postquam enim exploratam sibi habet bestiarum atque serpentum obseruationem, simile aduersus simile concitat, vt religiosæ colluctationi tenebras offundat. Quosdam è monachis corrumpit, aliosque nondum corruptos violat. Si simile ceciderit ingenuus atque syncerus multitudinis reprehensionem non subibit. Nisi de medio sustulerit; perpetuum bellum habebit. Silepram contraxerit, etiam fœtorem participabit. Si repulerit, scandalum multorum peius ipsi erit. Istæ præcipuæ ac maximæ hostis sunt insidiæ, quando susceptam secum concertationem confundere nititur: hacque calliditate, duo sibi machinatur ac parat: nimirum, vt & securum hominem atque imparatum reddat; & vt, cum verè sit hostis, non tamen esse appareat: tertiumque graue ac intolerandum efficere in omnibus conatur, vt bona malis quam similima existimentur: huiusmodi autem rationibus, aduersatur veritati. Sic Adamum supplantauit: eodemque modo Caim euerit, illum per mulierem, hunc, per fratrem. Non habeo, quomodo lupi fraudem & calliditatem inuadendi exponam. Perterrefacio vos, ô Monachi, quo pacto sustinetis? & dum considero quæ vos patimini in acie dispositi, obstupesco. Rectè dixit Dominus, arctam esse viam, quæ ducit ad vitam. Nam ecce, angustia tanquam in speculo per orationem apparer. Acerba sunt præsentia Monachis, possessio inimica, voluntaria paupertas luctuosa, & bonorum abrenuntiatio grauis: continentia laboriosa, periculosa nimis accurata diligentia, & silentium mœrore plenum. Si repre-

henderit, debitor euadit. Si tacuerit, flaccescit in eo zelus Dei. Si loquatur, contrà: & cùm non loquitur, noxium. Nequit loqui veritatem: & cùm non loquitur, non sustinet. Simile opponit in omnibus draco: in inopia, mercaturæ utilitatem, in vigilia calumniam; in exercitiis, interemptionem; in oratione accusationem otij; in veritate, obreſtationem; in charitate, maledicentiam & contempTIONem; in artificio ac versutia, illius est virtus posita, & in habitu pietatem ac religionem simulat. Periclitatur Monachorum vita, ne dissoluatur: capita cum pedibus subsidunt, oculi cum manibus imbecilles sunt, possessio fidem exstinguit, vsusque à monastica exercitatione alienat. Humilitatem propria auctoritas violat: diuerſitque spem sollicitudo temporalium.

Quid in tanta similitudine, vos veri ac germani monachi, agetis? ubi effigiem eiusmodi effugietis? nunquid in solitudinibus? Et quo pacto? nam & ibi confusio dominatur. Præfecti, consanguineorum instar, sequuntur affectionem, nec quicquam fugiunt, aut in vlllo mutantur; non enim syluam habent sibi sociam: addite quæ intus sunt, & cognoscetis similitudinem in omnibus. Reijci non potest, quod est secundum virtutem: quamuis vulgus aliam inire viam iubeat. Corporis actio, animæ opus obscurat: & carnis cura, mentis examen obtundit. Non vacat conscientiæ mentem compungere, non properant cogitationes ad pœnitentiam, ad multa deploranda: ideo & ego ipse, qui vos legitimos verosque Monachos rego, aberro. Forma & imago captiuitatis, est præſens vitæ status. Si cuncta typum & veritatem continent: etiam bella, & quæ ex iis profiscuntur, ad umbram & veritatem referenda sunt. Si Elias dicebat se solum relictum esse: verum Deus multitudinem ipsi adesse indicabat. Et Ieremiæ tempore, ita intelligere debemus, quod non erat solus: nam & alij multi cum eo erant. Sic etiam de vobis credere oportet, serui Dei: esse nimirum vos, licet id non appareat. Nam erant, quamuis non apparerent, in Israël, Eliæ similes, qui apparebat. Perspicuum autem est illos & re ipsa fuisse, ac vos quoque, tametsi non apparetis: at pro viribus certè conamini. Noui aliquos eiusmodi, sed

3. Reg. 18.

planè paucos. Credo multos esse, sed non omnino adlabo-
rantes. Lugebat Ieremias Israël, propter obsidionem: & vos
similiter agentes, pro nobis intercedite. Confundimini pas-
sionibus vestris, sed nostram infirmitatem curatis.

Noui me à principio dixisse, animam facile in actiones dis-
trahi diuersas. Bonum quidē ac malum simul agere nequit
sed malum, boni specie exercet. Per ieiuniū inaniter gloria-
tur, & per continentia superbit: velle autem ac sectari pari-
ter humilitatē & superbiam nequit. Dixitque ista Dominus:
Non potestis duobus dominis seruire. De iis autem qui sub
pretextu boni, malum agunt: Lupi, inquit, sunt in pelle
ouium prodeuntes. Atque in illud respiciens, vt arbitror, ac
vitæ suæ consulens, fugit Elias in terram alienigenarum, ibi-
que mente quiescens, in virtute solus perseuerauit, neque
confusus, neque vile quid pertractans, neque contempnibi-
lem vitam degens, hospitis ac aduenæ instar: neque tanquā
ignotus esset, continentia duritiem emolliuit. Beati enim
perfecti: quoniam velut margarita, incontaminari quocun-
que in loco permanent. Beati mundi corde: quoniam instar
Solis etiam in tenebris resplendent. Non conspurcavit Iere-
miam cœnum lacus. Non nocuerunt Danieli leones. Non
detrimentum Tribus pueris intulit ignis Babylonicus. Ex
sensibilibus declaratur, lædere non posse aduersarios spiri-
tus. Si in Babylone sitis, etiam derentores ac dominos eru-
dite. Si in Israël occultati, & profugi: impietati deditos
coarguite. Intelligite cur in Hierusalem abscondi debeatis,
& in Babylone liberiùs loqui. Docebit vos regius Prophe-
ta Dauid, quippe qui cum Goliath hostiliter, cum Saùle
verò humiliter egit. Dic causam, cur ille vnctus Domini
factus sit: Goliath autem tanquam veræ religionis exper-
tem occidit palam? alios quoque annuntiantes mortem
Christi Domini peremit: aliquibus verò etiam, quibus mors
debeatur, perpercit? An oportet vobis dissoluere ænigmata
aut potius vobis ipsis ea relinquere? Sed quid simplices
facient, quibus illorum ignota vis est? Vos, vt dixi,
etiam experientia & vsu ipso nostis plura: at qui vobis
succeedent, explicatione indigebunt. In Ecclesia: sicut Pro-
phetæ in Hierusalem, tacere oportet: Inter nos autem,
quibus id onus imponitur, veritatem eloqui profuerit.

*Matt. 6.
Matth. 7.
3. Reg. 19.*

*Ierem. 37.
Dan. 3. 6.*

1. Reg. 17.

Inter Sacerdotes, vel sapientes, piosue atque religiosos, humiliter sentire oportet, vti fecerunt Prophetæ: apud eos verò, qui reprehensione indigent, dissimulandum non est. Si delecti & comprobati magistratus à Domino, nos persequuntur, fugiamus: Sin autem tyranni huius seculi: cum Daniele, liberius alloquamur eos. Si quis pietatis cultoribus detrectauerit, pro mortuis tales ducamus, propter eum qui suos ministros elegit. Sique in rudium hominum peccata, quosdam se inimicos præbere contigerit, parcamus illis, propter ingenuitatem. Nos ipsos penitus non vlciscamur: sed instar Davidis Regis, spernamus damnum.

De pauperum ministerio diligenter exploremus, cum Apostolis. De splendida mensa minùs simus solliciti. De sancta oblatione, cum Moyse sollicitè cogitemus. Eos qui ventrem solum curant, aspernemur. De hospitum ac peregrinorum saturitate, cum Abrahamo diligens studium adhibeamus. De ratione indulgendi & compatiendi fratribus, sedulò indagemus: Indulgere autem infirmis, non recusemus, sicut Apostolus cum Corinthiis egit. Si ex necessitate, viuendi rationem mutare oporteat: par erit ac rationi consentaneum, idagere. De nobis autem ipsis, nimis anxie cogitare, non expedit. Imò quando oportet, ne nobis quidem parcamus: si fortè nos ipsi ac valetudinem nostram curamus vt indigentes. Si quando autem infirmitate vincamur, ne despondeamus animum. Si verò rectè egerimus, ne efferamur: in vtraque enim mutatione sperandum est. Fratres instituamus, tanquam condiscipulos: delinquentes verò dirigamus, quasi illorum doctores. Mundo deditis ne obsumus, contemnendo eos: opinionem verò sententiamque pietatis, re ipsa doceamus. Cum hilaritate alios adhortemur, & decentibus moribus vnà cum iis vitam agamus. Non abscondamus gloriam Dei: neque vitæ nostræ rationem ostentemus. Non agamus tanquam simplices, sed loquamur velut simpliciores. Non studeamus apparere callidi atque arguti: sed quasi prudentes, discendi cupidi simus. Non præbeamus nos curiosos in conuersationibus: sed neque stultos in responsionibus. Non simus industrii nimis in propriis: quin magis nos diuinis confor-

2. Cor. 9:

memus, neque tamen, si per orium liceat, omittamus Dei ministerium. Si vtrumque honestè ac rectè præstare possimus: ne vnum pro duobus statuamus. Si bono aliquo impediatur melius: non colamus id quod minus est. Loquamur quando oportet, vt cognoscamus loquentes dum non oportet. Silentium seruemus cùm oportet: vt quietis intelligamus vtilitatem. Opus laboribus meriamur, & quiesius sit fructus, discernemus. Lucrum quod satis sit, honestè amplectamur: & quod sit exercitationis commodum, cognoscemus.

Si nimum laboremus, causas insatiabilitati præbebimus. Si abundantiam delectamur, in egestate faciliè capiemur. Si desideramus accipere, non reculemus etiam dare. Si ad munera libenter respicimus, ad iustitiam non libenter respiciemus. Quando quispiam aliquid tibi propter Deum dederit, accipe quasi acceptum Deo referens. Quando quis pietatis obsequium tibi præstiterit, paria præstans, ad reddendam rationem non teneberis. Si quid ab alio acceperis, palam accipito: avaritiamque effugeris. Si quid dederis, occultè dato: & inanem gloriam euitabis. Si non passus fueris te induci ac capi adulationibus: nec conuiciis quidem turbaberis. Si affectu inordinato, non præbeas: ne inordinatam quidem affectionem recipies. Si ad famam captandam, in alios beneficia non contuleris: neque laudatus extolleris. Quos honore afficis, non compensationem ab iis expectas, neque honorem repetas. Quos obseruas, non propter diuitias reuereris: & assentatorem non ages. Quos amas, non vtilitatis alicuius causam amorem ostentaueris, & nihil fucatum erit. Quos tibi vindicaueris, non tui gratiam eos tibi quæseris: & proprii amoris venenum euitabis. Si propter Deum benefeceris: noueris singulos quibus digni sint. Si legitime ambulaueris: noueris impostores, ac viæ occupatores. Si ex affectu, par pari reddideris: etiam pietatem sicut oportet, coles. Si peccando laboraueris, cognoscas quietem, bene operando. Quod si reprehensionem lubens acceperis: amanter etiam alios reprehendes. Si conuicia sustinueris, viam longanimitatis atque patientiæ nosti. Si malitiam aliorum pertuleris, benignitatis libertatem agnosces. Si imprudentem supportaueris, prudentem quo-

que cum reddere poteris. Nisi verbis inanibus commouearis: ne opera quidem inania facies. Nisi stultorum insipientiam oderis, non corriges animam. Si proximum non amaueris, nec quomodo te ipsum diligas, nosti. Si iustum non honoraueris, nec diuinum cultum intelliges. Si non dederis indigenti, nec hominem te esse agnosces. Quando mortuum luxeris, tuæ naturæ recordare. Quando de peccatoribus gaudes, perfectionem meditare.

Quando virtutem aliquam addiscere eniteris: tunc intellectus tui atque ingenij tenuitatem considera. A Sanctis discito: & diuinam gratiam ad executionem efflagita. Considera naturam vitij: & Deum in adiutorium require. Intellige naturam tuam, & noli à diuina gratia separari. Per ignorantiam in aliquo errasti: noli conflictari macerore, quippe homo. Rectè aliquid egisti: supra quàm hominem decet, ne te iactes. In prosperis successibus ne glorieris, neque de erratis desperes. Propter diuinam gratiam ne efferaris: & ad impietatem non deturbaberis. In gloria non extollaris: & in desperationem non incidēs. Mendacium, vt draconem fugito: & in paradysum introibis. Noli citò iis quæ dicuntur fidem habere, neque cuius dicenti assentiri. Tardiùs promitte, & citò promissa perage. Tardè crede, & celeriter vera loquere. Contende, vt apertè rem percipias, non vt iudices, sed vt ne damnes: potiùs autem tardior ad iudicium esto. Si enim assensum & iudicium cohibes, te ipse miseraberis. Noli contendere iudiciis, & eum qui in iudicio laborat, ne repudies. Si iudicis personam gesseris: velut consiliarium te præbe. Si ad consilia hortator extiteris: tanquam pater benevolentiam præsta. In consilio tuo, sententiam ne tuleris ignorans arcana Dei. Dum quidpiam enarras, noli multum asseuerare: sed potiùs dubitationem significa, nec facilè in verbis reprehendi poteris. Doce vt didicisti: & auditoribus eris utilis. Quæ ignoras, eadem pro dubiis enarra. Et si cecideris, saluus atque incolumis resurgas. Mori potiùs elige, quàm inuidiæ te seruum reddere. Damnumque iurijurando præponendum puta: non enim inulta relinquetur impietas. Srenuè atque efficaciter bonum amplectere, & similiter malum detestare. Si necessitate coactus iuraueris, firma ac certa tibi erit excusatio. Si ex necessita-

te iudex euaseris; iudicij condemnationem effugies. Si corripiaris, defende te vt homo. Si mente concideris, naturæ afferes excusationem. Præstat vt insipientem iudicari, quàm vt sapientem condemnari; satiusque vt inexpertum repudiari, quàm vt expertum sæpe causas agere. Si mentitus fueris, confitere. Si passione commotus fueris, ne celaueris eos qui te audiunt. Si tibi alicuius rei conscius es, ne degas absque sollicitudine. Si non adsit laborum socius, tanquam solus plura elaborato. Quod duo vel tres debebant facere, tu grauatim & ægrè ne feceris.

Noli hominibus occultare delicta, quibus es obnoxius. Te ipse verò, hoc est, quæ ad laudem tuam pertinent, occulta vt oportet. Ne Deum celaueris errata tua: ne & ipse abscondatur à te, tempore necessitatis. Noli gloriari de iustitia: ne de perfectione eius condemneris. Non glories de prudentia: ne super præsumptione examineris. Opta potius inuadi gladio, quàm iracundiâ corripì. Magisque elige, animi iracundiam comprimere, quàm illam ostendere. Præstat supplantari, quàm supplantare. Si verò diuinâ munitus fueris gratiâ, nihil patieris. Prospice futura, quippe qui rationem sequare: & præsentia obserua, vt mortalis. Amicos proba, & inimicos concilia. Modestè reprehende: & piè simul cum aliis res contrahe, atque versare. Nec malos prorsus reiicias: neque bonos semper collaudes. Noli esse conspicuus & insignis in vtramque partem, laudandi scilicet bonos, & reiiciendi improbos: sed neque sententiæ ipsorum nescius. Inordinato atque immoderato affectu ne diligas, atque ita fiet, vt non sis exosus. Non sis curiosus indagator: & nemo te suspicabitur inimicum. Non studeas cunctorum res nosse: atque ita te ipsum nemini venditabis. Noli omnium negotia intelligere: ne detrimentum accipias. Non incumbas plus æquo in cognitionem mysteriorum: & proditor non existimaberis. Si tui causâ sit pugna, noli sollicitè inquirere rationes. Si quis inter repugnandum tibi quid affinxerit: noli illum irritare. Si quiste amicus roget de vindicta: ne illi præsto sis. Si inimicus comminetur tibi, ne concidas animo. Si dolum consideraues: non protinus reprehendas. Si multorum intellexeris insidias: ne per asperam occurras eis viam. Si turba in te insurrexerit: ne con-

fidas

fidas verbis tuis. Si in malignos incideris : ne viribus tuis fretus , refistas. In turbæ diuisione , ab initio te mediatorum non constituas. In pugna potentiorum , ne sis inter eos.

Iuniorum immodestiam ne lustres remissè , sed seuerè. Ad verba otiosa , noli relaxari : & ad narrationem inordinatas affectiones continentem ne confederis. Ex risu , delectationem non capias : nec in te segnitiam seminaueris. Scurrilibus non oblecteris : ne in mentis distractionem digrediaris. In plateis ciuitatis , non inueniaris frequens : ne animo deprauatè affecto abscedas. Multorum congressus oderis : quia confusionem animæ pariunt. Silentium ama : vt in te , magistri instar , sit conscientia. Fuge multiloquium : ne reddaris obliuiosus. Fuge conuiuia : ne fornicator etiam sine fœminis euadas. Superfluas conuersationes reiiice : ne Iudex efficiaris iniquus , citra auctoritatem eius. Deuita mulierum colloquia : ne etiam polluantur somnia. Ventrem continenter non cures : ne hinc mentem tuam obtenebres. Non multa edendo sumas : ne carnem tuam citò in limum conuertas. A recordatione ciborum , & epularum exquisitarum cum hospitibus , abstine : ne impuris affectibus perturberis. A mensarum oblectatione abstine : ne & lasciuia efficiaris parasitus. Secretum pete plerumque : vt dum fuerit cum aliis congregiendum , atque versandum : vtriusque rei , hoc est , solitudinis & humanæ consuetudinis vtilitatem intelligas. Non quibusuis fidas : sed cum omnibus , qui velint , congregere , & conuersare. Conuersationem non protrahas : ne quietis obliuiscaris. Collocutiones & congressus non extendas : ne interea diuini colloquij detrimentum patiaris. Dum non oras Deum , in quietis silentio aliquid lege. Dum autem diuinam Scripturam aggredieris : tanquam qui relaturus sis quæ audieris , meditare. Quando Deo te sistis : cogita eos qui Principibus terrenis ministrant : atque ex seruis & dominis , tuam illam præsentationem considera. Ex discipulis & magistris , ea quæ Deo conueniunt , addisce , & ab amicis terrenis edocearis , quo pacto te debeas exhibere ipsi. Ex necessitate carnali , etiam animæ indigentiam æstima. Quale cernis in necessitate corpus : idem de mente intellige ac anima suo nutrimento destituta. Sicut ad infirmitatem , sic.

ri mutationem consideras : etiam menti suam mensam appone. Sicut es diligens cultor agri : ita esto & animæ. Vt naturalium es debitor : ita sis & pietatis. Velut œconomus es sanitatis : sis quoque animæ. Tanquam filiorum curator : etiam bonorum satage operum. Vt seruorum præfectus : ita esto & nothorum atque degenerum. Vt spectator ciuitatis : virtutis quoque curam gere. Sicut volucrum gubernator : etiam perturbationes contuere. Tanquam moderator effertarum belluarum , esto quoque ferocientibus passionibus. Instar Pastoris , carnem tuam , rerum necessarium vsu curato. Vt thesauri custos , ita esto & in fide. Vt prudens dux exercitus , sic etiam aduersus hostilia decerta. Sicut pugil celebris , ita & certa , ne inglorius discedas ex pugna. Instar sapientis magistri , à superueniente non improberis. Instar boni militis in certamen cum aduersario prodi. Vt prudens architectus : viros tuas experire. Sicut sagax œconomus : intellige fructuum tuorum copiam atque præstantiam. Instar veri mercatoris , considera negotiationem tuam. Tanquam beneuolus famulus : cura quæ debentur. Carnis refrænationi attende : ne sessorem suum , mentem in periculum præcipitet. Ad membra tua , vt reprehensor respice : ne virtutis pulchritudo marcescat atque depereat. Fac vt præsis tuis sensibus : ne instar armorum belli , rubiginem in corruptionem admittant. Animam diligenter considera : ne ex insidiis prodicionem sustineas.

Enitere , vt diuinam gratiam iugiter in mente tua habeas , ne illudaris. Cole illam , vt custodem tuam , ne iniuriâ affecta relinquat te. Venerare illam vt magistram tuam inuisibilem , vt ne illa absente verferis in tenebris. Sine illa noli certamen inire , ne turpiter intereas. Sine comitatu illius , virtutis semitam ne ingrediaris , nam draco rugiens insidias tibi struet. Absque consilio ipsius , non tractes quæ ad animam pertinent ; multi enim sunt , qui specie recti mentem deprauant. Illa tibi nauiganti nisi adfuerit , vani labores tui erunt. Hac nisi aduersus inimicos tuos inunctus fueris , multis frustra susceptis laboribus , turpiter victus lugebis. Illam nisi sociam tibi habueris , dolos serpentis ignorabis. Cum promptitudine igitur animi , morem ipsi gerito , & cuncta tibi perspicua reddet. Studiosè præ-

cepta illius imbibere, & citò absque vlla sollicitudine eris. Illam tibi familiarem atque domesticam facito, & consuetudinem eius honorificam experieris, nec te illudet. Sororem tibi adsume illam (vt monet scriptura) & semitam patris ostendet tibi. Filium altissimi efficiet te, si illam tibi sororem adiunxeris. Instar matris, vbera præbebit tibi, & velut infantem ab insidiatoribus custodiet te. Tanquam paruulum incautum gubernabit te, & in virum perfectum te formabit. Amori eius atque indulgentiæ fidem adhibe: ea enim omnis creaturæ principium est. Nondum eius erga te amoris vim cernis, quoniam & lactantes pueruli, matris erga se ignorant sollicitudinem. Patiens esto, & illius te submitte consilio: atque ita eius fructus, vtilitatemque percipies. Nesciunt quomodo nutriantur, & infantes; at ubi paulatim crescendo adoleuerint, virique euaserint, naturæ vim in se admirantur. Sic & tu, si in diuina gratia perstiteris, ad perfectionem peruenies.

Quod & ex Ioseph intelligere potes, dum oues pasceret; non enim subito ipsum ad summa perduxit, sed multis quasi præparationibus exercuit. Non agnoscebat adolefcens quid fieret, sed se ab illa regi sinebat, vt vellet; quando autem diadema illi vt regi imposuit, tum demum vtilitatem eius intellexit: quando in regio eum solio collocauit, tunc ideo se captiuum fuisse rescituit, vt ab ea exploraretur. Sicut mater filium docet; ita illum per patientiam gratia Dei pietatem edocuit. Vt magister proprium filium instruit: sic illum gratia, in seruitute exercuit. Quemadmodum pater filium percutit, vt fiat sapiens; sic ea ipsum laboribus obiecit. Bonis eius consiliis ille morem gessit, & vt filius primogenitus ab ipsa honoratus est. Ostendit illi gratia cuius naturæ esset, & filium iam effectum, regem constituit. Simul cum illo regnauit, & ideo ad finem vsque eum direxit. Non illum reliquit in principatu; quia nec ipse ab ea deflexit, cum tentaretur. Honoris & æstimationis eius studiosa fuit; quia & ipse illam in necessitate coluerat; eius correptionem, vt matris tulit, & decoris illius hæres est factus. Ipsi tanquam magistræ reprehensionem pertulit, & doctrinam atque sapientiam rerum inuisibilium acquisiuit. Quæ ad singulos pertinent, antea nesciebat; & obediens ei, cognouit

quæ ad homines spectant vniuersos. Quid ageret ignorabat, & ad extremum, ipsis etiam Regibus, quæ facerent, suasit. Vbi versaretur, vix intelligebat, & quid quouis tempore cunctis euenirum esset hominibus, prænuñtiavit. Quousque alieno subderetur imperio, ignorabat: & quàm longa adhuc atque acerba restarent tempora, apertè respondit. Quoddque absque gratia, nemo vnquam ea viderit, quæ oculis cerni non possunt, ex iis quæ ab eo gesta sunt, facile constare potest. Sapientes erant Ægyptij, sed absque ea, stulti & insipientes. Videbantur & rerum sub aspectum non cadentium, velut incantatores, tenere scientiam; verùm illorum scientia, inscitiz & tenebrarum erat plena. Affirmat & Paulus, spiritalia nequitiz esse, vt discamus & eos, rerum quæ oculis cerni nequeunt, scientiam habere, at incertam & impropriad, quoniam nihil planè norunt. Discere quoque licet ex gestis Ioseph, quodd gratia Dei quascunque res superet inuisibiles. Hanc nihil later, & idcirco qui illam sibi vendicat, non succumbet tentationibus. Ipsa autem latere nequit: est enim lux, quæ à tenebris non comprehenditur. Et Paulus, de iis, qui Ioseph sunt similes, loquens: Spiritallis, inquit, homo omnia iudicat, ipse autem à nemine iudicatur. Si quodnam sit Dei iudicium sciremus, mundi iudicium damnaremus. Magistri stultorum erant Ægyptij, quos & Ioseph ne bonos quidem discipulos esse posse ostendit. Si enim magistri fuerint insipientes ac stolidi, multò magis discipuli ipsi tales erunt. Quibus nulla vis est, verbis illi videntur bene sonantibus. Et meretrices, licet deformes, fucum ad fallendos homines adhibent. Ioseph iuuenis erat absque literis, tamen diuina adiuuante gratia, senes Ægyptios superauit. Apostoli etiam idiotæ erant & illiterati, sed & loquaces Pharisæos vicerunt, cùm dicerent: Si iustum est non loqui quæ nouimus, aut non facere quæ ad curam atque medelam hominum didicimus, vos iudicare? ad quæ illi subtricerunt. Eadem gratia & in Sanctis fuit. Spiritus enim sanctus, inquit Christus, docebit vos omnia, quæ ventura sunt. Quin & Apostolus affirmat nos Dei spiritum habere, per quæ omnia nouimus. Non habemus spiritum mundi, quo quidè spiritu edocti sapientes Ægypti, nihil sciuerūt. Neque mirandum, quodd spiritum, etiam mundi spiritum appellarit:

Gen. 4^a.

Ephes. 6.

Iam. 1.

1. Cor. 2.

Gen. 41.

Hidem,

Mat. 4.

Iam. 36.

1. Cor. 2.

nam & homines, & bestię animam habere dicuntur. Non infert præiudiciũ gratiæ Dei, nomen: non enim ex nominibus censetur res, sed ex rebus nomina.

Intelligite ex iusto Ioseph, per tentationes nos oportere ad agnitionem pulchritudinis gratiæ Dei peruenire. Noui permultos optare se gratiæ filios esse; sed quid illis prodest velle, nisi accedant & facta? Multi etiam per fidem, gratiæ filij sunt appellati; sed non multi propter negligentiam illâ porientur. Non omnes postquã viri euaserint, suas matres reuerentur. Itidemque gratia licet multos enutrierit, à paucis tamen honoratur. Pariendi dolores, laboresque educationis non omnes intelligunt. Ita & pauci sunt inter nos, qui bene ad gratiæ sint munus affecti. Si noscere cupitis quid operetur gratia, nobis id optimè declarabit Ioseph. Cunctorum & bonorum & malorum curam gerit, vt benigna mater. Quapropter & Ægyptios sustentauit. Paucos hæredes habet, quorum delectetur consuetudine. Eosque, si à recta vitæ semita deflexerint, adhuc sustinet. Sin se impios ostenderint, auersatur: nec tamen sua ipsis recludit viscera, ne moriantur. Quòd si talem se gerit erga ingratos, cur consuetudinem eius subterfugimus? Si erga contumeliosos benignam se exhibet: quare non intelligimus ex eo, quòd vniuersas bonitatis suæ diuitias in amantes effundat? Quare si aliquando sese occultet, desidiæ atque torpori ne succumbamus: & si nos tentari permittat, animum ne abijciamus. Quid expediat nobis, optimè nouit. Naturam atque mensuram cuiusque exploratissimam habet: & quantum cuique satis est, largitur. Beneficium quandoque differre videtur atque suppressere, quod nobis ita expediat. Querimonias nostras tolerat, vt solent medici, cùm ægrotantibus vsum vini ac cibi auferunt. Intelligite quæ dico, ne in rebus clavis tempus conteram.

Quæ sit gratia, quæ natura, quæ cognitio, quæ electio, quæ firmitas atque constantia, quæque communicatio, spero, nostis. Ipseque Paulus adstruit gratiarum esse diuisiones, easque ad vtilitatem singulis distribui. Ne igitur desistamus, non accipientes; neque cùm accipimus, similia requiramus. Ne propter varietatem donorum, vtrũ eadem sit gratia, dubitemus: Verũ tempora & conditiones ho-

2. Cor. 12.

minum, moresque attendamus oportet. Neque nunc Ægyptiis dominatur, neque fame premitur Chananæus. Non est in terris iam iustus Iacob: neque Israël's populus, qui sit egressurus Ægypto, ut Chananæi adeat hereditatem. Non fratres pastores, non mercatores Madianitæ, non Ioseph coniector somniorum. Ex reliquis tamen sacrorum voluminum locis, & eandem esse fidem, & eandem esse gratiam credimus. Si enim cuncta eiusdem essent generis atque similia, tunc res non providentiâ, sed naturâ sic disponi censeremus. Abel acquisiuit gratiam, quippe qui per proprium sanguinem moriens, Deo coniungi meruit. Enoch translatus est, ne videret mortem. Et Noë in gratia saluatus est à diluvio.

Magna in præsentis vitæ statu cernitur varietas, quoniam & diuersa est electio. Ex gratia, probationis etiam differentiam intelligemus. Non iisdem omnes subiecti sunt tentationibus, quia nec eodem omnes præditi sunt ingenio. Vna quidem cunctis corona est proposita, sed ad quam variis certaminibus contendimus. Idque ex nauigantibus in mari, intelligere licet. Vnum est mare, sed nauigantium cursus est diuersus. Naues cunctæ sunt similes, sed quædam etiam secundo vento vtentes, naufragium faciunt: aliæ verò summis periculis iactatæ, saluantur. Et multæ ab vno eodemque vento diuersimodè commouentur. Loca enim & promontoria, ventos mouent & fluctus, ipsamque gubernatorum artem nunc impediunt, nunc dirigunt. Non parum etiam refert, cuius formæ sint naues, quæque earum vela, & quæ gubernacula, ut vel hinc vobis innotescat, quis præsentis vitæ nostræ sit status. Si quid adhuc iam dictis addendum videbitur, vos supplete. Ego enim ut artis imperitus, parendi desiderio adductus, quæ sciebam scripsi, licet fortasse paulò arrogantiùs; quod tamen citra omnem indignationem, boni consuletis, spero. Cum enim recusare non possem, quæstionis partem aggressus sum, quam dum accuratiùs explicare vellem, par est me lapsus esse. Non nego infirmitatem naturæ, non de operibus meis glorior, non repeto similitudinem. Sermo meus, vester est minister. Si vita non comprobatur orationem, admonentem excipite. Esto sermo meus vestræ speculum naturalis actionis. In illo tan-

quam in pellucida materia virtutem vestram cernite spiritalem. Miramini vos ipsi recognoscetes, & scribentis errata reprehendite; quæ orationi defunt, factis corrigite. Imperitiam arguite illius, qui virtutis formam describere non vereatur. Respuite hominem, qui verbo imperfecto, virtutis perfectum exprimat simulachrum; studium ac bonam voluntatem agnoscite, & ignorantia parcite, imperitiam cognoscite, & studium ne rejicite. Et quia ex paupertate mea vobis quod potui libenter dedi; vos ex diuitiis vestris, precationis & paternæ charitatis munera nobis abundanter rependite. Ego quamuis inops, diuitibus mutuam dedi; non sortem volo, sed scenus repeto; non laudes, sed preces deposco; non mercedem, sed mutuam benevolentiam exigo. Nescio an opus meum iussu vestro dignum sit: Noui autem, onus hoc mihi à vobis impositum; non quòd admonitione indigeretis, sed vt in me potiùs liberales essetis. Qui fontem habent, guttâ non indigent. Non egent lacte, qui gregem pascunt. Qui panem frangunt, micis non habent opus. Qui mel conficiunt, iis non est necesse, vt mellis saporem explorent. Qui margaritam possident, illis vt vilem acquirant obolum, non est laborandum. Vos ex agro vestro quem colitis, fructum nobis aliquem afferte; quoniam paradisum obtinuistis. Præbete animæ cibum, quos lignum vitæ sustentat. Quemadmodum enim ea quæ videntur, caduca sunt: ita & nostra ad vos oratio. Sed vos ista operibus perficientes, sempiterna reddite.

2. Cor. 4.



S. P.

E P H R Æ M

DE PANOPLIA, SIVE ARMATVRA SPIRITALI.

AD MONACHOS.

*Armatura
spiritualis,
qua,**Fides,*

ANOPLIAM siue armaturam eiusmodi possidere debet, qui viriliter pro Christo decertare constituit: vt eâ munitus, possit & aduersario nostro diabolo resistere, & in conspectu Dei Saluatoris nostri placere.

*Matth. 16.**Marc. 11. 22.**1. Cor. 12.*

Quæ autem talis sit armatura, ausculta Monache, & dicam. Pro thorace, fidem assume, vt granum sinapis, credens in consubstantiallem atque indiuiduam Trinitatem: nam sinapis granum leue prorsus, ac rotundum est, nullam habens scissuram, nullum angulum: sed (vt iam diximus) omnino rotundum est, contritumque feruorem habet insignem. Eâ frater Princeps Apostolici ordinis Petrus, cum Filium Dei viuissse Christum Iesum confessus esset, clauis regni cælestis accepit, potestatemque cælestium, ac terrenorum omnium obtinuit. Hanc igitur perfectam Panopliam atque armaturam tibi vindica, frater: vt & tu gratiam à Deo accipias. Qui enim eiusmodi fidem perfectam, consummatamque charitatem habet, planè aliquam gratiam promerebitur. Quod etiam Dominus insinuans, dicebat: Si habueritis fidem, sicut granum sinapis, dicetis monti huic: Tollere, & mittere in mare: & fiet vobis. Vides, quòd gratiam promeretur fides? Datur ei spiritus intelligentiæ, munus profectò singulare: cum enim quis credit, tunc etiam intelligit. Datur ei, vt non iudicet proximum, deinde sermo Sapientiæ, postea gratia curationum; curat enim infirmos fide, & erigit lapsos corde; hæc enim omnia operatur

operatur vnus, atque idem spiritus. Ceterum sunt plerique fidem habentes, operibus destituti: sed ista non est fides, mortua est enim: fides enim sine operibus mortua est. Qui ergo fidem habet, & operatur opera ipsius: ipse fidem habet, & vt granum sinapis, feruentem. Hanc tu posside, mi frater: & esto sanus ac integer fide, feruensque proposito ad mandata Saluatoris nostri exequenda; vt & tu ab illo vocem illam audire merearis: Euge serue bone & fidelis: intra in gaudium Domini tui. Bonum quippe propter opera: fidelem autem propter fidem Dominus appellat.

Iacob. 2.

Matth. 25.

Assume quoque pro galea, spem futurorum bonorum, quæ oculus non vidit, nec auris audiuit, nec in cor hominis ascenderunt: in quæ desiderant Angeli prospicere. Hæc enim spes, potentissima consolatio est animæ, inter afflictionem ac molestiarum suarum aculeos: eiusque memoria te lætitiâ implebit. Huic intenti beatissimi Martyres Christi inter aculeos & horrenda variaque tormenta, inter ignium globos, promptè omnia ac libentissimè tolerabant, summa spei virtute corroborati. Hanc sibi Moyse remunerationem ante oculos constituens, renuit se Regine filium dici, cunctis illam Ægyptiorum thesauris præferens, & præstantiorem esse decernens: quare etiam affligi maluit cum populo Dei, quàm temporalem peccati perfruitionem habere. Hanc tibi spem, mi frater, assiduè ante oculos pone: vt illius affectus, nihil te labentium rerum quidquam existimare permittat: neque id solùm, sed & promptiorem ad omne opus bonum assurgere faciat.

Spes.

Exod. 2.

Balthei porro vice, accingere perfectâ in Deum charitate, atque in proximū: hæc enim te absque vlllo impedimento currere faciet. Nā qui baltheo accinctus est, omnia facile, & absque vlllo impedimento transiliet: quantò autem magis quis se Diuina charitate præcinxit, cuncta ingenti felicitate superabit? Charitas enim omnia tolerat, omnia sustinet. Ideo plenitudo legis, est charitas. Hanc quippe beatissimus possidens Paulus, dicebat: Quis infirmatur, & ego infirmor? Quis scandalizatur, & ego non vror? Vidisti indulgentiam atque compassionem charitatis? Vidisti miserationis affectum? O beate Paule, cur, obsecro, ita propter me angeris? nunquid tu pro me supplicia passurus es? Tu semel cursum con-

Charitas.

1. Cor. 13.

Rom. 13.

2. Cor. 11.

*1. Tim. 4.**1. Cor. 5.**1. Cor. 12.**Humilitas.**Psalm. 21.**Psalm. 25.**Psalm. 112.**Psalm. 10.**Matth. 5.**1. Pet. 5.**Cruz;*

summasti, fidem seruasti: tibi que reposita est iustitiæ corona: quid ampliùs quæris? cur te ipsum affligis? & propter me cur infirmaris? Ita sanè, inquit, vrget me charitas. Vidisti ergo charitatis eminentiam; Is, qui per eam impleuerat legem, mortali adhuc & corruptibili indutus corpore, vsque ad tertium cælum ascendere meruit, & audire verba, quæ non licet homini loqui.

Iam pro calceamento, sume tibi humilitatem; nam quem admodum calceamentũ calcatur continuè: ita & quem sancta repleuerit humilitas, studet ab omnibus conculcari. Et tu igitur, frater, humilitatem posside: hæc siquidem calceamentum est, non carnale, sed spiritale: custodietque te, ne vnquam offendas ad lapidem pedem tuum: lapis enim Christus est: humilitas tua custodiet te, ne offendas Christum. Nempe enim & beatus hanc David possidebat, cùm diceret: Ego sum vermis, & non homo. Vides Regis ac Prophetæ regiam sanè humilitatem, aspiciebat coram se Dominum semper: quoniam à dextris eius erat, custodiens eum, ne commoueretur, hoc est, ne in peccatum laberetur. Vides hinc, dilectissime, quantum Deus humilitatem diligit, qui sic appropinquat possidenti illam, semperque in illam contuetur. Sicut scriptum est: Qui in altis habitat, & humilia respicit. Et rursus: Oculi eius in pauperem respiciunt. Pauperem verò dum audis, charissime, noli pecuniis pauperem intelligere: nam & Reges plurimi placuerunt Deo, ac multi pauperes perierunt: Sed inopem hinc dicit spiritu pauperem; secundum quod scriptum est: Beati pauperes spiritu: quoniam ipsorum est regnum cælorum. Ita, dilectissime, humiliare sub potenti manu Dei; vt te exaltet in regno cælorum, quod Saluator noster repromisit humilibus.

Ceterum vice scuti, crucis signo te ipsum muni: signans eo membra tua omnia, & cor tuum. Neque verò sola manu te signes; sed etiam animo: & studia tua, & ingressum tuum, & exitum tuum, in omni tempore: sessionem quoque tuam, & resurrectionem tuam, & lectulum tuum, & quæcunque pertransis, signa primùm in nomine Patris, & Filij, & Spiritus sancti. Validissima quippe eiusmodi armatura est: nullusque tibi vnquam nocere poterit, si eam munitus fueris. Nam si quis terreni Regis signaculum defert, eum lædere

nullus audeat : quantò magis nos , qui tale cælestis Imperatoris signum ferimus , neminem metuere possumus : Hisce ergo armis , mi frater , affatim vtere : sunt enim vehementer contraria telis inimici , imo & ipsius gladio amarissimæ scilicet , grauissimæque iracundiæ. Huiusmodi quippe , velut anceps gladius , vno momento perimit eum , quem percutit. Sicut scriptum est : Momentum enim furoris , ruina illius. Ideo , mi frater , nunquam signari negligas : & laqueos destrues , quos tibi tendit diabolus. Scriptum quippe est : In via hac , qua ambulabam , absconderunt laqueum mihi. Hoc igitur te signo assiduè munias , & malum non appropinquabit spiritui tuo.

Ecdl. 1.

Psal. 33.

Pro arcu , ad orationem manus tuas extende , sicut scriptum est : Et posuisti vt arcum æreum brachia mea. Verè enim arcus æreus est contra inimicos , expansæ in oratione manus in scientia orantis , sicut etiam sagitta directè emissâ ab eo qui arcum vibrat. Nam si inter orandum animum vagari permittas : eris velut qui tenet quidem arcum : verùm sagittam contra aduersarium dirigere nequit , illam in vanum nullâ certâ intentione emittens. Atque interdum quidem hosti terrorem incutit huiusmodi vulneris metus , dum te arcum vibrare considerat : ceterùm sagitta non aduersus eum , sed in infinitum emittitur. Eiusmodi quoque est quod dico , fratres , cùm quis in scientia orat , nec sinit euagari cogitationes suas ; sed intelligit , quem interpellet , quem alloquatur , & tunc oratio illius Deo appropinquat. Et tunc vehementer contristatur inimicus , veluti acerrimo spiculo in corde percussus. Nam quantò per gratiam anima ampliùs proficit : tantò ipse , tanquam pulvis ante faciem venti effectus , magis profugit : persequitur enim illum Angelus Dei. Ecce , qua in re illum acriter vulnerat , quia scilicet orat in scientia , roboraturque , quia cogitationem captiuat , nec euagari permittit. Et tu ergo , mi frater , etiam in scientia orationes funde. Quòd si dum oras , mens tua distrahatur , siue per oculos , siue per aures , siue per cogitationes , aut per quamcunque aliam causam : scito hoc ipsius inimici esse opus.

Oratio.

Psal. 17.

1. Cor. 14.

Neque nimium etiam festines tuam implere orationem : ceterùm te ipsum paululum coargue , rursusque animum

tuum collige; atque ita demum in scientia ora, ut scias pro quibus Deum postules, & cur ipsum ores: ne perperam superflua, ac multa verba effundas. Etenim illud Satanæ opus est, ut cogitationem in infinita iaculetur, nec sinat hominem in ea persistere postulatione, quam imperrare contendit. Nouit quippe, quod si perseveret homo deprecans; exaudiet eum qui fecit illum, etiam si innumerabilia peccata commiserit. Propterea ergo multiloquium, verbaque otiosa ac superflua suggerit: ut mens ab intentione repulsa, per infinita distrabatur ac euagetur. Sic enim iam alia respicimus atque cogitamus, & loquimur in mente nostra, expansis manibus carnis. Quapropter, mi frater, quod urget magis, quæque in omni tempore tibi magis necessaria sunt, ea à Deo postula. Considera enim duos illos cæcos ad eum accedentes, atque clamantes: Misere nostri, fili David. Et quid ad illos Dominus? Quid vultis (inquit) ut vobis faciam? At illi, secundum dolorem & affectum cordis sui, petierunt ut aperirentur ipsis oculi. Nunquid petierunt sibi donari aliquid etiam earum rerum, quibus reuera indigebant? Nunquid dixerunt: Da nobis vestimentum: quoniam pauperes sumus? Minime verò: sed illud postularunt potius, quod magis urgebat. Respice & Chananæam post illum clamantem, atque dicentem: Misere mei Domine: filia mea malè à dæmonio vexatur, nihilque aliud protulit, quàm dolorem, & affectum cordis sui. Similiter & omnes quicumque ad eum accesserunt; quid aliud, quàm sui cordis angores ei exponebant? Illa quoque hæmorrhœissa, siue quæ sanguinis fluxum patiebatur, nonne sistendi maximè fluxus ipsius causâ, illum adiit? Quis obsecro infirmus accedit ad medicum, & non vulnus suum mox illi aperit? Et tu igitur, mi frater, offer illi dolorem animæ tuæ, ac intue-re illum intellectualibus fidei oculis, secundum quod scriptum est: Sedentem super thronum excelsum, & eleuatum; exercitusque Angelorum & Archangelorum illi in circuitu assistentes: & proiciens teipsum ante conspectum bonitatis ipsius, effunde coram illo preces tuas, primum peccata tua confitens, & sic iam in conspectu eius verba tua enuntians, siue etiam tribulationem tuam: ut in

Matth. 9.

Matth. 15.

Matth. 9.

Isa. 6.

bonitate sua misereatur tui, effundatque super te miserationes suas dicens: O anima, magna est fides tua: fiat tibi, sicut vis. Audi, mi frater: etiam si tardauerit largiri tibi petitionem tuam, noli desistere clamare ad ipsum: neque etiam quasi non exauditus, languore atque torpore deficias. Memento Chananæ, & imitare perseuerantiam illius: nam ipsa dilationem passa est, ne citò suâ potiretur petitione: ita ut & Discipuli ad Dominum accederent, & pro illa interpellantes, dicerent: Dimitte illam quia clamat post nos. Nunquid abiecit illam, in finem? Nonne paululùm distulit eam, & dedit illi postea petitiones suas? Illius ergo & nos exemplo discamus, nisi citò accipiamus, in precatione persistere. Et si enim peccatores sumus, planè tamen accipiemus: etenim hæc mulier alienigena, Chananæa erat. Sicque Dominus mandauit, dicens: Quis ex vobis habebit amicum; & ibit ad eum media nocte, & dicet illi: Amice, commoda mihi tres panes: quoniam amicus meus venit ex via ad me, & non habeo quod ponam ante illum? Et ille interiùs respondens, dicat: Noli mihi molestus esse: iam enim ostium clausum est, & pueri mei mecum sunt in cubili; non possum surgere & dare tibi. Et si ille perseuerauerit pulsans: dico vobis, & si non dabit illi surgēs, eo quòd amicus eius sit: propter improbitatem tamen eius surget, & dabit illi quotquot habet necessarios. Et ego dico vobis: Petite, & dabitur vobis. Ita quoque in Psalmo dicitur: Expectans expectaui Dominum, & attendit mihi: & exaudivit preces meas. Quocirca mi frater, noli flaccescere atque obtorpescere: sed expecta, postula, pulsa: & accipies quantum opus habes.

Matt. 15.

Luc. 11.

Psalm. 39.

Ausculda, mi frater, & amplectere consilium meum. Si à Domino aliquid postulaueris, noli abruptè ac diffinitè, ut accipias petere: sed totum ipsi relinque, atque ipsius voluntati. Exempli gratiâ: Sæpe diuexant te turpes cogitationes, contristantisque propterea: pergis deprecari Deum, ut eiusmodi eximarispugnâ. At sæpe, mi frater, id expedit tibi. Sæpe tibi hoc accidit ne extollaris, sed humiliter sentias. Intuere autem columnam Apostolorum, adeò insignem: quomodo pro utilitate sua datus est ei stimulus carnis, angelus satanæ, qui eum colaphis cæderet, ut non extolleretur. Si ergo, qui talibus conspicuus erat meritis,

1. Cor. 12.

eam accepit disciplinam, ne extolleretur : quanto magis nos imbecilles, qui esse nosmetipsos aliquid existimamus, opus habemus colaphizari, ne mente extollamur? Quod si rursus etiam tribulatio aliqua tibi superuenerit atque angustia: ne ab his quidem præcisè ac diffinitè liberari postules. Sæpe enim & illud, mi frater, sic expedit tibi: nam fit sæpe dum oras, ut tuam paruipendas salutem, sicut & Israël passus est. Comedit enim (inquit) Israël, & satiatus est, & recalcitrauit dilectus, incrassatus est, impinguatus est, dilatatus est, & dereliquit Deum factorem suum. Si verò rursus, ut rem aliquam obtineas, oraueris: ne hanc quidem præcisè accipere petieris. Fit enim plerunque, ut tu homo cum sis, aliquid tibi expedire existimes, quod frequenter non expedit. Si porro relicta voluntate tua, voluntati ipsius morem gerere malueris, & secundum eam pergere, securus eris. Ipse enim, qui omnia præsciuit antequam fierent, pro benignitate sua ac mansuetudine nos disponit & dirigit. Latet enim nos, an expediat nobis quod postulamus: nam sæpe plurimi, cum iam consecuti essent quæ petierant, postea doluerunt, crebròque in clades plurimas & maxima mala inciderunt, cum non quæssissent sedulò, an secundum voluntatem Dei esset quod postulabant; sed id bonum esse arbitrantur, sæpe à diabolo illusi sunt sub iustitiæ cuiusdam specie atque prætextu seducti, & in pericula ingentia præcipitati. Atque eiusmodi plerunque rebus etiam poenitentia adiuncta est ac dolor: dum quisque ita cordis sui concupiscentiam atque desiderium sequitur. Audi denique & Apostolum dicentem. Nam quid oremus sicut oportet, nescimus. Et rursus: Omnia mihi licent, sed non omnia expediunt. Omnia mihi licent, sed non omnia ædificant. Quid igitur nobis expediat, & vnumquemque nostrum ædificet, ipse nouit. Hoc autem ideo voluntati eius relinquendum committendumque statuo, non ut te postulare ab eo prohibeam, quæ cupias; imò precor, commoneoque, ut à minimis vsque ad maxima à Deo tuo postules: verum ut cum oraueris, & coram eo quæ sunt in corde tuo exposueris, dicas ei: Veruntamen non mea voluntas, sed tua fiat. Si quod peto expedit, fac sicut ipse nosti. Sic enim nos Scriptura admonet: Reuela, inquit, Domino

Deut. 32

Rom. 8.
1. Cor. 6. 10.

Matth. 26.

Psalm. 36.

viam tuam, & spera in eo, & ipse faciet. Aspicite autem & Dominum nostrum Iesum Christum, sub dispensatione assumptæ carnis orantem, & dicentem: Pater, si possibile est, *Matth. 26,* transeat à me calix iste: veruntamen non sicut ego volo, sed sicut tu. Idcirco, mi frater, si ab eo aliquid deposcas, persiste in petitione tua, reuelans ipsi, ac dicens: Domine, si voluntas tua est, vt fiat hoc quod peto; tu illud fieri, ac prosperari permitte: sin autem tua non est voluntas, ne fieri permittas, Deus meus. Ne, quæso, propriæ me tradas concupiscentiæ meæ. Tu enim scis insipientiam meam: verum sicut tu optimè nosti, sub tua me protectione custodi: & pro mansuetudine tua, me rege ac dirige Deus meus. Si autem pro tribulatione, & pro cogitationibus oraueris, dicito cum Propheta: Domine ne in furore tuo arguas me, neque in ira tua corripias me. Miserere mei Domine, quoniam infirmus sum. Ceterum respice Domine, & vide: quia terra sum ac pulvis, & cinis, nihilque sustinere valeo. Ne tradas me Domine peccatis meis, & ne sileas à me, & assimilabor descendentibus in lacum. Sed da gloriam nomini tuo, immemor malorum, & ne, obsecro, memineris peccatorum meorum: at tuarum recordare miserationum, & exaudi me. Et si possibile est, transeat à me tribulatio ista: veruntamen non sicut ego volo Domine, sed sicut tu vis. Tantummodò confirma animam meam, atque tuere, vt sustinere queam, gratiamque coram te inueniam, & in præsentī, & in futuro seculo. Et iacta super ipsum curam tuam, & ipse faciet quod expedit tibi. Hoc enim scito, quia bonus benignusque cum sit, omnia vult quæ sunt salutis nostræ. Ideo quippe animam suam posuit Pastor bonus pro nobis ouibus suis. Ipsi gloria in secula seculorum. Amen.

*Psalm. 68.**Psalm. 6.*



S. P.

E P H R Æ M

DE AGONE SPIRITALI.



N luctaminibus huius seculi, nullus sine agone atque certamine coronatur: & in spiritali conuersatione ac proposito sancto, nemo sine luctamine potest immarcescibilem coronam accipere; vitæque æternæ hæres euadere. Nam scammari atque palæstræ similis est mundus istè. Semper ergo perfecti quique ac robusti athletæ cum summa alacritate, & sine aliquo metu inueniuntur in scammate: timidi verò ac pusillanimes antequam decertare incipiunt, diffugiunt; & propter suam segnitiam atque ignauiam immensam, nullatenus in scammate colluctari ac defudare contendunt. Scamma autem, fratres dilectissimi, medius est locus in quo Athletæ luctantur. Sic igitur perfecti luctatores & continentissimi Monachi decertant, habentes semper præ oculis amœnitatem paradisi, & expectantes bonis atque deliciis ipsius omnibus perfrui, in immortalis seculo, ac lumine sempiterno.

Cupis in agone ac luctamine decertare & victor euadere? Indue te armaturâ Dei, sicut vestimento. Indue te virtutibus animæ: quibus indutus, eas caue exuas, sed iis munitus assidue in certamen prodi. Fuge vinum quasi venenum, ne ebrietate vincaris, & virtutibus nuderis: sicut antiquus ille vir iustus suis nudatus est vestibus. Nostine potentiam vini? si minus nosti, ausculta, & ego tibi indicabo: Noë vir iustus, sanctus, atque perfectus in generatione illa, quæ sibi ipsi perniciēs extitit, qui & à Deo meruit de pietate sua commendari atque laudari, dum ad eum dixit: Te solum
vidi

*Genes. 6.**Genes. 7.*

vidi iustum in hac generatione corrupta. Iustus igitur hic, *Genes. 9.*
 qui inundationes aquarum vicerat tempore diluuij, à mo-
 dico postea vino deuictus est dormiens. Aquæ infinitæ non
 potuerant vincere ipsum: vinum autem vile inter dormien-
 dum iusti viri corpus nudauit, qui postea pater ac princeps
 generationum fuit. Vis rursus vini etiam Loth iustum in
 somno virtute continentiaë spoliauit, vt contra naturam cum
 suis filiabus se turpiter fœtidèque misceret: atque adeo
 enervatione atque inebriatione vini in profundissimum de-
 merfus est somnum, ac penè in eo sepultus: vt quid fecisset,
 postea euigilans ignoraret. Si ergo sanctis & magnis iustis-
 que viris vini potentia non pepercit: quantò magis te vilem
 atque imbecillum, si ebrietati te dederis, superabit. Sem-
 per adolescentia & iuuentus sibi timeat à vino: quoniam ex
 vino spiritalis oculus excæcatur, iniquitas multiplicatur,
 ignisque prauæ concupiscentiaë continuò in ipso accendi-
 tur: mollescit virtus animæ, cogitatio vitæ æternæ aboletur,
 vincitur anima inuisibiliter, delinquitque facillimè: fugi-
 tur ab ea cælestis gratia, sanctimoniam dico, atque virgini-
 tatem animæ. Quanto enim tempore fuerit templum cor-
 poris nostri sanctum ac mundum, Deus excelsus in eo ha-
 bitat: si autem corruptum fuerit atque pollutum, illico san-
 ctus & immaculatus Dominus templum illud deferit: & pro
 ineffabili lumine cælesti, habitare in eo incipit obscuritas
 impurissimi dæmonis, subintranque concupiscentiaë prauæ
 ac sordidæ, quæ miseram animam crebrò insanire faciunt,
 & peccare in sermone. Quis igitur hæc audiens, non subito
 in lacrymas resoluatur, ac præsertim si in corde secum me-
 ditatus fuerit, quòd Deus sanctus suum templum repulerit,
 & concupiscentiaë malæ, ac passionis ignominiosæ iam ha-
 bitent in eo? intellexeritque quisnam illud deseruerit, &
 quis successerit; vnde ceciderit, & quò deuenerit, à quo se-
 paratus sit, & cui coniunctus? quomodo non illico talis re-
 plebitur lacrymis, & plorans ac lugens intra semetipsum di-
 cet: Cur sic vnico temporis momento ab improba cogita-
 tione victus atque prostratus sum, & agonem ac certamen
 gloriosum effugi, nec victoriaë triumphum merui? Sic & in
 die retributionis erit: cum enim illic molles & dissoluti, pec-
 catores & impij conspexerint sanctos ac iustos in gaudio ma-

gno & lætitia sempiterna constitutos, & alios quidem in paradiso deliciarum, alios in regno degentes: se verò viderint igni inextinguibili ac tenebris exterioribus adiudicatos: tunc fortiter ingemiscunt, & superfluis lacrymis plorabunt amarè, quia detinet ipsos poenitentia ac dolor inutilis, & necessitas poenarum immensa.

Quapropter hortor & obsecro vos, fratres mei dilectissimi, ut semper imitari satagatis sanctos illos atque perfectos, & inculpatæ vitæ Patres nostros, qui optimè viuendo sancta puraque semper templa immaculatissimi Domini fuerunt. Horum conuersationem diligite: horum exempla sectamini. Desiderate ieiunium, animæ dico puritatem ac castitatem; desiderate orationes, quæ sunt familiaria cum Deo colloquia. Omnis quippe sancta & pura Oratio, confabulatio cum Deo est. Orationes porro perfectè desiderantium ac diligentium Deum, cum magna exultatione atque fiducia in cælum ascendunt. Angeli etiam & Archangeli cum gaudio occurrunt eis, & suscipientes eas, usque ad thronum gloriæ sancti Dei perducunt. Tunc enim maximè gloriantur atque lætantur Angeli, cum purissimas Sanctorum orationes coram Deo obtulerunt. Studeamus igitur, fratres, imitatores institutionis vitæ sanctorum Patrum fieri. Ambula, frater, in viis illorum, & vive sicut illi vixerunt. Continentiæ virtutem excole, sicut & illi, mente, spiritu, & corpore. Continens ac temperans esto in habitu, in cibo, in potu. Continentia tibi sit in lingua, in aspectu, in cogitatione, ac risu: ut athleta pietatis perfectus in omnibus demonstreris. Attende tibi ipsi, frater charissime, ne in tuis orationibus extollaris, & huc illucque mente euageris: sed cum precaturus ad Deum accesseris, magno cum timore ac desiderio coram ipso consistas. Disrumpe atque euelle ex corde tuo cuncta vincula cogitationum terrenæ solitudinis. Esto per omnia velut cælestis Angelus in Oratione; & viriliter in agone decerta, ut oratio tua sit sancta ac munda, impolluta & immaculata: ut cum illam sursum ascendere, sibi que appropinquare viderint portæ cælestes, ultro confestim aperiantur ei, & Angeli cum lætitia occurrant, & ad thronum usque benedicti Patris eam perducant. Sic ergo semper, charissime, esto orationis tempore Deo coniunctus, ut Cherubim ac Seraphim,

qui permanent in ministerio Dei.

Meditare, mi frater, hæc verba, eaque iugiter cum timore ac gaudio ex affectu cordis dulciter decanta: quia cibum spiritualem animæ subministrant, & ab amaritudine eam sua semper dulcedine liberant, ponderibusque solitudinum rerum terrenarum exonerant. Omnia quæ audisti, mente sollicita seruare contende, vt in sensibus ac cogitationibus tuis requiescat Deus, inueniasque fiduciam in hora illa terribili atque tremenda, quando venerit Dominus reddere vnicuique secundum opera sua.

Indulgete modicum infirmitati meæ, fratres charissimi: nam velut infirmissimum me æstimo, quòd in die ac hora illa omnis spiritus contremiscat. Ceterum gratia Saluatoris confortat ac lætificat corda Sanctorum, cum rapiuntur in nubibus obuiam Christo Domino in aëra. Ego verò & qui mei sunt similes, desidiosi ac pigri remanebimus super terram, & nō facile ad cælestia conscendemus. Quid poterit nobis prodesse mundus, fratres mei dilectissimi, quòd eius curis atque solitudinibus adeo ligamur? aut quid lucri consequemur ex nimio cultu vestimentorum, & pomposo elationis amictu, nisi ignem inextinguibilem? aut quid acquiremus ex nimio studio escarum ac cura ventris, nisi supplicia æterna? Agnoscite igitur, agnoscite fratres, quia nisi hîc totis viribus agonizantes atque certantes, victoriæ triumphum promeruerimus, poenitentiam ibi in secula seculorum agemus. Cur ergo, fratres mei, hîc iam negligimus? cur desidiâ occupamur? Cur nos ipsos in occursum Domini non præparamus? Ecce enim dies appropinquat: ecce mundus vniuersus ad occasum iam properat. Cur non cunctas concupiscentiarum illecebras, & graues peccatorum sarcinas à nobis reiicimus. Nescitis quia arcta est via, & porta angusta, quæ ducit ad vitam, & peccatorum ac diuitiarum sarcinis prægrauatos non sinit intrare per eam? Illos enim porta illa diligit atque amplectitur, qui diuitiis extenuati sunt, & voluntaria paupertate afflicti, semper in vigiliis & ieiuniis, atque humilitate per omne tempus vitæ suæ conuersati sunt, ac seipso præpararunt, vt immortalem videant sponsum, & possideant regna cælorum. Ecce charissimi, iam ostium paradisi nos vocat: iam crebro nos sono hortatur, ac dicit: Prius-

Matth. 7.

quàm claudar, vnusquisque vestrũm velociter properet, atque ingrediens, in æternum cum Christo Domino regnet. Ecce mater nostra Hierusalem cum magno affectu ad nos clamat, & dicit: Venite filij mei dilectissimi, venite ad me. Dilatetur numerus vester in me, & in thalamo immortalis sponsi magnificentur chori vestri cum angelis sanctis. Videam vos in gloria & pulchritudine, ac decore: videam vos in lætitia & exultatione, & gaudio. Diligite me, filij mei, sicut & ego vos diligo. Nihil possideatis in terra, nihil solliciti sitis. Ecce iam sponsus vester paratus est, vt procedat, & veniat in nubibus cæli, & in gloria Patris sui benedicti. Tunc vnum. quemque vestrũ sigillatim suo vocabit nomine, & ordinabit eũ in officio suo, quo pro suis meritis atque laboribus dignus extiterit. Nam in studio vestro atque vigilantia, Angeli & Archangeli, omnesque virtutes cælorum exultant: sicut & in negligentia vestra atque torpore inimicus cum satellitibus suis tripudiat. Festinate ergo, filij mei, festinate, vt ego de vobis vosque de me gaudeatis in secula seculorũ. Procidens adoro, & obsecro te, Christe fili Dei viui, præsta mihi & omnibus diligentibus te, vt videre mereamur regnum tuum cæleste; possideamusque illud cum omnibus Sanctis tuis. Nam si in hoc breui vitæ tempore neglexerimus, nullã omnino excusationem habebimus, quam pro nostris erratis atque offensionibus obtendere poterimus. Dominus noster de cælo in terram descendens, omnia condonauit nobis; debita nostra dimittens, & vitam æternam nobis contribuens. Nam cùm inimici essemus, reconciliauit nos Deo per mortem suam. Terreni eramus, & cælestes effecti sumus: mortales, & immortalitatem accepimus: filij tenebrarum, & filij lucis facti sumus: captiui, & redempti sumus: perditii, & inuenit nos: serui peccati, & liberauit nos: pauperes, & diuites effecti: infirmi, & sanati sumus: odibiles, & dilecti sumus: iniusti, & iustificati sumus: non misericordiam consecuti, & misericordiam consecuti sumus: peccatores, & saluauit nos: dispersi, & congregauit nos: nudi, & cooperuit nos: filij hominum, & facti sumus filij Dei: hæredes, & cohæredes vnigeniti Filij eius. Ecce omnia ista nobis Deus donauit, priusquam quæreremus aut inueniremus eum. Irrisionem ergo malam, aut exprobrationẽ, frater, ne cor tuum aliquando suscipiat: neque eum, qui

pro peccatis pœnitentiam agit, despicias. Ne irrideas fratrem tuum ieiunantem: & eum, qui ieiunare non potest, ne confundas. Aliis importunum ne te præbeas: & sic omnibus opportunus & utilis esse poteris. Increpa, sed in mansuetudine persevera, propter penuriam verò, ne despicabilem nimium te reddas. Timenti Deum, reuela mysteria eius: ab eo autem qui timorem Dei non habet, sed superbix atque elationi seipsum subiecerit, prorsus caueto. Aduersus abstinentem ne dixeris aliquid mali, nec audieris: neque aduersus eum, qui tuus esse putatur inimicus. Hoc porro præ omnibus stude, vt nullum habeas inimicum nisi diabolum, eiusque ministros. Cum homine iniquo & dolofo ne habitaueris, & cum maledico ne colloquaris, ne det inhonorationem animæ tuæ. A detractiōe & supplantatione fratris abstine: & ab eo qui supplantare alterum conatur, attende.

Hæc Monachi attendant, qui pia cælesti iugo colla submiserunt. Hæc discipuli Christi custodiant: his monitis sine intermissione intendant. Decet enim eos Magistri sui Christi imitatores existere. Exemplar institutionis nostræ, charissimi, sumamus à Christo: qui cùm diues esset, pro nobis pauper factus est: excelsus & æqualis Patri, semetipsum humiliavit: & super cælos habitans, in terris non habebat vbi vel caput suum reclinaret. Factus es mihi, Christe Saluator, dux viæ & vitæ, quæ ducit ad Patrem. Mansiones eius gratiæ sunt, fines autem eius, regna cælorum sunt. Factus es mihi ô dominator Domine, Fili Dei viui, fons vitæ, ex quo dona tua hauriam, & te sine intermissione diligens collaudem. Facta est gratia tua in corde famuli tui lumen & gaudium, & dulcis ori meo super mel & fauum. Facta est gratia tua in anima serui tui, quasi thesaurus, ineffabiles mihi diuitias tribuens, & paupertatem atque miseriam à me longè expellens. Facta est gratia tua seruo tuo refugium & virtus, gloriatio & protectio, & esca spiritalis suauitate & lumine plena. Quomodo possum silere, ô Domine, de illa multitudine dulcedinis charitatis tuæ, & gratiæ, quæ os meum licet indignissimi hominis & peccatoris aperuit? Aut quo pacto sustinebit lingua mea, vt non te singulis horis atque momentis datorem vitæ glorificet? Aut quomodo rursus potero inundationes gratiæ tuæ ex-

S. P.

E P H R Æ M

SERMO I. ASCETICVS, AD FRATRES.



FRATRES assuescamus benedictionibus, ut benedictiones possideamus. Iudæi à gente peruersa procedentes, Deicidæ euaserunt: Et nos si fuerimus maledici, erimus quoque diffamatores. Non subito morbi redduntur incurabiles: sed malum capientes principium, ex negligentia etiam ad infinitam miseriam proserpunt. Et passionēs in anima, ex minima causa generantur, & non exterminatæ, infinitam quandam pariunt rerum diuinarum propriæque salutis desipientiam. Cernis in ære næuum viridem, rubiginemque quemadmodum in profundum deprimatur, atque altius penetrer? Intelligis quid efficiat in anima passio neglecta? Nisi eraseris rubiginem, non auferes maculam: Et nisi carnis naturam attriueris, fugare passionēs non poteris. Quemadmodum æri cognata est rubigo: ita etiam passionēs roborantur aduersus naturam. Si quis ferrum tergat ac poliat, antequam rubiginem contrahat, nihil est deinde cur metuat. Et si quis virtutibus animam vestiatur ac ornet: non se inani labore franger, neque occultam iniuriam sustinebit. Poterit quispiam etiam post rubiginem vas æneum curare: sed tamen non absque labore ac detrimento. Nam quo tempore se ad copias & opes parandas exercere potuisset, in curando peccato cogitur occupari. Et anima retardatur ac ducitur, ut ægritudinem auferat, quæ res maximas lucrari potuisset. Si æs negligatur, etiam seriùs expurgabitur, & iam rubiginem contrahet. Et posteaquàm rubigne amissa resplenduerit, periculo furum exponetur: anima quoque si se ipsa in virtutis exercitio negligat, facillè capietur. Fer-

rum operimenti instar obscurat splendorem & si viuo candentique adijciatur æri, plurimum ad vsum valebit : si autem bene iunctum non fuerit, quia debile efficitur instrumentum, citius à iam corrupto dissoluitur. Sic quoque anima, si corruptæ nunc virtuti inhæreat, confusionem sustinebit, & corruptionem à confusione. Aëris instar est natura humana, multâ curâ indigens. Eam si illustrare nolueris, hoc age, ne saltem despicias temperamentum. Quod si ferrum humidum ac molle reliqueris, detrimentum patietur. Naturamque si humidam reddideris, iam locum corruptioni parasti. Quin & Saluator affirmat, spiritus immundos humiditatem requirere. Et Apostolus : Carnis, inquit, curam ne feceritis in desideriis. Vnde scilicet palam fit, humiditatem animæ causam existere desideriorum carnis. Ipsumque Euangelium interpretatur dictum Apostoli: Veniens, inquit, spiritus immundus inuenit hominem mundatum, scopis purgatum. Nonne mundities corporis desideria ipsi animæ conciliat? Perambulauit per loca inaquosa immundus spiritus; & quia cognouit semen suum deficere, nisi funderetur in humidum locum, veniens in eo seminavit, & postremo veniens in ipso permansit: cum scilicet post sedem mutatam rediens, inuenit semen protulisse fructum. Si enim fructum non fecisset mollis homo, vt qui non haberet quid comederet, in ipso non commoraretur. Quomodo autem comedat, & nutriatur immundus spiritus, discere debemus. Dicit Dominus suum cibum esse, facere voluntatem Patris sui: Ita & inimicus, à faciente voluntatem ipsius, nutritur; Voluntas Dei, est fides quæ ad bona opera perducit: Igitur inimici voluntas est infidelitas; Dei voluntas, virtutes sunt bonarum actionum; at diaboli, contraria omnia. Si quis ergo voluntatem eius fecerit, cibatur ipsum. Sed amplius adhuc vobis quod dico clarum reddam, de vtriusque voluntate. Quomodo Christus cibatur fiat ob salutem Samaritanæ, ipse dixit discipulis, quod comederit, & voluntatem Patris sui perfecerit. Si quis igitur saluet animam, cibatur Deum, Sic si quis animam perdat, pascitur diabolum.

Quæ ergo sit satio inimici, & quæ eius peregrinatio, & accessus, perspicimus; & cur primum repulsus nouissimè remanserit,

Lucæ 11.
Rom. 13.

Lucæ 11.

Ioan. 4.

remanferit. Rursus ex sacris Scripturis hoc vobis prouer-
bium demonstrabitur, ad confirmandam fiden. Si quis
perfectus fuerit in sanctitate, templum Dei est, sicut ait
Apostolus? Ita quoque in impietate, si perfectus quispiam
existat, domus diaboli efficitur, qui in eo requiescit. Igitur
seminat primum in imperfectis, & recedit; ac post tempus
videt, nunquid perfecti euaserint: & sic in iis remanet. Por-
ro differentia perfectionis, rursus ex pia comparabitur do-
ctrina. Nam quemadmodum qui animas saluant, perfecti
sunt apud Deum: sic & qui deperdunt eas, apud diabolum.
Dicit Euangelium, secundum quam similitudinem perfecti
sint, siquidem ad Discipulos: Estote perfecti, inquit, sicut
& Pater vester cælestis perfectus est: quoniam animas saluat
& corpora. Supra corpora quidem oriri facit solem, & dat
pluiam: Animabus autem legem tribuit & scientiam, tol-
lerans vt corrigantur. Nunquid de inimico reperimus di-
ctum in Scripturis Prouerbum? Imò ipsum de eo affirmat
Euangelium, quòd ab initio diabolus homicida erat. Si quis
ergo occidit animas: iam perfectus euasit secundum diabo-
lum.

Matth. 23.

Iean. 8.

Sed consentaneum fuerit iam dicere, quinam in eo per-
fecti euaserint? Pharisei videlicet. Ipse enim de iis asserit
Christus, quòd patrem habeant diabolum. Multas quippe
illi occiderunt animas, perfidiam in Deum & Christum do-
centes. Ego verò ostendam, etiam ab eis ipsum fuisse dia-
bolum superatum: nam non solùm docuerunt, sed etiam
cogèrunt facere malum. Si quis enim credidisset in Chri-
stum, extra Synagogam pellebatur, vt inimici perfectionem
tollerent superarentque. Ille enim per timorem cogit rece-
dere à Deo: nam mortem comminatur, multosque à pieta-
te diuellit. Seminat & Deus, verùm in aridis desertisque cor-
poribus: quoniam cælestia, per incorruptionem augent.
Non primum corrumpit & corrumpitur semen Dei, sed
in ariditate imminutum crescit. Igitur quis sit locus aridus,
nouimus: quid enim est, nisi in corruptio, seu pudicitia. In
castis ac continentibus corporibus augetur semen eius: eò
quòd in carne nunquam coniunctionem agat, sed in anima.
At quomodo istud? rursus expendamus Euangelium: Ani-
mam enim, inquit, nemo occidere potest. Quare huius se-

Ibidem

Matth. 20.

culi bonis non indiget: verum potest cum non egeat, incorrupta permanere; cibum enim ad corporis duntaxat subsistentiam atque sustentationem capit. Quando igitur non se ipsa submiserit corpori, sed ipsum sibi subiecerit, incorruptum Dei semen suscipiens, etiam corpus efficit, & quasi lumine redatur incorruptionis particeps, efficiaturque aridum in augmentum gracilitatis. Nam sicut accessiones rerum corporearum crassitudinem augent: ita crassitudinis imminutio, augmentum fit extenuationis, eademque attenuatio si crescat etiam atque etiam, carnem tandem efficit quodammodo atque transformat in spiritum; atque ita caro cum spiritu copulatur & vnitur, incorruptionis fructum proferens, perfecta quoque redditur ad suscipiendum Deum. Dicit quoque Euangelium, de mansionem Christi in perfectis loquens: Ego, inquit, & Pater meus veniemus, & mansionem apud eum faciemus.

Ioh. 14. 15

Sed fortasse adhuc idem probari vobis, & confirmari cupitis; an corruptibilis caro incorruptioni commisceri queat: oportebitque nos ista rursus breuiter percurrere, nec grauatè id fecero. Si enim ostensum est, animam esse immortalem: perspicuum est, eandem quoque incorruptibilem esse. At quemadmodum humidorum corporum permixtione, redditur carnalis: sic etiam corpus per incorruptibilitatem animæ, diuino vnitum semini efficitur spiritale. Idcirco & Paulus internoscebat spiritales & carnales homines. Nouerat etiam quod carnales animam haberent, & corpora spiritales. Verum per temperamentum atque imperium plurima, nomina præstantiorum vniuerso attribuit homini: adeo ut si caro superauerit, carnalis sit homo ille: si vicerit anima, spiritualis: Et alibi hæc ipsa demonstrans, Caro, inquit, resistit spiritui, & spiritus carni: ut non quæ velint, faciant. Ceterum Euangelium quætionem dirimit, affirmans violentorum esse regnum cælestæ. Cogit enim spiritus naturam in diuiniora: quando à carne natura trahitur ad terrena. Violentia, eius est bellum. Nam duobus accidit modis: in incipientibus quidem, ut non commisceantur carni: in perfectis verò, ut & carnem ipsam efficiant spiritualem Propterea in principio dat semen, & in fine, post augmentum, vinum & escam perfectos efficit, quemadmodum de contrariis diximus.

1. Cor. 2. 15.

Galat. 5.

3. Matth. 12.

2. Cor. 3.

Quo pacto autem cibus & potus Dei efficiamur, ipse dicit: Ego, inquit, sum vitis, & vos palmites. Apostolus quoque ad Corinthios ait: Dei agricultura estis, Dei ædificatio estis. Et hoc dixit ad incipiētes: ad perfectos verò quid? Cuius, inquit, domus sumus nos. Si initium igitur subsistentiæ stabile ad extremum vsque seruauerimus: in aridis sanè corporibus, etiam semen incorruptibilitatis coalescet. Non enim iccirco caro spiritui resistit, quòd natura subijci & parere non possit, sed ex concupiscentia & impetu voluntatis. Nam si caput in homine, est anima immortalis: non facit iniuriam homini Deus, cùm ad incorruptionem adhortatur illum, nullamque vim affert mixtæ naturæ: sed ad incorruptionem ac pudicitiam colendam hortatur, qua caro tanquam ancilla, quæ per peccatum corrumpitur, præseruatur. Quemadmodum enim in fornace ignis, æs figuram ignis capit & formam: ita etiam corpus spiritui efficitur simile, & cum illo quodammodo conformatur, si cum pudicitia atque incorruptione iungatur. Idemque æs cùm funditur, simo simile redditur; & terræ, cùm cinere aspergitur, rubiginique cùm situ carieque corrumpitur: Ita quoque caro si perturbationibus demergatur.

Volo autem vobis de violentia Sanctorum commemorare: quomodo per eam, Regnum cælorum percipiant. Carnis natura quietem postulat. Ipsi verò contritionem potius sibi assumunt vendicantque, afflictī, lætantur: & cùm minùs valent corpore, se ipsi non curant. Natura delectatur gloriā: at ipsi gaudent, maledictis lacessiti. Cùmque ipsi aliis benignè fecerint, id celant; pietatemque exercentes, latere student. Natura carnis comedere optat: ipsi autem ieiuniis eam consumunt, exercitiisq; piis tabefaciunt. Natura placidè ad nuptias fertur: at ipsi continentię frano eam cohibent, ac causas occasionesque peccatorum remouent. Facultates ac opes consecratur natura: at Sancti etiam iniuriā affecti, patientes sunt atque longanimes. Omnem igitur, prope dicā, carnis vitam respuunt. Hoc enim est: Tolle crucem tuam, & sequere me. Ob id etiam scribit Apostolus: Mortificate membra vestra, quæ sunt super terram, quoniam per piam ac religiosam ista fieri queunt violentiam. Nemo occidit quenquam cum misericordia: sed qui vult mortificare car-

Ioan. 15.

1. Cor. 3.

Ibidem.

Luc. 9. 14.

Coloss. 3.

nalia, vini sibi affert, inquit. Verum quænam sunt membra super terram? Non enim diuinum arguit opificium. Neque dixit mortificate membra corporis; sed quæ sunt super terram; cuiusmodi sunt, fornicatio, inuidia, fraus, malitia, auaritia, & eiusmodi. Omnia enim iam dicta, per ea quæ sunt super terram, sunt; quod in iis quandam caro affinitatem habeat: propter diuitias enim, iniuriæ: propter gloriam, inuidiæ: propter amorem sui ipsius, dolus: propter delicias, fornicatio. Quare in huiusmodi rebus deprehenditur & agnoscitur homo carnalis, qui in rebus naturalibus, ad ea quæ sunt præter naturam, progreditur. Cumque ad peccatum natura sit procliuvis, rapitur ipsa à rerum sufficientia ad insatiabilitatem, à potatione ad ebrietatem, à nuptiis ad fornicationem, à iusto ad iniquum, & à charitate ad confusam quandam vilemque familiaritatem, & ad hospitalitatem repellendam ac violandam. Huic igitur naturæ vis afferenda: ut rectè instituta, plusquam par est, sibi usurpare non possit. Oportet mortificare naturam, ne terrenis institutis ac legibus obsequi valeat. Quoniam & Saluator ait: Melius esse vno pede aut vna manu certantem, peruenire ad cæleste regnū, quam duas manus aut duos pedes habentem, mitti in ignem æternum. Non quidem omnino membra quæ fecit ipse, abscindenda mandauit; verum ut discamus naturam non habere causam peccati. Mortificetur manus & excæcetur oculus tuus: ut cum ad eadem nequeat cooperari manus, non faciat aliud malum. Facile persuadere licet amicis non insidiantibus, nisi congregiamur cum insidiatoribus. Non prohibuit Scriptura liberos legitime gignere atque suscipere, sed eos occidere. Assidua enim copula omnem mentis tranquillitatem impedit, bella suscitatur, cædes docet, dolos & indignationes suggerit. Intelligite quæ dico, ne multis digressionibus utamur, ipse quod satis sit, præcepit. At dixit: quod vidua quæ in deliciis est, viuens mortua sit. Ipse docuit cum externis honestè versandum, sed carnis prudentiam facere veruit, ad mundi complacentiam. Non aduersatur necessario rerū vsui voluntaria paupertas; sufficit enim dici malitia sua. Nec contrariatur crux cibo, quod qui in agone contendit ab omnibus se absteineat. Non aduersatur nuptiis violentia & mortificatio naturæ, quoniā mortē ex fornicatione

Matth. 12.

1. Tim. 5. 6.

Ibidem.

Matth. 6.

1. Cor. 9.

manantem tollit. Nuptiæ officina sunt vitæ, at fornicatio mortis, quodd filiorum propagationem corrumpat. Mortuum igitur peccatum efficere, quod occidit, non est cuiuscunque violentiæ, sed sufficientis & exquisitæ. Intelligere virtutem Euangelij: quo pacto in homine mortuo velit vincere ac mortificare peccatum, & in morte carnis perimere mortem animæ. Studet in corpore infirmo passionum impetum euertere. Hortatur vim inferre naturæ, ne mortalitatis violentiam sustineat. Docet mortis partem contemnere, ne immortalitatis caput deperdat. Ex sententia virorum sapientum nos agere admonet: vt quod corrumpit, nos destruamus. Dumque ab aliis non sustinemus: voluntariis nos pœnis carnem edomare cupit, eamque per ieiunia corrumpere: ne peccando, ipsam perdamus in corruptione.

Carnem nostram atteramus: vt in se voluntatem Dei admitrat. Nam & medici, asperioribus locis atque tumoribus laborantes vel exsiccant, vel suppurant aut adurunt, & sic curant. Corruptio peccati in perditionem vergit, cum occultè in profundum prorepens, incurabilem reddit suppurationem naturæ. Parua esse videtur, & fit infinita: quoniam instar fermenti, à calce ad caput vsque se diffundit. Vnius generis ac formæ corruptio putatur: sed vim continet multiplicem. In escis corrumpit, dum corpus impinguat. Nam sicut infirmitas immutat corpus: ita quoque non sinunt deliciæ eum qui ipsis indulget, agnoscere naturæ legem violari deliciis. Corruptio est quoque gracilitas, quæ ex deliciis nascitur: quoniam carnes corruptibiles addit. Corruptit quoque per cupiditatem peccatum: quia in mortem sollicitum esse docet: corpus conficit domatque laboribus, & animam malitia contaminat. Corruptit quoque ambitione: quoniam inuidiam & odium in proximos suadet. Corruptit etiam in virtute: quoniam per eam vanè gloriari docet. Corruptit & in occultantibus virtutem: quoniam ad contemptum incitat: & ex præclaris virtutibus introducit, quæ in morbis animi videntur minima, quibus totam postea eorum naturam labefactat. Laqueos in ijs, quæ à nobis geruntur, constituit: quoniam ex consuetudine habitum nobis generat pestiferum, quo alas configimus, virtutes

254 S. PATRIS EPHRAEM SYRI,
dico, in passione licet exigua, per assuefactionem: neque
solum alas ac pennas, sed & corpus ac animam damno igno-
miniaque afficimus.

Acriter attendamus ad astutiam eius: ne tanquam insi-
pientibus nobis illudat. Caueamus eius insidias, quoniam per
eas aduersum nos decernat: ne dum nos velut ex omni par-
te securos ducimus, ipse sibi ingrediendi locum inueniat. Si
enim tanquam leonem firma murorum communitione ip-
sum arceamus: tanquam canis efficitur; vt propter vilita-
tem eum minimè deuitemus. Si canem excludamus, volu-
cris instar per fenestram ingreditur. Metuimus eum, dum
aquilam se exhibet: & mox passerculus apparet. Eiciamus
vt coruum: & velut apes insilit. Cùmque in omnibus co-
gnouerimus eum: tunc in culicem sese transformans, non
exigua nos iniuria afficit. Culices recentia vina mustumque
corrumpunt: quoniam illorum multitudo sterquilinio com-
miscetur, sicut cum farina fermentum; & sæpe mortife-
rum, vel certè morbidum vinum reddunt, si vel mortici-
niis insederint, aut venenata gustauerint. Talis quoque est
quæ in paruis præualet consuetudo: nam animæ detrimen-
tum affert, ad omnem draconis dispositionem. Talis est sub-
tilitas inimici, inducens etiam ijs qui sibi videbantur securi,
perniciem. Dicitque Ecclesiastes, muscas morientes per-
dere suauitatem vnguenti, vt Sancti quidem ipsius intelli-
gant vilitatem & impuritatem: negligentes autem, insi-
dias ipsius atque subtilitates: In Regum quoque libris, E-
lias Deum Accaron, muscam Baal appellauit: Insidet enim
in mentibus impiorum, tanquam in rufis & candentibus
pascuis, hoc est, marcescentibus: exprimitque immundam
actionem ipsorum, & vt ebullitionibus temulentia eorum
delectetur. Patitur se draco in muscam transformari: vt
impietatis sanie miseros oblectet. Inter improbos versa-
tur vt draco: at inter luxu diffuentes, vt musca. Perspicuum
est igitur, eum inter securos culicem fieri, vt noceat. Vasa
quidem communire, ne à muscis illudantur: animam verò
non munitim relinquere, absurdum est; sicut & præter
rationem existit, de rebus quæ sub sensu cadunt, tuendis
solicitos nos esse: ac de mente munienda atque seruanda,
non laborare, Iuber in Prouerbijs Sapientia, pigrum ad for-

Eccles. 10.

*4. Reg. 1.
in XLXX.*

Prouer. 6.

micæ ire : & ab iis sapientiam addiscere. Monet & Euangelium, nos prudentes fieri sicut serpentes: neque enim illi capti sunt faciles, licet miserimi. Pro columba Euangelica, apem nobis Prouerbiū proponit, & pro serpente, formicam. Videamus ergo vtilitatis gratiā, ipsam similitudinem: Serpens serpit, & insidiatur multis: sed prouerbia, quia etiam subtilis draco efficitur in perditionem, formicam eum appellant. Quando vt formica visus fuerit ac vicerit: tunc draconis audaciam assumit, quando verò vt serpens, & victus: formicæ humilitatem induit ne ipsi noceatur. Sic quoque nos decet transfigurari: ne damnum ab insidiis eius patiamur. Serpit formica sicut serpens, sed pedes ipsius non ferunt corpus: verū terram progressus directione apprehendunt. Elcas terræ recondit, ne ab hyeme detrimentum accipiant. Semina recludit, quibus persistat, ne tempore necessitatis suā escā destituatur: atque hæc omnia etiam serpens agit.

Matth. 10.

Orandum quoque præcipit Euangelium, vt non fiat fuga nostra in hyeme vel Sabbatho. Per hyemem, tempus necessitatis significans: per Sabbathum autem ætatem senilem, quando vita nostra propter otium atque segnitiam, Sabbathum efficitur. Operemur ergo ætate, quando non vrget necessitas, vt habeamus quo viuere liceat in Sabbathum. Idemque ad labores in diebus iuuentutis perferendos hortatur Salomon: antequam veniat tempus, de quo dicas: non mihi placet. Quæ est igitur necessitas, aut tentatio illa mutabilis, quæ ignorantiam præterit? Est autem tentatio, de qua ait Dominus: Orate ne intretis in tentationem. Affirmatque Paulus, Dominum non passurum vos tentari supra id quod protestis, ostendens non ad malum, sed ad bonum, Deum permittere tentationes, sciens nos eas superaturos. Permittit autem ad coronam: in succumbentibus verò non ipse tanquam auctor concedit, sed vniuscuiusque voluntas & actio, causa constituitur. Neque nouit inimicus, Sanctos victuros: nam cum sit peruersæ voluntatis, non moliretur certamen victoriam reportaturis. Bonum enim spectaret, si sciret, & si bonum spectat, cur cadentes euertit? ne-

Matth. 26.

1. Cor. 10.

que erigit, ab actione peruersa desistens? Per illud ergo quo dicitur, orandum esse ne fiat fuga nostra hyeme: intelligimus duplicem contineri tentationem: vnam quæ sit inquirendo & examinando: alteram verò, ex proposito ac voluntate persecutionis. Simileque est istud de Sabbatho: quoniam acerbum continet finem fugæ laborum, quos aut ultra vires subeundo, vehementer torquemur: aut non sufferendo, errantes atque offendentes, magnum animæ detrimentum inferimus. Alterum ergo finem dicit infructuosum: quoniam in fuga citra fructum moriendo, mercedem æternam deperdimus.

Videamus deinceps de ape & columba, an in iis quoque inuenire liceat similitudinem, sicut in serpente & formica. Magna quippe illis propter hyemem est diligentia. Apis labores fertilitatis tempore sunt. Columba communitatem amat, similiter & apes. Labor apis cunctis est utilis: & species columbæ omnibus valde amabilis. Sicut apes, ita & columba absque dolo. Captu facilis est species columbæ serpentibus: similiterque apis reptilibus. Illis sunt similes, qui cum simulatione viuunt: & istis qui in simplicitate. Ideoque Ecclesiastes dicit: In die bono, aspice bonum: & custodi innocentiam vt videas æquitatem. Sed primum dicit Dominus: Estote prudentes sicut serpentes, & simplices sicut columbæ; nam sequitur post tentationem requies. Hinc quoque Dauid: Transuimus, inquit, per ignem & aquam: & eduxisti nos in refrigerium. Quin & post formicam, apis. Dicit etiam Paulus, primum quidem carnalia, sicque deinde iungit spiritalia. Post labores enim procreatur gloria. Dicitque de ape, quòd cunctis sit experibilis & in æstimatione. Videtis ergo, quòd in laboribus primum exercitari oporteat, & per certamen coronari: vt sic diuinâ detur gratiâ perfrui. Acerbitatem laboris dulcedo quietis excipit; & asperitatem vitæ gaudium. Nisi odio habiti fuerimus sicut serpentes: quasi columbæ non reddemur amabiles. Nisi viles atque abiecti, formicarum instar extiterimus: vt apes non erimus industrij. Primum passus est Christus,

Ecc. 7.

Psalm. 36.

Matth. 10.

Psalm. 65.

Coloss. 3.

Iuan. 3.

stus, ac velut serpens Moyses in ligno suspensus: & sic postea tanquam columba, è mortuis resurgens, euolat in cælestia. Primum comedit lactucas agreites Paschæ: sicque resurgens, fauis se mellis refecit. Intelligite quæ dico, fratres: quoniam si quis securus reddi velit, laborare debet: & postea fructum laborum percipiet. Si ex paruis aberrare nolueritis, per labores discite à Patribus nostris. Estote filij obedientiæ, laborando, vt patres euadatis in requie. Laboribus intenti, ab improborum consuetudine non decipiemi: quoniam labor ægram peruersamque consuetudinem fugat. Dixi ergo vobis: Nolite malis assuescere moribus, ne in profundum malitiæ decidatis. Dixi etiam, quo pacto istud obtinere queatis, ne me vt medicum de morbis differentem, & de eorum cura experientiam non habentem, reprehendatis. Facite ergo quæ decent promissiones vestras: vt Dei quoque promissionibus potiâmini; In Christo Iesu Domino nostro in secula seculorum. Amen,

Num. 21.
Exod. 12.
Luc. 24.






S. P.

E P H R Æ M

SERMO II. ASCETICVS.

DE PERFECTA VITA MONACHI.

1.  **L**ABOR & dolor me ad loquendum atque dicendum compellunt: verùm indignitas mea silentium mihi imperat. Cordis mei dolores loqui vehementer vrgent: sed peccata mea potius vt taceam suadent. Cùm igitur vtrinque coarctetur, loqui magis mihi expedit, quàm silere: vt vel sic à dolore cordis mei respirem atque quiescam. Anima quippe mea dolore plena est, & oculi mei lacrymas concupiscunt. Quis ergo dabit capiti meo aquam, & oculis meis fontem lacrymarum: vt deplem indefinenter diu noctuque vulnera animæ meæ, magnamque relaxationem instituti nostri monastici, hac nostra ætate (proh dolor) nimis inualecentem? Est enim anima mea mille confossa vulneribus, & ignorat: siquidem elatio eius atque arrogãtia ipsam suam considerare vulnera non sinit, vt curentur. Sola autem institutio, quæ Patrum nostrorum temporibus vigeat, rectè seruabatur: quippe qui fulserunt vt luminaria per totum mundum, piam atque religiosam in eo vitam ducentes inter tribulos & spinas, hæreticos, inquam, ac homines impios, & veluti lapides quidam pretiosi, ac margaritæ illustres enituerunt: quorum & ipsi inimici atque aduersarij ob summam castissimamque illorum conuersationem imitatores facti sunt. Quis enim admirandam illorum cernens humilitatem, animo non est compunctus? aut quis eorum mansuetudinem & quietem aspiciens, stupore non est correptus? Quis ita pecuniæ atque

auaritiæ deditus, vt voluntariâ illorum paupertate, ac rerum omnium inopiâ perspectâ, non illico mundi odium conceperit? Quis ita rapinis inhians & superbus: vt cùm vitæ illorum honestatem integritatemque exploratam habuerit, in æquitatem non sit mutatus? Quis fornicator, aut prophanus, illos precibus intentos conspexit, & non continuo pudicus & castus est effectus? Quis adedò ira aut furore feruidus, vt ex illorum conuersatione atque colloquio, in mansuetudinem non transierit. Hic igitur illi olim decertantes, nunc illic gloriantur atque exultant: quoniam & Deus glorificatus est in eis, & homines exemplo illorum sunt ædificati.

2. Nostra porro institutio, relictis viis rectis, per præcipitia fertur, asperasque per vias incedit. Non enim reperitur hoc tempore qui propter Deum pecunias ac facultates deferat: neque est, qui ob vitam æternam seculo renuntiet. Non est mitis, non humilis, non quietus, non disciplinatus. Non est, inquam, qui contumeliis iniuriisque affectus, patienter ferat: non est qui maledictis atque conuiciis vices referre non velit. At cuncti contradictores sunt: cuncti iracundi ac furibundi: cuncti indigni bundi: cuncti segnes ac desides: cuncti vestium ornamenta sectantur: cuncti vani sunt, & inanis gloriæ cupidi: cunctique sui ipsius amantes. Nam is quidem, qui vt instituatur accedit, antequàm se instrui patiatur, alios instruere cupit: & priusquam doceatur, docere vult alios: & antequàm didicerit, aliis leges dictare ambit; antequàm syllabas connectere nouerit, philosophatur: & antequàm subdatur, subiicere alios sibi appetit, antequàm superiorum imperatis morem gerati, p̄ se iubet & imperat: & priusquam corripì atque admoneri velit, ipse aliis leges præscribere nititur. Et si quidem senior sit atque prouectior, cum audacia & superbia imperat: at si iunior, contradicit atque repugnat senioribus. Quòd si fortè diues est, honorem sibi confestim deferri postulat: si verò pauper, de requie protinus est sollicitus, sin autem operarius, digitos mox delicatos atque elegantes habere studet.

3. Quis igitur non deplangat, charissimi, maximam nostram religiosi instituti cladem? Nos enim, qui seculo abrenuntiauius, terrena adhuc sapimus. Agricolaë ac rustici despiciunt terram: & nos qui videbamur esse spirituales, ter-

renis curis distringimur. Ignoramus ad quid vocati sumus, fratres; nescimus ad quid venerimus, dilectissimi. Ad temperantiam & abstinentiam vocati sumus: & ciborum varias exquisitasque delicias expetimus. Ad nuditatem persequendam venimus, & de vestium cultu contendimus. Ad obedientiam & mansuetudinem sumus vocati: & cum asperitate resistimus. Humilitati, & quieti atque silentio dare operam professi sumus: & contrariam omnes viam incedimus. Legentes, non cognoscimus: & audientes ea, quæ dicuntur, non percipimus, charissimi. Si quis fortè per iter, repente iugulatum hominem offendant; mutatur atque expallescit facie, & corde perhorrescit: nos verò occisos dum legimus Apostolos, & Prophetas lapidibus obrutos, adhuc ridemus. Et quid de Prophetis dico, & Apostolis? Ipsum Deum Verbum carnem factum in ligno suspensum, occisumque propter peccata ac scelera nostra, audientes atque legentes, mente vaga distrahimur, & ad risum convertimur. Sol non ferens iniuriam ac contumeliam Domini, subductis radiis splendorē suum in tenebras conuertit: & nos ex malitiæ nostræ tenebris, ad iustitiæ lumen conuerti volumus. Velum templi cum nihil peccasset, à seipso discissum est: & nos propter peccata nostra corde compungi recusamus. Terra contremiscens à facie Domini, ad nostrum terrorem sub pedibus nostris commouetur: & nos ne sic quidem ob nostram duritiem timore concutimur. Vrbes terræ motibus absorptæ sunt, & loca à facie iræ Domini desolata sunt plurima: & nec sic terrore corripimur. Sol iam semel & iterum super nos meridianis horis obscuratus est: & nec sic corde expauescimus. Persarum bella ac diuersarum gentium barbararum commota sunt, nostramque provinciam deuastarunt: vt nos Deum, vel per flagella timere discamus, ac poenitentiam agamus: cum & magnâ profecto nobis opus sit poenitentiâ, non paucorum duntaxat dierum, aut mensium, sed annorum, ac temporum plurimorum: & ne sic quidem conuerti adhuc volumus. Resipiscamus igitur ad poenitentiam, fratres: vt Deum peccatis nostris propitium habere valeamus. Deprecemur ipsum; quia iram eius prouocauimus. Humiliemus nos coram ipso, vt nos exaltet. Ploremus modo, vt postea in futura nos vita lætificet. Lugeamus

hic, vt illic consolemur. Projiciamus à nobis omnem curam, solitudinemque carnalem, & virtute quasi vestimento induamur, maxime nos, qui ad hoc angelicum vitæ institutum peruenire promeruimus.

4. Ita, charissimi mei, ita (quæso) modum ac normam, quâ illustres perfectique illi nostri olim Patres tradiderunt, omni conatu ac studio amplectamur: ne scilicet hodie, per abstinentiam maceremur, cras autem epulis distendamus. Ne hodie aquam bibamus, & cras vini potationi nos demus. Ne hodie nudis pedibus incedamus: & cras calceos, caligasque assumamus: Ne hodie cilicio vtamur: & crastinâ mollibus delicatisque vestimentis operiamur. Ne hodie simplicem amictum geramus: & cras ornatum requiramus. Ne modò mites ac humiles appareamus: paulò autem postea arrogantes atque superbi simus. Ne hodie modestos & obediētes nos præbeamus: & cras dissolutos, atque inobediētes. Ne hodie in nobis ploratus ac eiulatus audiat: & cras risus, atque contemptio. Ne hodie humi cubemus: & crastinâ in lecto molli dormiamus. Ne hodie pœnitentiam agamus: & cras otio atque negligentia diffluamus.

5. Ceterum vnâ nobis regulam, charissimi, deligamus: per quam Deo grati acceptique esse possimus, nobisque ipsi ac proximis nostris prodesse valeamus. Quòd si in vita solitaria per abstinentiam teipsum maceras atque mortificas, dum tibi à pluribus ministratur, offensam caueto. At si in multitudine vitam degas, Dominum tuum dicentem ausculta: Quæcunque vultis vt vobis faciant homines, & vos illis facite similiter. Quòd si tibi ob perpetuam corporis infirmitatem, assidue ab aliis ministrari oportuerit, vide, & sollicitè attende, ne proximo damnum iniuriæ inferas. Propterea verò & sancti probatissimi que olim Patres, iactis firmiter vnius viuendi regulæ fundamentis, perfecti euaserunt: siquidem illum canonem ac regulam, quam semel arripuerant, ad finem vsque vitæ, sine impedimento aliquo retinuerunt. Nam alij quinquaginta annis, alij pluribus, vno continentie atque abstinentie suæ gradu indefessi cucurrerunt, nunquam vitæ ordinem immutantes, continenterque summam, præclaram, atque irreprehensibilem ciborum & linguæ temperantiam, lecti duritiæ, hu-

Matth. 7.

militatem, mansuetudinem, fidem, & charitatem (quæ perfecti atque spiritualis ædificij culmen est) voluntariamque paupertatem strictè seruantes, & ab omnibus caducis ac fragilibus terrenisque rebus se abstrahentes, ac vitam virtutibus decoratam agentes; & in vigiliis, orationesque assiduas lacrymis ac compunctione irrigatas, salubriter incumbentes, cælestia contemplantes, & Deo iugiter seruientes. Risum illi vltra vultus serenitatem erumpere nunquam sinebant: superbiam autem prorsus conculcabant. Iræ atque indignationi locum planè non tribuebant. Aurum & argentum pro nihilo reputabant: seque ipsos ab omni penitus sorde peccati mundos nitidosque reddebant. Et ideo Deus quoque in illis habitauit, atque in eis est glorificatus; & quicumque illos videre vel audire meruerunt, Deo gloriam dederunt. Nisi enim quis seipsum ab omni re iniqua, sordidisque cogitationibus, ac prauis affectionibus, ira quoque & indignatione, inuidia atque superbia, & vana gloria, odio & detractiōe, contentione, & auaritia, aliisque inordinatis actibus; & cunctis denique (ne per singula recenscam) quæ odit Deus, expurgauerit, atque emundauerit: nequaquam in illo habitabit Dominus. At si quis ab his omnibus se purum immaculatumque custodierit: in illo, tanquam in domo ac sede gratissima, libentissimè inhabitabit. Dico enim mihi, obsecro: si quis te in lutum proijceret, & in eo semper te manere vellet; libenterne hoc faceres, talemque iniuriam patienter ferres? Quod si tu, qui cinis es & vermis, istud sustinere nequeas: quomodo vis ipsum Deum (qui immaculatus & incontaminatus est, solusque sanctus, & in sanctis requiescit) in te, qui totus foetidus es, & cœnofo horrore plenus, inhabitare?

6. Emundemus igitur nosmetipsos ab omni fæce peccati, dilectissimi: vt Deus in nobis inhabitet, & promissa eius cælestia consequi mereamur. Ne, quæso, nomini eius sancto, quod inuocatum est super nos, iniuriam inferamus: vt non propter nos, nomen Dei nostri à perfidis & impiis blasphemetur. Parcamus nobis ipsis, & intelligamus nomen nostrum, ipsius nomini consonare: Christus enim ipse, & nos Christiani vocamur. Deus noster, spiritus est: quare & nos efficiamur spirituales. Vbi enim spiritus Domini, ibi li-

bertas. Deus igitur operam, vt hac libertate perfruamur. Consideremus, qua nos conuersione dignatus est, & quanta nobilitate donarit. Agnoscamus, quòd ad magnas suas nos nuptias inuitauerit: nosque ipsos sic diligamus, quemadmodum ipse nos dilexit. Desideremus eum omni horâ, vt nos ipse glorificet. Attendamus nobis ipsis: ne duplici pœnâ in die iudicij mulctemur: maximè si post seculi abdicationem, adhuc ea quæ mundi sunt sapiamus: si post pecuniarum opumque contemptionem, de iis adhuc solliciti simus: si post carnalium abrenuntiationem, iterum quæ carnis sunt, persequamur. Quamobrem metuo, ne repente nobis dies illa superueniat: nudique tunc inuenti, ac miseri, & imparati, nos ipsos accusemus. Idem enim & in diebus Noë passi sunt, quando edebant & bibebant, Lnc. 17. exorabantur & dabantur ad nuptias, vendebant & emebant, donec repente superueniens diluuium perdidit omnes. Res quippe admiratione dignissima tunc erat, fratres, intueri fera animantia in vnum cogi: ac elephantes quidem ex India & Perside aduentare: leones autem & pardos ouibus caprisque misceri, & nihil eis nocere: serpentes & volucres, nemine impellente accedere, & circumcirca arcam degere atque excubare, idque per dies plurimos: ipsumque Noë studiosè arcam fabricari, ac magnis illos vocibus ad pœnitentiam hortari: & nec sic tamen illi resipiscere voluerunt: neque tot mirabilibus inspectis, tantoque variorum animalium atque immanium ferarum conuentu, compuncti sunt, vt saluari mererentur. Timeamus igitur, charissimi, ne eadem & nos patiamur. Nam quæ fuerant scripta, iam completa sunt: & quæ prædicta erant signa, finem acceperunt: nihilque restat deinceps, nisi vt inimici nostri Antichristi aduentus reueletur, quod & breui futurum expectatur. Nam vbi Romanorum Imperium fuerit impletum, omnia consummari oportebit.

7. Qui ergo saluari cupit, studiosè contendat: & qui in cæleste regnum intrare desiderat, negligentiam atque torporem omnem à se depellat. Qui à gehenna ignis liberari experit, legitimè nunc decertet, necesse est: & qui immortali vermi pabulum esse noluerit, vigilem ac sobrium se præ-

beat. Qui exaltari optat, penitus sese humiliet : & qui vult ibi consolari, hîc iam lugeat ac flet. Qui thalamum Domini ingredi concupiscit, & gloriari atque exultare in eo; lucidâ lampadem præferat, & oleum secum in vasis sumat: & qui ad illas nuptias invitari expectat, vestem sibi splendidam compareret. Est enim ciuitas illa magni Regis, plena lætitiæ & iubilationis, plena decoris & luminis, plena dulcedinis atque suauitatis; quæ æternæ coniuncta vitæ, omnibus in ea habitantibus iugiter manant. Si quis ergo æterni Regis appetit ciuis atque familiaris fieri: celeriter eò pergat, oportet: nam dies se iam inclinat ad vesperam; nullûsque quid sibi in itinere occurrurum sit, nouit. Quemadmodum enim si quis viator sciens itineris sui longinquitatem, fatigatus, in via obdormiat vsque ad vesperam; ac deinde somno experrectus, videt iam diem inclinatam: cûmque vltteriùs pergere tentet, repente in ipso itineris initio nubes illum ac grandines, tonitrua & fulgura, tribulationesque atque angustias vndique obruant & exagitent; vt neque domum retrogredi, neque ad destinatum locum vltra progredi possit: ita etiam nos, si pœnitentiam hîc agere neglexerimus, dum congruum nobis pœnitentiæ tempus adhuc suppetit, grauiter sanè illic pœnas luemus. Aduenæ enim & peregrini hîc sumus. Quare studeamus in ciuitatem ac patriam nostram, cumulari atque ornati bonorum operum diuitiis introire.

8. Negotiatores spiritales sumus, fratres, pretiosam quærentes margaritam, quæ est Christus Saluator noster, gloriatio & exultatio nostra, securusque thesaurus noster, quem auferre nemo nobis poterit. Quamobrem magnâ diligentia, studeamus illum acquirere atque possidere. Felix sanè, imò felicissimus, qui illum sibi acquirere ac vindicare studuit: sicut contrâ, miserrimus atque infelicissimus est, qui Conditorem illum omnium possidere neglexit: nam talis se ipsum perditioni, æternæque morti exposuit, dum noluit illum possidere, atque ab eo possideri. An nescitis, fratres, nos vitis veræ, quæ Christus est, palmites esse? Videre igitur, ne quis infructuosus reperiat. Nam veritatis Pater, agricola est, qui hanc veram vitem excolit: illosque, qui
fructuosi

fructuosi sunt, maiore studio atque amore colit, ut copiosorem fructum referant: eos verò qui fructum non faciunt, excidit, & extra vineam proijcit, ut igne comburantur. Sollicitè ergo vobis ipsis attendite: ne infructuosi inueniamini, excisique æterno igni tradamini. Similiter semen bonum sumus, charissimi, quod seminavit cæli terræque creator, Christus pater-familias. Nunc tempus messis aduenit, & messores paratas manibus tenent falces, solumque domini sui nutum expectant. Videte igitur ne quis vestrum inueniatur esse zizania, & in fasciculos colligatus, comburatur igne sempiterno.

Matth. 13

9. Non intelligitis, fratres mei, quàm formidabile pelagus nobis sit transfretandum? Perfecti quoque ac sapientissimi mercatores paratas suas tenent mercēs, expectantque cum gaudio donec illis secundus aspiet ventus: ut traiecto pelago, ad portum vitæ applicent. Ego verò, meique similes, & qui negligentia & otio disfluimus, variisque vitæ distractionibus tenemur, nullam prorsus animo sollicitudinem gerimus, quo infestissimum hoc mundi pelagus feliciter trajicere possimus. Quare metuo, ne, quando repente ventus afflauerit, imparati reperiamur ac minimè instructi: ligatisque manibus & pedibus, in nauem nos proiciant, ubi dies negligentiae atque socordiae nostrae deploremus: dum interim alios exultantes lætosque conspiciemus, nos ipsos verò in summa afflictione atque dolore constitutos. In illo enim portu, unusquisque cum suis opibus ac mercibus, quibus ditatus intrauit, gloriatur & exultat.

Matth. 22.

251

10. An ignoratis, fratres, quòd ad nuptias vocati sumus, in quibus Rex Regum, sponsus immortalis serenus accumbit? Cur ergo negligimus? cur hinc non tota animi intentione curamus nobis splendidam parare vestem: lampademque lucentem, vnà cum oleo in manibus sumere? An non perpenditis vobiscum, neminem illuc nudum ingredi? Quòd si quis impudenter ac temerè absque veste nuptiali introierit? scitis quid pati debeat eiusmodi: iussu enim Regis, ligatis manibus ac pedibus, proijcitur in tenebras exteriores, ubi erit fletus & stridor dentium. Quocirca sobrii simus atque vigilemus, dilectissimi: vereor equidem ne nos ab illo thalamo passionum affectionesque nostrae carnales expellant;

cùm & solo exteriori habitu ornati sùnt : exteriorque cultus ac habitus sæpe cordis nostri & mentis indicium est. Si quidem ornatus vestium, nos terrena sapere indicat: vestis, que accuratè nimis composita, verâ illâ nos gloriâ nudos demonstrat. Et amor gloriæ nos vanitati deditos esse designat: ciborumque deliciæ, gulæ concupiscentiam arguunt. Negligentia pigros atque inertes nos esse declarat. Nimius amor plura acquirendi ac possidendi, quòd Christum non amemus atque desideremus, nos accusat. Inuidiæ lues, charitatem in nobis non esse, denuntiat. Frequens pedum faciei que ablutio, nos nostris seruire passionibus significat. Per linguam, quid cor nostrum appetat, declaratur: quæ enim animus desiderat, lingua proferre consuevit; motuque labiorum, cordis nostri arcana depromuntur: nam ubi os nostrum aperitur, amoto iam ostio atque custode, sermo etiam noster citra delectum, temerè que progreditur: per verba autem, cordis occulta produntur. Os siquidem, quod animi secreta non seruat, suas illi cogitationes furatur: & dum intra se mens continere se existimat, oris temeritate atque effrænatione euulgatur: cùmque se minimè videri arbitrat, verbis proditur. Blandum detractionis virium dum libenter auditur, animæ odio laborantis certum indicium est.

II. Ne igitur quis erret, vt exteriori religionis habitu se aliquid esse existimet: nam qui se putat eiusmodi apparenti specie religiosum esse, seipsum potiùs fallit ac decipit. Et illa simulata religio quàm sit falsa, ex ipsa protinus conversatione eius, facîle cuius constare poterit. Si enim cogitationes cordis ipsius addiscere velis; aures tuas ori eius admove, statimque ex illo cognosces, de quibus sollicitus sit ac cogitet: vrùm de terrenis, an de cælestibus; de spiritualibus, an de carnalibus; de voluptatibus, an de continentia ac pudicitia; de opibus accumulandis, an de voluntaria paupertate & nuditate rerum omnium; de humilitate, an de superbia; de charitate an de odio. Nam de thesauro cordis, os depromit, easque ad se accedentibus profert. Et linguæ vsus, quibus cor perfrui desideret, Christone, an rebus præfentis seculi, ostendit. Inuisibilis que anima, per actus proprii corporis cernitur, cuiusmodi sit, bonane, an mala: bona quidem per naturam est, at voluntate liberi arbitrij mutatur in malam.

12. Ceterum dixerit fortasse quispiam, passiones eiusmodi naturales esse; eosque, qui illis indulgent, culpâ ac crimine vacare. Attende tibi ipsi, miser, ac caue, ne pulchrum optimi Dei opificium, in crimen ac culpam adducas: fecit enim ipse cuncta valde bona, & naturam nostram omnibus exornauit bonis. Exempli gratiâ: Esurit aliquis per naturam; non culpatur si moderatè comedat: at si immoderatè cibum capiat, reprehenditur: est enim naturalis esuries. Sitit quispiam similiter secundum naturam; non redditur obnoxius reprehensioni, si quantum naturæ sâtis sit, bibat: est enim sitis naturalis: at si vltra modum biberit, reprehensionis notam incurret. Sic si quis dormiat secundum naturam; non trahitur in culpam si moderatè dormierit: at si necessitatis mensuram excesserit, culpâ non vacabit: quippe qui seipsum nimium relaxarit, negligentiaeque ac somno tradiderit; ita vt naturam, immodici somni consuetudine captiuari, vincique permiserit. Natura enim & consuetudo, vtrâque partium testes sunt, atque præcones. Natura seruitium ostendit, & consuetudo propositum voluntatis indicat: ex vtrisque enim consistit homo. Voluntas verò cum libera sit, ac sui iuris, tanquã agricola quidam est, naturæ nostræ consuetudines prauas inferens, & bonas, sicut ipsa voluerit. Malas quidem consuetudines hac inserit ratione: Per famem, gulam: per sitim, immodicam potationem: per somnum, negligentiam atque torporem: per aspectum, cogitationem improbam: & per veritatem, mendacium inserit. Similiter virtutes bonas hoc inserit modo: Cibo inserit temperantiam, siti tolerantiam, somno vigilias, veritatem mendacio, & aspectui pudicitiam. In ictu enim oculi, voluntas nostra instar agricolæ (vt dixi) consuetudines malas radicitus euellit: & vt sibi libitum fuerit, virtutes bonas inserit, naturam vincens.

13. Nam veluti terra quædam actionis nostræ natura est, cuius agricola, voluntas est: consiliarij verò atque magistri, diuinæ sunt Scripturæ. Docent enim nostrum agricolâ, quas quidem consuetudines prauas euellere, & quas virtutes bonas inferere debeat. Nam quantumuis ingeniosus ac vigilâs, diligensque noster agricola fuerit: absque diuinarum Scripturarum doctrina obtusus est & infirmus, prorsusque rudis.

Siquidem sacrarum literarum institutio atque doctrina, intelligentiam ipsi, viresque præbet: & virtutes bonas ex propriis ramis ac surculis illi administrat, vt eas naturæ suæ ligno inserat. Fidem quippe bonam illi præstat, quam infidelitati suæ innectat: & spem, quam desperationi: charitatem, quam odio: scientiam, quam ignorantia: diligentiam, quam negligentia: laudem ac gloriam quæ probro, atque ignominia: & immortalitatem denique, quam mortalitati: diuinitatemque humanitati suæ inserat. Ceterum si contumaciâ atque arrogantia suâ ductus agricola ille noster, magistrum atque consiliarium suum relinquere voluerit, diuinas dico Scripturas: errabit vagus, & in cogitationes malas, & affectiones noxias incidet: congerensque consuetudines absurdas atque peruersas, inseret naturæ suæ, quæ maximè ei sunt contraria: puta, infidelitatem & ignorantiam, odium & inuidiam, superbiam, inanem gloriam, ambitionem, gulam, contentionem & contradictionem, aliaque plura his similia. Vbi enim præceptorem ac legislatorē suū dereliquerit, & ipse derelinquetur ab illo. Sin verò pœnitentiâ ductus, seipsum agnouerit ac reprehenderit: procidensque legislatori dicat: peccavi: quòd te Dominum ac magistrum meum deseruerim: illico legifer ad misericordiam flexus, eum clementissimè suscipit, illique de nouo vires atque intellectum bonum præbet, quo iterum valeat naturæ suæ terram operari, euellensque ex ea consuetudines prauas, inserit in illam virtutes optimas: coronisque prætetea ac laudibus illum donat & ornat: nempe, vt dum naturaliter esurit, abstineat: sitiens, toleret: concupiscentiis stimulatus, pudicitiam teneat: somno grauatus, ad vigilias se conuertat: pigritia atque segnitie si à diuinis laudibus torpescat, os suum ad confitendum & glorificandum Deum aperiat. Sicque in certamine perseuerans, laudem promeretur, & coronam: Coronam quidem, quia vicit naturam: laudem verò, quia virtutes sibi bonas acquisiuit.

14. Gloria igitur benignitati ac clementiæ eius, & confessio bonitati eius, & honor atque adoratio miserationibus eius. Quis enim pater ita misericordem se præbuit, sicut Deus noster? Quis pater sic suos diligit filios, quem admodum nos seruos Dominus noster dilexit? Omnia quippe nobis liberalissimè donat, omniaque affluen-

ter dispensat. Animarum nostrarum vulnera sanat, spretusque à nobis, longanimiter suffert; omnes enim nos saluari cupit: & omnes regni sui hæredes ac possessores fieri desiderat. Vult etiam voluntatem nostram atque propositum à se laudari. Ipse morbos omnes nostros, graues atque incurabiles sanat, cuncta autem quæ faciliè in nobis sanitatem recipiunt, ea vult nostræ voluntatis arbitrio curari, vt gloriam à bonitate ipsius promereamur. Et pigri quidem ac desidiosi vulnera curat: vt os suum ad glorificandam eius bonitatem, aperiat. Peccatori quoque peccata sua dimittit, vt eum ad promptitudinem & alacritatem bonæ voluntatis excitet. Infirmum citò exaudit, ne in pusillanimitatem incidat. Ceterum magnanimis, & eis qui constanter ac perseveranter ianuam eius pulsant, tam sanitatis quàm etiam mercedis præmia largitur, pro eo quòd non defecerint postulando. Poterat ille quidem cuncta animarum nostrarum sanare vulnera, nosque etiam inuitos ad bonitatem adducere: sed id facere non vult, ne voluntas nostra, arbitriique libertas, diuinis ipsius laudibus priuetur. Nos verò ipsum requirere, & in adiutorium atque patrocinium nostrum inuocare negligimus. Ipse autem dilexit nos: ipse misertus est nostri: ipse nos liberauit, redemit, atque suscepit. Ipse mentis nostræ oculos illuminauit. Ipse nobis suæ cognitionis gratiam præbuit. Ipse dulcedinem suæ charitatis nobis gustandam indulsit, vt eà degustatâ, ipsum iugiter sine intermissione requiramus. Felix ille ac beatus, qui percepto dilectionis eius gustu, protinus in ipsius desiderium exarsit, seque ipsum ad charitatis eius plenitudinem iugiter suscipiendam, præparauit, nam qui eiusmodi charitate repletus fuerit, amorem alterius cuiuscunque rei in seipso nequaquam suscipiet. Miser autem ille, & verè infelix, qui cùm charitatis eius dulcedinem degustauerit, per vanas seculi occupationes, perfrui eà, satiarique neglexerit. Quis ergo, dilectissimi, talem non diligit Dominum? Quis bonitatem eius non adoret, consiteaturque, ac prædicet?

15. Quam verò excusationem in die iudicii habituri sumus, si nostram hic salutem neglexerimus? aut quidnam ad eum dicemus? fortè, quia non audiuiamus? aut quia non cognouimus? vel quia non didicimus? Quid, obsecro, ille

potuit nobis facere, & non fecit? Ex immensa illa celitudine, & benedicto sinu Patris; nonne se humiliando ad nos descendit? Nonne cum inuisibilis esset, seipsum nobis ad videndum exhibuit? Et qui erat immortalis ignis; nonne propter nos incarnatus est? Nonne ut liberaret nos, palmis in faciem verberatus est? O miraculum timore ac tremore plenum! Manus lutea, ex puluere terræ formata, alapam dedit Conditori cæli & terræ. Nos verò miseri, nos infelices, qui terreni sumus & mortales, pulvis & cinis, ne usque ad verbum quidem sufferre inuicem possumus. Et Deus quidem noster, ac Dominus cum esset immortalis, beatus, atque æternus, ignominiosam propter nos mortem in tempore pertulit, ut nos ad vitam reuocaret: sepultusque est, ut secum nos pariter resuscitaret. Ex inimici nos vinculis absoluit, vinctumque eum tradidit nobis conculcandum sub pedibus nostris. Inuocauimus aliquando ipsum, & non exaudiuit nos: pulsauimus ad eius ostium, & non aperuit nobis. Et si verò audire interdum distulit; ideo moram fecit, ut merces nostra copiosior redderetur.

16. Cur autem abrenuntiasti seculo, charissime? an quia adhuc seculi oblectamenta persequeris? Ad tribulationem vocatus es; & tu requiem quæris. Ad vitæ austeritatem seueritatemque instituti, ac nuditatem vocatus es; & tu commoditates tuas, cultumque vestium requiris: Ad sitim; & tu vini potatione delectaris: Ad prælium inuitatus es; & tu sine armis spiritalibus in aciem aduersus hostes descendere cupis: Ad vigilias vocatus es; & inertia atque torpore somni resolveris: Ad luctum, ac planctum; & tu in risum effunderis: Ad charitatem sectandam; & tu odium in fratrem exerces: Ad obediendum superioribus; & subiici recusas: Ad silentium vocatus es; & tu vano multiloquio delectaris: Ad hæreditatem regni ipsius inuitatus es; & tu terrena sapere non cessas: Ad humilitatem & mansuetudinem vocaris; & tu superbiâ atque arrogantiâ intumescis. Et quid (quæso) ille in die illa tremenda dicturus est: nunquid, quia propter te humiliatus sum; quia pauper effectus sum; quia nudus incesi; quia esuriui & sitiui propter te; & dilexi te ex toto corde ac anima mea, & proximum meum sicut me ipsum; & posui ori meo custodiam, ut non detraherem fratri

meo : & non exiuit otiosus sermo per os meum ? An ignoras, ô miser, quia illic omnes cogitationes tuæ, atque sermones conscripti erunt ; & si mentiri volueris, arguet te conscientia tua, adiutrix ac socia ; Aut nescis, quoniam omnis creatura cum metu ac tremore ante horrendum illius tribunal adstabit ; & mille millia, & centies millies millena millia Angelorum atque Archangelorum, Virtutumque cælestium in conspectu eius circumstantur : & tu mentiri cogitas, & dicere, quia propter te hæc omnia sustinui, cum nihil omnino eius causâ perferre volueris ? Vide ergo, ne duplicem luas pœnam, pessimorum scilicet actuum tuorum, & mendacij. Verùm expergiscere, & surge à somno, reuolue mente cogitationes tuas, & redi in te ipsum ; ac considera, quia iam clauditur dies, & nox adest.

17. Sed & hoc iam frater intellige, quòd qui heri nobiscum erant fratres nostri, & nobis loquebantur, hodie nobiscum esse desierunt. Euocati enim sunt ad suum, nostrumque Dominum : vt vnusquisque eorum, negotiationis suæ quæstum ostendat. Ecce cognosce atque perpende, frater, quæ hesterni atque hodierni sunt diei : & vade quomodo hesternus quidem dies, quasi flos matutinus præteriiit ; hodiernus autem velut umbra pomeridiana. Contemplantur quoque quæstum negotiationis tuæ, an secundum Deum procedat atque proficiat. Sicut enim cursus velocissimus dies nostri pertranseunt. Beatus igitur, qui quotidie quæstum huiusmodi negotiationis suæ acquirit, eumque in vitam æternam congregat, vt illum ibi percipiat. Ceterum tu, dilectissime, cur negligis ; cur torpore atque ignauia deprimeris ; cur pigritia ac tædio tanquam vino inebriaris ; cur inanibus distractus, exacerbans te ipsum ? Mansionemne in hoc seculo facturus es ? Quemadmodum autem, si duo aliqui viatores in itinere sibi mutuo occurrant, & in suum singuli hospitium pergant, vesperi autem facto, in vna, quæ se fortè illis obtulerit, mansione simul remanserint : & illucescente iam die, ab inuicem separantur : nouitque quilibet eorum quid habeat in domo sua, diuitias an paupertatem, requiem an tribulationem : ita & nos sumus in hoc seculo. Mansioni nanque similis est hæc vita : quippe ex qua separantur ab inuicem quilibet in suum locum, in-

172 *S. PATRIS EPHRÆM SYRI,*
telligitque vnusquisque quid antè reconditum habuit. Nul-
lus enim ex nobis ignorat, quidnam ante se in cælum præ-
miserit: verbi gratiâ, an preces cum lacrymis, an mundas
sanctasque vigilias, an psalmodiam compunctioni coniun-
ctam, an continentiam, & abstinentiam humilitati admi-
stam; an abrenuntiationem cunctarum terrenarum rerum,
an charitatem non fictam & magnum desiderium Chri-
sti, an obedientiam & subiectionem erga superiores, ad
imitationem Christi obedientis vsque ad mortem. Hæc &
similia si præmisisti, bono animo esto, quoniam ad requiem
pergis.

18. At si nihil eiusmodi præmiseris, quid miser in hu-
ius vitæ mansionem proximam exacerbās? manē enim ab il-
lo separandus eris. Quid superbis? aut quid insolescis, quid-
ue mœrore deprimeris? an quia nec ipsam quidem man-
sionem separatim ferre potes? Quid verò tunicæ, ac pallij
curâ angeris, solitudineve es scarum? Qui dat iumentis es-
cam ipsorum, non te nutriet laudibus ipsius insistentem?
Qui cælestis eius regni hæres fieri expectas, de tunica &
pallio, victuque es sollicitus? Qui te ipsum mundo crucifixi-
sti, adhuc terrena sapi? Cur te ipsum fallis ac decipis? Cur
medicum exasperas, nolens sanitatem recipere? Tempore,
quo curari posses, tua vulnera occultas, & medicum, quod
non sis ab eo curatus, incusas? Tempus emendationis, ac
pœnitentiæ indultum est tibi: & pœnitentiam agere negli-
gis? Cur ergo culpas medicum, & arguis legislatorem? an
quia tibi, dum negligis & paruipendis, mortem inuexit?
Nunquid morti in illa hora necessitatis dices: permitte me
pœnitentiam agere? Vigila igitur, charissime, vigila: quasi
enim laqueus, hora illa repente superueniet tibi. Et tunc
stupore atque pauore mens tua corripietur, tuncque ad
conscientiam tuam recurrens, & suspirando dices: Væ mihi,
væ mihi! quomodo me in superbiam elato, & sine timore
ambulante, in vanum transferunt omnes dies mei? quo pa-
cto inter prauas inutilesque cogitationes, mihi tempus
præterit? Me miserum, qui tempus pœnitentiæ meæ per-
didi.

19. Et quid nobis proderit, hæc in hora mortis cogi-
tare, quando iam vltèriùs non concedetur nobis in hoc
mundo

mundo remorari? Imprime igitur animo tuo hæc, quæ dicuntur. Introeant in aures tuas quæ pronuntiata sunt à Domino: si tamen vel ipsi credis. Ait enim: De omni verbo otioso reddituri sumus rationem in die illa tremenda. Sufficeret autem nobis ad incutiendum terrorem, vel solus hic sermo, si tamen conscientia mentis nostræ esset sobria. Qui verò neque ea, quæ sunt scripta intelligit, neque ea, quæ dicuntur auscultat: similis est talis homo canali seu fistulæ aquam quidem recipienti, sed quòd transeat per ipsam minime sentienti. Quis igitur non fleat, quis non contristetur ac lugeat? & quis non obstupe scat? Ecce enim orbis terræ Dominus tam per seipsum, quàm etiam per seruos suos Prophetas & Apostolos, prædicat & clamat: nec est qui audire curret. Quænam verò illa sunt, quæ ab illis prædicantur? Nuptiæ, inquit Dominus, paratæ sunt: tauri mei, & altitia occisa sunt. Sponsus in thalamo suo cum gloria & magnificentia residet, & cum gaudio recipit introeuntes. Fores patent, ministri festinant, prædicatores vndique conuocant, & clamant: Priusquàm ianuæ claudantur, celeriter intrare properate: ne fortè foris remanere cogamini, & vltra iam non sit qui vos introducat. Væ autem, quia non est qui ista intelligat: non est qui curet, studiumue adhibeat: verum ignauia & sollicitudo seculi huius, catenæ instar vinctam tenent mentem nostram. Diuinas sanè scripturas rectè quidem scribimus, & rectè legimus: at rectè illas audire nolumus, quia quæ nobis præcipiunt, opere implere recusamus.

10. Quis, obsecro, aliquando sine viatico, longinquæ peregrinationis iter arripuit? aut quis vnquam absque viatore perito, magnas itinerum difficultates ingredi tentauit? sicut nos citra sumptum bonorum operum, & sine spiritali duce facere volumus: qui relicto hîc nostro viatico, nihil nobiscum hinc peregrè profecturi deferimus. Felix sanè ac beatus, qui cum fiducia proficiscitur ad Dominum, & indeficiens secum viaticum iugiter defert, vt nullam patiatur inedia. Ecce etiam decem virgines dormiunt: & serui negotiantur, expectantes Dominum suum, quando accepto regno, cum potestate & maiestate magna veniet coronaturus seruos suos, qui acceptâ ab eo pecuniâ, optimè in ea mercati sunt, perdatque cunctos inimicos suos, qui ipsum super

se regnare noluerunt. Quemadmodum si media nocte graui somno hominibus depresso repente magnus è cælo sonus efficiatur, tonitruaque horribilia, & coruscationes ac fulgura dira, vnâ cum terræ motibus: exterritique subito dormientes, reuoluat vnusquisque apud se sua opera, siue illa bona fuerint, siue mala. Qui verò mala gesserint, in cubili suo iacentes percutient pectora sua: quia nullus iam illis erit, aut euadendi, aut se abscondendi, aut resipiscendi ab his quæ malè egerint, locus reliquus. Terra nanque concutietur, tonitrua fragore ingenti terrebunt, fulguraque consternabunt, & profundæ eos tenebræ occupabunt. Sic quoque in hora illa metuenda, instar fulguris velocissimi, repente iudex adueniens commouebit vniuersam terram. Tubæ enim cum timore ex cælo resonans excitabit defunctos, omnesque, qui à seculo obdormierunt, resuscitabit. Cæli cum virtutibus suis mouebuntur: & terra omnis, vt aqua maris, à facie maiestatis eius contremiscet. Ignis enim horribilis ante faciem ipsius præcurret, emundans eam ab iniquitatibus, quibus fuerat contaminata. Infernus æternas suas portas aperiet, mors euacuabitur, ac destruetur. Puluis autem, qui computruerat naturæ humanæ, audita voce tubæ, spiritum vitamque recipiet. Erit enim verè tunc mirabile, fratres, horâ illâ, quasi in ictu oculi, in inferno multitudinem innumerabilem cernere, instar piscium maris agitari: & ossa infinita humanæ naturæ, circumcurrendo, suas vnumquodque compages atque iuncturas requirere. Surgentesque clamabunt omnes, & dicent: Gloria omnipotenti Deo, qui congregauit nos, & per immensam clementiam suam resuscitauit nos. Tunc exultabunt iusti, & lætabuntur sancti: quique veri ac perfecti monachi fuerint, consolatione perfruentur, & à laboribus felicitis exercitationis suæ atque abstinentiæ requiescent. Martyres coronabuntur: Apostoli & Prophetæ gloria & honore decorabuntur.

21. Beatus, qui meruerit horam illam videre, quando cum gloria rapiuntur in nubibus obuiam immortalis sponso omnes qui dilexerunt eum, & cunctas voluntates ipsius perficere studuerunt. Nam sicut vnusquisque hîc perfectioni operam dedit: ita illuc ad excelsa præmiorum fastigia peruolabit; & quæ admodum hîc quisque cor suum emundauerit: sic eius quoque

gloriã tunc intuebitur, & quomodo quisque eũ desiderauit: ita etiam dilectione ipsius satiabitur. Admirabitur quoque in illa hora primus parens Adã, magna illa & terribilia cernens, quomodo nimirum ex se solo, & coniuge sua gentes immẽsæ atque innumerabiles, infinitæque nationes processerint. Magis autem admirabitur, gloriam referens Creatori Deo, quomodo ab vna natura, & ex vna creatura procreati, alij in regno cælorum ac paradiso, alij in inferno sortem pro meritis suorum operũ acceperint. Gloria soli sapienti Deo, Charissimi, recordatus sum horæ illius, & contremui: consideraui horrendũ illud iudiciũ, & totus expaui. Paradisi quoque delicias atque oblectamenta perluaui animo, & ingemiscens fleui acerbè, ita vt non remaneret in me vis, vt ampliùs flere possem: quoniam in negligentia, & elatione atque distractione pertransiui dies meos, & in cogitationibus sordidis transegi annos meos: & quomodo mihi furtim sublati sunt, non animaduerti, neque quo pacto præterierint, sensi. Hei mihi, dies mei defecerunt, & iniquitates meæ multiplicatæ sunt. Hei mihi, dilectissimi: quid faciam in confusione horæ illius, quando per circuitum astabunt mihi noti mei, qui me in hoc religionis habitu conspicientes, beatum prædicabant: cùm intèrim essem intus iniquitate & immunditiã plenus, obliuiscererque Domini, qui corda scrutatur & renes? Verè magna illic erit confusio, & infelix ac miser valde, qui illa ibi confusione notabitur atque excipietur.

22. Deus pie & misericors, per miserationes ego tuas te adiuro & deprecor, ne me cum hædis à sinistris tuis tũc statuas inter illos, qui hũc te exacerbarunt; neque ibi dixeris mihi: Nescio te; sed per ineffabilem illam tuam clementiam, & per viscera misericordiæ tuæ, indefinenter mihi planctum compunctionemque largire: & humilia cor meum, Domine, atque purifica, vt rẽplum sanctum gratiæ tuæ effici mereatur. Nam licet peccator ego sim, impiẽque egerim, assiduè tamen ad ianuam tuam pulso: & si ignauus ac negligens, viam tamen tuam ego semper incedo. Obsecro charitatem vestram, fratres mei charissimi, omni studio cõtendite placere Deo, dum tempus vobis hũc suppetit. Corã illo plorate dies noctesque, & in orationibus atque psalmodiis vestris assiduè deprecini, vt nos à sempiterno illo planctu ac luctu, à stridore den-

tium, à gehenna ignis, & ab immortali illo verme semper rodente, & nunquam quiescente eripere ac liberare dignetur: nosque in suo regno in vita æterna, gaudio semper repleat, vbi exulat omnis dolor, tristitia, & gemitus: vbi nec lacrymis, neque pœnitentiâ opus erit: vbi nec metus est, nec tremor; vnde mors extirpata est, atque corruptio: vbi nulla est differentia, vbi non est aduersarius, neque impugnator: vbi non est exacerbatio, nec ira: vbi locum non habet odium, neque inimicitia: sed semper ibi adest gaudium, lætitia, & exultatio, mensaque cibis spiritalibus atque cælestibus plena, quam præparauit Deus cunctis diligentibus se: & beatus, qui ad eam meruerit accedere: miser autem & infelix, qui per suam negligentiam ieiunus ab ea reiectus fuerit. Deprecor vos, dilectissimi, effundite super me viscera pietatis vestræ: & orate pro me, procidentes benignissimo amatori hominum, vnigenito Filio Dei; vt faciat mecum secundum misericordiam suam, & liberet me à multitudine iniquitatum mearum, collocetque me in circuitu tabernaculorum vestrorum, inter macerías benedicti paradisi: vt prope vobis ibi assistere merear, qui illius promissiones hæreditate percipitis. Vos namque filij estis dilecti Deo: ego verò quasi canis sum abiectus ac vilis. Vtinam vel micæ vestræ mensæ proiciatis; vt impleatur in me, quod scriptum habetur: Quoniam & catelli comedunt de micis, quæ cadunt de mensa dominorum suorum. Ita sanè, charissimi mei, effundite super me, obsecro, preces vestras: & venite, solliciti simus de vita, atque salute nostra, omnia enim instar vmbre prætereunt. Auersemur igitur mundum, & cuncta quæ in eo sunt, solitudinem quoque secularem, & affectionem carnalem: nullaque omnino nobis alia sit cura: nisi duntaxat nostræ salutis, quemadmodum & Dominus noster præcipit, dicens: Quid enim proderit homini, si vniuersum lucretur mundum; animæ verò suæ detrimentum patiatur? aut, quam dabit homo commutationem pro anima sua?

Matth. 15.

Matth. 16.

23. Negotiatores spiritales sumus, dilectissimi mei, secularibus negotiatoribus similes. Perpendite quæ dico, fratres. Negotiator secularis, damna & lucra quotidie computat: & si quidem damna perpeßus fuerit, ea refarcire sollicitè studet. Sic etiam tu, charissime, seriò facias, ac cures.

Diebus singulis, vesperi & mane diligenter considera, quo pacto sese habeat negotiatio tua, ac mercimonij ratio. Et vespere quidem ingressus cubiculum cordis tui, examina temetipsum, ac dicito: Putasne, hodie in aliquo Deum exacerbavi? Nunquid verba otiosa protuli? Num per contemptum negligentiamue peccaui? Num in re aliqua fratrem irritavi? Num alicuius famam detractionibus laceraui? Num quando ore psallebam, res seculares mente versabam? Num quando carnalis in me concupiscentia irruit, blandum virus ego lubens suscepi? Nunquid à curis atque sollicitudinibus terrenis aliquando superatus sum? Quòd si in istis compereris te detrimenta perpeßum, futuris lucris præterita damna sedulò resarcire cura. Ingemisce ex intimo corde, & plange ac lacrymas funde, ne eadem rursus detrimenta atque incommoda sustineas. Nam nisi de singulis negligentia peccatis ex animo doluerimus: diabolus haudquaquam à nobis repellere, vel etiam emundari poterimus. Et factò iam diluculo, rursus eadem tecum meditare, & dicito: Quomodo, putas, ista mihi nox præteriiit? lucratusne sum in ea mercimonium meum? Nunquid mens mea, vnà cum corpore vigilauit? Nunquid oculi mei lacrymas fuderunt? Nunquid cùm genua noctu ad orationem flecterem, somno depressus sum? Nunquid improbae ac sordidae cogitationes inuaserunt me, atque illis libenter immoratus sum? Et si te in eiusmodi victum esse senseris, sollicitè curari stude, cordique tuo custodiam statue, ne eadem rursus patiaris. Quòd si curaueris, & pro salute animæ tuæ sollicitus fueris, negotiationemque tuam cum lucro hîc exercueris: gratus atque acceptus tuo eris Domino, & tibi ipsi magnopere profueris.

24. Attende porro tibi ipsi solerter, nequando teipsum torpori atque negligentia tradas. Initium enim perditionis, est negligentia, & omnis inobedientia: quæ quidem per modicas occasiones irrepit, sed postea totum hominem obsidens, omne studium religionis relaxare, iugumque eius excutere cogitat. Imitare autem apem, charissime, & admirabile eius cerne mysterium, quo pacto illa ex variis sparsisque terræ floribus suum colligit opificium. In hoc ergo paruo ac vili animante solertiam magnam considera. Si enim

omnes sapientes terræ, cunctique orbis philosophi congregati fuerint, sapientiam illius edisserere haudquaquam valent: quomodo nimirum illa, ex floribus quasi quædam monumenta ædificet, in quibus & soboles suas sepelit: cumque iam eas viuificauerit, tum demum velut dux quidam militiæ, sua illas voce excitat: qua audita, illæ pariter ex suis sedibus ac tumulis euolare incipiunt: postquam autem euolauerint, operatur ac replet eadem monumenta mirabili escarum dulcedine, distenditque nectare cellas; ita ut omnis, qui opus ac laborem illius prudenter considerat, glorificet Creatorem Deum, admirans secum, quod ex tam vili atque abiecto animante, tanta procedat sapientia. Et tu ergo, charissime, esto sicut & illa; atque ex diuinis Scripturis diuitias tibi congrega, & thesauros qui nunquam eripi tibi poterunt, illosque in cælum præmittere satagito. Nam & terreni Principes, si quisquam illorum in regionem longinquam proficisci voluerit, præmittunt seruos cum rebus ac opibus suis; ut cum in præparatam iam mansionem peruenerint, habeant ubi requiescant. Ita & tu, dilectissime, facito: & in cælum tuas diuitias præmittito, ut in Sanctorum tabernacula recipi merearis.

25. Noli breue hoc vitæ tempus in negligentia atque desidia transigere: ne postea in sæcula infinita pœnitere atque dolere cogaris. Nunquid dicentem Dominum nostrum audisti: In hoc mundo pressuram habebitis? Et iterum: In patientia vestra possidebitis animas vestras? Quod si tu negligentia atque torpore relaxatus, tribulationes huius sæculi oderis, patientiamque subterfugeris, voluptates verò carnales appetas; cur iugum Christi leue atque suaue, propter tuam ignauiam, quasi durum & graue, importabileque, maledictis insectaris? Væ tibi miser: quid agis? Te ipsum in perditionem præcipitas dum ista caularis. Et quis tui miseribitur, si tu te ipsum occidas? Sumptis enim armis Christi, quibus hostem debellare debueras, gladium in tuum ipsum cor infixisti. Euigila, obsecro dilectissime; & ne hinc in negligentia atque otio vitam conteras; ne postmodum frustra illic te pœniteat, ubi nulla pœnitentiæ erit utilitas. Si in hac duntaxat vita miser gloriaris; vana est planè oratio tua, vana quoque spes tua, & inanis expectatio tua. Quid est,

IOH. 16.

LUC. 21.

quod os tuum orat Deum, & cuiusmodi sunt, quæ ab illo deposcis: num seculi huius vitam ac requiem: an vitam immortalem, & nunquam senescentem? Quod si hæc momentanea & transitoria tantummodò requiris: meliores te iam sunt fur & fornicator. Illi enim, ut saluentur, orant: & te, qui fallaciter in hoc bono & angelico vitæ instituto viuis, beatum prædicant. Lucem enim odisti, & tenebras dilexisti: postpositoque cælesti regno, terrena ac temporalia appetuisti. Veritusne es miser, ne fortè clemens & benignissimus Deus tuos labores sperneret atque reiiceret? At ipse certè suâ gratiâ tibi ad eos perferendos virtutem præstitit: ipse cor tuum compunxit, & mercedem tibi attribuit. Omnia ab ipso accepisti: & tu superbiâ elatus contemnis, & de eius bonitate diffidis? Mercedem mercenarij exquiret ab his qui defraudant illum: & te lacrymarum tuarum atque laborum mercede priuabit? Absit. Qui ait: Luc. II. Quærite, & inuenietis: pulsate, & aperietur vobis; illene mendax propter te efficietur? Nequaquam hæc te suspicio, miser, decipiat: procul à te talis cogitatio recedat. Et quis tam sæuus & inuidus tibi fuit, ut eiusmodi suggereret? Illè sanè aduersarius, & bonorum omnium hostis, diabolus: illius quippe hoc propriè est studium, illius hic est conatus, ut si fieri possit, nemo hominum saluetur.

26. Redi igitur nunc ad teipsum, & ne animam tuam oderis. Aperi oculos mentis tuæ: & cerne illos, qui tecum versantur quomodo in communi decertant, quàm sollicitè aduigilant, lampadesque suas ardentes manibus tenent: & os ipsorum laudat atque glorificat immortalem sponsum, oculique eorum pulchritudinem illius contemplantur: & anima ipsorum virescit ac floret, lætatur & exultat. Considera quoque, charissime, quia dies Domini appropinquat, & venire non tardabit. Adueniet autem, ut expectantes se repente lætificet. Erit enim, ut personet vox, dicens: Ecce sponsus venit, exite obuiam ei. Tum hi qui recum sunt, cum gaudio procedent obuiam, habentes secum lampades suas claras ac pelluentes, vestemque nuptialem splendendam, audientque vocem Sponsi immortalis, ad eos dicentem: Venite benediçti Patris mei, hæreditate possidere præparatum vobis Regnum à constitutione mundi. Tu au-

tem, cūm vox illa clamoris insonuerit, prorsus dictures es ad eos: Fratres mei, donate mihi modicum olei: ecce enim lampas mea exstinguitur. Audiesque ab eis responsum: ne forte non sufficiat nobis, & tibi: vade potius ad vendentes, & eme tibi. Et tunc perges pœnitentiâ ductus, & dolore afflictus: & nusquam vbi oleum tibi emere possis, inuenies. Omnis enim tunc terra timore cōcutietur, velut aqua maris, à facie gloriæ eius. Tuncque mœstus, cum planctu ac vlulatu dices: Vadam, & pulsabo ianuam; & quis nouit, si forte aperiatur mihi? Reuersusque pulsabis: & nemo erit, qui tibi respondeat. Et iterum insistens, pulsabis, & respondebitur tibi ab eis, qui intus sunt: Amen, amen dico tibi: Nescio te, quis sis: discede à me, operarie iniquitatis. Te autem ad ostium persistente, introibit in aures tuas vox lætitiæ & exultationis, dignoscesque vniuscuiusque familiarium atque sodalium tuorum vocem, & amarè flens atque suspirans, dices: Hei mihi, hei mihi misero & infelici! quomodo tantâ fratrum meorum claritate ac gloria priuatus sum; & à contubernalibus sociisque meis separatus? Totum vitæ meæ tempus cū illis transegi: at nunc ab eis segregatus sum. Iustè sanè ac meritò hæc iam patior. Illi nanque continenter ac temperanter vixerunt: ego verò indifferenter atque negliger. Illi compuncti corde, psallebant: ego autem mente distractus, silebam. Illi genuum flexionibus sedulò vacabant: ego verò dormiebam. Illi precibus intenti erant: ego autem mente distracta, euagabar. Illi seip̃s humiliabant: ego verò superbiâ intumescēbam. Illi seip̃s contemnebant: ego autem exteriore cultu atque ornatu delectabar. Illi nec in minimo quidem Patribus contradicebant: ego verò & in maioribus inobedientem me præbebam. Illi citra Patrum iussionem ne cogitare quidem aliquid audebant: ego autem propria voluntate in perditionem sum præcipitatus. Illi omnem seculi cogitationem atque affectum inimicum sibi ducebant: ego verò cum his conuersari haudquaquam recusabam. Propterea illi nunc latantur: ego autem tristitia atque dolore plenus sum. Illi exultant: ego verò acerbè fleo. Illi consolatione fruuntur; & ego in luctu ac planctu nunc verfor.

ENC. 13.

27. Euigila igitur, ac resipisce paululū, ô miser; & immensam

mensam Domini Dei tui benignitatem considerans, toto corde ad eum reuertere: & noli, quæso, tuam salutem negligere. Inquite illum ex animo, & citò erit tibi in salutem: inuoca illum, & te proteget atque defender. Da illi: vt centuplum ab eo recipias. Si enim charta inanimata per literarum apices clamans, restituit omne debitum quod in ea scriptum continetur: quantò magis benignissimus Deus largietur gratiam exquirentibus se. Charta quidem per literas vsuram vsuræ addit: at thesaurus diuinæ gratiæ, multiplicabit in Christo mercedem orationum atque deprecationum nostrarum. Noli ergo negligere & torpore atque ignauia deprimi, neque terrenarum rerum in te curæ dominantur, neque in desperationis laqueum te ipsum conijcias. Nam Deus visceribus pietatis atque misericordiæ suæ suscipiet ac proteget te, omnesque, qui illum toto cordis affectu requisierint. Accede igitur ad ipsum securus, & ne dubites; procide coram eo, suspira, plora, ora, & dic ipsi: Domine meus & Saluator meus, quare dereliquisti me? Miserere mei, quoniam tu solus benignus ac misericors es. Salua me peccatorem: quia tu solus absque peccato es. Euellè me ex facie ac cæno iniquitatum mearum: vt non infixus ibi hæream in secula seculorum. Libera me ex faucibus inimici: nam ecce tanquam leo rugit, me deuorare cupiens. Excita potentiam tuam, Domine, & veni, vt saluum me facias. Fulgura coruscationem tuam, & dissipa vires eius. Terreatur, ac dissipetur à facie tua: infirmus quippe est, neque vim obfistendi tibi habet; vt neque eis, qui verè diligunt te. Cernens enim signum gratiæ tuæ, deterritus fugit, confususque recedit ab ipsis. Et nunc Dominator Domine, salua me, obsecro, quoniam ad te confugi.

28. Si hoc modo ad Christum accesseris, eumque ex toto corde inuocaueris, confestim tanquam benignus & misericors pater, suam in auxilium tuum gratiam einnitet, implebitque cunctas voluntates tuas in bonum. Ita, charissime mi, ita age, & ad illum accede: & ne negligas inuocare eum. Et ne otio atque desidia obtorpescas: neque ad me pigram ac segnem attendas. Mihi enim sufficit confusio vultus mei, qui dico, & non facio, moneo, & non intelligo. Ceterum imitator esto perfectorum ac spiritalium Patrum:

& regulam illorum exquire ac sequere, eorumque decretis insistere. Neque supra modum tentes grandia atque excelsa, quæ perficere nequeas: neque rursus nimium secteris vilia atque abiecta, ut multiplicetur merces tua. Neque delicate nimis corpus tuum enutrias, ne fortè oppugnare te incipiat: neque ipsum carnalis voluptatibus assuescas, ne prægrauetur anima tua, & in infima terræ depressa, deducatur ad vitia. Nam si illius concupiscentias explere volueris, derelinquet viam planam ac rectam, & per aspera atque prærupta incedet, cogitationes quasunque sordidas facile libenterque admittens, & pudicitie iam bellum in tuam perniciem indicens. Quod si illud rursus ultra modum laboribus maceras atque affligis: etiam sic gravitate oneris opprimitur anima tua, dum tristitie atque pusillanimitati subditur, & à torpore ac tædio vincita detinetur, iracundiæque concitatur, & ad laudes Deo referendas, precesque fundendas, necnon ad bonum obedientie atque humilitatis, pigra ac segnis efficitur. Bono igitur te ipsum modo ac via, sub discreta Patrum regula custodi, atque gubernare: & ne quid nimis, ut perfectus in cunctis reddaris. Nunquamne (dicito mihi) in stadio pugilum, equis currentibus spectator astitisti? aut num scapham rursus in pelago non conspexisti? Etenim equos si quis immoderatus ad cursum concitarit, solo postmodum strepitu terrentur: contra verò, si nimium relaxati fuerint, ipsum etiam aurigam deiiciunt, deiectumque per diuersa sæpe trahunt. Similiter & navis in mari, si pondere nimio grauata fuerit, facile fluctibus concutitur, atque submergitur: at si levis & sine onere nauiget, citius ventorum vi subuertitur. Similiter quoque & anima, & corpus, si supra modum onerentur, citò succumbunt, & in ea, quæ ante diximus, incidunt. Atque ideo bonum est, ita vnumquemque incipere, ut perficiat, Deoque placere queat; & sibi ipsi utilis sit, ac proximo.

29. Vos estis benedictus grex Christi: qui vocem eius audistis, ipsumque sequimini. Vos estis luminaria mundi & sal terræ, columnæque sub cælo. Vos, inquam, qui perfecti ac veri monachi estis, qui Angelicam conuersationem diligentes, super terram vitam Angelorum viuitis: corpus

liquidem humanum gestantes, opus atque ministerium Angelicum perficitis. Certamen quidem vestrum, dilectissimi, temporarium ac momentaneum est: at retributio & laus æterna. Et labor, quidem exercitationis atque abstinentiæ vestræ brevis est: verum requies ac merces, immortalis & infinita. Quantò vos alacrius religionis regulam obseruatis, & virtutem cum dilectione excolitis: tantò aduersarius vester diabolus magis furore atque insania accenditur, diuersosque in perniciem vestram laqueos occultè tendit, vt suis vos laqueis constrictos, à rectocalle semitaque detorqueat. Attendite ergo vobis ipsis, charissimi, ab insidiis eius. Nemo enim absque certamine coronatur, & gratia Dei nunquam vllum deferet, qui promptè alacriterque pugnaverit. Si quis verò per ignauiam seipsum relaxans, os suum aperire, & gratiam ipsius in auxilium suum inuocare neglexerit: seipsum iam incuset, & non gratiam, si ab ea deferatur. Quemadmodum enim si quis manibus ac pedibus sanus sit, habeatque ante se escas plurimas appositas, & segnitie torpens noluerit ori suo eas ad mouere, iisque vesci, vt animam corpusque reficiat, talis si bi ipsi necis suæ auctor est: ita quoque monachus, qui suauissimos diuinæ gratiæ cibos expertus est, si neglexerit ipsam inuocare, haudquaquam dulcedine eius satiari recrearique poterit, sed velut fame consumptus, auxilioque destitutus, tabescet. Quis ergo illius miserebitur, qui cum gratiæ cælestis escam, si manus extenderet, gustare posset, sponte se illius suauitatis epulis per desidiâ priuat? Aut quo pacto misericordiam speret monachus, qui salutis suæ immemor, solum ea quæ terrena sunt, curat?

30. Similis porro est monachus militi ad bellum proficiscenti, qui corpus suum armis vndique munit, armatusque persistit, vigilat, cautè agit, & anxius est, donec belli finis aduenerit: ne fortè dum parum sibi cauet, aduersarius repente in eum irruat, incautumque deiciat, & apprehendat. Eodem modo & monachus, si somno atque inertia se ipsum relaxarit, facillimè ab inimico diabolo capietur, ac prosternetur. Immittit siquidem ille in cor eius cogitationes turpes ac sordidas, quas hic libenter in se admittit ac recipit, superbiam præterea, ac vanam gloriam, inuidiam, detra-

tionem, odium, gulam, libidinem, insatiabilemque somnum: & inter hæc omnia, in desperationem seipsum miser præcipitat, & in reprobationem malorum. Ceterum si sollicitus semper vigilauerit, diuinamque gratiam assidue in suum præsidium quæserit, atque implorarit, succurrere ei ab illa iugiter, & edocebitur ab ea, quomodo placere debeat Deo: sitque in eo ipsa gratia laus, atque laudator. Nā quemadmodum qui seipsum intuetur in speculo, idem ipse est qui videt, & qui videtur: ad eundem modum & diuina gratia, ubi inuenerit requiem, ibidem inhabitat, & inhabitatur: efficiturque, ut iam dixi, & laus, & qui laudem exhibeat. Absque enim illius adminiculo, non præualeat cor placere ei viribus suis, verum ut ipsi placeat, ab ea accipit, & ex eius vino potum eidem offert. Ita, exempli gratiā, ex compunctione, quæ insigne gratiæ donum est, retribuit ei lacrymas, & ex dulcedine vini illius, humilitatem profert cordis, atque ex ipsius virtute, quam sumpsit, diuinas ei psallit laudes. Sine faciei quippe aspectu speculum inefficax est atque inutile: at cum personæ cuiuslibet aspectum acceperit, ex eo quod accipit, simul reddit: & si ornata ipsi facies admoueat, idem etiam ex ipso speculo ornatus exprimitur. Sic quoque homo sine gratiæ diuinæ adiutorio pauper est & bonorum inops. Si verò ipsam gratiam promeruerit, poterit illius ope virtutes exercere, atque perficere. At si illam rursus sua negligentia atque segnitie à se fugauerit, desolatus planè inuenietur ac nudus: inhabitabuntque in eo cogitationes turpes & execranda, sicut nycticorax in domicilio. Hominis igitur est gratiam inuocare, ut illa adueniens mentem ac cor ei illuminet: purificansque seipsum homo, eam in domicilio pectoris sui inhabitatricem, & auxiliatricem sibi acquirat, & per eam quasunque virtutes exerceat, illuminatusque ab ipsa, varium ac multiplicem omnino futuri seculi decorem contemplari valeat: efficiturque in ipso murus & antemurale, & custodit ipsum ab omni malo, donec ab hoc seculo in vitam futuri seculi transferat.

31. Inclina ergo ad me aurem tuam, charissime, & ero tibi bonorum consiliator, si ad vitam cupis æternam peruenire, & beatitudinem Domini tui consequi. Dic mihi, frater, cur aquā abluis faciem tuam? nunquid ut proximo tuo

magis placeas? Necdum ergo, vt videtur, respuisti passion-
 nes carnis tuæ: sed eis adhuc seruis, & delectaris. Quòd si
 faciem tuam lauare desideras, lacrymis eam abluito, & sus-
 pirii ac fletibus eam lauato: vt in conspectu Dei & san-
 ctorum Angelorum eius, cum gloria ac claritate resplen-
 deat: nam facies, quæ lacrymis abluatur, immarcescibilem
 pulchritudinem acquireret. Sed fortasse dicturus es mihi: Pu-
 det me, turpem atque deformem faciem præferre. At e-
 go dico tibi, quòd sordes illæ vultus tui, pedumque tuo-
 rum, si cor mundum ac castum habueris, super claritatem
 solis coram Deo & Angelis eius refulgebunt. Quorsum e-
 tiam temerè ac passim rides? Nonne plangere, atque
 lugere potius ex Domini præcepto deberes? Tu verò his
 omisiss, quæ tibi ille facienda mandauit, risibus incondi-
 tis delectaris. Et hoc vnde, nisi quòd non appetas beati-
 tudinem eius; neque supplicia, quæ ipse comminatur, per-
 timefcas?

32. Qui igitur varias tentationes expertus est, commo-
 nere eos poterit, qui necdum eas sunt experti: & qui in
 latrones incidit mercator, viatores poterit cautos atque
 sollicitos, ne in eorundem manus veniant, reddere. Quo-
 niam verò & ego ob meam ignauiam ex parte tentatus
 sum, (quod commemoro prudentiæ vestræ) & ad horam
 duntaxat cautelam adhibui, rursusque per meam inertiam
 atque pigritiam in eadem recidi: ideo cupio vobis, dile-
 ctissimi, consilium præbere, & vos (qui estis electus grex
 Christi) obsecrare, vt diligenter caueatis, ac vigilanter at-
 tendatis, ne propter carnales passionēs, & huius vitæ ac se-
 culi voluptates diuina claritate ac gloria priueminī, & à
 thalamo illo immortalis sponsi pleno exultationis atque
 lætitiæ, cum dedecore reiciamini. Labor exercitationis
 & abstinentiæ vestræ, charissimi, tanquam somnus præ-
 terit: at retributionis merces, & laboris requies æterna
 est & ineffabilis. Attendite igitur vobis ipsis, ne ab vtrif-
 que excidatis: & pro vtrisque, vltionem ac pœnam exol-
 uatis. Date autem potius operam, vt perfectam virtutem
 consequamini, quæ omnibus adornata sit atque insignita,
 quibus diligitur Deus. Hanc enim si possederitis, neque
 Deum vnquam exacerbabitis, neque proximo vestro ma-

Heroica
 virtus cō-
 paranda.

li quid facietis. Hæc porro virtus, vnica ac singularis dicitur, continens in se pulchritudinem ac varietatem omnium aliarum virtutum. Quemadmodum enim regale diadema absque pretiosis lapidibus, selectisque margaritis componi texique nequit: ita & hæc vnica ac singularis virtus sine aliarum fulgore virtutum, perfecta consistere non potest. Est enim reuera quamsimillima Regio diademati: nam sicut in eo, si vel vnus pretiosus lapis, aut margarita defuerit, refulgere super caput Regis decenter nequit: ita & hæc singularis virtus, nisi reliquarum virtutum ornamento conseratur, perfecta virtus appellari non poterit. Similis quoque est copiosis dapibus, exquisitissimis condimentis præparatis, sed salis sapore carentibus: nam sicut pretiosæ illæ epulæ ac dapes absque sale inutiles sunt: ita & ista vnica virtus, variarum licet virtutum gloriâ & honore decorata, nisi charitatem erga Deum & proximum adiunctam habuerit, contemptibilis prorsus atque inutilis habebitur. Similis item est perfecto pulchroque corpori, cui si membrum aliquod insigne tollatur, inutile penitus deformeque videbitur: sic & huic singulari virtuti, si aliqua ex reliquis desit, plena atque perfecta haudquaquam erit. Alphabetero itidem pulchrè suis literis formato ac perpolito ista similis est: vt enim, si vel vna ex illo dematur litera, totum illico mancum & imperfectum redditur: ita & huic si vel vna ceterarum defuerit virtutum, tota inutilis abiecta que reperietur. Similis rursus illa est aquilæ ingenti, in altum volitanti: quæ escam in laqueo alligatam cernens, totâ se alarum vehementiâ è sublimi in eam demittit, volensque prædam inde abripere, comprehensa repente vngulæ illius summitas laqueo detinetur: atque ex hoc paruo licet impedimento, omnis vis ac fortitudo eius deuincta immittitur, totum quantumuis corpus liberum, & extra laqueum habere videatur: Eundem sanè in modum & hæc virtus, si vel in vno aliquo negotiorum terrenorum vincula hæreat, tota mox mortificatur, debilitatur, & extinguitur. Et sicut aquila compeditis vngulis, in aëris sublimitatem, nisi liberata fuerit, volare nequit: ita & ista virtus, nisi à terrenis negotiis liberetur, cælestia perfectè contemplari non valebit.

33. Quisquis igitur lacrymas habet, veniat, & depleoret mecum: & cui salutaris non suppetit compunctio, hoc ipsum considerans lugeat, & ingemiscat; intelligatque quomodo nonnulli, qui dum ea clari essent virtute, atque ad cælum vsque illa duce peruenissent, cælestis tamen Regni portas ingredi nequiverunt. Est verò eiusmodi, quod dicere volo, charissimi: consecuti sunt infinitis laboribus quidam hanc, quam prædiximus, virtutem, ipsamque Regij diadematis instar exornarunt: at postmodum propter res exiguas ac viles, virtutem adeo illustrem perdiderunt, & terrenis rebus illaqueati, eam à cælestis regni ingressu impedierunt, atque excluderunt. Considera igitur diligenter teipsum, dilectissime: & caue ne hisce laqueis capiaris, & inimico ad prædam tradaris: neque admirabilem illam virtutem, quam tantis laboribus acquisuisti, destruas ac perdas; neque eam in cælum ascendere, cælestesque ianuas ingredi prohibeas: & ne ipsam rubore confusam coram sponsi thalamo constituas; neque vel vno aliquo capillo humi affigi permittas: ceterum liberam illi tribue fiduciam, vocemque excelsam, vt exultans in thalamum introeat, ac sublimi sua voce præmia laborum repetat. O miraculum ingens & obstupescendum. Sicut nanque leo animal generosissimum atque fortissimum, vnico saltem capillo in terra victum tenetur, atque humiliatur: ita profectò & ista virtus (quæ leoni comparatur) terrena qualibet cura, veluti capillo vno colligatur, & in terra marcescit atque vilescit. Quamobrem sobrium ac vigilem, charissime, te præbe, & te ipsum vincens, manusque admouens, capillum in te illum exiguum ac vilem abscinde: vt non in derisum venias; quemadmodum Sampson ille fortissimus, qui in vno momento & ictu oculi, solâ asini maxillâ armatus, mille viros occidit, & quasi vnum capillum, septenos validissimos funes amputauit, & seipsum à vinculis libefans, inimicos occidit, & Deo victoriam dedicauit: ortioque eius maxillam asini in fontem aquæ conuertit. Hic autem licet tantus ac talis esset, adeoque multa præclara præstitisset, semetipsum tamen per imprudentiam hostibus victum tradidit: humiliatusque valde est, postquam crines ei ablati sunt, terribilesque illas suas & admirabiles vires colliga-

uit, ac perdidit. Quare & tu tibi ipsi attende, ne vlla ratione singularem hanc virtutem noxiis aliquibus rebus terrenis colligando humilies; sed liberam eam à cunctis, quibus lædi ac violari potest, reddens, adornatam & bene compositam in cælum præmitte.

34. Sic porro illam libera, quemadmodum facere solet natator aliquis, qui vt margaritam pretiosam inueniat, sese in profundum pelagi nando demittit, qua reperta, protinus in altum conscendit, totumque corpus eius ab aquis liberatur: aqua siquidem suo remansit loco, ipse verò cum diuitiis ascendit, aridamque occupauit. Ad eundem ergo & tu modum, omnibus rebus terrenis, seculique inquinamentis nudari ac liberari festina: virtuteque hac perfecte illustratus, induere eâ sicut vestimento, & die noctuque vigilanter excuba, ne ipsâ exspolieris. Nam quæ illam possederit anima, à nullo malo euerti poterit, neque à fame aut nuditate, desidia, vel morbo, paupertate, vel persecutione, aut alia quapiam tentatione diabolica violari vel lædi. Si enim sobriam ac vigilem se præbuerit, per eiusmodi magis augebitur & coronabitur, semper secundum Deum proficiens, illustriorque euadens. Neque etiam ipsa mors eam affligere aut opprimere valebit: sed cum ex corpore migrabit, Angeli in cælis ipsam lætantem & exultantem excipient, & Patri luminum offerent. Exultabit quoque Pater in ea, & Filius, cum Spiritu sancto. Exultabit quidem in illa Pater: quia ipsa eum dilexit, & præter illum diligere alium noluit. Exultabit autem in ea vnigenitus Filius: quoniam ipsa semper concupiuit illum, & præter eum nihil videre, vel possidere optauit. Exultauit & Spiritus sanctus super ipsam, quia templum illius sanctum fuit, & inhabitauit in ea. Exultabunt quoque super illam cæli, cum virtutibus suis, & pariter procidentes, glorificabunt Patrem, & Filium, & Spiritum sanctum, cernentes eam omni Angelica virtute compositam, & omni iustitiæ splendore decoratam. Exultabit etiam in ea Paradisus, quoniam hæreditarem in ipso acquisiuit. Gloria & magnificentia soli bono, & amatori hominum Deo; qui ineffabili suâ gratiâ regnum immortalitatis suæ nobis constituit præstititque per Iesum Christum Dominum nostrum. Amen.

Supplico

35. Supplico bonitati tuæ Domine, sana vulnera animæ meæ, & oculos mentis meæ illumina, vt dispensationem tuam in me factam iugiter considerem. Et quoniam mens mea infatuata est, sale gratiæ tuæ condias eam. Sed quid dicam tibi, ô futurorum præcognitor, qui corda scrutaris, & renes? Tu solus quippe nosti, quod sicut terra sine aqua, sitit vehementer te anima mea, & concupiscit te cor meum: diligentes autem te, assidue diuinâ tuâ gratiâ replentur. Quemadmodum igitur semper exaudisti me: ita nunc quoque deprecationem meam ne despexeris. Ecce enim velut captiua detinetur mens mea, te solum Saluatorem verum requirens. Mitte ergo celeriter gratiam tuam in auxilium meum: vt veniens famem meam expleat, & sitim mihi restinguat. Nam te Domine, qui absque satietate delectas, concupisco: & te lumen verum, datoremque salutis sitio. Concede igitur mihi postulatam meam: & instilla in cor meum vel vnam guttam dilectionis tuæ; quæ sicut ignis in silua condensâ, consumat spinas ac tribulos eius, cogitationes, inquam, pessimas. Da autem mihi opulenter, & sine mensura, vt Deus homini: & dona gratiæ tuæ mihi multiplica, vt Rex regum, & vt bonus ac pius boni piique patris vnicus filius. Quod si te fortasse vt terrenus, vel terreni filius, repuli aut repello, irritaui & irritum: at tu, qui hydrias tua implesti benedictione, imple quoque sitim meam, atque gratiâ tuâ eam restingue. Et qui de quinque panibus satiasti quinque millia hominum: de tua etiam benignitate famem mihi, Domine, exsaria. Qui duo minuta viduæ illius pauperculæ suscepisti atque probasti: suscipe quoque deprecationem serui tui, & da quod peto: vt templum diuinæ gratiæ tuæ efficiar, quæ in me inhabitet; ipsaque quomodo placere tibi debeam, me doceat; & mentem meam quasi quodam fræno constingat, ne aberrans peccem tibi, & lumine illo tuo priuer. Exaudi me, Domine, & præsta, vt hæres regni tui in regno tuo vocari merear: manipulosque compunctione & confessione plenos, precibus & intercessionibus omnium Sanctorum tuorum, tibi gratos acceptosque offeram. Exaudi, inquam, & suscipe orationem meam, qui es super omnia & in omnibus benedictus in sempiterna secula seculorum. Amen.

Ioan. 3.

Ioan. 6.

Marc. 12.

36. Sobrij igitur simus & vigilemus, obsecro, fratres dilectissimi, in hoc breui vitæ nostræ tempore, & in hac vndecima hora viriliter decertemus. Appropinquauit enim iam vespera, & mercedis retributor Christus cum gloria venit: vt reddat vnicuique secundum opera sua. Attendite itaque vobis ipsis, fratres, ne quis vestrum de bono opere præsumens, negligenterque viuens, immensa illa Saluatoris præmia deperdat. Similis nanque est Monachus agro alicui seminato, qui pluvia ac rore rigatus incrementum capit, & fructum lætitiæ producit: sed cum iam ad frugum tempus peruenerit, maiorem curam bono agricolæ ingerit: sollicitus enim tunc aduigilat, metuens ne vel repentina grandine, aut à camporum iumentis segetes ipsius vastentur. Ita etiam Monachus, quandiu in hoc viuit corpore, die noctuque de immortalis æternæque vitæ sollicitus sit oportet; ne per negligentiam in vanum cucurrisse deprehendatur. Gaudet exultatque agricola ac Deo gratias agit, quando messem iam suam in horrea congregauit, & compensationem laborum suorum perceperit. Eodem modo lætantur & exultant in cælis Angeli Dei, cum quis timens Deum rectè hîc cursum suum consummauerit. Agricola cum sua impleuit horrea, tunc in securitate constitutus epulatur atque lætatur: & Monachus quando est in suo positus horreo, hoc est, monumento, confestim diuitiæ illius in mansionem vitæ æternæ ascendunt: vbi tunc in tuto ipse erit, & bonis Dei lætus perfruatur. Nemo igitur hîc, charissimi, sit segnîs, metue tentationum aut periculorum frangatur.

37. Ceterum qui fortis est, infirmiores sustentet ac adiuuet: qui promptitudine atque alacritate valet, pusillanimes consoletur: qui vigil est & experrectus, somno depressos suscitet: qui firmus est ac stabilis, inconstantes corripiat atque confirmet: & qui continens ac temperans est, inordinatos atque intemperantes increpet. Sic nanque simul conspirantes, pariterque victoriam de aduersario nostro referentes, illum confundemus, & cælestem Deum nostrum glorificabimus, sanctosque Angelos exhilarabimus: & eos, qui nos vident, quique de nobis audient, in Christo Salvatore nostro mirificè adificabimus.

Sicut enim sanctorum Angelorum acies ; ita est & multitudo Monachorum vnanimiterviuentium , & mentem suam ad Deum semper eleuatam habentium. Et quemadmodum mel & fauus in ore : sic responsio fratris ad proximum suum cum charitate atque humilitate. Sicut aqua frigida , in magnis caloribus sitienti : ita consolatorius sermo fratri , in tribulationibus & angustiis ipsius.

38. Quemadmodum qui manum porrigit cadenti , & erigit eum : ita admonitionis & veritatis sermo animam segnem atque pusillanimum excitat. Quemadmodum semen bonum , & electum in terra bona ac pingui : sic cogitationes bonæ in mente monachi. Quemadmodum connexio firma ac fortis in ædificio : ita & longanimitas atque alacritas in corde monachi.

39. Sicut pondus salis , viro infirmo ac debili : ita somnolentia monachi tempore suæ psalmodiæ. Sicut vincula & catenæ , aquilæ : ita & monacho , curæ atque sollicitudines seculi. Vt spinæ & tribuli inter sata optima : ita sordidæ cogitationes in anima monachi. Sicut cancer , qui putrescit & curatur , sed nunquam sanitatis finem recipit : ita & iniuriarum recordatio in mente monachi. Sicut vermis corrumpit lignum : ita etiam inimicitia cor monachi destruit.

40. Vt à tinea corrumpitur vestimentum : sic à detractione inquinatur anima monachi. Sicut arbor excelsa & speciosa , sed infructuosa : ita superbus & insolens monachus. Vt fructus pulcher & delectabilis quidem exterius , sed putridus interius : sic inuidus & liuidus monachus. Sicut qui lapidem iactat in limpidum fontem , conturbat eum : ita iracunda monachi responsio commouet mentem proximi sui.

41. Quemadmodum si quis radicitus arborem fructibus plenam euellat , & in alium eam locum transplanter , fructus eius marcescunt & folia arescunt : sic & monachus proprium deserens locum , & aliò se transferens. Sicut ædificium fundamento carens , super petram : ita & monachus , qui non habet patientiam in pressuris ac tribulationibus suis.

42. Sicut quispiam Regi astant & cum eo colloquens, à conferuo autem vocatus suspiciendum & gloriosum Regis colloquium relinquit, & ad confabulationes cum seruo se conuertat: ita quoque monachus, qui tempore suæ psalmodiæ mentem à Deo reflectit, & se ad fabulas nugæque cum aliis conuertit. Intelligamus ergo, charissimi, coram quo constituti sumus. Sicut enim Angeli magnò cum metu atque tremore astant Creatori, hymnum ei decantantes: ita & nos debemus, dilectissimi mei, tempore orationis atque psalmodiæ, puro corde & cum reuerentia atque timore coram Deo consistere, ne corpore duntaxat videamur assistere atque in orationes incumbere, mente autem in negotiis interim terrenis occupemur. Quemadmodum enim scapha, quæ fluctibus maris circumfertur: ita & monachus, cuius mens seculi negotiis curisque distrahitur. Quare colligamus cogitationes nostras, segregemusque eas à terrenis negotiis, fratres: ut gloriam apud Deum nostrum obrineamus.

43. Sustineamus fortiter aduersarij nostri tentationes: ut cum Angelis glorificari mereamur. Gloria quippe est monacho, patientia in tribulationibus. Gloria monacho, longanimitas charitati coniuncta. Gloria monacho est cum nullas res præsentis seculi possidere, cupit. Gloria monacho, & laus coram Deo & Angelis eius, est humilitas & simplicitas cordis. Gloria monacho est, quieti atque vigiliis insistere, & corde compungi, ac flere in orationibus suis. Gloria monacho est, diligere Deum ex toto corde, & proximum sicut se ipsum. Gloria monacho est, temperantia ab escis, & à multiloquio linguæ. Gloria monacho est, quando verba eius operibus consonant. Gloria monacho est, dum se in loco suo ac cella continet, neque huc illucque instar stipulæ à vento raptatæ transportatur atque vagatur. Hei mihi, dilectissimi mei, quia factus sum sicut machina seu follis fabri ferrarij, quæ repletur & euacuatur, nihilque ex vento, quo distenditur, retinet. Sic & ego virtutes gregis Christi enarrans, ab his omnibus quam longissimè recessi. Gloria & magnificentia infinitæ bonitati ipsius: qui nos quantumuis indignos, suâ dignos gratiâ effecit. Amen.

44. Fratres mei charissimi, si quis vestrum sordidis ac turpibus cogitationibus, præoccupatus fuerit, non desidia aliqua atque segnitie obtorpescens seipsum in desperationem tradat; sed cor suum coram Deo effundat, & ingemiscens cum lacrymis dicat: Exurge Domine, & intende iudicio meo, Deus meus & Dominus meus, in causam meam. *Psalm. 34.* Iudica me Domine, secundum iustitiam tuam: opus manuum tuarum sum ego, cur dereliquisti & despexisti me? Cur faciem tuam auertis à me, & humilitatis meæ obliuisceris? *Psalm. 43.*
Psalm. 142. Quia persecutus est inimicus animam meam, humiliavit in terram vitam meam. Infixus sum in limo profundi, & non est substantia, apprehendat me manus tua Domine, ne peream. Si ita oratione perstiteris, & Deum inuocaueris; confestim benignus ac misericors Dominus mittens gratiam suam in cor tuum, consolabitur te: & requiem à laboribus atque doloribus tuis, & ab omni impugnatione inimici, quam sustines, tibi conferet. *Psalm. 68.*

45. Cum ergo talem habeamus Dominum, tam pium, tamque misericordem; non segniter agamus, neque negligamus nostram salutem. Quandiu enim hic adhuc sumus, miseretur, ac reficit nos, & iniquitatibus nostris ignoscit, si ipsi voluerimus, & ex corde ipsum requisierimus. Quis igitur non admiretur? Ecce enim per lacrymas brevissimi huius temporis, infinita peccata dimittit nobis: & ipsa quidem undecimâ horâ, innumerabilium nos vulnerum labe fauciatos, per lacrymas sanat; rursusque cum sanauerit, mercedem lacrymarum nobis confert. Istud quippe consuetum gratiæ ipsius munus est, ut postquam sanauit, etiam præmia sanitatis liberaliter exsoluat. Non ergo negligamus, fratres, sed operam demus, ut curemur atque sanemur. Hic enim per suam gratiam miseretur, & ignoscit Deus: illic autem non item, sed iustum ibi iudicium & ultio deseruiet, & factorum omnium retributio. Illic misericordissimus ille Abraham, immitis atque immisericors reperietur. Et qui pro Sodomitis, ut saluarentur, fuerat deprecatus; illic vel pro vno peccatore non supplicabit, ut misericordiam obtineat. *Matth. 20.*

46. Non ergo sinamus mentem nostram terrenorum negotiorum vinculis constringi, fratres: sed imitatores, &

confortes fieri studeamus sanctorum Patrum. Non recedamus ab illorum viuendi instituto; ne (quod absit) & eorum priuemur gloriâ. Aduitamur sedulò, vt cum perfectis viris coronemur: sin minùs, saltem inter extremos, qui Domino placuerunt, laudari mereamur. Beatus ille perfectò est, qui inter perfectos contendit coronari: sicut contrà miser & infelix, qui hoc tempus vitæ suæ negligenter transegerit, vt indignus sit etiam cum minimis collaudari. Beatus, qui corona & hæreditate dignus inuenietur Sanctorum, vocemque illam benedictam audire merebitur, dicentem: Venite benedicti Patris mei, possidete paratum vobis regnum à constitutione mundi.

Matth. 25.

47. Quam illic, obsecro, tunc fratres, excusationem habebimus, si nunc hîc neglexerimus? Secularis quidem aliquem fortasse prætextum inuenire poterit, quo suam negligentiam excuset, vtpote variis seculi rebus distractus: nos verò quid dicemus, aut quæ impedimenta præteximus? Vereor sanè ac pertimesco, ne fortè hi, qui modò hîc nos laudant & celebrant, illic tunc nos irrideant: & qui beatos hîc nos prædicant, illic nobis illud ipsum exprobrent atque insultent. Ne ergo, charissimi mei, dulcescat nobis hîc negligentia & mundi sollicitudo; vt non postea illic nobis amarescat æternus ignis & vermis nunquam dormiens. Quare resipiscamus ac pœnitentiam hîc paululum agamus, dilectissimi, dum tempus adhuc suppetit, vt ab æterno illo igne liberemur. Ploremus in hac vita modicū: vt luctum ac planctum illum sempiternum euadamus. An non creditis Saluatoris nostri sermoni, quod repenti sicut fulgur coruscans, ita erit & aduentus eius? Non intelligitis, quia fama præit: ecce hîc, ecce illic? Timeamus igitur, & attendamus nobis ipsis, ne subito nos imparatos extrema illa præoccupet necessitas, incipiamusque tunc nos ipsos culpares ac reprehendere, nihil proficientes. Credite mihi, charissimi, quia postrema iam hora est: credite quia consummatio istius seculi nunc appropinquat. Videte igitur, ne fortè impleatur in vobis Prophetæ sermo, qui dicit: Væ his, qui desiderant diem Domini, Attendamus nobis, & totis viribus adlaboremus, ne inueniamur sicut seruus ille, quem adueniens dominus eius, inuenit deliciis vacan-

Luce. 17.

Amos 5.

Matth. 24.

rem, & negligentia torpentem; partemque eius cum infidelibus ponens diuisit eum: sed importunè potiùs, atque assiduè Dominum nostrum Iesum Christum glorificemus ac deprecemur, vt à tenebris illis & à stridore dentium nos liberet, suoque regno dignos efficiat.

48. Obsecro te, Saluator mundi Christe Iesu, respice in me, & miserere mei, & eripe me à multitudine iniquitatum mearum. Irritauì enim ac spreui omnia bona, quæ fecisti mecum à iuuentute meâ; irritauì, inquam, & irritò. Me etenim rudem atque imprudentem, fecisti vas plenum scientiâ ac sapientiâ: & multiplicata est super me gratia tua, quæ etiam meam satiavit famem, & refrigerauit sitim, mentemque meam tenebris plenam illuminauit, & cogitationes meas ab errore reuocauit. Et nunc Domine Deus meus, adoro & imploro ineffabilem benignitatem tuam, infirmitatem meam confitens, remitte paululùm vñdas gratiæ tuæ, illamque mihi in thesaurum tuum asserua, vt rursus ipsa mihi lux sit in die illa tremenda. Ne igitur irascaris mihi, benignissime Domine: quia enim inundationis illius fluctus ferre non sustineo, ideo audacter ac temerè deponco; nam supra modum multiplicata est in me, meaque infirmata est lingua, illam eloqui atque explicare nequiens. Figura ac splendor infinitæ gloriæ benedicti Patris, aliquid iam mihi ex eius inundatione remitte: nam ignis instar renes meos & cor meum adurit. Dona autem eam illic mihi rursus, & in Regno tuo me salua: neque iniquitatum mearum memineris. Quia verò etiam postulare audeo: concede mihi, obsecro, postulata mea: & fac mecum mansionem vñâ cum benedicto Patre tuo, in die reuelationis tuæ; quia tu solus vitæ meæ dator ac Saluator & protector es. A cunctis notis meis iniquitates meas operi, & lacrymas meas suscipe, planctusque ad te meus appropinquet. Recordare quoque lacrymarum mearum quas coram sanctis tuis Martyribus effudi: vt in horâ illâ expauescendâ misericordiam consequar, & sub alis gratiæ tuæ protegar. Nam si mecum secundùm iniquitatum mearum merita facere volueris, sustinere nequibo. Ostende igitur in me indignum peccatorem, Domine, ineffabiles diuinæ clementiæ tuæ diuitias: meque latronis illius fac consortem ac socium, qui per vñum ver-

bum iucunda paradisi virentia consecutus est; idque obtinuit, quod perfectis quibusque repromissum est. Illuc, quæso, benignitate tua introducas me: abscondarque ibi in medio arborum eius, ac locum videam, vbi Adam occultatus est, cum alacritate atque lætitia; Vbi ei dictum est: Adam, vbi es? Illicque benignitati tuæ gloriam & honorem offeram, quia preces ac lacrymas meas exaudisti, & cunctas iniquitates meas deleuisti. Ponam in conspectu tuo lacrymas meas Domine, vt consolationem accipiam in repromissione tua: vt retrorsum auertatur inimicus meus, quem præpararunt miserationes tuæ. Confundatur verò inimicus, qui in loco me iudicij videre expectauerat, confususque diffugiat: quia voluntas eius in me non fuit, neque impura atque polluta eius cogitatio perfecta in me est. Ita deprecor, benignissime ac misericordissime Domine, qui solus absque peccato es, immaculatus, & incontaminatus; ineffabilem super me tuam bonitatem ac misericordiam effunde, & præsta, vt ego & omnes diligenter te, hæredes regni tui effecti, tuamque gloriam contemplantes, bonitatem tuam semper adoremus, dicamusque cum iucunditate, vno pariter ore cuncti, qui immensam atque ineffabilem illam tuam promeruimus cernere pulchritudinem: Gloria Patri, qui creauit nos: Gloria Filio, qui saluauit nos: Gloria Spiritui sancto, qui preparauit nos, in infinita ac sempiterna secula seculorum. Amen.



S. P.

E P H R Æ M

SERMO III. ASCETICVS.

AD INSTAR PROVERBIORVM.

1.



VI credit in Filium Dei, habet vitam æternam. Qui credit in Filium Dei, non concludentur gressus eius: & si per ignem transierit, non ei flamma nocebit. Qui in Filium credit Dei, sicut dicit Scriptura, flumina de ventre eius fluent aquæ viuæ. Magna lignorum strues au-

*Ioan. 3.**Esai. 43.**Ioan. 7.*

get flammam: & timor Dei scientiam in corde hominis multiplicat: operis autem executio scientiam confirmat. Aduerte diligenter, ne dum seminas verbum Domini tui, superueniat inimicus, qui de suo commisceat zizania: cum moris sit ei per bona operari mala. A Domino gratiam postulemus: vt nobis scientiam præbeat, & intellectum vigilandi, ac temperatè agendi in omnibus. Fornax aurum probat atque argentum: timor autem Dei cogitationes hominum. Vt fides apud incudem vasa vtilia perficit: ita timor Domini cor expiat impuris cogitationibus eiectis, & cum prudentia atque scientia eloqui verba docet. Demus ergo gloriam & honorem ei, qui timorem suum nostris cordibus infundit: quoniam ipse hominem docet scientiam. Initium sapientiæ, timor Domini: intellectus autem bonus omnibus facientibus eum. Pietas autem in Deum, principium sensus.

*Matth. 13.**Proverb. 127.**Psalm. 93.
Psalm. 110.*

2. Sapiens Christi præcepta custodiet, & qui ambulat in iis non confundetur in æternum: qui verò relinquit ea, insipiens ac vana spes illius est: at qui in veritate seruauit ea, de

Tom. II.

P p

morte ad vitam translatus est, & in æternum non videbit tenebras, & in die obitus inueniet gratiam. Angeli fideles animam illius deducunt; & super firmam ac stabilem petram fundamentum eius erit, & hæreditatem vitæ æternæ capiet. Hic autem beatissimus; quia voluntatem Creatoris sui facere nouit. Tuba signum edente, exercitus præparatur ad bellum; at tempore cæraminis, non omnes bellatores ac pugiles. Multi habitu monachi, at pauci certatores: tempore autem tentationis monachi probatio apparet. Ante obitum neminem prædicaueris beatum: & ante mortem ne desperaueris quemquam. Neque iustum te ipsum & irreprehensibilem coram Domino dixeris: quæ enim te latent, Deo aperta sunt & manifesta. Credere porro oportet, quòd si sustinuerimus ipsum, erit tempus operi nostro.

LUCA 12.

3. Volo Dei præcepta reipsa seruare, & insignis esse inter fratres: aut præcepta transgredi, & illis esse abominabilis. Qui vniuersam didicit Scripturam, & Christi mandata despiciit, vapulabit multis: at qui voluntatem Domini facit, hic perfectus vir æstimabitur. Non locus viro perfecto, sed discretio ac iudicium appetendum: at infirmioribus, locus optimis regulis directus conuenit. Et quis perfectus est vir? qui Dominum in veritate diligit, & proximum suum sicut seipsum.

4. Deum time, & inuenies gratiam. Nam timor Domini, mores gignit, quibus constant virtutes. At timoris expers securitas æmulationem amaram parit atque contentionem, & his similia. Timor Domini, fons vitæ. Timor Domini, munitio animæ. Timor Domini mentem spiritalem dirigit. Timor Domini, animæ tutela. Timor Domini, gratiam in omni præbet conuersatione timentibus Dominum. Timor Domini, gubernator est animæ. Timor Domini, animam illuminat. Timor Domini, malitiam tabefacit. Timor Domini, passionem imminuit. Timor Domini, dilectionem auget. Timor Domini, omnem concupiscentiam malam exsiccatur. Timor Domini, voluptatem præscindit. Timor Dei, animæ schola est, & spem ei bonam annuntiat. Timor Dei, pacem administrat. Timor Dei, an-

nam spiritu sanctæ intelligentiæ replebit, sceptrumque cælestis regni tradet ipsi. Non est inter homines illo maior, qui timet Dominum. Qui Dominum timet, similis est viro multis ad viam salutis adducenti. Qui timet Dominum, similis est civitati supra montem posita, murisque munita: à cuius conspectu improbi contremiscunt dæmones. Anima timens Dominum felicissima est, quoniam ante se semper iustum prospicit iudicem. Si Dominum times, eius serua mandata, & non confundèris.

5. Est qui locum relinquit propter Virtutem, & est qui deserit locum propter orium atque inobedientiam: & est qui persequitur ob hæreditatem. Est qui multa indagat, cupiens addiscere sapientiam: & est qui multa inuestigat ob inanem gloriam. Est qui obedit propter præceptum Christi: & est qui obedientem se præbet ambitionis & turpis lucri gratiâ. Est qui currit & certat ob charitatem Christi: & est qui currit ac decertat causâ vanæ gloriæ. Est qui proximum collaudat ob studium complacendi hominibus: & est qui proximum commendat ob præceptum Christi, estque qui proximum deturbat ac deiicit propter ingluuiem ventris. Est qui seipsum humiliat ob præceptum Christi: & est qui seipsum abiicit ex insipientia. Est qui vehementer intentus est operi causâ auaritiæ; & est qui plurimum operatur propter beneficentiam. Est qui operatur, quando non oportet: & tempore laboris non operatur. Est qui psallit & clamat dum non oportet: & tempore psalmodiæ filer, aut de rebus inutilibus cum proximo loquitur. Est qui vigiliis intentus est, quando minimè oportet, & vigiliarum tempore obmurmurat. Scriptum est: Infernus & perditio manifesta apud Dominum: & quomodo non corda hominum?

Prover. 15.

6. Initium rectæ vitæ instituendæ est lacrymas adhibere in oratione. Diuinas porro audire scripturas, iustæ veræque prudentiæ principium est. Infiniti autem libri in auribus imprudentum pro nihilo putantur. Et quis imprudens atque insipiens, nisi qui timorem spernit Domini? Nam scriptum est: Sapiens corde suscipiet mandata. Da sapienti occasionem, & sapientior erit: notifica iusto, & addet ad recipiendum. Filius eruditus sapiens erit: stulto autem, ministri lo-

Prover. 10.

300 S. PATRIS EPHRÆM SYRI,
eo utetur. Segnes indigebunt pecuniâ: strenui verò diuitiis
fulcientur. Sapiens timoratus declinat à malo: at insipiens
sibi ipse confidens, admiscetur iniquis. Iracundus citra con-
silium agit: at vir prudens multa suffert.

7. Honora Dominum, & viâ tuâ prosperabuntur. Hono-
ra sacerdotem atque presbyterum, ut in te benedictio oris
ipforum veniat. Honora senes tanquam qui diu multumque
Christo seruierunt. Honora fratres tuos velut Christi ser-
uos, ut ab ipsis diligaris.

8. Si quietem atque silentium, frater, amaueris; nauiga-
tionem tuam in tranquillitate perficies. Qui cellæ suæ quie-
tem fugit, terrena imaginatur: at qui internum opus curat,
quæ sanctis præparata sunt in cælis concupiscit.

9. Perspicit Dominus cogitationem monachi appetentis
Sacerdotium: at magnus sanè gradus est Sacerdotium, si im-
maculatum peragatur.

10. Rex Christi amans, beatus est: nam in benedictioni-
bus relinquet memoriam suam, & laudatio eius in cælo erit
& in terra. Rex infidelis non nouit sapientiam in vita sua: &
moriens in maledictionibus memoriam suam relinquet, &
opprobrium eius in æternum non delebitur. Ora iustorum
benedicent illum: * at iniustus nō miserebitur animæ suæ, ne-
quaquam enim iudicium atque iustitiam in terra faciet. Nam
scriptum est: Qui calumniatur pauperem, multa facit quæ
non oportet. Non facias violentiam pauperi; inops enim
est. Neque inhonores imbecillum in portis: Dominus enim
iudicabit eius iudicium. Scriptum quippe est: Libera eos, qui
ducuntur ad mortem. Et non tradas famulum in manus Do-
mini: ne fortè maledicat tibi, & extermineris. Nam scri-
ptum habetur: Qui aliorum lætatur ruinâ, non erit inno-
cens: Ille autem cuius viscera commouentur, benedictio-
nem consequetur.

11. Fidelis viri, omnes mundi pecuniæ: at infidelis viri, ne
obolus quidem. Deo dat mutuum qui pauperis miseretur: &
secundùm ipsius munus retribuere ei. Scriptum est: Pondus
magnum & pusillum, & mensuræ duplices, immunda sunt apud
Dominum, & vtraque, & qui facit ea. Qui proximo fodit
foueam, incidet in eam. Time igitur Dominum, & in die ma-
la liberabit te.

* Sc.

Præf. 22.

Præf. 24.

Præf. 17.

Præf. 20.

intra lxx.

Præf. 26.

Eccl. 20.

12. Rex impius curabit portus & littora maris : at qui peritus ac prudens est intellectu, munitiones opportunas non negliget. Hæc autem ambo in corde Regis per multam experientiam & humanitatem oriuntur. Rex fidelis semper in memoria habet iudicium æternum : & qui iusti meminit iudicis, non obliuiscetur liberationis animarum, quæ in necessitatibus constitutæ sunt atque angustiis, quæque in carceribus & exiliis detinentur. Beatus vir, qui in temporaria ac momentanea sua potestate, permanentem gloriam possidet. Nam qui hodie Rex, cras morietur : at qui facit voluntatem Domini, manet in æternum.

Ecclesi. 10.

13. Medicus probatus, ex vulnere experientia redditur. Multæ deliciæ varias passiones & infirmitates generant : at laboriosa operatio in præsentem quidem laborem ac defatigationem continet, postea verò sanitatem & valetudinem prosperam. Ne carnis esum, monache, appetas : & ad ebrietatem ne vinum bibas : ut ne crassa ac stupida reddatur mens tua : nam seculares alioquin curæ te non deficerent. Circumcirca deronde palmam, & in altum excrescet : ab anima autem mundanas sollicitudines refeca, & ad virtutem se conuertet.

14. Qui maledicta atque conuitia, iniuriæque patienter sustinet, similis est illi qui in cauea leonem concludit : at qui resistit, similis est perienti seipsum.

15. Ante omnes ad synaxim contendere, bonum & laudabile est : synaxim autem absque necessitate ante faciem relinquere, malum est & nequaquam laudabile.

16. Accipe, frater, & diuinas scripturas ausculta, ut lucrum referas. Nam quemadmodum in æstu haustus aquæ frigida propinatus viro itineranti : sic etiam diuini sermones irrorant animæ. Si auscultare volueris, excipe : & si audieris, sapiens eris, at si etiam verbum audire grauaberis : quanto magis id reipsa præstare ? Hinc igitur teipsum agnosce, quod negligens sis, sicut & ego.

17. Ingredientibus porro nobis in domum Dei, ne mente euagemur ac distrahamur : sed contemplationi operam det interior noster homo. Orantes autem dicamus : Pater noster qui es in cælis : ne fortè alienæ cogitationes nostram mentem conturbent. Cum verò in oratione constiteris, co-

ram quo assistas cognosce; sitque anima tua & cor tuum totum ad eum. Intellige quod dico: Si vir quispiam arrepto sacco argenti in manu sua, ad nundinas concesserit, volens coëmere boues: nunquid porcos cogitabit? sin autem & asinos comparare velit: nunquid canes attendet? nonne tota cogitatio ipsius in iis versabitur, quæ cupit ne fortè irrisus etiam quæ in manibus erant, deperdat? Quòd si etiam, qui proximus assistit tibi frater corpore infirmus, inceperit tussire, aut multum expuere: ne turberis propter eum: sed memineris, multos sese ægrotorum & mutilorum obsequiis tradere.

*Prouer. 15.
iuxta 70.*

18. Si corpore sanus sis, ne extollaris: sed time. Nam quemadmodum multichordis cithara in manu viri: ita omnis caro in manu Iesu Christi Saluatoris nostri. Scriptum habetur: Omni tempore oculi prauorum excipiunt mala: at boni in quiete ac tranquillitate erunt semper. Viæ vitæ, excogitationes intelligentis, vt declinans ab inferno saluetur. Scriptum est: Non amabit indisciplinatus corripientes ipsum: & cum sapientibus non conuersabitur.

*Prouerb. 15
iuxta 70.
Prouer. 14.*

19. Qui ignominiâ pauperem afficit, peccat: at qui pauperis miseretur, beatissimus. Scriptum quoque est: Si ceciderit inimicus tuus, ne læteris malis illius: & in supplantatione eius ne extollaris: quoniam videbit Dominus, & non placebit ipsi, auertetque humeros ab ipso. Qui obstruit aures suas ne infirmum ac pauperem audiat: ipse quoque implorabit, nec erit qui exaudiat.

20. Ne glories de crastino, ignoras enim quid pariet proximè sequens dies. Ne committas mala, vt non te comprehendant mala. Noli gaudere obrectationibus, vt non efferaris. Scriptum reperitur: Qui verbo respondet, priusquàm audiat, temeritas ipsi est & improperium.

Ecclesi. 27.

21. Non oblectatur pater filio indisciplinato: at filius bonis imbutus disciplinis, sapiens erit; non quidem in multifaria literarum sapientia, sed sicut scriptum est: Initium sapientiæ timor Domini. Nosse porro legem Domini, mentis est bonæ. Fides mentem bonam parit: mens autem bona fons aquæ viuæ existit: & qui eam possidet, aquis eius imple-

bitur. Absque oleo non ardebit lucerna: & sine fide nullus possidet eam.

22. Scriptum est: Qui repellit disciplinam, odit seipsum: at qui reprehensiones obseruat, suam diligit animam. Ne citò ad pugnam irruas: ne pœniteat te in nouissimis tuis. Melius est nomen bonum, quàm diuitiæ multæ: & super argentum & aurum, gratia bona. Absque potentia non ædificatur turris: & absque scientia, non rectè attingitur virtus.

23. Non est mensura patientiæ, si humilitati admixta reperiatur. Donum patientiæ à Domino est, & diligentibus ipsum donabit eam: & qui eam tenent, ex multis tribulationibus liberabuntur.

24. Insuper multiplicat sermones: at qui labiis temperat, intelligens erit. Prudens monachus mittitur ad ministerium: & qui vident eum, Domino dabunt gloriam. Insuper & temulentus in pagis & vicis turpiter atque indecore se gerit: hic autem præfectum simul & fratres pudore atque dedecore afficit. Expers timoris Domini securitas, cogitationem puerilem parit: at timor Domini, etiam iuuenes, senes reddit. Dominum honora, & secularem ne scandalizes. Prophetam imitare Samuelem: quoniam & Deo gratus extitit, & homines ædificauit: filij autem timoris Dei expertes in framea ac iaculo ceciderunt. Iuueni temerario ne confidas, vt neque homini seni agenti quæ non decent. Qui autem timet Dominum, curabit populum suum.

*Prover. 10.
& Eccl. 10.*

1. Reg. 1. 9.

25. Pietas atque religio in humilitate & charitate exaltat caput monachi, & in tempore visitationis ipsius resplendet. Abominatio atque inuidia sub pietatis velamine occultata, aqua est amara in aureis vasis contenta: cui si vitæ lignum immiseris, etiam dulcescet. Nam ligno dulcis facta est aqua, & cunctæ dolosi hostis insidiæ per crucem Saluatoris nostri Iesu Christi sublatae & exterminatae sunt.

26. Dilectio oculos mentis illuminat: qui autem inimicitias & contentiones amat, similis est ei, qui assidue manum suam in foramen aspidum immittit. Quemadmodum vermis in ligno: sic vana gloria in monacho, sic & auaritiæ desiderium in corde hominis. Ne teipsum exaltes vt non

corruas, & animæ tuæ ignominiam adducas. Suscipit enim mansuetos Dominus: peccatores autem usque ad terram deprimit. Qui seipsum extollit, dedecus sibi ipse conciliat: at qui proximo in humilitate seruit, glorificabitur. Qui proximi commiseratione in die tribulationis eius ducitur, etiam ipsius semper miserebitur Dominus: misericordia enim viri, velut sigillum cum ipso. Est vir etiam nihil in potestate sua habens, mitis atque misericors: qui deinde facultatem consecutus, valde promptus ad iubendum & imperandum indiscretè redditur: sublata autem ab eo potestate ac præfectura, etiam à seipso imperata ferre nequit: qui quidem tanquam insipiens, suam ipsius imbecillitatem non nouit.

27. In cunctis, frater, operibus tuis memorare nouissima tua, & in æternum non peccabis. Ne superbias, neque dilateris, sed teipsum humilia: vltio quippe impiorum, ignis est & vermis. Posside timorem Dei, ut & dæmones te reformident: nam quæ fucata sunt atque fictitia, semper vana.

28. Si cuncti mandare & imperare voluerimus: quis subditus erit, aut obediens? Si cuncti honorari desideramus, quis honorem exhibebit? Vir sapiens imperare recusat, non autem obtemperare; præcepto illius satisfaciens, qui dixit: Si quis voluerit inter vos magnus fieri, erit vester minister. Et quicumque voluerit inter vos primus esse, sit vester seruus: sicut filius hominis non venit ministrari, sed ministrare, & animam suam dare in redemptionem pro multis. Principem seu Ducem te constituerunt: ne extollaris animo: esto autem inter illos, sicut vnus ex ipsis, menteque reuolue labores tuos priores; & intellige illos, qui tibi iam parent, in iisdem versari; eosque noli negligere, sed sedulo eorum curam gere. Scriptum habetur: In magna gente gloria Regis: deficiente autem populo contritio & exitium Principis. Vir longanimis, valet prudentiâ: at pusillanimis, imprudentiâ laborat. Optemus digni fieri acceptione donorum, & digni effecti nos ipsos parui faciamus.

Matth. 20.

Ecclesi. 32.
iuxta 70.

Prover. 24
iuxta 70.

29. Qui fratris sui curam gerit in disciplina & correptione Domini, grata & accepta Deo anima ipsius erit: qui autem despicit vitam eius, in Deum peccat. Super ignorantia fratris

fratris tui, ne extollaris: non enim est tibi gloria ad confusionem. Promotioni fratrum ne inuideas; ait enim Scriptura: Maius gaudium non habeo, quàm ut audiam filios meos in veritate ambulantes. Scriptumque reperitur: Quibus deest gubernatio, ut folia decidunt: salus porro in multis consiliis. Si intelligentiâ atque scientiâ frater polleat, ne contristes spiritum eius, siquidem piè ac sanctè ambularit. Sicut enim Iacob egit cum Laban Syro: ita & tu vultum tuum ad ipsum conuertere debes.

3. Iohan. 1.
Prover. 11.

30. Scientem atque intelligentem te ipsum denominas? ex tuis te operibus cognosce. Nam sicut corpus sine spiritu mortuum est: ita quoque cognitio absque operatione est otiosa atque superuacanea. Signum bene institutæ vitæ in nouitio monacho, est abstinere à vinolentia & loquacitate in humilitate: nam qui illis gaudet, vitam bonam atque religiosam peragere non poterit. Ne fratrem tuum ad ebrietatem bibere vinum cogas, etiamsi degustauerit, multo enim tempore extruitur navis, quæ minimo ictu ac momento temporis conteritur. Adolescentem mansuetum tua diligat anima, & supra vires ne grauaueris eum: ut animam ipsius salues in Domino, referasque immarcescibilem coronam gloriæ, cum apparuerit pastorum Princeps.

31. Vndique circummunitam tene domum tuam, & ne patiaris perfodi præmunitionem tuam, ne fortè per fossuram ingressus inimicus, domum deprædetur ac spoliet: sisque euerisionis ac ruinæ causa & auctor. Præbe indigenti, & noli dicere: Non opus habet, ne fortè indigentiæ nomine, recta disciplina labefactetur. Ex quibus dispensauit tibi Dominus, cura illum: ne fortè tanquam amoris affectione carentes, atque immisericordes iudicemur. Audiamus, fratres, eum, qui ait: Habentes alimenta, & quibus tegamur, his contenti simus. Nam qui volunt diuites fieri, incidunt in tentationem & laqueum diaboli, & desideria multa, & nocua, quæ mergunt homines in interitum & perditionem. Radix enim omnium malorum, est cupiditas.

1. Tim. 6.

32. Totis viribus tuis honora patrem tuum, & ne irritas facias leges eius, qui te genuit in Domino: eo enim modo non præualebunt aduersum te improbi dæmones. Animam tuam valde coram Domino humilia, & gratiam inue-

nies. Domos quippe contumeliosorum disturbat, diruitque Dominus: illorum autem loco, plantat atque producit mites. Hominem à peccato se abstrahentem conuiciis ne excipias, neque virum in senectute suâ dedecore afficias: etenim ex nostra quoque ætate senescunt. Infirmum ne asperneris, aut negligas; quoniam scriptum est: Qui obturat aures suas ne infirmum audiat, & ipse inuocabit, & non erit qui exaudiet. Odibilis in vicinia atque paræcia sua reddetur, qui verba atque sermones è domo in domum transfert: vir autem prudens quietem amat.

Prover. 23.

33. Ne cellam ingrediaris fratris tui, antequàm ad ostium pulses: non enim quieti congruit perturbatio. Sagax atque intelligens præfectus animas iunget fratrum suorum, in correptione & disciplina Domini: qui autem contemnit, detrimentum parietur. Honorem senibus defer propter Dominum: & ob peritiores quosdam ex fratribus, ne senes ad opus compellas: nam carnes iuventutis suæ in exercitatione attriuerunt, & sufficit recta conscientia timenti Dominum. Non bonum est homini operari valenti, in otio panem comedere, cùm dicat Apostolus: Sine onere me vobis seruauì, & seruabo. Scriptum enim est: Beati misericordes, quoniam ipsi misericordiam consequentur. Proximum ne iniuriâ affeceris, loci prætextu: non enim in columnis consistit Ecclesia, sed in hominibus, quoniam scriptum est: Væ ei, qui multiplicat sibi quæ non sunt sua; vsquequo & aggrauat torquem suam grauiter. Quia repente consurgent, qui mordeant eum, & vigilabunt insidiatores tui, & eris in rapinam illis. Qui ædificat domum suam ex iniquitate, testimonium auaritiæ ædificat sibi, nam omnem viam iniustam oderunt sancti.

*1. Cor. 11.
Matth. 5.*

*1. Jac. 2. se-
cund. 70.*

34. Magnum in cœnobio periculum est puerulus, nisi rectè regatur atque instituatur: Beatus autem ille, qui talem educat ex Dei præscripto ac voluntate. Non exiguum sibi damnum conciliat pastor, qui extra ouile dormit ouium: somnolentia enim pastorum, luporum est gaudium. Si sub tuis frater humiliatus sit manibus, noueris non causâ timoris tui id fieri: at Domini potius memineris, propter quem & ipse sustinet, & ne diuexes eum.

35. Noli sectari lucrum, quod animæ detrimentum in

se continet: quid enim animâ pretiosius? Melior est Monachus pauper, vitam quietam degens cum humilitate, quàm diues monachus, superbia & elatione animi tumens.

36. Ne iuramento te cum fratre obstrinxeris: sed charitatem ac pacem habeto in timore Dei. Vide monache, ne dum iis, qui mundana sapiunt, placere cupis, rectum monasticæ vitæ institutum deperdas: sed in timore Dei tota die persiste. Monachus murmurator in multis detrimentum patietur: qui verò viriliter suffert, hæreditabit gaudium.

37. Ne simus pusillanimes, charissimi: non enim semper in hac vita esse nos oportet. Quodcunque quis propter Dominum egerit, hoc totum ipsi lucro erit. Nam esca ventri, & venter escis: Deus autem & hunc & has destruet. Si tibi ipsi attendas, ô monache, primùm quidem tui ipsius misereris: postea verò & eos qui te diligunt, gaudio afficis; cum dicat Sapientia: Fili, si sapiens tibi fueris, sapiens eris & proximo: sin autem malus euaseris, solus mala exantlabis. Intellige quod dico, monache: ne foris pietatem ostendas, in cella verò te arrogantem atque superbum præbeas: ne similes reddamur sepulchris dealbatis, quæ exterius quidem apparent alba; intus verò plena sunt ossibus humanis & immunditia. In omni enim loco vnus est Deus, cui sit gloria in secula. Amen.

38. Reprime porro cogitationem superbiæ, priusquàm te superbia deprimat. Destrue cogitationem arrogantiam, antequam ipsa te subuertat: effringe atque exclude concupiscentiam, priusquàm te concupiscentia elidat ac conterat. Ne fratri suam instabilitatem impropaueris: ne fortè & tu in idem vitium decidas. Si apud magnum aliquem senem resederis, non solùm eius virtutes enarra, sed & vitam imitare: hoc enim tibi vtile erit.

39. Erga nouitium patiens & longanimis esto: omnia enim Domino suntabilia: Nouitius autem humilitatem auersans, scutum contra aduersarium non tenet, talisque variè conteretur. Qui carnalem requiem appetit, multos sibi dolores acquirit: at qui longanimus est saluabitur. Prudens atque intelligens Præfectus, non contem-

net audire sermonem dubium nouitij, vnā cum seniore ipſius: & peritus atque discretus certitudinem rei indagabit: & ipſoſque in timore Domini coniunget atque componet. Qui in cœnobio ſermones multiplicat, contentiones & odia ſibi accumulat; at qui ſeruat os ſuum, diligitur.

Eccle. 4.

Prov. 3.

40. Bona obedientia, chariſſime, quæ propter Deum præſtatur. Et in hoc cognoſce obedientiam, quæ eſt grata & accepta Deo: Obedientia quæ propter Deum ſuſcipitur, plena ſanctificationis eſt vſque ad mortem. Pro anima tua decerta, & ne confundaris in caſu tuo: eſt enim conſuſio adducens peccatum, & eſt conſuſio gloriæ & gratiæ. Si in ægritudine aut tribulationem aliquam incideris, chariſſime, memineris dicti illius: Fili, noli negligere diſciplinam Domini neque fatigeris, dum ab eo argueris. Quem enim diligit Dominus, corripit: flagellat autem omnem filium, quem ſuſcipit.

41. Qui carceris cuſtodia conſuſus, videtur repugnare Regi, quid tandem proficere poterit? at qui procidit coram eo, & obſecrat, hic potiùs miſericordiam conſequetur. Frater quidam aliquando ægrotauit, & intra ſe dixit: Væ mihi peccatori, quoniam in hoc morbo inueteraſcam. Et ſanitati cùm iam eſſet reſtitutus, inuaſit eum alius ruſum morbus priore grauior atque moleſtior, & denuo eundem ſermonem protulit: veruntamen homini celeriter ſuum non manifeſtauit dolorem: ſed à Domino commiſerationem requiebat, qui ex morbo ſanitatem, & ex infirmitate robur ac vires præbet.

Pſalm. 118.

42. Si ſpiritus tædij atque ignauiæ, frater, te inuaſerit, domum tuam ne relinquant: at per patientiam eſiſte. Ne tibi cogitatio perſuadeat, dicens: tranſfer te ex vno loco ad alium: nam ſi cogitationi iſti conſenſeris, nunquam tolerabis. Scriptum quippe eſt: In quo corrigit adoleſcentior viam ſuam, in cuſtodiendo ſermones tuos. In hoc ſaluatur, maximè qui vnā verſatur cum fratribus. Poſſidere autem debet timorem Domini & temperantiam ſummam: ex quibus oritur charitas, gaudium, pax, obedientia, & longanimitas, continentia, patientia, & quæcunque decent Chriſtianos: vt ſit velox ad audiendum, tardus autem ad

loquendum, & tardus ad iram: ira enim viri, iustitiam Dei non operatur. Sit porro etiam videns, tanquam non videns ea, quæ non conducunt: & audiens, tanquam non audiens, quæ ad rem non pertinent: vt & postremis se posteriorem reddat, ac requiem inueniat. Qui enim seipsum humiliat, exaltabitur: & qui seipsum exaltat, humiliabitur. Nam si iubere atque imperare cæperit, & non adiuuat pro viribus laborantes, laborem atque dolorem in nouissimis subibit. Non enim semper idem spirat ventus, sed ventorum crebræ sunt mutationes, atque vicissitudines. Quare assuefacere se operi oportet: nescimus enim quid superuentura pariet dies. Habeat porro ob oculos semper eum, qui ait: Noli te iudicare, vt non iudicemini. In quo enim iudicio iudicaueritis, iudicabimini: & in qua mensura emensi fueritis, remetietur vobis. Quid autem vides festucam in oculo fratris tui, & trabem in oculo tuo non vides? Aut quomodo dicis fratri tuo; sine eijciam festucam de oculo tuo & ecce trabs est in oculo tuo? Hypocrita, eijce primùm trabem de oculo tuo, & tunc videbis eijcere festucam de oculo fratris tui. Et sic planè gratiam coram Deo inuenies, & hominibus.

Luc. 14.

Prover. 27.

Matth. 7.

43. Ne tuos permittas euagari oculos, neque pulchritudinem alienam perdiscas, ne fortè per oculos tuos tuus te destruat subuertatque inimicus. Noli imitari negligentiores: sed eos, qui omni virtutum genere excolti sunt atque ornati. Frater, ne perperam ac temerariè agas: quæ enim extra timorem Dei fiunt, aliud continent nihil præter damnationem & pœnitentiam. Beata illa anima, quæ in veritate seruit Domino: quoniam in nouissimis suam à Domino requiem obrinebit. Exigua negligentia magnum peccatum parit: & modica sobrietas atque vigilantia magnum damnum auertit.

Luc. 6.

44. Satius est comedere in Domino, & gratias agere Deo: quàm non comedere, & condemnare edentes, ac gratias Deo agentes. Assides mensæ? comede panem, & ne detrahas famæ proximi: vt non deuorare carnem fratris tui per detractionem comperiaris; quia scriptum est: Qui deuorant populum meum in esca panis, Dominum non inuocauerunt. Sanus esto in fide, & comede omne quod appositum est tibi in Domino. Si verò appositus vobis fuerit

Psal. 23.

cibus, quem tu edere non appetis; ne tamen illum auerferis, cum plures velint comedere, & Domino gratias agere. Accumbis mensæ? ut homo comede, & ne huc illucque circumspicias velut immodestus ac insolens. Frater dixit: non ex obseruantia superstitionis repudio esum carnum: omnis enim creatura Dei bona est, & nihil reiiciendum quod cum gratiarum actione percipitur: sanctificatur enim per verbum Dei, & orationem. Sed quia scriptum est: *1. Tim. 4.* Non conducunt imprudenti atque insipienti delicie: insolentia & immodestia est monacho, vesci velle animalibus, Vbi apposita sunt fragmenta; ne fragmenta contempseris. *Prou. 19.* Iussit enim Dominus discipulis suis ut colligerent, quæ superfuerant fragmenta, ne quid ex illis pereat. *Ioan. 6.*

45. Frater charissime, si tentatione victus frater recedat à loco suo, & postea pœnitentiâ ductus cupiat postliminio reuerti: tu vide ne impedias, sed potiùs ad id cohorteris: *Prou. 27.* ignoras enim quid superuentura pariet dies. Non oportet autem tales spernere, tanquam illusos: at potiùs conuenit eos suscipere quasi ab infirmitate iam liberatos, ac sanitati restitutos Si inter fratres habitaueris, caue ne occasione in alicui præbeas discedendi à fraternitate: ut non in mundo illo iudiceris. Euita quoque vehementer, ne cuiquam sis offendiculo ac scandalo: ut non cum facientibus scandala, à regno cælorum segregeris. Si debilitate aliqua laboret frater tuus, subleua & adiuua eum: ut merearis audire à Domino in die illa: Quod vni fecisti ex his fratribus meis minimis, mihi fecisti. *Matth. 25.* Qui negligit infirmum, exacerbat præceptorem: & qui gaudet in lapsu fratris sui, graui casu corruet. *Prou. 17.*

46. Ne dixeris: hodie pecco, & cras pœnitentiam agam; quin potiùs hodie pœnitentiam agamus: nescimus enim an ad crastinum peruenturi simus. Peccauius, fratres: etiam resipiscamus ac pœnitentiam faciamus: amplectitur enim Dominus eorum pœnitentiam, qui in veritate resipiscunt. Caue dixeris, Monache, hîc bellum est & angustia; ibi autem requies & securitas. Quis enim est qui oppugnat nos, si nosti: nonne inimicus noster diabolus? Audi igitur quid in Iob dicatur: Et dixit Dominus diabolo: Vnde tu aduenis? Tunc dixit diabolus in conspectu Domini: Post-

quam peragraui eam quæ sub cælo, & obambulaui vniuersam; adsum. Cogita igitur cælum supra te esse; quocunque abieris. Permane ergo in loco, quo vocatus es: & resiste diabolo, & fugiet à te: appropinqua Deo, & appropinquabit tibi. Qui amat aurum, non iustificabitur: at qui diligit Dominum, benedicetur ab eo. Qui confidit in auro, cadet: at qui in Domino confidit, saluabitur. Iacob. 4.
Eccli. 31.

47. Væ ei, cuius animum ingreditur perfidia, temeritas, ignorantia, insipientia, & imprudentia: quoniam pars vulpis erit: beata autem illa anima, in qua timor Dei inhabitat. Cui non placet ministrare domino vni, seruiet multis: & qui non vult subesse præfecto vni, subiicietur multis per diuersa loca. Et qui non insistit vni manuali operi; in promiscuis operibus contereretur. Qui nimio vestium cultu delectatur, nocet animæ suæ. Nam sumptuosæ ac pretiosæ vestes, animam monachi coarguunt atque vituperant: vilia autem vestimenta monacho conducunt. Dedecori monacho est superbia, contumacia, stupiditas atque insulitas, impudentia, indiscretio, iracundia, & immodestia. Turpe est monacho oculus vagus atque distractus: oculus enim vagus dolores multos conciliat sequenti ipsum. Nisi ab oculorum te distractione continueris: temperantiæ ac pudicitiae sulcos non rectos ages. Vituperium homini est, vino inebriari: & cum multis viderim, neminem similem monacho temulento reperio.

48. Qui in propriis gloriatur viribus: primus ipse imprudens est ac demens. Confusio & improprium est monacho, in propria gloriari potentia: nam qui gloriatur, in Domino gloriatur. Immodestus atque insipiens in risu extollit vocem suam: insipientissimus verò, qui inambulans mouet ac ventilat inordinatè humeros suos, simul & brachia. Insolentiæ signum est in monacho, sinistram partem camisij sui indecenter assumere: at qui bene moratus est, in cunctis religiosè verecundèque aget. Perniciosum homini vitium est, vsitata sibi reddere iuramenta in ore suo. Noli assuescere iuramentis: vt non multiplicentur ignorantiae tuæ; & pro iustitia tibi peccata coacerues. 1. Cor. 1.

49. Gloria monacho, timere dominum, & obseruare mandata eius. Gloria monacho, humiliare seipsum, & sub-

mittere se paruis pariter ac magnis. Gloria monacho est discretio ; & humilitas animi. Gloria monacho , est iniuriarum ac malorum obliuio ; necnon patientia, & sobrietas atque vigilantia ad omne opus bonum.

50. Ne senem despexeris , si ad labores solitariæ vitæ venire voluerit : etenim Dominus eos , qui ad vndecimam horam accesserant non reiecit, ignoras enim , an fortè vas electionis sit iste.

51. Nam si superbiam amaueris , eris pars dæmonum : sin humilitatem dilexeris , pars Domini Christi. Si auaritiā amaueris , vacuus & inanis hinc abibis : at si pauperatē voluntariam dilexeris , diuitiis cælestibus non priuaberis. Si passionem memoriæ iniuriarum in corde tuo occultaueris ; domicilium eris iracundiæ & ignorantia , tristitiæ pariter atque doloris ; & aspectus faciei tuæ in te immutabitur. Viæ enim eorum qui iniurias memoriâ tenent , in mortem sunt.

52. Vir altè sapiens , plurimùm contristabitur : at qui humiliter sentit , in Domino semper lætabitur. Superbia honorem omni tempore requirit : at humilitas , neque in gloria effertur , neque in ignominia angitur : nam mercedem à Domino expectat. Qui memoriā iniuriarum abscondit in corde suo ; similis est ei qui in sinu suo serpentem nutrit. Ne cor tuum dolore atque tristitia afficias : nam seculi tristitia mortem operatur : quæ autem secundum Deum tristitia est , vitam tibi æternam conciliabit.

53. Quære Dominum , charissime , toto corde ac viribus tuis , vt saluetur anima tua ; & malitia non demoretur in corde tuo. Nam sicut cataracta impetum auertit aquarum : ita malitia cognitionem atque scientiam à corde remouet. Si quod iustum est , consecratus fueris : comprehendes , & indues illud tanquam vestem talarem gloriæ. Monachus secularibus rebus implicatus , multis damnis afficietur : qui verò laborum exercitamenta sustinet , detrimentum nullum patietur. Qui mentem ac cogitationem suam post vitæ renuntiationem atque secessum , ad secularia conuertit : nihil ab eo qui seipsum detondet , differt. Qui putat se ludere in vtraque re : seipsum seducit , ac decipit. Scriptum quippe est : deus non irridetur. Quod enim quis seminauerit , hoc & metet ,

54. Noli

54. Noli circumspicere, monache, per vicos ciuitatis; neque oberraueris in plateis eius: ne fortè euentus tibi occurrat, & labatur anima tua in perditionem. Elatio oculos mentis excæcat: at humilitas in charitate eos illuminat: docebit enim mites, vias suas. In volutabrum luti, frater, ne ingrediaris; & à vitis timoris Dei expertibus longiùs recede. Malum & periculosum est viro, confidere in seipso: qui autem sperat in Domino, saluabitur. Qui sua exornat vestimenta, superbiæ obnoxius erit: Monachus verò superbus, velut aquila est absque pennis. Monachus modestus ac humilis, leuis & celer est cursor, & tanquam sagittarius iaculandi peritus. Nam sicut omnia ferrum attenuat, & domat: ita & quæ secundum Deum est humilitas, conatus & machinas inimici reprimat. Quemadmodum enim venabulum venatori, & scutum militi: sic etiam monacho est humilitas.

55. Stude, frater, sponte in angusta & arcta via Dei ambulare; antequàm inuitus aliam eà angustiore ingrediaris. Gloria viro seculari est in prodeundo: monacho autem, in non transgrediendo limen cellæ suæ, mente ac cogitatione. Ausculta, charissime: Athleta decertans, os suum obstruit: & tu à superfluis os tuum occlude, & habebis requiæ. Quàm magnus dicet quispiam qui nactus est sapientiam: at non est maior eo, qui timet Dominum. Quàm magnus, inquit, qui incepit: at non vt is, qui perseuerauit. Quàm magnus, qui est primus: sed non vt is, qui perfecit.

56. Noli carnalem amare requiem: ne in ipsa damnum spiritale comperias. Noli curiosè sectari ea, quæ non sunt tua: ne, quæ tua sunt, deperdas. Ad opus immoderatum atque immensum ne te ipsum impellas: nam cuncta debito modo atque mensura & ordine agere præclarum est salutare. Qui suo corde timorem Dei non possidet: quamuis mel & lac quotidie comedat, quiescere non poterit: vir autem fidelis generosè ac strenuè omnia suffert.

57. Permane in suauis iugo Domini, vt molestum & graue mundi huius iugum excutias. Cellam fratris tui caue frequenter: ne te & illum conturbes. Si librum vtilem habeas, & fratrem illo vti velle audias: candidè & sine inuidia præbeto ei: Tu autem, charissime, studiosè re tibi commodata

utere, eamque suo in pace redde domino. Quòd si cœnobij librum in tua cella teneas: ne proijcias eum per negligentiam: sed studiosè complicatum serua atque custodi eum, tanquam Dei esset.

58. Monachus temerarius præfectum, & fratres dedecorat: at sapiens reueretur eos. Temperantia carnem macerat: at voracitas mentem crassam reddit. Non præbet patientiam in cella monacho, quòd non grauati suum opus efficiat: sed timor Dei, & mortis atque tormentorum recordatio, patientem illum reddunt. Satiùs est insistere operi & orationi, diuinarumque scripturarum meditationi: quàm tempus deperdere, & verbis otiosis vacare, vnde detractio oritur. Noli fratrem tuum, qui ridiculis circumfertur rebus, experiri ac prouocare ad agendum: ne tu quoque de rebus ridiculis agere cum illo cogaris. Scriptum est enim: Qui irritat aliquem verbis, non saluabitur. Qui propria se ipsum temeritate odibilem reddit, à quo amabitur? Et qui diligit eos, qui ipsum diligunt, quam mercedem habebit, cum dicat Dominus: Nonne & peccatores hoc faciunt.

Matth. 5.

59. Vir audax ac præceps, turbabit animas fratrum: at qui in charitate patiens est atque longanimis, timet Dominum. Iuniorem laboriosum ne nimis oneres, & cum senes stulto ne incedas. Sapientes verò senes post Deum fratrum sunt firmamentum. Magnum virtutis opus est continentia oculorum, ventris, & linguæ: at si cumuletur benignitate & misericordia, ut lampas fulgebit. Quemadmodum qui bonum aliquod, sibi ipsi in thesaurum recondit: ita vir qui celebrat ac laudat proximum in absentia sua.

60. Dominum Deum time, & bona hæreditabis. Viam peccatorum ne ingressus fueris: iustorum verò semitas inuestiga. Si iustitiæ vias amaueris, vitam æternam inuenies. Si amaueris quietem, nauigationem tuam in tranquillitate perficies. Si silentium amaueris, à pluribus diligèris. Si auerteris oculos tuos, ne videant vanitatem,undas in te cogitationes inuenies. Si continentiam amaueris, fornicationis dæmonem refrænabis. Si amaueris paupertatem, avaritiæ dæmonem in fugam conuerteres. Qui aurum in cella sua recondit, thesaurizat sibi passiones superbix, & inobedientiæ: at qui orationes & eleemosynas sibi thesaurizat, in Deo dita-

bitur. Alij possessiones, & pecunias thesaurizant sibi: at tu, monache, preces & eleemosynas thesauriza tibi. Alij in tibiis lætantur, & musicis; at tu, monache, in psalmodum decantatione & Domini celebratione lætare. Alij in deliciis lætatur, & ebrietate: at tu, Monache, in voluntate Domini perficienda lætare. Alij vanâ oblectantur gloriâ: at tu, monache, in Deo lætare, qui tibi & omnibus diligentibus ipsum, coronam gloriæ præparauit. Alij voluptatibus gaudent: at tu, monache, in sanctitate & continentia lætare.

61. Vir, qui Christum amat, turris est inexpugnabilis: perfectus autem in charitate, murus qui frangi non potest. Si deambulando meditari velis: tacendo meditare, & inanem gloriam vitabis. Bonum est corrigere errantem, & non risum mouere. Aquilo conturbat mare: & subita ira mentem commouet viri: at longanimitas expellit iracundiâ, impetumque effervescentis animi; & si ira non adsit, cessat quoque iracundia. Si ædificare, frater, nolis; ædificata ne destruas. Si plantare nolis: plantata ne euellas. Si, frater, quiescere non velis; alios quiescentes ne peruertas. Si hymnos Domino offerre atque concinere nolis; alios decantantes caue perturbes atque impedias.

62. Loquitur diues, & cuncti silent, & verba eius ad cælos usque extollunt: loquitur autem Deus nobis per sanctas Scripturas, & tacere atque auscultare nolumus: sed alius garrir, alius dormitat, alius verò mente distractus euagatur. Sed quid dicit Scriptura? Qui auertit aures suas, ne audiat sermones Altissimi: etiam ipse Deus precatione eius execratur. Monachus negligens ac piger, in oratione audire cupit, Amen: at qui sedulo & vigilanter orationi intentus est, non conturbatur. Longè porro à nobis sit, quod per Prophetâ est dictû: Propinquus es labiis eorum, & procul à renibus eorû.

PREC. 3.

63. Ne scandalo & offendiculo sis fratri, neque concurras cum eo ad peccandum: ut non irascatur tibi Dominus, & in manus tradat malorum. Beatus vir, qui in nulla re scandalizari proximum: quoniam merces eius magna est in cælis; qui autem indiscretè ac temerè scandalizatur, scandalizabit multos. Nisi priùs ob oculos sibi homo constituerit sua peccata, in quocunque loco quiescere non poterit. Beatus qui bonam auspiciatus fuerit vitam, atque ita perfecit, ut

Deo placeat. Scriptum est: Qui honorat patrem suum, iocundabitur in filiis; & in die orationis suæ exaudietur. Qui honorificat patrem, vitâ viuet longiore, & in die obitus sui inueniet gratiam. In verbis & factis honora patrem tuum; vt superueniat tibi benedictio ab eo. Ne glories in contumelia patris tui: non est enim tibi gloria, patris confusio. Gloria enim hominis ex honore patris sui: & dedecus filius mater sine honore. Pro parentibus carnalibus, monache, eos habes qui secundum spiritum te generant in Domino; deducuntque ad vitam te æternam.

Ibidem.

64. Audi frater eum, qui dicit: Fili, in mansuetudine opera tua perface, & ab homine acceptabili diligêris. Quanto maior es, tantò magis te humilia: & coram Deo inuenies gratiam. Quoniam magna est potentia Domini, & ab humilibus honorificatur. Obductioni autem superbiæ, non est sanatio: frutex enim peccati radicaui in illo. Tria sunt genera, quæ augent vanitatem, & quartum non bonum: inobedientia iuniorum; & senes inuidiâ super iuniorum profectu laborantes; & religiosus, si ad iniqua declinet; & præfectus, si imprudenter fratrum animas premat. Quatuor genera gloriam atque existimationem augent, & quartum coram Deo & hominibus bonum: concordia fratrum in mansuetudine & iustitia; & frater fratrem in timore Domini commonefaciens; & iuniores morem senioribus vt dominis propriis gerentes; & præfectus suos fratres vt seipsum diligens, salutemque animarum ipsorum in veritate curans. Res mala atque periculosa viro est superbia, per omnem modum. Noli amare superbiam, charissime: non enim in ea quid est conducibile. Omnis morbus rectè curatus sanitatem consequitur: at superbiæ morbus, malum est immedicabile: nam sanitatis remedium à se repellit, & mortiferum sibi ipsi pharmacum effingit: absit igitur, vt in seruis Christi Domini reperiatur.

65. Gloria monacho est sermo fidelis & modestus: qui verò scurrilibus delectatur, demens est ac stultus. Festiuitas monacho est, observatio mandatorum Christi: consolatio verò ipsius, non agere malum. Lætitia & oblectatio monacho est, accedere ad Dominum: gloria autem eius, timor Domini. Mundanam participare philosophiam non potui: gratiam verò cum remissione peccatorum à Domino

deposco. Supra smaragdum, & hyacinthum, & supra dolia aureo plena, omnemque scientiam mundi huius, confiteor tibi, Domine pater: quoniam postulatis meis non fraudasti me, & non despexisti deprecationem inutilis serui tui. Tu enim desperatorum spes es vnica: & auxilio destitutorum adiutorium atque præsidium tutissimum. Sit nomen maiestatis tuæ benedictum in secula. Amen.

65. Postulasti à Domino, monache, quæ decent professionem tuam: & infinitè multiplicata largietur tibi. Sine aqua non edificatur terris: & absque cognitione non excolitur virtus. Vidi iuuenem prudenter consolantem atque hortantem senem: & in hoc demus gloriam Deo. Post concupiscentias tuas, monache, ne ambules, & à desideriis tuis prauis cohibearis. Nam si animæ tuæ præstes propensam concupiscentiæ affectionem risum concitabis inimico tuo. Qui corporis sui carnes delicatè nutrit, concupiscentias malas pascit, & turpes ei cogitationes non deerunt. Castiga carnem tuam, monache, & in seruitutem redige: ne reprobis efficiaris. Quod bonum est, in tua carne exerceas: & cirò fructificabis.

66. In fratrum conuersatione quietam agere vis vitam, monache? communi fratrum contentus sis mensa, & erit sanitas carni tuæ, & cura ossibus tuis: & anima tua detrimentum non patietur. Sin autem in phialas, & pocula inflexeris oculos tuos: nouissimè dolore affligeris, velut à serpente ictus. Si pium ac religiosum virum manu cibaria tenentem conspexeris: ne ipsum mente tua damnes, ac iudices: non enim nosti, cui ista apponere velit.

67. Cura, monache, internum opus, & ne inutiles muros exornes: siquidem venustas & elegantia cellæ monacho patientiam non præbet. Quæ necessitatis sunt, quæramus: nam superflua, & distractionem nobis præbentia, non profunt. Piger & ignauus monachus, excusat se, & dicit: Hodie hîc habito, & crastino die hinc discedo: cur ergo laboribus me fatigo atque conficio? Componaris, monache, instar mallei & incudis, in mente tua: & affer cogitationes cordis tui, & reprobas atque inutiles à te repelle.

68. Qui de pij atque religiosi lapsu lætatur, hic dupliciter cadet: at qui conuertit hominem ab errore viæ suæ,

saluabitur. Si peccauerit frater, libenter accusamus eum: at si nos peccauerimus, reprehensionem non libenter recipimus. Ne, frater, pro diabolo, at potius contra ipsum decerta. A iuuentute tua, frater, excipe doctrinam: & vsque ad canos, inuenies sapientiam. Monachus obuientia mala promptè fortiterque sustinere valens, ex parte dolorem percipiet: at qui tentationem expectat, abundantiore dolore afficietur.

69. Propria proditio est negligentia, negligentia autem grauis ac dira est captiuitas: at vigilantia etiam captiuam ducentes captiuitatem, capit & apprehendit. In pigritia manuum stillabit domus: & quando voluerit, in ea manens, ab ipsa fugiet. Monachus piger, ne ianuam quidem suæ cellæ occludet, donec à vento iactata confracta fuerit; at sobrius ac vigilans, irreprehensibilis erit.

70. Qui suos refranat oculos, leuior atque expeditior erit: at qui huc illucque retorquet illos, graue sibi ipsi onus imponet: distractio enim concupiscentiæ, puram ac simplicem mentem transfigurat, atque immutat. Si abreptus, oculos tuos in vanitatem conieceris, celeriter reprime illos: ne fortè in turpem commixtionem incidas. Dum tua vritur caro, caue contingas partes pudoris, ne vehementius inflammationem in te accendas. Beatus qui omnem carnalem concupiscentiam vicerit. Malum est cum anima excrefcere cogitationem improbam, quemadmodum & gramen in olèrum areola. Nunquid insula in medio mari sita fluctus abscindere potest, quo minùs ipsi allidantur? veruntamen insula fluctibus resistit. Ita etiam nos, cogitationes amputare noxias non possumus, attamen cogitationibus eiusmodi obfistere possumus, si volumus. Ceterùm dicat fortasse quispiam: & quo pacto interdum per cogitationes superatur anima? superatur, quia non se opponit cogitationibus: sed permittit eas introire: pabuloque deinde reposito, paulatim animam dissoluunt atque evertunt.

71. Quatuor sunt mala, quæ difficulter curationem admittunt, videlicet, amor sui ipsius, auaritia, vana gloria, & ambitio siue cupiditas dominandi, quæ dicere non nouit, sufficit: sed nullum eorum curatu impossibile est Deo. Antequam malum radices in te agere incipiat, euelle illud: &

priusquam surculos suos emittat, ex imis foueis radicem ipsius extrahe: nam si radices illud in te agere permiseris, dominium sibi usurpabit in te. Qui vigilanter attentèque orat, adurit dæmones: at qui mente vagatur, illudetur ab ipsis. Qui suis abducitur concupiscentiis, & cogitationum oblectamentis, facile capietur: at qui temperans est ac continens, saluabitur. Incredulitas duplicitatem animi generat, duplicitas autem negligentiam, negligentia verò obliuionem, & obliuio desperationem; at desperatio mortem. Vnde mala in nobis dominantur, nonne per nostram negligentiam? Non subiiciaris membris tuis: vt non dominantur in te membra tua. Quod bonum est, in iis operare, & non quod malum sit, & eris possessio pretiosa Domino tuo. Signum animæ pigre ac negligentis est, non libenter sacras audire scripturas: diuina verò sobria & vigilans, diuinos lubens sermones suscipit.

73. Quemadmodum terra sitit pluuiam: ita lectus bonus ac mollis nutrit somnum, & carentia timoris Dei auget illum. Ouis tibi est? ne simul cum ea lupum recludas. Et si qua in re oppugnat te inimicus, ne intromittas eum in domum tuam: quod si etiam introduxeris, ne mente ac cogitatione relaxeris: sed timorem Dei ob oculos tibi constitue: ne fortè inimici tui derideant te. Domus super arenam ædificata non erit stabilis, & exercitatio vitæ monasticæ studio placendi hominibus admixta, non permanebit: at qui in timore Dei operatur, iacturam mercedis non patietur.

74. Tempore orationis, peregrinum atque extraneum colloquium non proferas: & à precatione mens tua non obscurabitur. Frater, ad psallendum Deo consistis? aperi os tuum eloquio Dei, secundum eum qui dicit: Psallam Deo meo, quandiu fuero; ne fortè interea dum negligenter agis, alienæ cogitationes tuam mentem obturbent. Sed dum psallis spiritu, psalle etiam mente. Magnum in oratione donum est lacryma: abstrahi autem dæmoniacis cogitationibus, morti est simile. Cor à cælestibus degenerans cogitationibus dæmones rebus terrenis constringent atque implicabunt: quando autem corruptibilia contemner, tunc ea, quæ corruptioni non sunt obnoxia, comprehendet. In

R. 1. 3. 24.

morticinio adducentur ac cogentur vultures: & in anima se ipsam desperante, congregabuntur dæmones. Vbi enim cadauer, ibi congregabuntur & vultures. Sursum habeamus mentem, charissime: adhuc enim modicum restat temporis, & hinc abibimus: & quæ congregasti, cuius erunt?

T. MC. 12.

Ecc. 35.
Iuxta 70.

75. Sicut fumus expellit apes: ita malitia cognitionem atque scientiam repellit à corde. Nemo delectatur iustitiâ: sed auaritiâ detinentur multi. Nemo gaudet quòd iniuriâ non affecerit proximum: sed si paruo magna emerit. Ante faciem tonitruï, coruscat fulgur: & à facie nubis duræ ac densæ, alas contrahit omnis auis. Comminatio apri, in necem ipsum tradet: & iracundia viri, ruinam ipsi præparabit. Leo capitur propter ventrem suum: & gulosus ob ventris voluptatem conteritur. Equus duri oris in malorum manus sessorem suum præcipitabit: & homo duræ ceruicis in mala incidet. Tempore niuis peruestigatur fera: & tempore tentationis inuestigat satanas monachum: probatio autem monachi in tentationibus apparet.

Psal. 14.

76. Contende, charissime, vt discretionem possideas, in qua virtutes solitariæ vitæ sunt reconditæ. Discretionis porro interpretatio, quid aliud est, quàm absque scandalo & offendiculo custodire sodalem; & meliora, magisque ad salutem pertinentia deligere. Cupis magnus esse? sis omnium nouissimus. Cupis bonum possidere nomen in lenitate ac mansuetudine, opera tua temperato atque peragito. Time autem Dominum in veritate: vt bene tibi sit in nouissimis tuis: quia timentes ipsum glorificat.

Psal. 141.
2. Tim. 3.

77. Noli, monache, obsequi inuidiæ, neque insidiari fratri tuo, & probrosum ei nomen imponere, volens cum ignominia cum suo loco expellere: vt non quæ in alterum moliebaris, ipse sustineas; qui enim foueam fodit proximo suo, incidet in illam; audiasque quod scriptum habetur: Cadent in retiaculo eius peccatores; impleaturque in illo, quod dictum est: Omnes qui piè volunt viuere in Christo Iesu, persecutionem patientur. Ne excusationem prætexas, frater, dicens, te cum aliis non facere mala, neque communicare malè agentibus: scrutatur enim corda & renes Deus.

Psal. 7.

78. Si frater tuus, charissime, è cœnobio egressus sit: ne mente aduersus ipsum efferaris, neque sit infamiâ notatus in

in oculistuis: Ignoras enim, quid superuentura pariet dies. Dicentem audi: Qui se existimat stare, videat ne cadat. Et rursus: Non enim qui seipsum commendat, ille probatus est: sed quem Deus commendat. Nam multi cum putarent se alios vicisse, ac dominari illis, hi externis magis externi euaserunt: Illi autem, quorum desperata salutis spes fuerat, gratiam à Domino acceperunt. Nam Deus superbis resistit, humilibus autem dat gratiam. Prouer. 27.
1. Cor. 10.
2. Cor. 12.

79. Si virum conspexeris immorigerum & intemperantem, superbum & sibi sapientem, huius radix semimortua est, eò quòd non suscipiat ipsa pinguedinem ortam à timore Dei. Sin autem quietum atque tranquillum & humilem virum videris, huius radicem permanere noueris: quia à pinguedine timoris Dei irrigatur.

80. Tamen si, fratres, accidat præfectos nostros nobis præsentem non assidue adesse: magnus tamen semper inter nos pastor præsens est. Verax quippe est qui dixit: Vbi sunt duo vel tres congregati in nomine meo, ibi sum ego in medio ipsorum. Attendamus ergo nobis ipsis, charissimi. Monachus indecenter se gerens, manus suas in homines temerè coniicit: qui autem aliorum miseretur, misericordiam consequetur. Matth. 18.

81. Opere aliquo fratrem oneras? bonum opus præstas, si tamen laboris ei mercedem in charitate Dei reddideris: non enim pium atque religiosum est, nocere & aduersari alteri. Qui patientiæ & longanimitatis, atque clementiæ viam inuenit, is vitæ viam inuenit. Homo distractus, insigni die se exercet, & in opificio se versat huc atque illuc & concutit. Passer passerem in rete ac laqueum allicit: & peccator sui similes in profunda malorum adducit. Deuita eos, monache, qui otium amant, & quiescere nolunt. Fuge, monache, eos qui conuiujs gaudent, & dicunt: Hodie ego faciam, at tu crastine die ages; si enim eiusmodi sermonibus consenseris: vitam religiosam non perages. Ceterum imitare eos, qui feruent spiritu, quique per angustam & arctam viam ambulant; vt vitam æternam assequaris: nam lata & spatiosa via, in perditionem ambulantes in ea deducit. Matth. 7.

82. Monachus piger ac negligens, ingruente cogitatione aliqua, reclusus in cella sua huc illucque circumfer-

tur, instar navis gubernaculo destituta: qui verò cum patientia vitam quietam degit, inanibus cogitationibus non abstrahitur. Qui fratris sui profectui invidet, seipsum à vita æterna segregat: at qui ei auxilio est, particeps eius erit. Si enim qui mala agentibus consentiunt, utroque iustitia puniunt: nonne multò magis Dominus mercedem cooperanti cum voluntate sua præbebit? Scriptum reperitur: Multæ tribulationes iustorum, & ex omnibus illis liberabit eos Dominus; atque etiam: Multa flagella peccatoris; &: Mors peccatoris pessima.

Psal. 33.

Psal. 36.

Psal. 33.

83. Non est virtus, contumeliâ acceptâ stupere: sed potius animaduvertere & aspernari eam propter pietatem. Ignauus enim, inquit Sapiens, etiam conviciis exceptus, non confunditur. Satiùs est subridendo, iracundiam atque furorem præcidere, quàm asperè & crudeliter efferari. Viro autem prudenti, planctus risu suavior est ac gravior. Quis dabit ori meo custodiam, & super labia mea signaculum versutum: ut non cadam per ipsa, & lingua mea perdat me? Domine Pater, & Deus vitæ meæ, ne derelinquas me in concilio eorum, & ne permittas me cadere in illa. Dixisti enim Domine: Ex verbis tuis iustificaberis, & ex verbis tuis condemnaberis. Nam si Propheta dixit: Velut pannus menstruata, omnis iustitia nostra: quid dicam ego, qui in peccatis natus sum? Et nunc, Domine, ex tuis miserationibus tota spes mea dependet. Propitius esto mihi peccatori, Domine. Elationem oculorum ne dederis mihi: & concupiscentiam malam auerte à me.

Prover. 20.
iuxta 70.Eccli. 22.
iuxta 70.

Ibid. 23.

Math. 10.
Esa. 64.

Eccli. 23.

84. Ne fidem fallacibus attribuas insomniis, charissime: nam multos deceperunt somnia, in iisque spem ponentes exciderunt. Ad quas enim nos devenimus mensuras, ut visiones Angelorum aspiciamus? Magna felicitas & gloria, est humilitas: & non est in ea lapsus atque ruina. Signum porro humilitatis est, ambabus manibus omni tempore ac loco subvenire fratri necessitatem patienti, non secus ac recipere.

85. Monachus hæreditatem parentum carnalium requirens, in varias distractiones incidet: qui autem Christum exquirat, saluabitur. Caue dixeris: Si consenuero, unde sustentabor? De crastino non est permixtum nobis sollicitos el-

Math. 6.]

se : & de senectute tua nunc anxie atque sollicitè cogitas ? Regnum Dei , & iustitiam eius quæramus : & omnia hæc adiucientur nobis. Ipse enim dixit : Nouit Pater vester cælestis , quid opus sit vobis , antequàm rogetis eum. Si verò ista primùm non quæserimus : iam perspicuum est , nos de his minimè laborare. In Dominum igitur curam & sollicitudinem tuam proiice : & ipse te enutriet. Si Dominus aliquid in manibus tuis prosperauerit , quasi ipse rationes tecum subducturus sit , satage. Qui pauperum miseretur , bonis replebitur : at qui misericordiæ viscera claudit , à cælesti quoque sponso excludetur. Qui confidit in homine , non aspiciet bona : at qui in Domino sperat , saluabitur.

Ibidem.

Ibidem.

Psalm. 54.

86. Ne sis asper in lingua tua : quoniam os iusti distillat gratias. Cibi multi crassam ac stupidam reddunt mentem : bona autem temperantia purgat eam. Attende , monache , attende tibi , à conuersatione mulierum , Vide charissime , ne forrè prætextu atque occasione cuculli , aut analabi , alioue amictu capiatur anima tua : multæ enim sunt insidiæ fraudulentæ inimici. Satiùs est veteres ferre vestes , & curam habere animæ in timore Domini : quàm splendide vestiri , & turpiter atque inhonestè incedere.

87. Qui Dei custodit mandata , seipsum diligit : at qui ea contemnit , animæ suæ detrimentum affert. Vir ebriosus & iracundus , conturbat animas fratrum : & dedecus eius perpetuò cum ipso est. Impone vlceri malagma : & iuniori monacho pietatem non fictam. Ad interitum ruit monachus nouitius , propriam sequens cogitationem , & expertorum admonitionem non recipiens. Error prauus nouitio monacho , est inobedientia : submissio autem atque obedientia in Domino , munit protegitque fortia. Vir superbus & immodigerus , dies aspiciet amarus : at humilis & patiens , omni tempore lætabitur in Domino. Magna res est , virum inuenire patientem , & humilem : & pulchritudo eius inmensa.

88. Non contradicas veritati : & te tuæ inurbanitatis atque immodestix pudeat. Non confundaris confiteri peccata tua. Et , ne dixeris : peccaui , & quid noui mihi accidit ? Dominus enim patiens est , & longanimis Ne tardes conuerti ad Dominum , & ne differas de die in diem. Memineris non

324 S. PATRIS EPHRÆM SYRI,
tardare iram eius. Non sit exporrecta manus tua ad accipien-
dum, & ad dandum collecta.

89. Monachus prudens, in charitate seipsum circummu-
niet: at insipiens, odium sibi accumulabit. Qui extollitur ad-
uersus fratrem suum, à dæmonibus illudetur. Noli perpe-
tuo contemnere fratrem tuum; quoniam scriptum habetur.
Ecdi. 11. Multi tyranni sederunt in throno ac folio, & insuspicabilis
portauit diadema. Sis hilaris in iustitia; ad peccatum verò
potius tristis. Ægritudo animæ, est ambitio; Vana autem
gloria, morbus malus.

90. Egressus es cellâ tuâ, monache, ad ministerium? cu-
stodi sensus tuos; vt non concilies tibi ipsi bella & perturba-
tiones, per cogitationes improbas. Vbi non est, inquit, se-
pes, diripietur possessio: & vbi non est patientia, ingemiscet
errans. Multas excusationes sibi piger coaceruabit mona-
chus, & somnolentus in mala decideret. Monachus auarus
instar palmæ est infructuosus: at inops ac pauper velut palma
detonsa est in altum ascendens. Monachus qui rerum terre-
narum amore capitur, similis est accipitri extenso, & loros
ac vincula suis pedibus capienti, qui vbicunque confederit,
implicatur: at qui à rebus materialibus est alienus, viatori ac-
cincto & expedito est similis.

91. Multi apud se videntur esse prudentes: sed intelli-
gere nequeunt, eam quam putant prudentiam, detrimento
animæ sibi futuram. Non est sapientia, non est prudentia,
non est consilium bonum in anima timorem Dei respuente:
Sapientia autem vera est, cuncta secundum Deum agere.
Ecdi. 6. Guttur dulce multiplicabit amicos: & qui diligit Dominum,
conseruabit vias eius. Honora fratrem coram notis atque fa-
miliaribus ipsius: & coram Domino, in pretio atque honore
eris.

92. Oeconomus fidelis lucrabitur animas fratrum suorum:
mens autem atque animus eius, qui memoriâ conseruat iniu-
rias, disperget illos. Prudens oekonomus iuste partietur: im-
prudens autem atque insipiens pugnas præparabit. Monacho
insatiabili non sufficiet quod æquum ac iustum est: Et loquax
turbas concitabit: qui verò timet Dominum, quietam vitam
ducat. Oekonomus ebrietati deditus, deiicietur à gloria: at
temperans & modestus ac humilis proficiet in gloria.

93. Ne tibi ægritudinem prætexas, monache, cum sanus sis; quoniam scriptum est: Et desiderium eorum dedit ipsis. Ne aspernemur, fratres, gratiam Domini præbentis nobis fortitudinem ad operandum bonum: sed hoc in ea operantes, gratias semper agamus Domino. *Psal. 77.*

94. Qui proximum deridet, velut detractor habetur: detractio autem apud Deum & homines est odiosa. Qui exacerbat proximum, suscitatur iracundiam: at qui pacificatur, perbeatus est; quoniam filius Dei vocabitur. Senes honora propter Dominum: & iuueni egenti compatere: & mercedem à Domino accipies. *Prov. 15. 17.*

95. Scriptum reperitur: Nolite operari cibum qui perit, sed qui permanet in vitam æternam. Manus tuæ, quod bonum sit operentur: ut & necessitatem patienti distribuas, & cor tuum semper directum sit ad Dominum: & cibum permanentem operaberis, & non pereuntem. Operare, frater, & ne obambules: magnam enim improbitatem docet segnities. *Iohan. 6. Ephes. 4.*

96. Monachus murmurator multa patietur damna: at qui strenuè tolerat, in nouissimis diuitias suas reperiet. Ministri prudens, non negliget opus suum: & qui timet Dominum, non erit scandalo fratribus suis.

97. Fugis, charissime, eos qui iaculis petunt corpus: at fuge potius illos, qui in animam sagittas iaculant. Fugis serpentem mordentem corpus: at fuge magis mulierem, quæ animam mordet. Qui pulchritudinem explorat mulieris, concupiscentiam venustatis ipsius suæ inserit animæ: & qui assidue præ foribus domus eius versatur: similis est ei qui in glacie deambulat: quia non longè ab eo abest lapsus atque ruina. Ignem fugis, charissime, ut non comburatur corpus tuum: fuge quoque peccatum ne corpus tuum simul cum anima comburat in igne inextinguibili. Sicut duo pugiles: ita monachus, qui cum muliere versatur: at qui sobrius est & vigilans, spoliabit, & non despoliabitur. Ianitor fidelis, post Deum, est custos animarum: at infidelis, etiam suam ipsius animam abiiciet.

98. Tempus, quod in solitaria transegimus vita computamus: ob negligentiam verò in ipsa à nobis admissam, ignorantes extollimur. Laus est viro non tempus duntaxat, sed in bono profectus: profectus autem, non canicies, sed vi-

tam rectè & cum virtute traducere. Magistratus & honorem militi, scutum, framea, & galea pariunt: at monacho nouitio, fides, pœnitentia, & charitas. Fides generat castitatem & humilitatem, obedientiam & longanimitatem, atque temperantiam, pœnitentia autem lacrymas: at charitas patientiam, & spem.

Eclli. 6.

99. Qui assiduè ex vna in aliam cellam transít atque digreditur, inanès sibi cogitationes acquirit: at qui vno in loco sustinet, magis quietè viuít. A iuuentute tua, charissime, disciplinam tibi elige: & vsque ad canos, prudentiam inuenies. Ab initio iuuentutis tuæ, semina agrum tuum, & cura eum: ne fortè spinæ in ipso, tanquam in terra inculta, succrescant. Fructum in eo bonum facito: & ei, qui vires tibi suppeditat, da gloriam.

*1. Cor. 4.
Marth. 13.*

100. Aquæ augent fœnum, & conuersatio secularium, passionem superbiæ: qui autem timet Dominum, non effertur. Si gratiarum donis effectus sis dignus, ne propterea superbias: nihil enim habes boni, quod à Deo non acceperis: & si secundum eius voluntatem non ambulaueris, proprium à te auferet, & meliori atque vtiliori illud donabit: & tunc similis efficieris ei, qui propulsat & abiicit calamum qui lituræ cuiuspiam causa fuerit.

*Prouer. 22.
Ecl. 7.*

101. Quemadmodum duo in eodem loco galli: ita duæ simul cogitationes in corde monachi. Recede ab alienis, & quiescet anima tua. Vir sapiens custodiet mandata: & qui obseruat ea, paradysum æternarum deliciarum possidebit. Melius est nomen bonum, quàm diuitiæ multæ: super aurum verò & argentum, gratia bona. Animam torpentem consolare ac cohortare, & Dominus cor tuum confirmabit.

1. Ioan. 5.

102. Si poculum vini post orationem opportunè acceperis, studiosè ad cellam tuam vade, & clauso ostio gratias age Domino, qui iugiter tibi dispensauit & dispensat. Nam sermones à prandio multiplicare, spectra & peccata generat. Vir ebrius agit & loquitur vesperti, quæ non oportet & quorum diluculo pœnitet, qui si rursus vinum inuenerit, ad eadem relabitur. Si semel malum expertus sis, observa te in posterum. Scriptum quippe est: Omnis qui natus est ex Deo, conseruat seipsum, & malignus non tangit ipsum. Noli vinum bibere ad ebrietatem, charissime, etiam.

si vehementer te orent, qui adfunt amici. Nam si te vinum superauerit: præ cunctis, qui hortatores tibi fuerant, in te scandalizabuntur. Attende porro, ne ab obliuione occuperis. Laborat & angitur ventri deditus, conteriturque dum ventrem suum cibus replere studet, & vbi comedit, circa digestionem torquetur: Temperantiam verò sanitas sequitur, & sobrietas, atque vigilantia.

103. Monachus vagus non erit inuulneratus, nisi animo excubauerit: qui autem patienter in quo vocatus est loco permanet, maiorem requiem inueniet. Qui paruipendit exigua, paulatim cadet: & pigritia sensim, inuitam atque odiosam paupertatem generat. Noli recusare sanctorum virorum admonitiones, quantumuis intelligens sis ac prudens: nam in eo cognitionis atque scientiæ fructus cernitur. Indignum est monacho in conuenticulis versari: & merces eius dolor, & pœnitentia. Scriptum quippe est: Dum laudantur iusti, lætantur populi: nomen autem impiorum extinguitur. Et rursus: Laudet te vicinus, & non os tuum: alienus, & non labia tua. Et iterum: Probatio auri & argenti, ignitio. Homo autem probatur per os laudantium ipsum.

*Prov. 92. 2.
Ibid. 10. 7.
Ibid. 27. 2.
Ibid. 27. 21.*

104. Filius intelligens, custodit legem: qui autem pascitur luxu, dedecorat patrem. Honora cunctos propter Dominum, honorem tibi non repetens: & gratiam à Domino inuenies. Scriptum habetur: Qui non reueretur facies iustorum, non bonus: & qui talis est, buccellâ panis vendet virum. Et rursus: Beatus vir, qui veretur omnia per metum: durus autem corde incidet in mala. Viri amantis sapientiam, lætatur pater eius: qui autem pascit meretrices, disperdet diuitias. Satiùs est pasci diligenter, quàm pascere negligenter. Et, melius est studiosè addiscere, quàm docere, & agere quæ non oportet. Qui seipsum instituit, etiam alios instituit: & qui se ipse docet, etiam proximum docet.

*Ibid. 28. 12.
Ibid. 9. 14.
Ibid. 23. 3.*

105. Noli nimium onerare fratrem tuum: nam si onus iumento tuo imposueris, quod vires superet, in medio viæ deficiet atque succumbet. In omnibus, quæ acciderint tibi, prudenter te gere: & auxiliij memineris tibi allati à Domino.

106. Ne turpibus locutionibus aures tuas præbeas: ut mens tua non inquinetur. Sicut enim oculis obest fumus: ita turpis sermo nocet animæ. Si fornicationis te spiritus turbet: increpa eum, dicens: Dominus te destruet, qui pessimo factore plenus es, dæmon immunditiæ. Nouimus quippe eum, qui ait: Sapientia carnis, inimicitia est in Deū. Non est sapientia, non prudentia, ubi Dei timor non est: nam satiety sapientiæ est timere Dominum. Scriptumque reperitur: Lux iustis assidue: lux verò impiorum extinguitur.

Rom. 8.

Prov. 13. 9.

Ibid. 11. 30.

Ibid. 12. 1.

Ibid. 10. 19.

Ibid. 12. 5.

107. Arbor vitæ, desiderium iusti: qui autem reprehensiones odit, demens est. A multiloquio non effugiet peccatum: parcens autem labiis, sensatus erit. Cogitationes iustorum, iudicia: gubernant autem impij dolos. Qui honore præuenit proximum suum, honorem inueniet: at qui non reueretur faciem fratris sui, cum labore atque molestia corripietur.

Jerem. 8.

108. Si cum fratribus comedis, secundum canonem ac regulam, demitte te in patinam. Nam & turtur, & hirundo, & agri passeret, custodierunt tempora ingressuum suorum. Demitte te, neque iuueniliter agas, propter minores & iuniores te. At tu, charissime, cum totum diem ieiunus transigas, etiam in momento temporis commoueris?

Prov. 11. 22.

109. Suaue tibi est otium: sed vltima eius amara. Cum labore opus tuum exerces: sed posterius lætaberis. Scriptum est: Abominatio Domino, labia mendacia: qui autem facit fidem, acceptus ei erit. Qui multiplicat verba sua, abominabilis erit: qui verò os suum tenet ac reprimit, diligitur. Si virum aliquem negligentem conspexeris ad virtutem respicientem: tu caue, cogitatione relaxeris, imò magis viriliter agas, & tentationis tempore amplius decertes.

2. Tim. 2.

Prover. 28.

Eccl. 7. inu-

sa 70.

110. Monachi, caueamus excedere humilitatis mensuras: ne fortè dum videmur consentanea facere, nostram ipsi religionem obseruantiamque corrumpamus. Quapropter etiam damna, pœnasque illatas pro nihilo ducamus propter eum, qui dicit: Seruum Domini non oportet contendere ac litigare, sed mansuetum esse ad omnes. Et iterum: Beatus qui in omnibus semper est pavidus. Et: Ne festines in spiritu tuo irasci: quia furor in sinu impiorum requiescit.

quiescit. Scriptumque habetur : Filius astutus , obediens patri : filius autem inobediens , in ignominia. Qui custodit os suum , seruat animam suam : at qui immodestus ac petulans est labiis , perterrefaciet seipsum. Filio dolofo nulum erit bonum : qui autem conseruat mandata , perbeatus. Lex sapientis , fons vitæ : qui verò demens est , laqueo morietur. Qui incedit rectè , timet Dominum : at qui peruertit vias suas , ignominia afficietur. Quæres sapientiam apud malos , & non inuenies : gratus autem sensus , apud prudentes. Paradisus sepimento carens , dum calcatur , desolatur : & qui non custodit os suum , deperdit fructus suos.

III. Qui confidit in diuitiis , corruet : at qui succurrit iustis , hic exoriatur. Qui dissipat substantiam suam insipienter , egenus efficietur : qui verò in fide Domini eam dispergit , non deseretur in æternum. Scriptum quippe est : Dispersit , dedit pauperibus , iustitia eius manet in seculum seculi : cornu eius exaltabitur in gloria. Qui multiplicat diuitias suas cum vsuris & excrefcentiis , ei qui miseretur inopum , congregat eas.

III. Quantum elatus est homo in superbia cordis sui , tantum calcet terram ex qua sumptus est : quodque rursus est admirabile , & in terram reuertetur : exaltat autem Dominus humiles. Fumus fugat apes : & memoria iniuriarum , cognitionem à corde depellit. Roga Dominum , & lacrymas coram bonitate eius effunde : & recordatio iniuriæ non demoretur in anima tua : eritque oratio tua sicut incensum in conspectu eius. Scriptum est : Immundus apud Dominum est omnis elato corde : humiles autem spiritu excipiet gloria. Et rursus : Occasiones quaerit vir , qui vult recedere ab amicis : in omni autem tempore erit ignominiosus. Sic quoque monachus , volens à mansione sua segregari , præfectum & fratres accusat ac culpat. Scriptum legitur : Est via quæ videtur apud homines recta esse : nouissima autem eius vadunt in fundum inferni. Et denuo : Suis itineribus saturabitur temerarius , & de cogitationibus suis vir bonus. Nos , inter nos adhortemur & consolemur , charissimi : inuicem seruimus : inuicem nos admoneamus , & reprehendamus in timore Domini , donec in portu vitæ nobis mutuo occurramus.

113. Monachus ventri deditus, multa anxie & sollicitè cogitat: at qui temperans est, capræ in agro similis redditur. Sicut piscibus aqua: ita monacho vita quæta, in humilitate & charitate. Commeatus monacho in via, pietas & religio in timore Dei. Timor autem Domini, aurum probatum: cuius possessor nunquam deferetur. Conantur inimici detinere cogitationem tuam, monache, dum in peregrinatione hospitiove quid audire de parentibus tuis carnalibus atque propinquis contingit: superabundabit autem tibi gaudium & consolatio in regno cælorum, si ad finem usque perseveraueris in ministerio Domini. Qui pacificè vivere cupit in omni loco, non propriam requirat requiem: sed eam quæ alterius, in Domino; & requiem inueniet: at qui irritator est & malignus, nunquam quiescet.

114. Non antè peccabit quispiam, quàm Dei timorem contempserit. Cupis non peccare? Timorem Dei serua. Puta autem peccatum esse instar montium sublimium, aut pelagi maris fluctibus ac tempestatibus pleni, aut tanquam flammam ignis, quæ incidentes in ipsam comburit atque absorbit. Solertia quippe inimici imminuit peccatum in oculis tuis, donec in illud incideris. Noli peccare, & patrem tuum ne causeris atque prætexas: nam Samuel apud Heli permansit: & Giezi, apud Elifæum.

1. Reg. 1. 3.
4. Reg. 4. 1

115. Pastorem te constituerunt? caue in ouile tuum lupos introduxeris corruptentes ac diserpentes: ne desolatum tuum ouile reddant; cùmque princeps Pastorum venerit, non placebit ei. Repelle ab ouibus tuis quamcunque rem ipsis contrariam, ac noxiam: & nequaquam voceris operarius fraudulentus. In medio fratrum, Præfectus honorabilis: & qui timent Dominum, in oculis eius. Priusquam rem aliquam aggrediaris, exitum eius cognoscas: & tanquam antesignanus, oppugna Satanam. Scriptum est enim: Omnis qui natus est ex Deo, non peccat: sed generatio Dei conseruat eum, & malignus non tangit eum.

1. Ioan. 5.

116. Non quidem graue ac difficile est incidere: sed graue & periculosum est in eodem peccato perseverare. Si contentio ac pugna inter duos fratres acciderit; qui prior ebrum resipuerit, coronam victoriæ accipiet: coronabitur autem & secundus, si poenitentiam non resipuerit:

sed promptè quæ pacis sunt, curauerit. Signum immodestiae in monacho confidente in medio fratrum est, nudare suas tibias: at qui verecundus est, honestè decenterque sedebit. De multiloquio id noueris, monache, quòd infinitorum verborum atque sermonum tandem finis sit taciturnitas. Occupato igitur lucro, fuge damna. Contemne monache, quæ ventris tui sunt, & inuenies requiem. Deicit ac deturbat superbia: at humilitas assequitur brauium.

117. Si quempiam, charissime, in tuam introduxeris cellam, contende absque scandalo eundem emittere, hoc est, quòd nihil præter timorem Dei agatur: vt non sis ipsi forma & exemplum impij alicuius operis. Ait enim Apostolus: Sine offensione esto re Iudæis, & Gentibus, & Ecclesiae Dei. Honora omnes, Monache, non propter remunerationem, sed propter Dominum. Sine putrefactione non reuiuiscit vermis: & absque diligentia, non contabescet. Sine negligentia non renascitur contemptio: & sine diligentia non euelletur. Time igitur Dominum, & inuenies gratiam.

1. Cor. 10.

118. Non te comperiat inimicus, monache, aliquid agentem, quod professioni tuæ repugnet. Neque vnquam deterreat te vir, qui studio placendi hominibus deditus, multis placere atque gratificari conatur, sed non propter Dominum: at qui Dominum timet, seruat mandata eius. Qui timet Dominum, non offendet: quoniam in lumine mandatorum ipsius ambulat. Ira & furor viri, fouea est ipsi: & qui vincit iram, etiam foueam transgreditur. Qui in officio continet populum suum, pacem cum externis habet: at qui in illo confidit, inimicitias sibi multiplicat.

Ecclesi. 27.

119. Beatus vir, qui in spiritu mansuetudinis iugum Christi traxerit vsque ad finem: grauis quippe & periculosa est superbia. In pace & charitate fratrum, Dominus inhabitat: fraudulentum verò, oblectat inimicitia eorum. Quousque terra sparsum in ea semen abscondet? donec odorem aquæ perceperit. Mandata Domini, charissime, occultè exerceas: & palam atque manifestè reddet tibi.

120. Monachus piger & sui amans, viso opere abscondit seipsum, & in prandio sese inter primos refert. Non seipsum humilibus anteponebat fratribus prudens monachus: sed typus

Matth. 5.

ac forma fit fidelium. Crudelis & absque misericordia est, qui infirmis non compatitur. Beati enim misericordes: quoniam misericordiam ipsi consequentur. Oeconomus fidelis non locupletabit fratres suos: & qui vitam virtutibus ornata ducit, cuncta secundum Deum agit. Ne vexes locantem operam suam: & mercedem operarij caue retardaueris, detinuerisve. Memineris quòd seruierint tibi: quare reddes eis mercedem in tempore, & mercedem in tempore recipies.

*Iacob. 5. 5.**1. Tim. 5.*

121. Qui reprehenditur, & tacet in nequitia sua, iniuriarum memoriâ abscondit in corde suo: at qui cum pace & mansuetudine respondet, immemor erit iniuriæ. Immo-rigeratus subsannat senes: at morigerus diligitur: & qui amat disciplinam, diligit vitam. Quemadmodum pruina & niues tabefaciunt herbas ac gramina: ita peccatum cor eius corrumpit, qui operatur illud. Et, sicut virescit ac germinat semen superueniente pluuiâ: ita reflorescit cor hominis in operibus bonis.

122. Vir iracundus & vociferabundus, ad iuramenta procliuus est: qui verò quietem sectatur, intelligens est ac prudens. Quid porro est iracundia? Iracundia, perturbatio est impudens & inuerecunda, cui dolor succedit & pœnitentia. Tristitia cor deuorat incidentis in eam. Non afficias mœrore cor tuum: sed consolare te ipsum in Domino. Perfidia duplicitem cordis generat: duplicitas autem cordis hæresim introducit: hæresim verò error sequitur. Qui igitur in errorem impegit, magna proclamet voce ad Principem Pastorum, & Saluatorem animarum nostrarum: vt conuertens, congreget ipsum in caulam ouium suarum.

*Psalms. 144.
10/ue 6.*

123. Ne sis curiosus, charissime, dicens: quomodo istud, vel illud? sed crede Domino, & ipse mentem tuam illuminabit. Secundum enim analogiam ac proportionem fidei, etiam gratia habitat in anima. Nam fidelis Dominus in omnibus verbis suis: & sanctus in omnibus operibus suis. Tubæ ductiles sonuerunt in castris filiorum Israël in deserto: at prædicatione Apostolorum apud omnes gentes audita est. Sicut tuba significationis: ita vir fidelis. Palmes Christi, vir qui agit ea, quæ fides docet. Quemadmodum racemus in terram detractus, inutilis redditur: sic etiam mens atque cogitatio hominis rebus distracta terrenis, ad virtutem inepta efficitur.

124. Qui turbationes sectatur atque tumultus, subito adueniet eius perditio, scissura, & contritio incurabilis: quoniam in omnibus iis lætatur, quæ odit Dominus: at qui pacem amat, possidebit pacem; mansuetudo autem viri, auerfatur iracundiam. Si calumniam in te torqueri contigerit, & postea puritas conscientia tua apparuerit: ne ideo altè sapias, atque superbias: sed Domino in humilitate seruias, qui te ab hominum liberauit calumnia: vt non ingenti ruina corruas.

125. Sicut glandes nutriunt porcos: ita malæ cogitationes prauas nutriunt concupiscentias. Sicut venenum aspidum: ita se habet iracundia, & iniuriarum recordatio: quoniam & formam atque aspectum immutat, & mentem conturbat, & neruos dissoluit; & ad operandum imbecillitatem affert: at mansuetudo animi, & charitas, hæc cuncta à se proiicit. Quanam re iniuriarum memoria delebitur? commemoratione timoris Domini, ac diei mortis. Memorare, charissime, nouissima tua: & irasci desine. Mortem dum tecum cogitas atque expendis, ne elato sis animo: adhuc enim modicum, & ad sepulturam defereris: & hæc improba actio quid tibi proderit? Infirmum, charissime, sustine: non enim qui valet, tua opera indiget. Nam scriptum est: Non egent qui sani sunt medico: sed qui malè habent. Et: Vos qui firmiores estis, imbecillitates infirmorum sustinete.

Matth. 9.

Rom. 15.

126. Si virum magna potitum dignitate super terram conspexeris, de hoc ne admireris: at magis illum suspicias qui terrenam gloriam odit ac detestatur. Si in oculis tuorum fratrum, instar auri purus apparueris; tu teipsum vt vas inutile existima: & superbiam, Deo & hominibus detestabilem vitabis. Monachus iunior per cellas fratrum oberrans, non solum otium addiscit, sed etiam vt nugator & curiosus, multa loquitur quæ non oportet: at qui vitam quietam in humilitate sectatur, diligitur. Cum fratre malam famam habente noli vinum simul bibere: neque insolenti homini applaudas atque immorigero: neque cum quoquam improperiis agas. Teipsum castum serua; fuge autem conuiuia: ne dolore affligaris in nouissimis tuis.

127. Si infirmus sis moribus: ne te ipsum alteri coniungas, mentis atque cogitationis infirmitate detento, hoc autem dico, non ut quempiam tanquam peccatorem abominer: sed ne fortè vtraque parte laborante ac malè habente, accipias tu detrimentum propter illum, ille propter te. Si autem vales exhortari ac consolari alterum in Domino; accede, & mercedem inuenies. Si fratrem peccantem aspexeris, & postero die eundem videris: ne ipsum ut peccatorem tecum reputes: ignoras enim an te absente, post lapsum bene operatus sit; & cum suspirijs, atque gemitibus, amarisque lacrymis Dominum placauerit. Quare oportet ab alijs iudicandis nos abstinere: decet autem vnumquemque nostrum humiliare seipsum, secundum eum qui dicit: Quoniam iniquitates meæ supergressæ sunt caput meum, & sicut onus graue, grauata sunt super me. Omnia ligna sylvæ condensæ non sufficiunt igni: & caro non saturatur requie. Timor Domini paradisus deliciarum: vbi verò non est timor Domini, ibi vulpes habitabunt.

128. Si frater tuus oppugnatus, monache, profugerit ex monasterio, exierisque ad requirendum ipsum, illo reperto, pacificè responde ei: ut non dolorem addas super dolorem animæ ipsius; considerans teipsum, ne & tu teneris.

129. Si, charissime, artis medendi peritus sis, & morbis remedia adhibes; prudentem ac vigilantem te præbe, ne fortè dum alios curas, teipsum malè affectum demonstres, cum dicat Apostolus: Non blasphemetur bonum nostrum.

130. Bona, frater, iecisti principia? bene perficere contende: ut mercedem plenam recipias. Domine vniuersorum cor à subiectione & disciplina patris alienum ne dederis mihi, & cogitationes superbix repelle à me: Tu enim, Domine, increpasti superbos. Scriptum est: Congregationi amabilem te facito, & magnati humilia caput tuum. Et de anima tua ne confundaris: est enim confusio adducens peccatum, & est confusio gloria, & gratia.

131. Ne commoueas fratrem aduersus fratrem eius

per calumniam: non enim charitatis est concitare proximum ad perditionem animæ. Pacificus esto, ut filius Dei vocari promerearis.

132. Cupis diligere, charissime, dilectione Salvatoris nostri Iesu Christi? omnem amicitiam detestare & auerfare carnalem, quæ hæc in se continet: gastrimargiam siue gulæ concupiscentiam, vinolentiam atque ebrietatem, luxuriam, invidiam, nequitiam, petulantiam atque lasciviam, passionem ac perturbationem, oppressionem, tristitiam, & his similia: horum autem omnium finis, mors est. At quæ in Christo est dilectio, ista complectitur: benignitatem, doctrinam ac disciplinam, scientiam atque cognitionem: finis verò istorum, est vita æterna. Rom. 6.

133. Adhareas, charissime, viro timenti Dominum, ut te timere Dominum edoceat: cum contemptoribus autem conuersari non ames. Sustine, dilecte, Dominum, ut ipse te exaltet: nam gloria huius mundi non perseverat. Semper Dominum præ oculis habe, quoniam saluat sperantes in ipsum. Vir armatus, formidabilis in bello est: & qui fide indutus est, inuisibilibus inimicis tremendus. Vir demens ac stultus dicit: Quis me terrebit? at qui modestus est ac humilis, inuenitur prudens. Materia ignis, ligna sunt: materia verò iræ atque furoris, superbia. Vis mitigare atque lenire iracundiam? apprehende humilitatem, & in via mansuetorum atque humilium ambula. Si irritamenta atque exacerbationes inter fratres acciderint, ibi pacificator beatus: at qui eos ad contentiones accendit, haud impunis euadet. Lapis arenosus, & anima infidelis, paulatim dissoluentur: in viro autem fidei, cogitatio atque consideratio erit immobilis. In viro mansueti & humili requiescet spiritus sapientiæ: diligit autem Dominus eos qui in sapientia ambulant. Esa. 66.

134. Vide, charissime, ne dum ampliores consequi honores appetis, ignominie notam tibi contrahas. Honor verè est homini, cuncta secundum Deum agere: at magna infamia præcepta eius transgredi. Pastor temulentus, non saluabit oues suæ fidei commissas: & somnolentus faciliè & ipse à bestiis capitur. Nam in manibus ebrii, spinæ crescunt: anima verò continente ac temperantis, assidue

procidit Deo. Aurum non præbet patientiam; at fides eum firmat, qui possidet illam. Error viro, nescire scripturas: dupliciter verò errat atque decipitur, qui nouit eas, & contemnit.

135. Teipsum cohortare ac consolare, charissime, & patientem in omni tribulatione te præbe, ne fortè dum sæpius te alij hortantur ac consolantur, superbus efficiaris. *1. Theff. 4.* Dicit enim Apostolus: Consolamini inuicem quotidie, donec conceditur appellari hodie: ne quis vestrum fraude atque imposturâ peccati obdurescat. Participes enim Christi euasimus, si principium obtineamus. Initium porro omnis virtutis est fides.

136. Vitam virtutibus ornata[m] possidet monachus, qui patris admonitionem auscultat, eique morem gerit. Nudus efficitur monachus, qui inobedientiam viamque latam diligit. Diabolicum consilium est monacho, alienum appetere gradum. Captu facilis redditur monachus, rebus secularibus implicatus. Vitam æternam mansuetus & tranquillus monachus possidebit. Sol & luna, & omnia alstra super illis gaudent, qui rectè Domino Christo seruiunt. Thesaurum sibi ipsi in cælis comparat omnis, qui vitam sectatur quietam in charitate. Medicus passionum ac perturbationum efficitur, qui in veritate timet Dominum. Tanquam è specula prospicit, & superat prauas animi affectiones, monachus mitis atque mansuetus.

137. Populi laudabunt Dominum, in homine qui suam ipsius salutem non negligit, sed de suo ex hac vita exitu sollicitè cogitat, & de hora illa quando coram formidabili illo Christi tribunali assistere debebit. Mansio & habitaculum fit sancti Spiritus, quicumque suam salutem amat. Templum efficitur Dei omnis qui continentiam, & castitatem diligit. Gladius contra dæmonem acedix ac tædij, est mortis & æternorum tormentorum memoria. Non condemnat proximum suum prudens monachus atque intelligens. Multa experiri vult loca, monachus otiosus & pigritiæ deditus. Verbum vitæ æternæ concrederetur viro Christum diligenti. Frumentum mundum, est vir hospitalis.

138. Accusatio sui ipsius in omni tempore, purgatio est peccatorum. Patientiæ neruus est, temperantia & abstinentia.

nentia. Suam ipſius occidit animam, qui à mandatis Domini recedit: gaudium verò ineffabile poſſidebit omnis, qui ea in veritate obſervat. *Pſalle, chariſſime, ſpiritu, pſalle & mente atque intellectu: Quàm dulcia faucibus meis eloquia tua,* *Pſ. ut. iiii.*
 ſuper mel & fauum ori meo. Principium & finis fidelium, eſt fides, ſpes, & charitas. Omnibus autem rebus grauibꝫ atque moleſtis grauior ac moleſtior eſt pigritia & tædium, maximè verò ſi ſociam habeat perfidiam: nam pleni ſunt fructus eius veneno mortifero.

139. Recordare, chariſſime, ſemper tremendi tribunalis Dei: & erit tibi firmamentum, & reſiſtes eis, qui inſidias parant animæ tuæ. Prudens monachus ad miniſterium emiſſus, pro pace ſuam ipſius ponet animam: at qui demens eſt ac inſolens, pugnaſque contentiones præparabit. Spiritum otij atque negligentia, curioſitatis ac ſuperſuæ anxietatis, ambitionis & dominandi cupiditatis, ne mihi dederis Domine Deus vitæ meæ: ſed temperantiæ atque abſtinentiæ, humilitatis, & patientiæ ſpiritum largire famulo tuo.

140. Meliores ſunt ſordes pedum in corde munda propter virtutem, quàm puritatem prætexere, & corpus ablui affectu inordinato. Qui ſanctè ac caſtè conſervat membra Chriſti, ſanctificabitur: at qui corrumpit templum Dei, deſtruet illum Deus, ait diuina ſcriptura. Tanquam cani, acriter ſpiritui fornicationis reſiſte: & planè non patiaris te abripi cogitatione eiꝫſmodi. Nam à ſcintilla ignis augetur pruna: & à cogitatione improba, multiplicabuntur concupiſcentiæ prauæ. Excute memoriàm earum, magis quàm grauem odorem cœni atque cloacæ. Quemadmodum incenſum oblectat odoratum: ſic & in caſtitate latatur Spiritus ſanctus, & in homine demoratur. Sicut ſus delectatur volutabro luti: ita quoque dæmones in fornicatione gaudent, & immunditiâ. Lux magna & gaudium, pax & patientia, in caſtitate commorantur: at dolor & tædium, & ſomnus inſatiabilis, & tenebræ denſiſſimæ in fornicatione habitant. Dilige, monache, caſtitatem in charitate Chriſti: nam tuo viuendi inſtituto congruit, ſicut aſcia atque ſecuris fabro. Frater quidam à fornicatione oppugnatus, increpans dæmonem, dicebat: Ad tenebras vade ſatana; an neſcis, me

2. Cor. 3. 6.
2. Cor. 6.

Eccle. 11.
iuxta 70.

2. Pet. 2.

338 *S. PATRIS EPHRAËM SYRI,*
 quamuis indignum, gestare in me membra Christi? Et subito ac è vestigio cessauit in eo ardor libidinis, quomodo si quis flans extingueret lucernam, ita vt ipse secum de hoc miraretur, glorificaretque Dominum. Magnus honor est castitas in charitate Christi: magna verò ignominia ac dedecus est fornicatio & inuidia. Itane te ipsum, frater, audacter comprum & ornatum reddere studes? Apostolum dicentem ausculta: Iuuenilia autem desideria fuge. An ignoras, quali cum hoste configas? An nescis, graue & periculosum esse, alterius animæ aliquem laqueos necere? Nunquid animo tecum perpendis, qualem putredinem atque corruptionem possidebunt, qui talia agunt? Et istud te nosse volo, quòd, tamen si externus homo ad pelliciendum comprus sit & elegans, habitaculum autem animæ sordibus contraminatum fuerit, non diu ea in illo durabit pulchritudo, quin corrumpatur: at si animæ pulchritudinem possederis, aliquid in exteriorem etiam hominem inde deriuabit, eaque tecum pulchritudo permanebit. Qui ornatu vestimentorum suorum delectatur, & repletioni ventris sui studet, variè oppugnabitur: at qui sobrium se præbet ac vigilantem, tremendus erit suis aduersariis.

141. Anima improba assentationibus effertur atque superbit; & contumeliis affecta furiosè mouetur & insanit: at bona, etiamsi blanditiis demulcetur, non lætatur, & contumeliosè excepta non irascitur. Taciturnitas iuueni, sicut equo frænum: at qui effrænatus est, incidet in mala. Sit timor Dei in corde tuo, charissime, sicut scutum in manu militis, excipiens in eo atque repellens in humilitate tentationes, quæ aduersùm te inferuntur à diabolo: vt instar pulueris comminuantur à facie tua inimici tui. Confide: non enim superari poteris, dum scutum atque armaturam eiusmodi tenes.

142. Qui non amat Dominum, exagitat æconomum, & exacerbat præfectum suum: at qui Dominum diligit, mandata eius obseruat. Ianitor sapiens, nouit respondere pauperi ac pusillanimi: insipiens verò, superbus erit. Tamen si, frater, nihil præbemus: at saltem bona verba des: confiderans te ipsum, ne tu quoque in eadem incidas. In omnibus enim, inquit Sapiens, operibus tuis memorare nouissima tua.

& in æternum non peccabis. Ianitor piger magna damna patietur : qui autem spiritu feruet , sibi ipsi coronam comparabit.

143. Fratres in synaxi atque conuentu constituti, ô monache , benedicunt & laudant Dominum, at tu foris mente vagaris atque distraheris , ignorans quòd damno te ipsum afficias. Dicit cogitationi tuæ: Nunquid , si nobis aliquid donandum esset ab aliquo, studeremus ante omnes occurrere ac præuenire ? Et si in mundanis atque carnalibus tantum studium , quantò magis adhibendum in spiritalibus ? Esto feruens spiritu , Sanctorum instar , vt vnà cum eis in regno cælorum cohabitare ac conuersari possis.

144. Qui verbis otiosis intentus operatur , subtrahetur operi : at qui sanctos meditatur sermones , ampliùs proficiet. Si inter operandum conturbet atque molester te spiritus fornicationis , ne cuncteris ad orationem manus tuas extendere : sin autem & vehementiùs in te irruat , etiam genibus flexis ora : & oratio fidei pro te decertabit atque intercedet. Ne obdormias , habens aliquid aduersùs aliquem : vt non tetra te phantasmata ac somnia noctu exagitent. Non solùm deprimendus est aspectus , sed etiam cor , ne extollatur aduersùs alterum. Fratrem tuum à peccato libera : & te Dominus in die iræ liberabit.

145. Qui Deicausâ in cœnobio elaborat , neque secesum purgare aspernabitur : non est enim quod agrè ferri à pijs oporteat. Noli detrectare laborem dicens : ne fortè inde infirmitatem contraham , potiùs autem mente tecum perpende , quo pacto Sancti omnes perpeffionibus atque ærumnis grati acceptique euaserint Deo. Monachus piger nec sibi est utilis , neque proximo : impiger verò seniores ad virtutem excitat. Qui contemnit præfectum , peccat : at qui morem ei gerit in Domino , gloriam possidebit. Noli peruertere nouitium , & animam sitientem ad Dominum : quoniam videbit Dominus , & non placebit ei. Filii improbus maledicet parentibus suis : & qui audiunt eum , condemnabunt ipsum. Immitis & absque misericordia est , qui malum reddit pro malo : at qui mala pro bonis retribuit , quid patietur ?

146. Ne gaudeas aliena audire errata , vt non & tuum pec-

catum apud cunctos audiatur, atque innotescat. Qui silentium in mensa seruat, similis est ei qui cum melle panem suum comedit: at qui sermones multiplicat, etiam quieti deditum perturbat. Cum tranquillitate piscem comede: & potus tuus imperturbatus sit. Monacho otioso non placebit ianitor fidelis: & qui persequitur quod iustum est, non offendit proximum.

147. Comprime cogitationem ac concupiscentiam tuam, charissime, antequam ipse peream comprimaris: deducit enim ad profunda inferni eos, qui sequuntur ipsam: quoniam non est mensura patientiæ, si cum charitate coniuncta est atque permixta. Domine rex, concede mihi, ut videam peccata mea: & non condemnem fratrem meum.

148. Si duo monachi nouitij cum Sene habitauerint, quis istorum duorum maior erit apud Dominum? qui seipsum fratri suo humiliarit in timore Dei. Verax quippe est, qui ait: Qui seipsum humiliat, exaltabitur. Qui duos habet nouitios, magna sobrietate atque vigilantia indiget, ne fortè locum inueniens aduersarius, aliquid de proprio in eis operetur atque perficiat. Ceterum nouitius risum, & licentiã atque impunitatē amans, perniciem & calamitatē sibi ipsi conciliat.

149. Ne delesteris scurrilibus, quæ non decent; sed potius gratiarum velis actionē. Ne sis inobediens, durus & contemptor: ut non & tibi ipse noceas, & illis qui te audiunt. Si verè pius atque religiosus, & humilis effectus sis, profunder in te Dominus miserationes suas. Audi, charissime, eum qui te corripit, admonetque in Domino, ut fructum Domino Deo tuo proferas. Time Dominum, & erit tibi murus, & in die obitus inuenies gratiam.

150. Ne secularem hominem mente tua spernas, monache: solus enim Dominus occulta cordis cognoscit. Omnes honora propter Dominum, ut & te cunctorum honoret Dominus. Qui dimouere atque transferre voluerit petram, sub tus submittet ei vectem, non supra; tunc enim facilè reuoluet ipsam: quod quidem humilitatis exemplum est.

151. Cellam reliquisti, monache, & ad seculum iterum vadis? non reformidas iniquitatem, & contradictionē atque obiectionem quæ aduersum te in ciuitate fiet? Qui perfectè mundanam sapientiã exiit, inuulneratus permanebit: at qui

non exuit, continuas plagas suscipit. Si acciderit angustiiis premi monasterium ubi habitas, in iis quæ ad corporis necessitatem pertinent: ne ideo locum deferas, quia tunc multum operis in loco inuenies. Non placet impiis præfectus sanctus, nec iusto quodcunque iniustum.

152. Ignosce fratri tuo, si in te peccauerit: & Dominus *Matt. 6. 18.* indulgebit tibi errata tua, condonabitque peccata. Anteuertere in cella fratrem, à quo tristitia atque molestia affectus es: & condole ei in puro corde propter eum qui ait, Non *Matt. 18.* solum usque septies dimittendum esse fratri, sed usque septuagies septies. Suscipe pœnitentiam fratris, charissime, tanquam à Deo missi, ut non aspernari videaris eum qui misit. Et si ad iracundiam prouocaueris ipsum; pacem ama & sanctificationem, ut dignus conspectu Domini Dei efficiaris. Ne irruas in fratrem tempore tribulationis ipsius: & non adijcias dolorem super dolorem animæ eius.

153. Laboriosus ac diligens præfectus, est fratrum recta & ordinata dispositio: & senes prudentes, iuuenum sunt consolatio & cohortatio. Maledicentibus & obtrectantibus non est habenda fides: nam frequenter ex inuidia calumniam struitur: quare potius quæ veritatis sunt, indagare oportet. Temerarios atque rebelles refrænare conuenit, & reprimere eos qui seditiones moluntur: ut fraternitas pacata & imperturbata remaneat. Si fratres aliquos videris in malo concordēs, ne ipsorum communices inordinatæ ac dissolutæ vitæ: sed euitans eos, ingredere cellam tuam, memor illius qui dixit: Seruum Domini non oportet litigare. At si fratrem conspexeris pusillanimitate aut infirmitate aliqua detineri, huic compati expedierit. Iustitia exhilarabit cor exercentis eam: & qui diligunt Dominum, hæreditate possidebunt illam. *2. Tim. 2.*

154. A scurrilibus, frater, caueas, ne fortè impudentem te efficiant: impudentia autem mater est intemperantiæ atque lasciuix. Ne per cellas fratrum oberres, vino æstuans: ne fortè tuas subito diuitias perdas temperantiæ atque continentix. Ne sis memor iniuriarum apud fratrem tuum, nam scriptum est: Via eorum qui reminiscuntur iniuriarum, in mortem sunt. Non vales ferre iniuriam atque contume-

*Ecclesi. 10.
Leuit. 19.*

Præter. 12.
secund. 79. liam? file, & quiesce. Non potes videre quempiam te respicientem? neque tu quemquam respexeris. Ne consenseris ei, qui talia tibi suggerit. Quousque patieris te inferui-
Matth. 6. re atque obsequi singulis fratribus? Dicamus autem ad eum: Hodie studeo liber fieri, & die crastino, Domino curæ erit. Ipse enim dixit: Nolite solliciti esse in crastinum.

155. Beatus qui bonum reperit comitatum, & propriam odit voluntatem. Opus tuum citra fucum perage, frater: sic enim decet fideles, ut & gratiam in tuis laboribus inuenias. Ne vinum ad ebrietatem bibas, erubescens facie; tunc enim magna tibi erit ignominia ac pudor, quando ut ebrius ductus fueris.

156. Quemadmodum torques aureus in collo viri; sic monachum pietas decet atque religio. Quemadmodum mel dulcescens in ore viri, ita diuini sermones in anima timente Dominum. Senes sapientes, firmamentum sunt fratrum: at insipientes, contentiosi erunt. Coram Deo & hominibus exosa est superbia: eos verò qui humilitatem amant, exultat Dominus. Portus serenus ac tranquillus, est locus bonis regulis directus; quibus autem deest gubernatio, ut
Ephes. 6.
Coloss. 3. folia decidunt. Oportet ministrum obsequi & seruire ei, cui ministrat, sicut Domino, & non hominibus, à quo etiam mercedem accipiet; eumque cui ministratur, humiliter ferre oportet, tanquam si ei à Domino ministraretur.

157. Comedisti panem, & repletus es, da gloriam ei, qui te saturauit, Deo. Si verò paulisper expectare ventrem velis, etiam da gloriam ei, qui te confortauit, Deo; & ne dixeris coram omnibus: Non comedi, nisi tantillum panis. Quid igitur arrogas tibi ipsi; vel eos qui comedunt, & gratias agunt, condemnas?

158. Sustine Dominum in die tribulationis, ut te protegat in die iræ. Non rideas super afflicto, neque gaudeas de peruerso: ne fortè irascatur tibi Dominus, & non inuenias auxilium in die tribulationis. Ne fratres persequaris causâ ambitionis: nam nisi ex Deo sit consilium istud, non subsistet: at si ex Deo est, etiamsi in vasis occultatus fueris sicut Saul, inde te assumet Dominus, & ducem atque præfectum te constituet in populo suo. Quis non ingemiscat super hisce? quippe qui, cum ne vnâ quidem adhuc solitariæ vitæ

virtutem demonstrare possimus, præfecturas sectamur: quare & nos etiam in continenti constituti, naufragium confestim patimur. Et hoc, nunquid ex inobedientia nostra atque insolentia: remigare enim antequàm sciamus, gubernare tentamus.

159. Quis deterior eo, qui cùm aquam dulcem habeat, animam sitientem non potat? aut quis inuidentiore eo, qui cùm librum vtilem teneat, fratri suo ad ædificationem commodare eum recusat? Quis porro segnior eo, qui cùm sitibundus prope fontem sedeat, manus tamen non extendit, ut sumptâ aquâ sitim restinguat? Aut quis negligentior eo, qui librum vtendum accepit, & legere illum omittit? Adiuua illum qui rogat ut discat literas, legensque magnalia Dei, benedicat ac laudet admirabile nomen eius: & ipse tibi mercedis erit retributor.

160. Segni ac pigro monacho negligentia obsistit: habenti autem patientiam superbia repugnat: at qui in veritate amat Dominum, vtrumque repudiat. Monachus piger multa patietur damna: at qui sobrius est & vigilans, nullam horam contemnet. Monachus piger & contentiosus nullo erit in pretio, quoniam exacerbator est. Monachus inobediens multa explorabit loca, at qui humilis est corde, submittet se in Domino. Nouitius prudens atque intelligens suis obediens est superioribus in Domino: at inobediens, ignominiâ notabitur. Qui corporis sui castitatem seruat, suspicietur à multis: at qui eam contemnit, à pluribus conarguetur.

161. Considera, charissime, mensuras cuiusque eorum qui sub obedientia viuunt, propter illum qui ait: Qui autem fructum fert, & facit, alius quidem centesimum, alius sexagesimum, alius verò tricesimum. Monachus ventri deditus, ieiunium, malum atque infautum diem denominat: at temperantiæ studiosus, non ægrè fert neque tristatur. Caue re aliqua proximum offendas: sed in omni conuersatione tua bene compositum atque instructum te præbeas. Vir insolens explorat vicinum suum: at qui in luce ambulat, malum non cogitat. Qui diligit Dominum, non exacerbatur proximum: sed obseruat seipsum. Propter eum qui dixit: Quæcunque vultis ut vobis faciant homines, & vos

Matth. 23.

Matth. 7.

similiter facite illis. Hæc est enim lex & Prophetæ.

162. Laboribus te exerce, & labora in hyeme ac tempestate, monache: vt in vitæ portum ingressus, exhalare-
 ris. Fratres negligentiores aduersus diligentiores armat
 inimicus: qui autem seduli magis sunt atque industrij, per
 negligentiores opificium inueniunt, perferentes eorum in-
 firmitatem propter Dominum. Qui misericordiam exhibet
 proximo suo, etiam misericordiam à Domino inueniet:
 Iudicium enim sine misericordia illi, qui non fecit miseri-
 cordiam. Ne consentias fratri tuo in peccato, quin potius
 eum ab illo eripe ac libera, vt saluetur anima vestra in Do-
 mino. Timor Dei præ oculis tuis sit omni tempore: & pec-
 catum in te non dominetur. Cave dixeris: hodie pecco, &
 cras pœnitentiam agam: non enim securus es de crastino;
 at hodie pœnitentiam agamus, & de crastino curæ erit Do-
 mino.

Præf. 27.

163. Est aliquis obambulans, qui dum audit vocem ac
 signum ad orationem, assumit opus manuum: at tu, cha-
 rissime, vide ne synaxim negligas: vt oculus mentis tuæ
 illuminetur. Dedecus est ei, qui os impudens possidet: at
 qui timet Dominum, in veneratione erit. Toto corde tuo
 in Domino confidito: & omni tempore gratiam inuenies,
 Si expectaueris ac sustinueris ipsum; gratiam inuenies, &
 non perdes mercedem tuam. Siphones adhibentur in die in-
 cendij; & lacrymæ, tentationis tempore. Aqua extinguit
 flammam in domo accensam, & lacrymæ in oratione con-
 cupiscentias prauas. Sicut palma in ripis germinans: ita cha-
 ritas atque concordia fratrum, in Domino. Qui maiores
 honorat, à minoribus exhilarabitur; & in die orationis eius
 exaudietur.

164. Si fratri tuo aliquid vtendum dederis, & ille diffe-
 rat restitutionem; poteris ei semel in memoriam reducere:
 nam sæpe obliuio accidit. Sin autem tu quidpiam à fratre
 tuo commodato acceperis, & ille verecundiâ ductus, non
 te commonefacit: tu tamen tanquam Deum timens, ne suis
 eum priuaueris. Quoniam scriptum est: Nemini quidquam
 debeatis, nisi vtinuiem diligatis. Cunctas res corruptibi-
 les pro nihilo ducere oportet, fratres: solam autem vitam
 æternam sibi vindicare & magni facere conuenit. Si quæ tibi
 procuratio

Rom. 13.

procuratio commissã sit; caue salutem tuam neglexeris, excusationes prætexens in peccatis. Nam & Ioseph Patriarcha curauit negotia in Ægypto, & non vnus duntaxat domus ac familiæ curam suscepit, sed totius etiam terræ Ægypti, & non declinauit à via veritatis, & Dominus gloriâ & honore decorauit illum. Si anima tua sana & integra fuerit ad Dominum, in omnibus fructum atque vtilitatem capies. Si negotiatorem videris, dic intra teipsum: ô anima, iste temporariarum rerum, cupidus tanta suffert, vt caduca ac momentanea sibi congreget: tu verò æterna, & nunquam pertransitura negligis? Si viros aliquos litigantes aspexeris, dic intra teipsum: Anima, isti ob rem nullius pretij atque vtilitatis tantopere inter se contendunt, ac litigant: at tu decem millium talentorum cum sis debitor, non procidis Deo sicut oportet, vt peccatorum remissionem consequaris? Si aliquos fabricantes domos ex luto conspexeris; tacitus tecum dicito: & hi, ô anima, in luteis domibus extruendis magnum studium adhibent; vt opus perficiant: tu verò æterna tabernacula contemnis? Et ne sigillatim multa percipientes, prorrahimus sermonem: si quid eiusmodi perspexerimus in vita, mundanas cogitationes, & secularia consilia in spiritualia commutemus: & planè vtilitatem aliquam consequemur, diuinâ nos adiuuante gratiâ.

165. Quid porro est monachus? Similis est monachus viro ex alto demisso, qui funem excelsio interuallo pendentem arripit, & se illi appendit; & indefinenter pro auxilio ad Dominum clamat, sciens se, si defecerit, vsurque vtriusque manus perdiderit, præcipitem illico ruiturum & moriturum. Apprehende vitam æternâ monache, ad quâ vocatus es, & bonû quâ professus es confessionem, ac pactum corâ multis testibus serua; adhuc enim modicû restat temporis, & veniens veniet, & non tardabit. Propterea enim quòd exiguâ tribulationem sustinere propter Dominû nolumus, sæpe vel inuiti in varias grauesque tribulationes incidimus. Et quia propriam voluntatem amore Domini relinquere nolumus, nobis ipsi detrimentum animæ conciliamus. Et quoniam agère ferimus, nos in obedientia & contemptione versari propter Dominum; nos ipsos iustorum consolatione priuamus. Et quia morem gerere recusamus admonitionibus at-

346 S. PATRIS EPHRÆM SYRI,
que consiliis eorum qui nos monent propter Dominum :
nos ipsos improbis dæmonibus deridendos præbemus. Et
quoniam in virga disciplinam non recipimus : lebes nox-
cipiet, vbi non erit qui consoletur.

Ierem. 9.

Eccle. 2.

*Iuca 13.
16.*

166. Quis dabit capiti meo aquam, & oculis meis fon-
tem lacrymarum, & vultum hilarem ad eos qui extrâ sunt ?
& plorabo die ac nocte peccata mea. Dixi risui : longè re-
cede à me ; & lacrymis : accedite ad me, quoniâ multa pec-
cata mea valde, coram Domino : & delictorum meorum non
est numerus. Nostis tres esse lacrymarum differentias in ho-
minibus ; sunt enim lacrymæ quædam rerum apparentium :
& ex amaræ valde sunt & vanæ ; & sunt lacrymæ doloris ac
pœnitentiæ, quando anima æternis perfrui bonis deside-
rat : & illæ sunt dulces & vtilis vehementer ; & sunt lacry-
mæ quædam impœnitentiæ ; vbi fletus est & stridor den-
tium : & hæc acerbæ valde sunt & inutiles : nihil enim profi-
ciunt tunc, quando non est ampliùs tempus pœnitentiæ.

167. Sobrius & vigilans esto, charissime : vigilantem, in-
quam, te præbe in iuuentute tua : vt probatus iuueniaris
etiam nouissimis tuis. Et non confidas te ipsum improbo ho-
sti, suggerenti fraudulentas tibi cogitationes, dum dicit :
Adhuc iuuenis es, & plures alij vitæ tuæ supersunt anni :
quare nunc lætare, & animam tuam mœrore ne affeceris :
senectutis autem tuæ tempore pœnitentiam agere oportebit.
Nonne adhuc cognoscis, frater ; (neque enim, tametsi
velut insipiens esses, ignorare deberes) quòd ipse te in hisce
seducat atque decipiat ? Si enim dum adhuc iuuenis es, & in
ipso flore & feruore ætatis versaris, quando omnem suffer-
re laborem atque exercitationem potes, pœnitentiam non
agis, nonne, si consenueris, imbecillitatem senectutis præ-
texes ? Sin verò, & in ipso iuuentutis tuæ flore anticipatus
sis ; quid facies ? Relinque igitur viam inimici, charissime,
& vocem audi veri Domini, dicentis : Vigilate ergo, & ora-
te, quia nescitis diem neque horam.

*Matth. 24.
25.*

168. Domine Iesu Christe, Rex regum, & Dominus do-
minantium, qui habes potestatem vitæ & inortis, qui incer-
ta & occulta cognoscis, quem nulla latet cogitatio atque
fermocinatio, ab occultis meis munda me : quoniam malum
coram te feci. Ecce enim dies mei deficiunt, dies, inquam,

& dies, & peccata mea multiplicantur. Tu Domine Deus spirituum, & omnis carnis, qui exploratam magnam corporis & animæ meæ infirmitatem habes, præbe robur imbecillitati meæ: & succure mihi misero. Tu enim nosti, quòd tanquam prodigium factus sum multis: sed tu adiutor meus fortis. Da mihi Domine cor gratum, quo semper memoriâ recolam cuncta beneficia tua, optime Domine. Et ne minueris multorum peccatorum meorum: verum obliuioni scelera mea atque delicta trade. Ne despexeris, Domine, preces mei peccatoris: sed quemadmodum hucusque tua me protexit gratia: ita in finem vsque, eam à me ne abstuleris. Ipsa enim sapienter me edocuit intelligere ista: & beati qui custodiunt vias eius: quoniam erit ipsis in coronam gloriæ. Confiteor tibi Domine, & collaudo indignus ego te, qui miserationum tuarum in nre multitudinem demonstrasti: quoniam protector & auxiliator factus es mihi, in nomine magnificentiæ tuæ benedicto in secula. Tu enim solus es Dominus: Tibique maiestas conuenit & gloria, optimo & misericordissimo Domino Deo nostro.

169. Doce, charissime, fratrem tuum viam, non quæ abducatur in seculum: sed quæ in regnum introducat cælorum. Dominum autem time omnibus viribus tuis: & noli æmulari opera impiorum: quoniam ignis eorum non extinguetur, & vermis ipsorum non morietur. Beati enim omnes qui timeant Dominum, & ambulant in viis eius: quoniam in regno cælorum commorabuntur in seculum seculi: & inefabilium atque inenarrabilium bonorum deliciis perfruentur cum omnibus Sanctis, qui à seculo complacuerunt Patri principij experti, & Filio, & Spiritui sancto. Amen.

Isa. 66.

Psal. 127.






S. P.

E P H R Æ M

A P O P H T E G M A T A

1.  NITIVM fructificationis, est flos: & principium humilitatis, est obedientia in Domino. Fructus, verò obedientiæ, est longanimitas: Longanimitas autem, charitatis fructus est: at charitas, perfectionis vinculum existit. Perfectio autem, observatio mandatorum Dei. Præceptum

Psal. 18.

porro Domini lucidum, illuminans oculos. Ceterum oculi illuminati, iniquorum vias effugiunt. Sit ergo tibi humilitas, sedes responsionis, & loquelæ pallium. Loquela autem clara sit in salutatione, in charitate Christi. Ait enim Saluator: Estote perfecti, sicut & Pater vester cælestis perfectus est. Vnde enim clara esse queat superbia, quæ est ex inobedientia, nec vult esse in potestate cuiusquam, neque obtemperare: sed suo sensu duci? Humilitas verò obediens est, tractabilis, ac persuasui facilis, mitis, honorem parvis æquè ac magnis deferens. Quam qui possederit, credo eum à Domino mercedem accepturum, simul cum vita æterna.

Matth. 5.

2. Si bini vnam eandemque cellam inhabitaveritis, diligenter vobis ipsis attendite, scientes Dominum esse in medio vestrum. Ipse enim dixit: Vbicunque fuerint congregati duo aut tres in nomine meo, ibi ego sum in medio eorum. Et si verò nos velut indigni, non videmus ipsum: ipse tamen, quia Deus, etiam cogitationes ac opus cuiusque novit, & intuetur. Cui gloria in secula. Amen.

Matth. 18.

3. Audimus loquentem Sapientiam: Homini fornicario omnis panis dulcis, non fatigabitur transgrediens vsque ad finem: Homo qui transgreditur lectum suum, dicens in animo suo: Quis me videt, tenebræ circundant me, &

*Ecdi. 23.
maxi 70.*

parietes cooperiant me, & nemo circumspicit me, quem vereor: delictorum meorum non memorabitur Altissimus. At contrà, hominis oculos timet: nec intelligit infinitis partibus oculos Domini lucidiores esse sole, circumspicientes omnes vias hominum, & profundum abyssi, & hominum corda intuentes in absconditas partes. Domino enim Deo, antequam crearentur, omnia sunt agnita: qui etiam postquam sunt procreata, intuetur omnia, atque iste in plateis ciuitatis vindicabitur, & vbi non putauit apprehenderetur.

4. Dilecte frater, si pietatis ac religionis tibi studium delegeris, attende, ne fortè malignus sub pietatis prætextu, alienam tibi cogitationem suggerat atque inducat, id est, inanis gloriæ atque superbiæ: vt dum non vis cum fratribus laborare & exerceri. Operare igitur sicut & ceteri confratres tui concorditer, pietatemque serua: nam pigritia pietatem euertit, nomenque contumeliosum suo domino affert. Coniunge ergo pietati disciplinam cum scientia, & verus religiosus eris.

5. Charissime, si tibi humilitatem comparaueris, diligenter attende, ne fortè per insidias, in viam te alienam transmutet inimicus, dum aliquid suorum ipse suggerit. Sicut ait Sapientia: Non dicas, à Deo abscondar, & ex summo quis mei memorabitur? In populo magno non ero in memoria: quæ est enim anima mea, in tam immensa creatura? Is vero adiungit, cùm dicat: Ecce cælum cæli Domino, abyssus, & vniuersa terra, in visitatione eius commouebuntur, montes simul & colles, & fundamenta terræ, cùm conspexerit illa, tremore concutientur. Oportet ergo humilitati fidem coniungere, vt humilitatis sulcos rectos efficere possis.

Ecclesi. 16.

6. Frater quidam ingressus est cœnobium, cupiens fieri Monachus, traditusque eidem est cellæ cum Seniore. Et post aliquot dies à cogitationibus impugnatus, dixit: nequeo cum hoc fratre manere. Alius ergo frater admonebat eum, dicens: an si incidisses in barbaros, traditusque alicui barbaro esses, dicere posses: nolo cum illo versari? Et hæc audiens frater, compunctusque verbis istis, poenitentiam egit, dicens: Ignosce, obsecro.

7. Dixit rursus: Qui cupit fieri Monachus, nec potest contumelias ac contempiones, & pœnas sufferre; perquit esse Monachus.

8. Si quis solitariam vitam amplexus sit cogitatione simpliciore, conatur ei inimicus libertatem & impudentiam adiungere. At si pio ac religioso animo ad monachatum venerit, suggerit etiam huic, & si quidem sit iuuenis, per speciem pietatis suppeditat studium & alacritatem ad ea exercenda, quæ præstare non possit. Qui autem verè timet Deum, neque à prima cogitatione neque à secunda se abripi patietur. Si verò etiam dæmonum fraude præoccupatus fuerit, timor Domini, quem in veritate dilexit, cor eius illuminabit, ut ambulet per viam rectam. At qui impudens est, nondum credit fore iudicium: sicut neque superbia elatus & arrogans, & non propter Deum pietatem ac religionem colens, magnum quippe seipsum existimat. Si ergo te turbet ægritudo propriæ existimationis, dic ad impugnantem te: longè recede à me, cogitatio nequam. Quis ego sum, aut quam virtutem excolenti mihi, eiusmodi suggeris? Sanctorum alij lapidati sunt, alij secti sunt, alij tentati sunt, alij in occisione gladij mortui sunt. Sed quid dico de hominibus, iisdem affectibus obnoxiiis: quando ipse vniuersorum Dominus Crucem propter nos subiit, confusione contempta? Ego autem qui ætatem omnem in peccatis traxi, quid in die iudicij respondebo? Et sic à te superbiam fugabis. Si autem & bene egeris, hoc non propriis ascribendum viribus puta secundum illius dictum: Non ego autem, sed gratia Dei mecum. Si porro etiam impudentia te vexet, opera tua atque peccata tecum expendens, dicito: Tantis ego malis sum obnoxius, & quo pacto audebo aperire os meum: Domino dicente, quòd etiam de verbo otioso reddituri sint rationem homines in die iudicij? Conuenit igitur procidere Domino, secundum eum qui ait: Domine omnipotens, Deus Patrum nostrorum Abraham, Isaac, & Iacob, iustique seminis eorum. Qui fecisti cælum & terram cum vniuerso ornatu eorum. Qui calcasti mare verbo iustionis tuæ, qui claudens abyssum, sigillasti eam terribili & glorioso nomine tuo. Quem cuncta reformidant, ac tremunt à facie virtutis tuæ: quia immensa est magnificentia gloriæ

1. Cor. 11.

1. Cor. 6. 15.

Matth. 12.

tuar, & ingens ira comminationum tuarum super peccatores; immensaque ac imperuestigabilis promissionum tuarum misericordia. Tu enim es Dominus solus altissimus, misericors, longanimis, & multæ misericordiæ, ac super hominum malitia dolens. Et tu, Domine Deus, iustus cum sis; non posuisti pœnitentiam iustis, Abraham, Isaac, & Iacob, qui non peccauerunt tibi; sed super me peccatorem pœnitentiam posuisti; quia peccaui super numerum arenæ maris. Multiplicatæ sunt iniquitates meæ, Domine, multiplicatæ sunt iniquitates meæ; & non sum dignus fixis oculis intueri atque conspiciere altitudinem cælorum, & quæ sequuntur, ut & timor ipse atque obsecratio repellant à te impudentiam.

9. Frater quidam vanis impugnabatur cogitationibus, quasi iam aliquem in virtute fecisset progressum. Qui cum vellet superbix cogitationem superare, sub leberem succensam subiiciebat manum, sic secum loquens: Ecce ardes, noli amplius superbire. Videmus enim quod cum tres pueri in medio ardentis flammæ consisterent, nullus eorum elato corde fuerit, sed multa cum humilitate Deum collaudantes, glorificarunt in medio fornacis, dicentes: In spiritu humilitatis, & animo contrito suscipiamur à te, Domine; tu autem in relaxatione ac remissione superbis & extolleris: atque ita superbix cogitationem ac dæmonem superabat.

Daniel. 3.

10. Si inuentus fuerit homo frater spiritalis & laboriosus, atque abundantius ac diligentius virtutes excolens: nemo ipsum contemnat: sed tales complecti oportet: quoniam & Deo accepti sunt, & colloquio viles, persuadeantque id vobis duo illa castra, Hebræorum nimirum & alienigenarum; ac David cum Goliath in singulare certamen descendens. Simulque qui naufragio maris perierunt, & qui saluati sunt propter iustum inter eos repertum; sicut scriptum est: Ne timeas, Paule, Cæsari te oportet assistere: & ecce donauit tibi Deus omnes, qui nauigant tecum.

1. Reg. 17.

Act. 17.

11. Frater quidam, dum de exeundo cœnobio impugnaretur, cum is sanctum habitum accepisset; adducebant ei cogitationes exemplum eiusmodi: Considera, inquit, horti olera, & vide quod nisi ex arcola plantas extraxerit,

qui hunc excolit, alioque in loco inseruerit, in altum non excrescent. Frater ergo cogitationi responsum dabat tale: Nunquid penitus euellit hortulanus ex area quæ in ea facta sunt? Nonne finit in area, respondebat, quæ nutrire poterit? Veruntamen quæ euelluntur non ita sunt in tuto, ut ea quæ in loco remanent. Esto igitur & tu vnus ex iis, qui non euelluntur: atque ita cooperante gratia, vincebat cogitationem.

Luc. 12.

12. Charissime, si in cœnobio vitam quietam delegeris: vide ne fortè inlicita tibi cogitatio versutiam, quæ amaritudinem angeat, dum tecum cogitas & dicis: multa quidem mercede hîc dego, at cibis meus nullus est. Ne igitur propter escam relinquant opus Dei. Nam si cuiusmodi cogitas, non amplius secundum charitatem ambulas: quin potius salutare audiamus vocem, quæ dicit: Quis putas, est fidelis dispensator & prudens, quem constituit dominus eius supra familiam suam, ut det illis in tempore tritici mensuram? Beatus ille seruus, quem cum venerit dominus ipse, inuenerit ita facientem. Verè dico vobis, quoniam supra omnia quæ possidet, constituet illum. Quod si dixerit piger seruus ille in corde suo, moram facit dominus meus venire: & cœperit percutere seruos & ancillas, & edere & bibere, & inebriari: veniet dominus serui illius in die qua non sperat, & hora qua nescit & diuidet eum: partemque eius cum hypocritis infidelibus ponet. Ibi erit fletus, & stridor dentium. Relinquamus igitur Domino cuncta, & non iudicemus; neque acerbè exigamus à conseruo nostro, quem communis Dominus constituit dispensatorem. Omnes enim ei rationem reddituri sumus; reddetque singulis secundum opera sua.

Matth. 16.
25.
Rom. 2.

13. Frater quidam dixit: Precabar Deum, ut gratiam largiretur operi manuum mearum, totumque ex eo cœnobium siue monasterium nutriebatur. Nonne gaudium mihi in hoc erat?

Rom. 12.
1. Tim. 4.

14. Oeconome, Apostolum dicentem audisti: Qui præes in sollicitudine. Et: Nemo adolescentiam tuam contemnat. Vide ergo ne fortè sensualiter adhortationibus utaris. Ait enim alibi: Neque ut dominantes in clero, sed formæ facti gregis, & cum apparuerit Princeps pastorem, percipietis immarcescibilem

1. Pet. 5.

marcescibilem gloriæ coronam. Rursusque dicit: Imitatores mei estote sicut & ego Christi. Superbia enim fidelibus est inimica, secundum illud: Deus superbis resistit, humilibus autem dat gratiam.

1. Cor. 11.
Iacob. 4.

15. Charissime, si spiritus acedix molestus tibi fuerit; ne te abstrahat acedix tædijque cogitatio: sed in loco, quo te constituit Deus, persiste; memor desiderij quod erga Deum habebas, quando ab initio ad ianuam Monasterij aduenisti: idemque desiderium vsque ad finem retineamus, ne fortè superueniat nobis, quod dictum est: Et comedit Iacob, & saturatus est; recalcitrauitque dilectus, incrassatus, impinguatus, dilatatus: & dereliquit Deum factorem suum, & recessit à Deo salutari suo. Sustine igitur Dominum interea, quemadmodum pugil vincens percutientes ipsum, per patientiam. Qui enim sustinuerit vsque in finem, hic saluabitur.

Deut. 31.

Matth. 10.
24.

16. Frater quidam erat principia iaciens in cœnobio, & semper tacebat, loquendi libertatem sic sibi adimens. Dicebantque de eo commilitones atque connouitij: videndum ne fortè non ex religione atque modestia taceat: aut potius, quia loqui nesciat: alij verò dicebant, minimè, sed dæmonem habet. Quæ cum audiret frater, non respondit ijs: sed gloriam in corde suo dabat Deo.

17. Frater quidam dixit: Hanc rationem cogitandi petij à Domino: ut cum frater meus rem egerit, tacita mecum cogitatione dicam: hic est dominus tuus, illum ausculta. Et si alius frater, dicam iterum: hic Domini tui frater est. Sin alius, denuo dicam: audi filium domini tui. Sicque cogitationibus inimicis resistens, quietè, faciebat opus suum, gratiâ cooperante.

18. Facientibus aliquando fratribus de nocte accessorium quoddam opus, quidam eorum frigore vexatus, rediit ad cellam suam: alius autem obmurmurauit ei; miserunt ergo fratrem qui accerferet illum: abiensque frater ab iis missus, reperit eum grauiter laborantem. Cui ipse: Sciscitantur fratres, quo pacto valeas, & de opere tuo ne sis sollicitus, nos pro te laboramus. At ille: admoneatur charitas vestra, quòd & ego vnà vobiscum cupiebam laborare, sed infirmitate mea impediòr. Reuersusque ad eos qui miserant

ipsum, retulit iis contento & graui morbo laborare fratrem, dixisseque sibi, quod & ipse vnâ cuperet intendere operi.

19. Frater quidam iactis principiis in cœnobio, impugnabatur à cogitationibus, causâ laboris. Responditque dicens: Serue nequam, venditus es; & quid poteris efficere amplius? Et præbebat ipsi consolationem Dominus.

20. Comedentibus aliquando fratribus, surrexit frater qui vas vinarium daret; in quo aqua nimis calida cum vino permista manum Senis adussit. Dixitque Senex: Combussisti me, fili. Vt ergo ad cellam suam frater abiit, seipsum verberauit, dicens: Nonne si viri alicuius austeri seruus esses, & hoc fecisses, non è vestigio ille carnes tuas plagis excepisset? Ne igitur teipsum neglexeris vsque in finem.

21. Beatus ille Monachus qui seruat mandata Dei, & trium istorum satagit: vt scilicet, vacet orationi, operi, & meditationi. Scriptum enim est: Vacate & videte, quoniam ego sum Deus. Et alibi: Pauper sum ego, & in laboribus à iuuentute mea. Ac rursus: Et in lege eius meditabitur die ac nocte.

*Psal. 45.
Psal. 137.*

Psal. 1.

22. Si videris fratrem suam negligentem salutem, ne scandalizeris super fratris socordia: sed neque imiteris ipsius ignauiam. Te ipsum castum custodi. Si verò alter alterius onera non portamus, quo pacto gratiam inueniemus coram Domino. Hoc studeamus, ne offendiculum fratri ponamus ac scandalum: Verè enim qui in nulla re fratrem suum scandalizauerit, magnus vocabitur in regno cælorum.

23. In quocunque tandem loco resederis, vide ne salutem tuam neglexeris. Scriptum quippe est in lege Moysis: Si venundatus tibi fuerit frater tuus Hebræus aut Hebræa, seruiet tibi sex annis: & septimo, dimittes eum liberum abs te. Si autem dicat ad te: Non exhibeo te, quoniam dilexisti te, & uxorem tuam: quoniam bene ipsi est apud te, assumes subulam, & perforabis aurem eius, & erit tibi seruus in æternum: & ancillæ tuæ similiter facies. Monache, renuntiasti vitæ mundanæ, emissus es liber, Christus te libertate donauit: noli amplius diligere seruitutem vanissimi seculi, vt non fiant nouissima tua peiora primis. Verùm seruamus ei,

*Exod. 21.
Dent. 15.
iuxta 70.*

qui libertate nos donauit, Christo. Quoniam ipsi gloria in secula seculorum. Amen.

24. Charissime, si in loco celebri resederis, vide ne cogitationibus vincaris superbiæ: neque mente spernas fratres, tanquam ex miserando cœtu constarent. Solus enim Dominus nouit occulta cordis. Ne tu quidem in foliis arboris elatus inueniaris, illi autem fructus tenentes. Quin potius, quando pluris es, eò magis te ipsum humilia: & inuenies gratiam coram Deo. Quoniam magna est gloria Domini, & ab humilibus glorificatur.

25. Charissime, si sub obedientia Patris alicuius spiritualis sederis, caue tibi ipsi terminum imponas, dicens: Impossibile est hoc, vel illud agere. Nam si non feceris, rursusque si coactus egeris, inobedientiæ notam atque iudicium non effugies. Quare diuinæ te ipsum gubernationi relinquant oportet. Non enim eadem in anima cogitationes perseuerant. Sin autem acciderit imperari quid nobis ultra vires, non iracundè Præfecti resistamus imperatis: sed deprecatione atque obtestatione, submissa voce Præfecto, quòd supra vires sit, denuntiemus. Resistamus autem peccato viriliter usque ad sanguinem.

26. Oportet autem Præfectos diligenter considerare singulorum subditorum mensuras, memores Domini dicentis: In fructificando alios dare fructum centesimum, alios sexagesimum, alios autem tricesimum: ut unusquisque in suo ordine placeat Deo.

27. Frater, si egressus cœnobio, solitariam mansionem elegeris, & post multum temporis reuertaris unde exieris: sic cogitationem & animum demitte, quasi nunc primum monasticam vitam ducere incipias, & obtinebis requiem. Et non ad diem duntaxat pietatem colas, & postea absque ea viuas, sed omni tempore humilitatem tibi sociam adhibe, & inuenies requiem.

28. Tale quid inter fratres accidit: si pietate frater profecerit, alium fratrem ex negligentioribus qui molester eum, parat inimicus: subornat autem & quieti vacantem, ut ei pro illius stultitia respondeat. Quæ dum sic geruntur, clamat alter, & ait: Ecce pium & religiosum. Et exacerbatione cessante, incipit pius aduersis cogitationibus tanquam

356 *S. PATRIS EPHRAËM SYRI,*
iaculis peti, & dicit: perdidisti pietatem. Ecce turpiter ac
præter decorem egisti coram fratribus: & nunc cur ita
negligentem te præbes? vide ne velut infirmum atque abie-
ctum opprimant te. Scriptum est enim: Et cum peruerso
peruerteris; ac rursus: Ne subiicias te viro fatuo. Ne, frater
charissime, ne quæso huiusmodi cogitationia auditum præ-
bueris: nam accommodare se iniquitati, in eo peruersitas
censenda est. Vnde quoque admonet Apostolus, dicens:
Noli vinci à malo: sed vince in bono malum. Ipseque Do-
minus præcepit: Si quis (inquit) te percusserit in maxillam
dexteram, præbe ei & alteram. Sic cum peruerso oportet
conuersari: & pedibus peccati nequaquam subiici. Scriptum
est enim: Amen dico vobis, quia omnis qui facit peccatum,
seruus est peccati. Et nisi in talibus cogitationibus, oppo-
suerit se frater aduersariis, nequaquam in virtutis eum tra-
mite sinent: sed continuò iracundum atque pugnacem, ac
percussorem, moribusque durum atque agrestem reddent,
neque seipsum ædificantem, sed & aliorum animas peruer-
tentem. Sin autem pœnitentia ductus, religiosam vitam am-
plexus fuerit, prudentior ad luctam efficietur: vt qui iam ipsâ
detrimenti experienciâ didicerit.

29. Duo fratres, in quadam vigilia linum abscinde-
bant scitile, vnâque mox chordâ abscissâ, cœperunt co-
gitationes alterius secum trahentis, commouere eum ad-
uersus fratrem suum. At hic volens superare iracundiam,
& non contristare fratrem suum; quando vidit abruptam
fratris sui chordam, ipse propriam quoque abscidit: & sic in-
ter se ambo concordēs permanserunt, surrexeruntque ab-
sque offensione mutua, & non cognouit frater, quid alter fra-
ter egisset.

30. Frater quadam vigilia lectitabat, volensque finire ca-
put, protraxit aliquantulum. Vnde alius monachus contra
eum murmurare cœpit, dicens: Audiuit surgendum esse, &
non surgit. Et alius ad eum: Nonne si prandium paratum es-
set, mandassetque nobis Præfectus, largius addibendum es-
se; voluptatem inde caperemus? Quo audito, pœnitentiâ
ductus frater, ignosce mihi, dixit.

21. Frater fratri dicebat: Cur ita citò lancem aufers, nec

*Psal. 17.
Ecclef. 8.*

Rom. 12.

Matth. 5.

Joan. 8.]

finis nos comedere? Ad quem frater: Ego seruus sum, & quod mihi maiores mei faciendum mandant, facio. Et hoc audito, frater dixit: ignosce mihi.

32. Existimo expedire fratribus, Præfectum in se curam omnem subditorum suscipere, ac fratres curis & distractionibus vacuos reddere in cunctis, maximè verò ab ingruentibus mundanis: vt soli orationi mens fratris vacare possit. Et vt instar palmæ arboris tonsæ, studiosè ad sublimitatem consurgat virtutum. Corruptunt enim (inquit Apostolus) mores bonos colloquia praua. Magnum quippe animarum naufragium, in quo regulæ & rectæ vitæ institutiones non vigent.

33. Monache, si accesserit ad te monachus, siue secularis quispiam, noli supra vires offerre te ei: ne post fratris discessum doleas de bonis insumptis apud fratres tuos: sed appone quod tibi Dominus largitur. Melius est enim apponere olera cum charitate, quàm victimas cum tristitia: Hilarem quippe datorem diligit Deus. Hæc autem dico, frater, non vt vobis præcidam hospitalitatem: sed vt accepta & immaculata sit oblatio vestra, secundum eum qui dicit: Hospitales inuicem, sine murmuratione. De hospitalitate autem, non opus habetis vt quid scribatur vobis: nostis enim hanc multis virtutibus esse maiorem. Etenim hac, Patriarcha Abraham Angelos hospitio suscepit. Per eam, Loth iustus in subuersione Sodomæ non periit. Per hospitalitatem similiter, Rahab meretrix non interijt cum incredulis, excipiens exploratores cum pace. Ait enim Dominus: Hospes eram, & collegistis me. Et: Beati misericordes: quoniam ipsi misericordiam consequentur.

34. Charissime frater, si ad te venerit frater quispiam, amboque pariter velitis persolvere regulam Synaxis, & hortatus fueris fratrem dicere: absiste parumper à peccatore, ipseque semel, atque iterum, & tertio recusauerit, noli eum cogere: sunt enim multi, qui non nouerunt verbo prædicare virtutes, sed operibus veritatem declarant. Et sic cor fratris exhilarabis. Nam contentio virtuti non est conueniens, quin potius ad iram excitat.

35. Si ægrotum visitas, vide ne inimicus inter vos vaniloquium suggerat, aut detractiones: ne tuæ mercedis ia-

cturam patiaris, cum moris sit diabolo, nocere vni per auditum, alteri verò per linguam. Sed ex sacris Scripturis consolari potius oportet laborantem, & passione Salvatoris nostri Iesu Christi. Cui sit gloria, in secula seculorum. Amen.

36. Frater charissime, si hospes accesserit ad fratrem tuum, quantum vires ferunt, congregare ei; vt hospitalitatem adiuues: & Dominus dirigat, secundetque vias tuas.

37. Charissime, si egressus fueris cum fratribus ad opus aliquod extraordinarium: auxiliare infirmiori, pro viribus quas largitus est tibi Dominus, sciens quòd à Domino accepturus sis laboris & compassionis mercedem. Sin imbecillus ac debilis extiteris, noli multa dicere atque imperare, & insolenter agere, sed tace potius atque quiesce. Et Dominus humilitatem tuam considerans, certiores reddet fratres tuos, ne ampliùs te grauent.

38. Qui in solitudine vitam quietam degunt, eos qui in cœnobiis commorantur, tanquam ab omni externa distractione immunes, beatos prædicant. Deinde si remisit se charitas apud fratres: tunc qui in conuentibus, solitarios felices iudicant, maximè aurem ignauitæ & accidiæ dediti. At qui cogitatione perfectus est, inimici laqueos facilè superat.

39. Prorsus sanè grauis est morbus avaritiæ, vt omnium sit malorum radix. Nossè igitur cupimus, quo pacto vitium istud eradicetur? in firma spe figenda in Deum, ex toto corde & anima.

40. Frater, si opere manuum tuarum velox extiteris, magna & multa, ac opulenta operando: noli in hoc efferrari, neque imbecilliores fratres spernas; non enim sic virtutem perfecisti: quin potius Deum honora, ac time; vt ad finem vsque fortitudinem tibi largiatur. Quoniam vani ac stulti sunt, qui propriis confidunt viribus. Sed qui gloria-
2. Cor. 10. tur, in Domino gloriatur.

41. Super felici successu proximi, non decet nos inuidià tangi: membra enim corporis Christi sumus.

42. Monache, si Præfectus tuus reprehenderit te, siue operis monitor de elegantiâ operis: ne ægrè feras reprehenden-

sionem, magisque bonam habere conscientiam studeamus, ut & emptor, & venditor vtrinque gratias agant Domino; atque etiam cogitatione dicamus: nonne si ad vestimenta, vel vasa coëmenda abiissemus; de pulchritudine etiam laboraremus? Quare nos quoque honestatis studiosi simus propter conscientiam.

43. Nos verò, charissimi, tanquam quibus œconomia concredita est, infirmitates imbecilliorum feramus. Ait enim Saluator: Non opus habent qui bene valent, medico: sed qui malè habent.

Matth. 9. 1

44. Charissime, si fortè etiam Præfetti nostri iniquiores in nos fuerint, quod absit: nos tamen bonâ conscientia iis tanquam Domino, & non quasi hominibus placere studeamus; scientes, quòd mercedem à domino Deo accepturi simus.

45. Prudentem atque sincerum oportet esse Monachum, ut quæ ab aduersario in eum struuntur mala, cognoscat: ut alia quidem tanquam ridicula prætereant, alia verò per humilitatem, alia autem sale conditis verbis euertat.

46. Charissime frater, si quem inimicus excitauerit, qui conuiciis & maledictis te incessat, dicatque: peruersæ senex, aut extremè improbe: patienter illatam feras contumeliam. Sin autem cogitatione, pacis gratiâ sustinuerimus, loco (peruersæ senex) dicetur, bone senex: & pro (extremè improbe) probissime. Seruum verò Domini non oportet contentiosum esse: sed blandum ac mansuetum erga omnes.

47. Fratri cuidam suggerebant cogitationes tempore vigiliæ, dicentes: Requiesce hodie, & noli ad vigilias surgere. At ille: Cogita te heri non surrexisse, & hodie tibi surgendum esse. Et de opere aggrediendo, rursus ei suggerebant: Quiesce hodie, & cras operaberis. Illeque iterum respondit: Nequaquam, sed hodie operare, & de crastino Domino curæ erit.

48. Charissime, si tibi amicitia cum aliquo fuerit, certòque constiterit eum verè timere Dominum (sicut ait in Euāgelio: A fructibus eorum cognoscetis eos.) Ne de illo malè suspicatus fueris. Omni autem tempore sobrium ac vigilantem esse, bonum est. Si quis verò tecum amicitiam fraudulentam inire voluerit, cum libertate Deo non grata: ab

Matth. 7.

eiusmodi teipsum valde custodi, neque illo prorsus confidenter utaris. Si autem occultum suum vitium risu aliquo cœperit prodere; simulansque obedientiam, voluerit te decipere: caue ne cogitationem ad illius immodestiam laxaveris, sed toruo cum aspectu intuere, ut bonum in te fundamentum iactum intelligat: sicque aut improbam suam mentem mutet, aut à te recedat.

49. Charissime, vide ne fortè dum virum te præbere vis aduersus eos qui opificij tui labores rapere conantur, aliquis te ex insidiis astutè decipiat atque supplantet. Para animum tuum, ut ventum prospicias, ac instrumentum navigiumque adornes: ut saluetur navis in portu vitæ.

50. Quis siculneam plantat sibi ipsi, & non seruat fructum eius? quantò magis castitatem & temperantiam seruare oportet: odit nanque Dominus libidinosorum hominum congressum. Ac propterea scriptum est: Horrendum est incidere in manus Dei viuentis. Aut quis aliquando ab aspide ictus, & non custodit se à vicinitate linguæ eius? Si autem post ictum, antro ipsius manum admouerit, plagamque iterauerit: quis iam causa erit mortis? venenata bestia, aut qui seipsum non custodiuit? Tu autem intellige, quod dictum est.

11 feb 19.

51. Spiritus sanctus patefacit hominì, quænam sit via bona, & quæ non bona: rursusque indicat ei, quid in bona via paratum sit, & quid in mala occultatum: ut homo cognita vtriusque remuneratione, perniciem euitet. Si autem post boni & mali cognitionem, sibi hic non caverit: quam secum excusationem afferre in die iudicij poterit?

Superfluus vestium ornatus, & oculus sublimis ac vagus, & collum extensum, humerique reiecti atque nudati, & pedes lasciue induti ac vitiose directi, mortem conciliant.

52. Beatus, cui aliorum ædificatio & salus curæ est; & nequaquam segregari se patitur à regno cælesti, cum hominibus scandalosis: quare habitatio eius cum iis erit, qui Christo Domino grati & accepti sunt. Cui gloria, in secula seculorum. Amen.

53. Admone parentes atque consanguineos tuos carnales, ne te frequentent: dum enim illi coram te de tuis loquuntur, distrahunt mentis in te officium: simul verò te etiam

etiam incontinentem suâ doctrinâ vel exemplo reddent; verum satis est, semel vel bis in anno ab iis visitari. Si porro inutilem illorum conuersationem penitus præcideris, melius ages.

54. Immodica potatio atque edacitas, pro temporis præsentia voluptatem continent: at die proximè sequenti, iniucunditatem, & dissolutionem, ac distractionem mentis asserunt.

55. Si contigerit ut in morbum incidas, ne continenter parentibus tuis carnalibus perscripseris: neque ad auxilium mortale, ac protectionem humanam confugeris: quin potius patienter feramus, expectantes misericordiam à Domino, ut ipse nos gubernet per omnia. Est enim & tempus, quando caro opus habet disciplinâ. In cunctis autem Domino placeamus: quoniam ipsi curæ est de nobis.

1. Pet. 5.

56. Frater quidam agrotauit aliquando, sibi que vim inferens operabatur: flens autem assidue in cella sua inuocabat Dominum, ut sanitatem ipsi donaret. Deinde rursus intra se dicebat: Hei mihi negligenti, anima mea in horas infirmatur, & non est mihi curæ: & ubi corpus exiguo morbo affligitur, mox cum lacrymis sanitatem à Domino deponco. Dicebatque deprecans: Domine Iesu Christe, sana animam meam & corpus meum; ut ne sim oneri fratribus: non enim solùm propriis viribus homo sustentatur. Et nisi tu, Domine, necessaria suppeditaueris atque sufficientia: nihil erit homo. Ceterum, Domine, etiam sanitatem mihi inutileseruo tuo concede, quoniam tu pœnitentium Deus es; & in me magnificentiam tuam ostendas. Et cum adhuc instaret operi, sanatus est: & dixit illud Apostoli: Cum infirmor, tunc potens sum; quod in me quoque impletum est. In veritate enim, quando homo infirmatur, tunc anima eius supra modum quærit Dominum. Bona ergo disciplina est, si quiseam accipiens, gratias agat Deo; dicatque talis: Si bona de manu Domini suscepimus; mala cur non sustineamus? Sit nomen Domini benedictum, in secula. Amen.

Iob 2.

57. Charissime, si sub regula viuas, non te vincat socordia, ut secundâ vel terciâ hebdomadæ otieris feriâ: ne per totam septimanam tribulent te cogitationes. Sic enim nonnullis

contingit, qui in cœnobiis viuunt. Suggestit nanque cogitationi fratris, secundâ ac tertiâ feriâ hebdomadæ indulgendum esse otio: finitque eum reliquis diebus opprimi cogitationibus, vsque ad tempus reddendi operis. Tu autem sobrius & vigilans esto in omnibus, charissime: vt nihil aduersarius inueniat, quo te capiat. Enitere igitur, vt quotidie aliquid agas, dicique opus ad diem adiungas: & mens tua non illaqueata curis atque molestiis, liberius vacet orationi.

58. Quando quis vitæ renuntians, egressus fuerit ad fratres, ipso adhuc in primordiis religionis constituto, suggerit ei desiderium improbus, ad habitum accipiendum intempestiuè; vt frater nimiam cupiditatem sancti habitus perferre nequiens, fugiat stadium: sin autem sustinuerit, donec habitum arripuerit, tunc vrget ipsum exire cœnobium, & vitam in solitudine degere. Quare huiusmodi quædam menti eius subiicit: Exi hinc, & vitam solitariam amplectere, ac modicum sensimque operare: infirmus enim es, inquit, & molestias operis istius perferre non poteris. Et si egressus frater, labores exercitationis monasticæ fortiter non pertulerit plus æquo inde vehementiusque torquetur: Sin autem & infirmitas ipsi superuenerit adhuc magis magisque eum, quod proprium locum reliquerit, pœnitebit.

59. Alteri porro fratri præbet tentator alacritatem ad exercitationem & austeritatem disciplinæ, vsque ad arctissimam & seuerissimam viuendi rationem: & post modicum temporis, siue paucos post annos, incipit tentator ipsi Monacho longitudinem temporis ob oculos ponere, quodque grauis & longus eum maneat sufferendus labor, inquiens, ad finem vsque, in ea vitæ austeritate: ne tandem ipsius corpus nimium viribus deficiat. Si autem anima fratris suam sitit salutem. Non se tradat fraudulentis eiusmodi cogitationibus: sed admonitionibus atque consiliis virorum exercitatorum, ac timentium Deum obediat; aut mox à se similibus cogitationum repellat insultus. Qui verò non sic virtutem colens, suam occultat morbum; & remittere exercitationem nolens, ne offendar fratres, (qui alioquin concordēs in labore sunt & impigri) recedit è loco, vt pro libitu suum desiderium expleat: quin & propriam sibi ruinam

tales constant, quòd studio placendi hominibus, virtutem exerceant: non enim supra firmam petram fundamentum eorum ædificatum erat, sed super arenam: vnde pluvia descendente, fluuiisque ac ventis spirantibus, & in eam per cogitationes irruentibus, corrui. Nam dum videbantur virtutem possidere, multâ superbîâ inflati erant: quando autem defecerunt, desperationi sese tradiderunt; quod non debuerunt. Scriptum enim est: Nunquid qui cadit, non resurget? dicit Dominus. Et, Nolo mortem peccatoris: sed magis vt conuertatur, & viuat. Qui autem secundum Deum viuit, etiamsi omni virtutis genere excultus sit, non tamen inflatur neque extollitur: diuinam secum magnificentiam perpendens, & quo pacto semetipsum humiliauit, factus obediens vsque ad mortem, mortem autem crucis: quin & seipsum despiciet præ Dei metu. Secundum eum, qui dicit: Existimaui memetipsum terram ac cinerem. Virtus verò regali purpura est similis, quippe cui nihil alienum atteri potest. Qui ergo secundum Deum piè ac religiosè viuere cupit: nequaquam in grauissimam ruinam incidet. Et si etiam vt homo præter rationem commotus fuerit: Dominus tamen, qui nouit eius animum malitiæ & calliditatis expertem, cohortatione ministrorum suorum confirmabit spiritum ipsius. Admonitus autem & repugnans, similis est equo ore indurato, ac frænum non reformidanti; donec sessorem suum præcipitet. Nam qui durus est corde, miserè corruet.

Eccl. 1. 15.

Gen. 3. 8.

Eccl. 3.

60. Qui suam salutem & opus in cœnobio negligit, seipsum exemplum inertie præbet plurimis fratribus: qui autem salutem curat, magnam gloriam promerebitur in cælis: quoniam forma religiosæ vitæ fuit, & negligentiorum fratrum promptitudinem ad virtutes perfectas assequendas excitauit. Quemadmodum enim in acie belli, qui primus init certamen, apud omnes honoratur: ita etiam in honore erit apud Deum omnis qui vigilanter opus Domini perfecterit; Cui gloria in secula seculorum. Amen.

61. Non decipiaris cogitatione, Monache, dum peccas, & agis quæ non licet, gloriandoque dicis, quòd quæcunque mala egerit Monachus, melior adhuc sit homine seculari. Non enim (vt scriptum habemus) qui seipsum commendat,

2. Cor. 10.

ille probatus est: sed quem Deus commendat. Tu verò primum tuas actiones examina: an reuera vitam sub qbedientia perfecta degas, dum ita teipsum effers, an concupiscentiā viceris, paupertatem diligas, detractionē oderis, & inanis gloriæ non sis cupidus: an peccatum auerferis, & voluptatē abomineris: vtrum nullum violaueris: an passiones superaueris: an contumeliā affectus, non irascaris; & laudatus, non extollaris: an Dominum toto corde ac viribus diligas, & proximum tuum, sicut teipsum. Quòd si nondum hæc seruauerimus: quare ita magnificè de nobis ipsi sentimus? quod coram eius bonitate deplorandum est: vt duritiem sanet cordis nostri, dignosque nos reddat cælesti vita atque beata.

62. Vx Monacho illi, qui pietate deperdita, vino se corroboret: nam si sobrietatem hic non coluerit, oportebit in nouissimis eum amarè deplangere: Qui autem conseruat vias suas in Domino, gloriam consequetur.

63. Non oportet etiam modum stricte nimis ponere aduersus recenter instructos: ne à Seniore, ipsi ad alium deficiant. Et licet quidem id censeatur æquū, tamen non sine periculo tumoris & inuersionis animæ: nam variæ sunt insidiæ diaboli.

64. Non decet indulgere pueris, vt liberiùs agant cum fratribus: quin potiùs modestos & obedientes, tales præbere se conuenit, in Domino.

Habac. 3.

65. Nefas est Maiores scandalo esse inferioribus, ipsiſque exemplo esse improbæ conuersationis. Quoniam scriptum est: Vx qui potat proximum suum subuersione turbida: sed magis ipsi forma & exemplum esse debent fidelibus.

*2. Cor. 5.
Rom. 14.*

66. Non oportet eum, qui saluari desiderat, attendere erroribus aliorum: sed sibi ipsi. Nam scriptum est: Idèò contendimus siue præſentes, siue absentes placere illi: Omnes enim nos manifestari oportet ante tribunal Christi: vt referat vnusquisque propria corporis, prout gessit, siue bonum siue malum.

Rom. 15.

67. Si quis, sicut oportet non obedit Superiori: sufferat infirmitatem nouitii subditi, vt hac molestia vitam restituat laboribus præteriti temporis, Apostolo dicente: Debemus nos firmiores, imbecillitates infirmorum sustinere, & non nobis placere. Vnusquisque nostrum proximo suo placeat in bonum, ad ædificationem.

68. Non poterit diu esse in vno loco Monachus, neque requiem inueniet, nisi primùm silentium & continentiam diligat. Silentium enim quietem parit, & assiduitatem orationis. Continentia verò cogitationem ab omni distractione liberam reddit. Demum pacifica constitutio, horum possessorum excipit.

69. Tentationis tempore apparet probatio viri fidelis: ceterum tentationis tempore non oportet deficere; at potius orationibus recteque factis intendere, quemadmodum qui per mare nauigant, vehementibus procellis expositi, suam ostendunt diligentiam, magnamque vigilantiam, Dominum inuocantes: sicut etiam in Propheta Iona scriptum habemus: Et facta est tempestas magna in mari, & naui periclitabatur conteri. Et timuerunt nauatæ, & clamauerunt vnusquisque ad Deum suum: & iactum fecerunt vasorum, quæ erant in naui, in mare, vt alleuiaretur ab eis. Quod quidem loco exempli sit, facientis ad abdicationem rerum terrenarum. Nam quibuscunque spretis secularibus, pro sola vitæ æterna concertandum est: & nequaquam ingruente nobis calamitate aliqua, desperare oportet. Videmus etenim Prophetam, cum in ventre etiam balenæ esset, suam haudquaquam salutem desperasse, sed precando dixisse: Clamavi in tribulatione mea ad Dominum Deum meum; & exaudiuit me: de ventre inferi clamoris mei audisti vocem meam. Non enim despicit eos Deus qui in veritate inuocant eum. Vnde & nos tribulatione aliqua ingruente confugiamus ad Dominum, secundum eum qui ait: Domine, in tribulatione recordati sumus tui. Neque enim semper tranquillum est mare: fierique non potest, vt absque tentatione perficiamus institutæ vitæ cursum. Si verò fidem Domini, tanquam temonem ac clauum apprehendamus: in vitæ portum introducet nos, depulsisque molestiis, vitam & immortalitatem induemus.

Iou. 1.

Iou. 2.
iuxta 70.

Psal. 17. 86.

70. Charissime, si spiritus acedix conturbet te, ne animo consterneris, sed deprecare Dominum, & præbebit tibi patientiam: factaque oratione sedens recollige cogitationes tuas, & consolare animam tuam, secundum eum qui dicit: Quare tristis es anima mea, & quare conturbas me? Spera in Deo: quoniam confitebor illi, salutare vultus mei,

Psal. 42. 46.

Psal. 38.

& Deus meus. Et dicito : Quid pigritaris ô anima mea : non enim semper est nobis in hac vita commorandum. Audi Prophetam dicentem : Aduena ego sum in terra, & peregrinus sicut omnes patres mei. Reuolue animo eos, qui anteaëctis temporibus in eodem vixerunt monasterio, quod iam tu inhabitas, & nosce atque considera, quod quemadmodum illi ex hoc seculo transierunt: ita & nos tanquam aduenas & peregrinos oportebit, quando Deo placuerit, hinc emigrare: ceterum vita iustorum post obitum incipit. Vnde Propheta futuram vitam desiderans, exclamabat dicens: Quemadmodum desiderat ceruus ad fontes aquarum: ita desiderat anima mea ad te, Deus, ac rursus: Quando veniam, & apparebo ante faciem dei? Tanquam enim carcerem aliquem, reputabant præsentem vitam Sancti. Vnde & alibi dicit: Nunc dimittis seruum tuum, Domine, secundum verbum tuum in pace. Sic etiam Apostolus desiderium habuit dissolui, & esse cum Christo.

*Psal. 41.**Ibidem.**Luc. 2.**Philip. 1.*

71. Duo fratres senes sibi mutuò graues & molesti erant. Contigit autem vnum ex iis ægrotare : ad quem visitandum, dum quidam frater accederet, rogabat eum Senex dicens: Simultates & inimicitias hinc inter nos gerimus, & velim vt illum ad reconciliationem hortareris; vtinam autem & ego bonum quid alicui possem præstare. Ad quem frater: Iussu tuo, inquit, ô Abba, adhortabor. Egressusque frater, secum cogitabat: fortè non sufferet adhortationem meam Senex, magisque exacerbabitur fortasse, Deoque sic disponente, quidam ex fratribus affert ei quinque ficus, & paucula mora. Eligenſque frater ficum vnâ, & paucula ex alijs, detulit Seni in cellam suam, dicens: Fortè quidam Seni attulit, dixitque mihi: accipe, & da illi tali Seni. Illisſque auditis, Senex obstupuit, dicens: Istane ad me misit? Ad quem frater; Etiam pater. Iisſque acceptis, dixit Senex: Bene venisti, discedensque frater à Sene, ad cellam suam rediit. Desumptisſque duabus ficubus, cum pauculis moris, etiam ad alium Senem detulit: exhibitaſque ipſi pœnitentiâ, dixit: Sume ista pater, quia mittit tibi ille talis Senex. Cui ille: Vt puto, reconciliati sumus? At frater: Ita Abba, tuis orationibus. Dixitque Senex: Gloria & honor Deo; diuinâſque gratiâ reconciliati sunt Senes. Contracta autem inter eos

pax est tribus ficibus, paucisq; moris: & non cognouerant Senes, quid egisset frater.

62. In cœnobio, exigente necessitate, ut frater in dispensatoris munere constitueretur: Præfectus fratrem ad id elegit, pro voluntate sua: qui iam relicturus cellam suam, commendauit suppellectilem suam alteri fratri, dicens: Si contigerit me destitui dispensatoris munere, conignes mihi eadem. At ille recepit se redditurum: & non post multum temporis reliquit frater œconomiam, dicens se in tranquillitate cellæ suæ quiescere malle; atque ad fratrem: Redde mihi quæ tibi concredidi: at ille noluit præbere. Cùmque videret eum irasci, neque velle quidquam præbere, tacuit: alius autem frater hortabatur illum ad pacem, & si quid ipsi concredidisset frater, ne eum suo priuaret: ne te fortè Dei iudicium, aiebat, è Monasterio eiiciat. Ad quem ille: Nihil, inquit, quod eius sit teneo, & post dies quinque vel decem, admissa tentatione, qui vasa acceperat frater cum magna vexatione cœnobio excessit. Præfectum verò se hortantem ne discederet, contumeliis affectum reliquit. Vnde œconomus, permissu Præfecti, apertâ ipsius cellâ, reperta vasa diuisit fratribus. Paucis autem post diebus, pœnitentiâ ductus frater rediit ad locum suum, ubi apertam suam cellam reperit, vasaque sua diuersis fratribus distributa: quare vehementer doluit, nec diutius distulit ea recuperare, quæ sibi ab illo fratre fuerant commodata, eidemque restituit.

73. Frater interrogauit fratrem quemdam, dicens: Abbas iussit me ad pistrinum egredi, causâ pinsendi fratribus panem, cùmque operarij (inquit) seculares sint, loquuntur indecentia, & non mihi expedit audire eiusmodi, quid igitur faciam? Cui ille respondit: Nonne vidisti pueros literas discentes gregatim, & quomodo singuli eorum propriis lectionibus studeant, & non aliorum: scientes quòd suas ipsi magistro recitaturi sint, & non alienas? Quòd si à perturbationibus superaris, audi eum qui dicit: Omnia probate, quod bonum est tenete. 1. Thess. 5.

74. Qui sermones multiplicat inter fratres, multiplicabit pugnas & odia sibi: at qui linguæ temperat, diligetur. Magnum quippe lumen animæ est, timor Domi-

ni, ex ea tenebras depellens, ipsamque mundam ac puram reddens.

75. Fratres, etiam præuia oratione nostrum opus amplectamur: quoniam merces proposita est iis, qui sine fucō & fallacia opus suum pertractant. Nam qui ex contentione, aut sui ipsius amore, vel avaritia opus negligit, illud Scripturæ
Matth. 16. audiet: Reddet unicuique secundum meritum operum suorum? Qui autem bonam operatur conscientiam, ut Deo & non hominibus placeat, benedictam illam vocem audire merebitur: Euge serue bone & fidelis, quia in pauca fuisti fidelis,
Matth. 25. supra multa te constituam, intra in gaudium Domini tui Cui gloria in secula seculorum. Amen.

76. Si seculo renuntians, exieris de terra tua, & de cognatione tua, & quiescere te fecerit Dominus Deus tuus in loco, in quo deinceps tranquillè ac pacatè victurus es: vide ne illo in loco nomen tuum extollas, quamvis etiam princeps ac valde magnus sis in terra tua: sed
Psalm. 39. sic cum Propheta intra te ratiocinare: Mendicus sum ego & pauper, Domine adiua me: ut Deus suscipiat te, atque exaltet.

77. Cur frater negligentem se præbet in cella sua? Quamdiu anima rebus inhaeret terrenis, variae cupiditates huius seculi, & inanes voluptates, quæ in animum per cogitationes importantur, eius firmitatem constantiamque labefaciunt atque dissoluunt: unde fit, ut frater in cella desidens negligentior fiat. Si verò hunc mundum oderit cum fallaciis eius, & seipsum seruum Domino præstitit in toto corde & anima: nequaquam præualebit aduersus eum negligentia, facietque deinceps opus suum cum animi iucunditate. Quòd si ipsi cum inanis gloriæ cogitatione luctandum sit: & hanc seruus Domini expellet, propriam naturæ infirmitatem expendens, & cuius donum sit reputans, secundum eum qui dicit: Quid enim habes, quod non accepisti? Si autem accepisti, quid gloriaris, quasi non acceperis? Quòd si certamen ei cum carnis infirmitate fuerit: non pauebit seruus Domini, neque seipsum à charitate Dei separabit. Secundum eum qui ait: Quis nos separabit à charitate Dei? tribulatio? an angustia? an persecutio? an fames? an nuditas? an periculum? an gladius? sicut scriptum

prum est: Quoniam propter te mortificamur tota die, æstimati sumus sicut oves occisionis. Sed in his omnibus superamus, propter eum qui dilexit nos. Certus sum enim, quia neque mors, neque vita, neque principatus, neque potestates, neque instantia, neque futura, neque Virtutes, neque Angeli, neque altitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro. Cunctas porro passiones ac perturbationes, spiritus fornicationis comitatur atque prosequitur: & ideo fuge turpiloquia, & vitabis cogitationes immundas.

78. Si iusserint Præfati, nos cum fratribus nostris ad extraordinarium aliquod opus egredi: prompti atque alacres accurramus, non contententes cum negligentioribus. Nam qui potens est viribus, & non cooperatur, multis modis sibi ipsi damno est: primò quidem mercede seipsum priuat: secundò occasionem murmurationi præbet atque detractioni, dum cæco sui ipsius amoris nimis operando indulget. Non oportet autem industriam cogitationibus segnioribus intentum esse. Nullus quippe messis tempore dicere solet, quia propinquus meus sibi frumentum non colligit, idè nec ego mihi colligam: sed vnusquisque dum tempus superpetit, alimenta sibi atque pecoribus suis colligit, vt ab egestate se liberum immunemque conseruet. Et si in temporalibus tanta adhibeatur diligentia: nonne multò magis eà opus erit in spiritualibus?

79. Senes decet honore ceteris anteire: & infirmis compari bonum est. Senes porro sapientes, vnguentum fratrum sunt ad stabilitatem animæ.

80. Principium superbiæ est, non adiuuare fratres pro viribus: conuenientibus verò nobis ad opus, non multum est loquendum: sed opus vrgendum, ad quod egressi sumus.

81. Inanis animi securitas generat superbiam: superbia autem mater est inobedientiæ. Ceterum humilitas & mansuetudo suum possessorem in timore configunt Domini, tanquam columnam aliquam in templo Domini collocatam.

82. Non decet Monachum vllam habere cum foemi-

na societatem: ad eam verò quæ virginitatem proficitur, prorsus ne accesseris, siquidem vllus in te carnalis sensus vi-
get. Nam Monachum inter epulas cum fœminis versari,
idem est ac se in ignem prolicere. Qui autem earum fugit
consuetudinem; fugiat tanquam dama ex retibus, & velut
auis ex laqueo.

Psalm. 36.

83. Frater, sobrium te præbe ac vigilantem à iuuentute
tua: ne te pœniteat in nouissimis tuis. Vide ergo, ne cor tuum
homines zelauerit peccatores; Scriptum quippe habetur:
Noli æmulari in malignantibus; neque zelaueris facientes
iniquitatem. Quoniam tanquam fœnum velociter arescent:
& quemadmodum olera herbarum, citò decident. Spera in
Domino, & fac bonitatem.

2. Thess. 3.

84. Charissime frater, si malæ conuersationis sit fra-
ter tuus, admone illum dicens: Finem impone frater, non
enim tibi utilis est ista conuersatio. Affer illi exemplum ali-
quod eorum qui lapsi sunt: hoc autem modo, non quasi e-
ius qui cecidit, errorem atque peccatum commemorans,
sed vt præsentem iuues, vtque respiciens ad pericula con-
sequentia, fugiat lapsum. Propone quoque ei memoriam Ec-
lectorum Dei: & discerne ipsi vtrorumque retributionem:
& si te audierit, lucratus eris fratrem tuum. Sin autem in ea-
dem voluntate atque opinione perseuerauerit, & ab aliis ad-
monitus non paruerit, ea peragendo quibus contemnere se
indicit admonitores: subtrahe te illi, fusis pro eo precibus ad
Dominum, secundum dictum illius: Quod si quis non obedit
verbo nostro, per Epistolam hunc notate: Et ne commiscea-
mini cum illo, vt confundatur: & nolite quasi inimicum exis-
timare, sed corripite vt fratrem.

85. Quis aliquando conspiciatus alterum in semitam ali-
quam ingressum, & in illa periisse, non semitam illam fugit,
ne in eandem incidat calamitatem?

86. Ne decipiaris, frater, saturitate ventris, & noli inebria-
ri vino, in quo est luxuria: non enim tibi lucrum est, nisi in
perficienda voluntate Domini.

87. Serua, frater, castitatem corporis tui: quam si in
charitate Christi custodieris, omnem faciliè virtutem per-
fectè exercere & assequi poteris. Nam qui in te inhabi-
tat Spiritus sanctus, super te gaudebit, quod templum Do-

mini, puritate ac recta voluntate adoleas, ideóque confortabit te ad omne opus bonum. Hæc porro tria instrumenta sunt excolendis virtutibus, ac cælesti puritati perquam accommoda: temperantia ventris, moderatio linguæ, & oculorum frænum. Si ergo duo seruaueris, oculos verò non custodieris, ne distrahantur: firmam castitatem tenere nequibis. Quemadmodum enim aquæductus confractus deperdit aquas: ita & oculorum distractio mentem castam destruit. Si quando autem edendi auiditas te inuasit; dic cogitationi: puta, si heri hoc te cibo refeceris, nonne hodie ieiunus surrexisti? Quòd si porro tibi suggererit, vt res inutiles ab aliis scisciteris; dic cogitationi tuæ: puta iam te interrogasse, quòdque proximus tibi responderit, & file. Quòd si euagationes mentis atque distractiones tibi suggererit; dic cogitationi: propterea hîc es, non vt alienam pulchritudinem perdiscas; quare tibi ipsi attende, & negligentiam fuge, vt mens tua confixa hæreat in timore Domini, iuxta illud Prophetæ: Confige clauis à timore tuo carnes meas: à iudiciis enim tuis timui. *Psalm. 112.*

88. Arbitror conducere Monacho maxime nouitio, non exire cellâ, sine superhumerali; indecens enim esset absque pallio prodire: siquidem nudo aliquo amictu, siue cum solo colobio nouitium incedere, monacho turpe est & indecorum. Scriptum quippe habetur: Præcingere, & calcea te caligas tuas, & circunda tibi vestimentum tuum, & sequere me. Non decet quoque Monachum, nimio affectu atque inordinatè corpus lauare, vel pedes, instar voluptatis amatorum: nam per corporis elegantiam, vestiumque ornatum, sibi voluptates conciliant; sicque pietatis studiosus, per contraria resistit contrariis, *Matth. 23.*

89. Non oportet ad ostentationem hominum quidquam agere: sed cuncta puro agenda sunt corde, tanquam Deo latentium & occultorum conscio, à quo etiam solo remunerationem speremus. Non licet etiam Monacho peregrinâ proferre colloquia, præsertim tempore Synaxis: ne impedimentum detur ceteris. Ecce fratres nostri laborant, & nos disturbamus illos. Ipsi sacras audientes Scripturas combibunt eas, instar terræ pluuiam sitientis: nos autem & intus versantes extrâ cogitationibus distrahimur. Ipsi

diligentes sunt & attenti: nos autem negligentes. Ipsi vigi-
lant in orationibus: nos autem somno & inertia nosipfos ob-
stringimus; ipsi coronam accipiunt: nos autem in nostra per-
manemus ignauia; ipsi Deo placere student, nos autem munda-
do. Quare & nos euigilemus, ut accipiamus. Omnis enim qui
petit, accipit: & qui quaerit, inuenit: & pulsanti aperietur.
Quoniam suauis Dominus vniuersis, & miserationes eius super
omnia opera eius; Ipsi gloria in secula. Amen.

Luc. 11.

Psal. 44.

90. Deum time, charissime, & mandata eius obserua,
& citò videbis longè post te relictos eos qui te contemnunt
atque despiciunt, si minùs hîc, at certè ibi. Serua igitur
charitatem, ut pupillam oculorum: Lux & vita in ea
sunt, serua eam; Gaudium est omnibus adhærentibus ei: Di-
uina est possessio angelicaque dignitas, tene eam. Si dilexeris
eam, renouabitur ut aquilæ iuuentus tua. Si seruaueris eam,
erit tibi exultatio coram Angelis Dei. Si eam dilexeris, pro-
peraberis in cunctis operibus tuis. Si dilexeris eam, inhabi-
tabit in te gratia Dei; eritque gratia instar fontis distillantis
medicamenta hominibus, bonusque odor eius cor tuum
exhilarabit. Columna hæc est omnium virtutum. Nullus in
ea reperitur dolor mortis. Iustitiam & fortitudinem, patien-
tiam ac pacem edocet: domus Dei est, eam serua: donabit
autem nobis eam cum fructibus eius, ipse Dominus: Cui glo-
ria in secula. Amen.

81. Charissimi, diligamus inuicem: & confunderetur ini-
micus, qui non cessat aduersus seruos Dei æmulationem
excitare atque inuidiam. Nam qui inimici sequuntur con-
siliium, videntes inter se fratrem ex animo placidè seruien-
tem Domino, non probant: sed machinationes excitant, vo-
lentes eum persequi, veriti ne vera pietate atque religione
proficiens, fortior ipsis euadat. Et hic quidem persecutio-
nem patiens, innocens recedit ex causâ separationis: sed
auctores culpâ non vacant. Sic Ioseph pro seruo venunda-
tus est Ægyptiis: verùm Deus, quem mente tenebat, ip-
sum non despexit, imò gratiam ac sapientiam coram Pha-
raone Ægyptiorum Rege donauit, Principemque eum super
Ægyptum & vniuersam domum suam cōstituit: & qui repro-
bauerant eum, ibant adoraturi eum cum muneribus, non
solum ut fratrem, sed tanquam Regem & Dominum vni-

uersæ terræ Ægypti. Nam scriptum est: Dominus dissipat
 consilia gentium: reprobatur autem cogitationes populorum,
 & reprobatur consilia principum. Consilium autem Domini
 in æternum manet. Rursusque ait: Dominus mihi adiutor,
 non timebo quid faciat mihi homo. Seruemus igitur nosip-
 sos, charissimi, ne quem ex pusillis istis scandalizemus, Do-
 mino & Salvatore nostro Iesu Christo affirmante, expedi-
 re tali magis, ut suspendatur mola asinaria in collo eius, &
 demergatur in profundum maris: quàm ut vnum scandali-
 zet de pusillis istis, qui in me credunt. Et iterum: Videre
 ne contemptis vnum ex his pusillis; dico enim vobis, quia
 Angeli eorum in cælis semper vident faciem Patris mei qui
 in cælis est. Propterea diligamus inuicem fratres, ut cum
 viderit Dominus fidem & vnionem ad inuicem, quam ha-
 bemus cum timore eius, in nobis lætetur, sicut scriptum
 est: Lætabitur Dominus in operibus suis. Cui gloria, in se-
 cula seculorum. Amen.

92. Cautè age, frater, & attende tibi ipsi: multæ enim
 sunt insidiæ inimici. Si enim fratrem sobrietati ac vigiliis de-
 ditum conspexerit inimicus; alium mox ex segnioribus ad-
 uersus eum excitat, ut sæpe etiam manus inter se conse-
 rant. Deinde conciliatâ amicitia, eandem confidenter in-
 ter illos auget fraudulentus; non quidem virtutis gratiâ:
 sed ut eiusmodi amicitia, turbatis illorum mentibus, vo-
 luptates inter eos admisceat, fiatque ingens malum. Quare
 etiam posteaquàm suam ipsi improbitatem damnauerint,
 tantum sæpe odium auget, ut abiiciant breuem illam discor-
 demque concordiam. Qui verò Deum timet, nunquam sine
 superna sapientia diligeret. Nam scriptum est: Quæ autem de
 fursus est sapientia, primum quidem pudica est, deinde pa-
 cifica, modesta, & quæ sequuntur.

93. Si inter fratres commoreris, ne assuescas præcipere,
 sed exemplum te potius iis præbe bonorum operum: obe-
 diens in iis quæ ab alio dicuntur tibi: si autem exigente
 necessitate loquaris, tanquam consiliarium te gere. Quod
 si alius frater dicta tua refellerit; ne mouearis mente, sed
 voluntatem tuam, charitatis pacisque gratiâ, reprime. Si
 enim iram excandescens dæmonis, per mansuetudinem
 respuis, nihil aduersum te poterit. Vnde sic tibi repugnan-

tem alloquere: Ego quidem, benedicte, tanquam idiota aliquis locutus sum, sic considerans, da veniam ignorantiae meae: sit autem quemadmodum ipse dixisti; & in hoc retrocedet à te, re infecta atque confusus, turbarum excitator diabolus. Nam contendere, ac propriam voluntatem ostendere, turbas excitat & iracundiam insanabilem: ira autem in sinu quiescit impiorum: & vis irae eius, ruina est ipsi. Vnde & Apostolus admonet dicens: Seruum Domini non oportet contentiosum esse.

2. Tim. 3.

1. Thess. 4.

94. Apostolo dicente: Hæc est enim voluntas Dei, sanctificatio vestra: ut abstineatis vos à fornicatione. Certamen verò non exiguum est inter sanctificationem & immunditiam, dum impudicitiae cooperatores suggerunt eiusmodi, dicuntque: Ecce nullus te videt, & quem vereris? Quibus cooperatores sanctificationis respondent: Deus videt, & Angeli eius adsunt; & quo pacto tu ais, nemo te videt? At tentator: hucusque, inquit, neminem aspiciamus, Quem interruptentes puritatis studiosi: Bene, inquit, dixisti, quòd nihil videmus. Nam scriptum est: Excæcauit eos malitia eorum, & nescierunt sacramenta Dei. Prophetam quoque clamante atque dicente: Intelligite insipientes in populo, & stulti aliquando sapite. Qui plantauit aurem non audiet? aut qui finxit oculum, non considerat? Et alio in Psalmo ait: Domine probasti me, & cognouisti me: tu cognouisti sessionem meam, & resurrectionem meam. Tu intellexisti cogitationes meas de longè: semitam meam, & funiculum meum inuestigasti. Et omnes vias meas præuidisti: quia non est dolus in lingua mea. Ecce Domine, tu cognouisti omnia nouissima, & antiqua: tu formasti me, & posuisti super me manum tuam. Mirabilis facta est scientia tua ex me: confortata est, & non potero ad eam. Quò ibo à spiritu tuo? & quò à facie tua fugiam? Si ascendero in cælum, tu illic es: si descendero in infernum, ades. Si sumpsero pennas meas diluculo, & habitauero in extremis maris. Etenim illuc manus tua deducet me, & tenebit me dextera tua. Et dixi: Forsitan tenebrae conculcabunt me, & nox illuminatio in deliciis meis. Quia tenebrae non obscurabuntur à te, & nox sicut dies illuminabitur: sicut tenebrae eius, ita & lumen eius. Et alibi: In ipso enim viuimus, & mouemur, & sumus,

Sap. 2.

Psal. 95.

Psal. 138.

Aber. 17.

Et quo pacto tu audes dicere, quod nullus te videt? cum & & sæpe olim Dominus dixerit: Amen dico vobis, quia si hi tacuerint, lapides clamabunt. Hæc igitur tecum ipse reputa, & peccatum nequaquam dominabitur tibi, neque dolor peccati occupabit te: sed gaudium & pax tibi erit in Spiritu sancto. Nam peccatum tenebricosus atque caliginosus consequitur & comitatur dolor, qui illius auctores & effectores inuadit: sanctificationem verò, gaudium & pax consequitur. Qui itaque quietus in cella sua degit: exultat in Spiritu sancto, instar infantis sub mamilla matris. Deinde iterum reuersa gratia, facit eum lugere ac flere, in memoriam ipsi peccata præterita reducens: ne nimio elatus gaudio, offendar. Quin & lacrymis splendet anima, cælestia diuino munere contemplans. Magnum quippe beneficium est, sanctificatio in dilectione Christi. Ipso Domino affirmante: Beati mundo corde, quoniam ipsi Deum videbunt. Ipse autem Dominus, qui fragiles excitat, & eos qui animo sunt demisso atque abiecto saluat, & membra in peccatis inueterata, per poenitentiam reparat: immaculatum corpus nostrum, cum anima ac spiritu tueatur atque custodiat: Ipsi gloria in secula seculorum. Amen.

Luc. 19.

Matth. 5.

95. Si quietus vixerit Monachus in sua cella, à multis turbis liberabitur. Qui autem vecors est mente, si ad turbas accesserit, non referet emolumentum: at qui cogitatione perfectus est, vtilitatem percipiet. Ceterum quietam ac solitariam vitam degere, præstantius est. Exempli gratiâ, charissime: Fratri per ciuitatem obambulanti occurrit tumultus humanæ conditionis, dum hunc quidem ridentem videt, istum verò plorantem, illum dirè iurantem, alium etiâ blasphemantem. Et eiusmodi conspiciens frater, si mente sit infirmus, subitò illud Pharisei dictum in mente habebit: Deus, gratias ago tibi: quia non sum sicut ceteri hominum; aut frequens etiam iisdem affectionibus commotus, discedet: quare solitudo quæta maximè infirmioribus est utilis. At qui mente perfectus est, iam dicta intuens, obstupescit super longanimitate Dei, secum ita loquens: Vides quanta sit diuina patientia, quandoquidem dum à nobis maledicatur & blasphematur, fert patienter, & non irascitur, despectus sustinet, & non reminiscitur iniuriæ. Ce-

Lucas 18.

terum cuncta nostris vñibus suppeditat abundanter : erudiens & misericordiam exhibens, omnesque ex multa benignitate sua ad pœnitentiam reducere cupiens. Ego verò quid faciam peccator? quia cùm terra sim & cinis, contumeliam sufferre nequeo : imò nec verbum quidem à fratre asperius : Nam si contumelia mihi aspergitur, irascor. Si consolatio mihi adhibetur, animo efferor. Hei mihi peccatori: hei mihi. Et his compunctus frater, abit glorificans Deum, ac dicens: Gloria tibi Deus, gloria tibi. Iterumque dico: Gloria tibi, qui solus bonus es.

96. Charissimi, si quando impuræ mentem nostram perturbent cogitationes, non despondeamus animum, sed meminerimus miserationum Dei. Nunquam enim cui navigium commissum est, reprehendetur à domino, vel possessore, vt dicat: Cur passus es meam nauem fluctibus appellì? Sed cur neglexisti, nec fluctibus obstitisti? Cur verò & in portum propositum, id est, ad diuinam miserationem non confugisti? Nam quando in nos insultat immundarum cogitationum fuscitat inimicus, quas hominum aures ferre non possent: conuersus, vicissim dicit: Perijisti, non est tibi spes vlla salutis, volens vñdis eum desperationis demergere. Tu itaque caue fidas dictis eius, ne mentem propriam desperatione deterreas: sed quantum illi desperationis timore, animam grauant: tantum nos spe futurorum bonorum subleuemuseam, diuinæ commiserationis memores: ne nimium onerantes aduersarij, etiam animam cogitationibus demergant. Illisque ad nos dicentibus, perditus es, nec amplius saluari poteris, dicamus eis: nos cùm Deum habeamus misericordem atque longanimum, non desperamus de nostra salute. Qui enim dixit, non septies solum dimittendum esse proximo, sed vsque septuagies septies: multò magis peccata dimittit expectantibus salutare ipsius. Pulsis igitur hinc ipsis, in alio incursionem faciunt, dicentes: Cùm Deum habeatis misericordem atque longanimum, & peccata dimittentem: cur non magis indulgetis voluptatibus seculi, & postea pœnitentiam agite? Ad quos tunc nos respondeamus: Quæ fecimus, fecimus, & infecta reddere nequimus: nunc autem Scripturâ attestante, quòd nouissima hora sit, in quam horam, vel in quod tempus respicientes,

cientes, nostram salutem negligemus; malumque in conspectu Domini Dei nostri agere, pro nihilo ducemus; Similis es enim, frater charissime, viro sub arbore confidenti, qui prospiciens immanes bestias gregatim aduentare, sese in altum abripit, ita ut feræ ipsi nocere non valeant. Existima autem arborem, timorem Dei; eritque tibi gratia cooperatrix in omnibus, ubicunque ambulaueris, & inimicos tuos substernes tibi.

97. Sic in presenti vita incedere oportet fideles: Si gaudium nobis acciderit, siue ex felicitate aliqua, siue ex beneficiis acceptis, vereamur non longè abesse tristitiam: sin autem tristitia superuenerit nobis, speremus gaudium propinquum. Exemplum ab iis qui per mare nauigant capiamus: nam hi, insurgente in eos vento ac tempestate aliqua vehementiore, non illicò desperant suam salutem, sed resistunt fluctibus, tranquillitatem expectantes, qua obtenta, iterum procellas metuunt; vnde etiam assidue aduigilant, ne repentina aliqua vis ventorum insurgat, quæ eos imparatos in mare deturbet: sic & nos vtrinque circumspectos esse oportet. Qui enim expectatur, si venerit, non ut nouus atque hospes recipitur: neque enim illum imparatum offendit. Cum igitur tribulatio aliqua vel angustia nobis acciderit; liberationem ab iis, & auxilium à Domino expectemus: ne fortè dum longior est ac diuturnior tribulatio, si nulla spes nobis salutis supersit, mortem afferat. Similiter dum gaudium obuenerit, angustias expectemus: ne ob nimium gaudium obliuiscamur luctus.

98. Si compassionis affectu permotus, fratrem adhortaturus abieris, priusquàm tractes cum eo, quem cohortari statutum est, sic tecum cogita: Si te non audierit, noli irasci neque perturbari: ne nocumento sit vexatio tua, & fratrem accuses. Si te auscultauerit, gratia Deo: Sin autem adduci non possit, ut dictis tuis obediat: ne irascaris. Nam compassionis mercedem, repressiōisque iræ incunctanter à Deo accipies: quippe qui ob illius nomen id feceris.

99. Charissime, cælestem thesaurum desideras, dignusque Domino fieri elegisti: dicentem audi: Si vis perfectus

Matth. 19

Matth. 10.

Marc. 10.

esse, vade & vende quæ habes, & da pauperibus, & habebis thesaurum in cælis: & veni, sequere me. Et rursum: Qui amat patrem aut matrem plusquàm me, non est me dignus. Et: Qui non accipit crucem suam, & sequitur post me, non est me dignus. Itaque nisi quis crucem baiulet, non poterit sequi Dominum. Postquàm enim dixit: vade, vende quæ habes, & da pauperibus, & habebis thesaurum in cælis, subintulit, dicens: & veni, sequere me. Non enim dixit: & habebis thesaurum in cælis, & deinceps dormi, ac requiesce: sed dixit, & habebis thesaurum in cælis, & veni, sequere me. Non ergo solum renuntiationem, sed & probationem, quæ in eiusmodi succedere solet laboribus, præbe. Tunc enim præstantius certamen & lucta suscipietur cum adversario: qui si postea cogitationem transferre valuerit à cognitione rerum cælestium, nouissima peiora reddet primis. Sicque Monachum inimicus tentat, vt qui largè ac liberaliter suas opes in pauperes disperserit, vilissima deinde quæque egestatis prætextu auidius atque iniuste persequatur; & qui nuptias legitimas recusauit, fornicationis hunc & lasciuia amatores efficiat. Vnde sanè multa opus est sobrietate & vigilantia, donec ex hoc corpore siue carcere ac septo excefferimus.

100. Charissime, si in congregationem fratrum se in pietate ac religione exercentium incideris; voluerisque versari inter eos, vt seruias Domino: vide, in omnibus modestum ac humilem te præbeas: vt alios quoque qui ex miseranda seculari vita aderunt & aduentabunt, tua honesta conuersatio erudiat, suasque ipsi animas ad virtutum perfectionem excitent.

101. Quando ergo Præfetti, nos vnà cum aliis fratribus iusserint ad opus egredi, alacres contendamus. Si porrò responderis, corpus tuum non sufferre labores, sicut rusticorum, perspicuum istud est: non enim omnes æqualiter possunt onera ferre; ceterum obedientem & promptæ voluntatis esse, concessum est omnibus. Ostende igitur institutum atque alacritatem tuam in veritate: & omnes te onere leuabunt, videntes te illi ferendo parem non esse. Sed vide, ne omnino te illo subleuari patiaris temerè: verum

interpella eos, dicens : Ego quoque vobiscum partem habere cupio : & cooperare iis pro viribus, quas tibi largitus est Dominus. Nam scrutator cordium, qui nos creauit, nobisque vitæ spiritum dedit, nouit quas singulis vires attribuerit. Si enim post arreptam solitudinem, contraria diuini mandatis egerimus : in vanitatem res tota resoluitur. Quod si subrepens inimicus, concupiscentiam rerum præteritarum in mente tua seminauerit : vide ne vlla quidem ratione patiaris cum huiusmodi cogitationibus versari ac colloqui : nam præteritarum memoria rerum, superbiam iis parit, qui temerè ac sine ratione eas mente pertractant. Quando porro spatium ac locum, superbix operibus perficiendis opportunum, propter institutum vitæ repugnans, non obtinuerit : tunc carnali affectioni & voluptatum concupiscentiæ mentem ipsius tradere nititur : mala autem affectio, nosti quid sit ? passio ea est improba, Deum irritans, & homines exacerbans, quam destruet Dominus : Ipsi gloria in sæcula seculorum, Amen.






S. P.

E P H R Æ M

TRACTATVS MINORES ASCETICL

I. BEATITVDINES.

CAPVT I.

1.  EATVS, quia cunctis rebus terrenis vanæ huius vitæ, totus est liber in Domino, ac Deum solum bonum atque misericordem amplectitur.

2. Beatus, qui virtutes excolit, & velut terra fertilis exculta, vberes vitæ fructus profert in Domino.

3. Beatus, qui bonus virtutum cultor est, vineamque spiritalem plantauit, ac vindemians torcularia sua fructu vitæ suæ replet in Domino.

4. Beatus qui spiritali gaudio suos reficit conseruos, ex fructu virtutum, quas suo excoluit labore, vt fructum referret in Domino.

5. Beatus, qui Angeli cælestis instar sacre communioni atque orationi vacat, puras quotidie sibi cogitationes retinens, nec aditum improbo patefacit dæmoni, quo animam suam captiuam à Deo Salvatore abducatur.

6. Beatus, qui prudenter & cum iudicio planctum quaerit, & cum compunctione lacrymas in terris coram Domino fundit, velut pretiosas margaritas.

7. Beatus, qui vitæ sanctimoniam, vt lucem sectatur, & corpus suum non coinquinat tenebrosis maligni operibus coram Domino.

8. Beatus, qui corpus suum in sanctificationem seruat Salvatore, & non dedecorat animam suam operibus diabolicis, sed compositam retinet mentem in Domino.

9. Beatus, qui odio habet omnem turpitudinem peccati, & seipsum hostiam viuentem & bene placentem Domino obrulerit.

10. Beatus, in cuius pectore semper Dei memoria infederit; erit enim totus ille tanquam Angelus cælestis super terram, cum timore & amore Domino sacrificium offerens.

11. Beatus, qui pœnitentiam, qua peccatores saluantur, amplectitur ac diligit; neque iterum velut in Saluatorem nostrum Deum ingratus animum ad peccandum appulit.

12. Beatus, qui in sua sedens cella, instar strenui militis, regni thesaurum, id est, corpus suum cum anima sine reprehensione conseruauerit in Domino.

13. Beatus, qui in cella sua in Domino, tanquam Angelus cælestis, castas retinet cogitationes, suoque collaudat eum ore, qui omnium spirituum potestatem habet.

14. Beatus, qui factus est sicut Seraphim & Cherubim, & in diuino ac spiritali officio nunquam est segnis, sed assidue glorificat Dominum.

15. Beatus, qui semper spiritali gaudio plenus est, nec in portando suauis iugo Domini pigrescit: coronabitur enim in gloria.

16. Beatus, qui se purum & incontaminatum ab omni sorde seruat peccati, vt confidenter atque audacter in domum suam Regem gloriæ Dominum nostrum Iesum Christum suscipiat.

17. Beatus, qui ad immaculata mysteria Saluatoris cum reuerentia & tremore atque horrore accedit, certo sciens se vitam in seipso recipere sempiternam.

18. Beatus, cui ob oculos quotidie versatur memoria mortis, fœdasque destruit cupiditates, quæ in ignauorum latitant cordibus, quoniam in hora separationis animæ à corpore, consolationem accipiet.

19. Beatus, qui assidue animo secum timorem complectitur gehennæ, & per veram atque synceram pœnitentiam lacrymis ac suspiriis Dominum sibi propitium reddere studet; quia ex magna & horrenda angustia liberabitur.

20. Beatus, qui sponte se assidue humiliat: quoniam ab illo coronabitur, qui pro nobis seipsum ultro humiliavit.

Gen. 10.

21. Beatus, qui omni cum pietate ac reuerentia in cella sua sedet, quemadmodum Maria iuxta pedes Saluatoris; & in Domino & Salvatore nostro Christo suscipiendo sollicitus est sicut Martha,

22. Beatus, qui diuino timore incensus, semper in se Spiritus sancti ardorem retinet, & spinas ac tribulos prauarum cogitationum exurit.

23. Beatus, qui operibus malignis manum suam non polluit, sicut solent prophani: etenim super hoc in die illa tremenda iudicium erit coram Domino.

24. Beatus, qui pulchras ac bonas quotidie cogitationes excolit, & spe improbas cupiditates, quæ per desidia generantur, vincit quibus oppugnari solent athletæ Domini,

25. Beatus, qui in opere Domini se gerit instar strenui militis, desides excitando, & pusillanimes in via Domini & Saluatoris adhortando.

26. Beatus, qui in Domino fructibus bonis abundarit, ut sanctos Dei Angelos sibi custodes habeat, sicut fructifera arbor à proprio custodiri solet agricola.

27. Beatus, qui cum prudentia spiritali mansuetudinem amat, & supplantari non se permittit à serpente improbo, cum omnem spem suam in Domino bono & misericorde defixam habeat.

Gen. 4.

28. Beatus, qui sanctos colit ac proximum diligit, & inuidiam, qua Caim concitatus fratrem occidit, ex sua propellit anima.

29. Beatus, qui factis ipsis reprehendit tyrannum, & à conspectu flammæ voluptatum non inhorruit: nam rore Spiritus sancti perfundetur anima illius.

30. Beatus, qui menti suæ tenebrosam diaboli nebulam offundi non est passus, neque proprio lumine iustorumque læticia est priuatus.

31. Beatus, qui puris oculis cordis semper contuetur Dominum: quoniam hic à cupiditatibus cogitationibusque improbis liberabitur,

32. Beatus, qui bona & honesta amat colloquia, & praua ac turpia, quæ corrumpunt mores bonos, detestatur; quoniam non reddetur mancipium diaboli.

33. Beatus, qui proximum suum admonet cum timore Dei, nec animam eius decipit: assidueque ferream magni Pastoris virgam pertimescit.

34. Beatus, qui ex mandato Dei morem gerit proximo, & tribulationes æquo perfert animo: coronabitur enim talis velut confessor in Domino.

35. Beatus, qui ex præscripto Dei temperans est ac continens, nec ventris causâ damnatur, deliciis ac sordibus indulgens: magnificabitur enim talis in Domino.

36. Beatus, qui se ab ignauitatis vitio, velut parum virilis vinci nequaquam patitur, sed perfectam amplectitur patientiam, cuius subsidio muniti Sancti Dei omnes, suas acceperunt coronas.

37. Beatus, qui non inebriatur vino, quasi gulæ luxurique deditus, sed semper se oblectat in recordatione Domini, in quo cuncti Sancti sese oblectare solent assidue.

38. Beatus, qui ex Dei voluntate suas facultates dispensat, & non repudiabitur à Deo Salvatore nostro velut auarus & immisericors in proximum.

39. Beatus, qui precibus, ac lectionibus, bonisque operibus intentus est semper: illuminabitur enim talis, ne vnquam in morte obdormiat. *Psal. 111.*

40. Beatus, qui bona euasit sagena spiritalis, multosque pisces optimo suo capit Domino: commendabitur enim eiusmodi valde in Domino. *Matth. 13.*

41. Beatus, qui proximo bonum suæ præbet exemplum virtutis, nec illius offendit conscientiam, faciens ea quæ non conueniunt; benedicetur enim talis in Domino.

42. Beatus, qui longanimus est & misericors, barbareque se iracundiæ ac bili mancipium non facit: quoniam talis exaltabitur in Domino.

43. Beatus, qui in charitate sublimis est, velut ciuitas super montem posita, quam cum aspexit hostis, recessit cum timore, ab eius sibi munitione metuens in Domino.

44. Beatus, qui fide clarescit Domini, & tanquam coruscans lucerna super altum candelabrum ardens, ani-

384 S. PATRIS EPHRÆM SYRI,
mas tenebrarum caligine obductas, quæ infidelium atque
impiorum partes sequuntur, illuminat.

45. beatus, cuius anima instar palmæ arboris floret
in rectitudine fidei: neque peruersis hæreticorum, infide-
lium, ac impiorum sectis, tanquam spinis impellitur.

46. beatus, qui amore semper capitur veritatis, &
os suum tanquam impium instrumentum non accommo-
dat mendacis, assidue formidabile illud præceptum do-
mini de verbis otiosis reformidans.

Matth. 7.

47. beatus, qui non iudicat proximum suum ut insi-
piens, sed ut prudens atque spiritalis erititur trabem eii-
cere ex oculo proprio.

48. beatus, qui palpebras oculorum suorum cohibet,
neque cogitatione aut sensu seipsum decipit, studio curandæ
cutis vacans, vnde paulò post distillat sanies atque putredo.

49. beatus, cui ob oculos versatur dies emigrationis
ab hac vita, quique superbiam abominatur, priusquam
imbecillitas naturæ nostræ in sepulchro putrefacta redar-
guatur à morte.

50. beatus, qui mente sua versat mortuos tumulati-
m in sepulchris dormientes, omnemque fœtidam à se repellit
concupiscentiam: nam in gloria excitabitur, quando cæle-
stis tubæ clangor audietur, filios hominum expergefaciens.

51. beatus, qui prudentia spiritali stellarum chorum
gloria resplendentem contuetur, & ex cælorum pulchri-
tudine, amore ac desiderio rapitur contemplandi Crea-
torem vniuersorum.

52. beatus, in cuius mente versatur ignis ille qui des-
cendit super montem Sion, clangorque tubarum resonat,
& Moyses in medio cum timore atque tremore consistit:
quique salutis suæ non est immemor.

53. beatus, qui non confidit in homine, sed in Domi-
no, qui iterum venturus est cum gloria multa iudicare totum
vniuersum in iustitia: erit enim velut aqua iuxta aquas redun-
dans, & fructum facere non cessabit.

54. beatus, cuius mens tanquam nubes pluuiis, di-
uinâ gratiâ plena est, animasque mortalium ad incremen-
tum fructuum vitæ capiendum irrigat: quoniam gratia ipso-
rum in sempiternam cedit gloriam,

55. beati,

55. beati, qui ex Dei præscripto quotidie sunt vigiles ac sobrii, siquidem à Deo protegentur in die iudicii, & ut filij sponsi in exultatione & lætitia eum aspicient.

56. Sed ego meique similes, inertiae ac voluptatibus dediti gementes ac flentes contuebinur fratres nostros in gloria incomparabili, nos ipsos autem in tormentis. Atque ista in se dum mecum perpendo, charissimi, in lacrymas prorumpo, quippe qui post cursum inceptum mox deficiam, & in medio, quod aiunt, stadio à cursu desistam, miserandum spectaculum aspicientibus me præbens. Quomodo ergo segnitiam ac negligentiam meam maximam non debeo non deplorare? Alij siquidem in sacco ac ferro se ipsos humiliarunt: alij verò inter septa claustrorum ieiuniis vacantes, Domino seruiuerunt; alij etiam columnis alligati certamen absque reprehensione subierunt; alij in deserto ac solitudine virtutem coluerunt; alij denique obedientiae coronas acceperunt. Ego autem miser, meique similes ignaui atque ambitiosi, formam quidem ac habitum pij religiosique sumus, sed re ipsa pietatem atque religionem exuimus. Quis mihi hinc citra stuporem mentis enumeret passiones Sanctorum Martyrum, non virorum duntaxat, sed & foeminarum? Illi Dominum suum sequentes humiliabant se ipsos: nos autem honores & salutaciones in foro expetimus. Illi pietatis amore in custodiis conclusi famem, sitim, vincula & cruciatus sunt perpessi: nos verò ne minimum quidem laborem atque molestiam sufferre æquo animo possumus, sed delicias ac voluptates totis consecretamur viribus. Illi contumelias atque contemptus ad mortem usque libenter sustinuerunt: at nos etiã bona consilia & admonitiones aspernamur. Illi focum ac flammam non curarunt: at nos ne durum quidem verbum perferimus. Illi ad cruciatus & tormenta gaudentes atque lætantes publice incedebant: nos autem eorum audientes certamina, demiramur quidem, verum imitari ea nolumus. Quocirca multis opus est nobis gemitibus ac lacrymis, ne è regno eiiciamur cælorum, cum magna certantibus proposita sit gloria.

57. Ne simus igitur negligentes ac pigri in diuinis officiis: non enim iniustus est Deus, ut obliuiscatur operis seruorum suorum, qui quidem se totos diuinæ eius volunta-

ti submiserunt deuoueruntque ; qui propter sanctum nomen eius huic seculo renuntiarunt, qui propriis relictis parentibus se longævos fecerunt ; qui ad fores eius pullant horâ tertiâ, sextâ, nonâ, vesperi, & manè, aut potius tota die ac nocte, & existinas eiulmodi humilitatem à Deo parui pendere absit. Clausuras nanque tolerant, manibus operantur, ieiuniis vigiliisque incumbunt, insultus malignorum spirituum sustinent, genua ad orationem flectunt, frontem assidue in pavementum concutiunt, diuinam eius bonitatem suppliciter deprecantes. Et horum ipse preces despiciet absit. Homo quantumuis horridus atque austerus, ab aliis ad eum officiosè ac blandè accedentibus, placari se permittit : & Deus, qui benignus est & bonus, qui diues est in misericordia, & ingratorum quoque miseretur, eiulmodi afflictionem, religionem, gemitus, lacrymas, patientiam, sanctitatem, humilitatem, taciturnitatem, submissionemque aspernabitur ? Nullo sanè modo. Caueamus ergo animos despondere, & in diuinis officiis negligentes esse, charissimi : quin potius confidenter atque audacter pulsemus. Nam quantò diutius perseueraueris pulsando, tantò locupletior tibi merces erit. Assidue vigila. Qua enim hora minimè expectas, mittet Dominus qui te congregent in horreum vitæ, in cætum iustorum : vt deinceps perpetua fruaris quiete, ab omni sollicitudine liber, vbi non est bellum neque aduersarius. Sublatus siquidem ibi erit hostis, qui nobiscum in pugnam descendat, simul cum belli occasionibus. Est autem belli occasio, cupiditas pulchritudinis ad congressum. At in cælo neque nubent, neque nubentur : sed sunt sicut Angeli Dei in cælis. Rursus occasiones belli sunt diuitiæ & gloria in terris, verùm hæc cuncta corruptibilia sunt, cùm sint terrena. Idcirco & quidam nos Sanctorum instruens, ait : Nolite diligere mundum, neque ea quæ in mundo sunt. Si quis diligit mundum, non est charitas Patris in eo. Nam concupiscentia carnis, & concupiscentia oculorum, & superbia vitæ non est ex Patre, sed ex mundo est : Et mundus transit, & concupiscentia eius. Qui autem facit voluntatem Dei, manet in æternum. Sicut enim qui in senticetum incidit, à vepribus & spinis pungitur, quousque exilierit in locum mundum, at vbi iam inde se extricarit,

Mart. 1.

1. Ioh. 2.

non amplius timeret spinas illas: Ita & sancti homines dum in similem locum sentibus ac spinis plenum incidunt, pro calceis, studio atque industria vtuntur: vnde fit, vt per medium illarum euntes, ab iis minimè vulnerentur. Inertia verò ac otio dediti, ab iis detrimentum capiunt intereuntque. Atque hoc significans Dominus filio, qui reuersus erat, Lnc. 13. mandauit dari calceamenta pro pedibus cum stola & annulo, vt audacter atque intrepidè caput calcaret serpentis. Similem verò dicit esse loco spinis referto præsentem vitam, in qua spinarum instar renascuntur peccata. Locus autem purus est cælestis Hierusalem, quæ est ciuitas Regis magni, vbi exultat tristitia, dolor, & gemitus. Qua vtinam perfrui nobis omnibus liceat gratia & benignitate Domini nostri Iesu Christi. Amen.

CAP. II.

1. **B**eatus, qui præsentem hanc vitam odit ac deserit, & in solo Deo omnis meditatio vitæ suæ est.

2. Beatus, qui odit ac derestatur pessimum peccatum, Deumque solum bonum atque benignum & redemptorem peccatorum diligit.

3. Beatus, qui est purus super terra, tanquam Angelus cælestis, & imitator factus Seraphim, castas assiduè cogitationes colit.

4. Beatus, qui castus est Deo, ac sanctus, & purus à cunctis spurcitiis cogitationibusque ac operibus improbis.

5. beatus, qui totus in Domino est liber à cunctis rebus terrenis, & huius vitæ vanitatibus.

6. beatus, in cuius mente versatur formidabilis illa futuri iudicii dies, & qui lacrymis vulnera animæ suæ curare studet.

7. beatus, qui prorsus est vt nebula in lacrymis, assidueque flammam ignis improbarum passionum atque concupiscentiarum restinguit.

8. beatus, qui in via ambulat mandatorum Domini, mansiones iugiter syncerè sibi faciens per fidem & charitatem.

9. beatus, qui in bonis moribus proficit, mentem in rebus diuinis ac continentia exercendo, & à Deo se regnum cæleste accepturum sperat.

10. beatus, qui horribilis mandati Domini de verbis otiosis meminit, & ori suo custodiam ponit ne excidat à mandatis eius.

11. beatus, cuius anima facta est instar ligni nuper facti, semper lacrymas secundum Deum, tanquam flatum aquæ continens.

12. beatus, qui pro optimis furculis virtutes ac vitas sanctorum perfectorumque Patrum in sua plantat anima.

13. beatus, qui plantas suas irrigat precationibus ac lacrymis, ut fructus gratos proferant Domino.

14. beatus, qui flammâ diuinæ charitatis incensus fordidas quascunque cogitationes & animæ suæ inquinamenta comburit.

Matth. 13. 15. beatus, qui suapte voluntate est velut terra pulchra ac bona, fructificans semen bonum in trigesimo, sexagesimo, & centesimo.

16. beatus, qui ex instituto inuentus est semen bonum in agro, quod in suo agro seminauit Dominus.

Matth. 13. 17. Beatus, quicumque electam & celestem illam inuenit margaritam, venditisque vniuersis suis in terra bonis, coëmit illam solam.

18. Beatus, quicumque in agro absconditum thesaurum inuenit, ac gaudens vendidit sua omnia, & possedit illum solû.

19. Beatus, qui animo suo versat assidue diem ex hac vita discessus, studetque sedulo paratus & intrepidus horâ illâ inueniri.

20. Beatus, quicumque in hora illa emigrationis, quando cum timore atque dolore anima separabitur à corpore, fiduciam repperit. Venturi enim sunt Angeli, qui animam à corpore iam separatam accipiant, sistantque ante tribunal immortalis ac tremendi Iudicis.

21. Magnus nos timor inuadet, ô fratres, in hora mortis, quando cum tremore atque dolore separanda erit anima à corpore. Siquidem in hora illa discessus præsentabuntur animæ suæ quæ gesserit opera diurna atque nocturna,

sive bona sive etiam mala. Impellentibus autem eam iam Angelis ut exeat à corpore, illa respiciens ad sua opera egredi pertimescet: peccatoris verò anima cum timore è corpore recedet, & tremebunda abibit, statuenda ad tribunal immortalis Iudicis. Cum autem iam emigrare cogetur è corpore, contuebiturque sua opera, tunc cum timore dictura est ipsis: Concedite mihi vnus adhuc horæ spatium, donec egrediar. At cuncta eius opera simul vna voce respondebunt, dicentque ei: Tu nos fecisti, tua opera sumus, tecum vnà ad Deum ibimus.

22. Despicientes igitur vanitatem huius vitæ, fratres mei charissimi, Christum vnicum desideremus bonum, ac sanctum redemptorem animarum nostrarum. Ignoramus, fratres, qua hora ac tempore noster exitus futurus sit. Nemo nostram diem & horam separationis animæ à corpore exploratam habet. Nobis enim super terram absque omni sollicitudine ambulantes, & deliciis ac voluptatibus feruentibus, repente formidabile mandatum à Domino emittitur separationis animæ à corpore. Migratque peccator die ac horam non expectatam, animam plenam peccatis habens, nec iis excusationem reperiens. Quamobrem hortor moneoque, charissimi, ut efficiamur liberi, neque vanæ & fugacis vitæ huius seruitute detineamur. Hæc vita offendiculis & laqueis mortis plena est: ab his mentem nostram assidue quasi alis quibusdam extollamus. Improbis dæmon perpetuò nostris animabus struit insidias, ut cum eas scandalis affecerit, ad æterna supplicia pertrahat. In medio scandalorum ac laqueorum incedimus, charissimi: quare attendamus nobis, ne in laqueos malignæ mortis incidamus. Cuius licet laquei dulcedine sint pleni, caueat anima nostra ne laqueorum istorum dulcedine relaxetur. Sollicitudo quippe rerum terrenarum ac pecuniarum, necnon prauarum cogitationum atque actionum, laquei sunt diaboli. Caue, dulcedine laqueorum mortis capiaris, frater. Caue, dissolutus laxeris meditatione improbarum ac turpium cogitationum. Quòd si aditum sibi in animam cogitatio mala fecerit, iniqua meditatione iugiter eam oblectat, ut in laqueos mortis sempiternæ ipsam tradat. Nisi enim precibus ac lacrymis, abstinentiâ atque vigiliis improba cogitatio expellatur: fit in-

anima velut laqueus quidam periculosus. Idcirco aduigila; & liber esto à cunctis rebus terrenis, vt ab omnibus cogitationibus vanis, actionibusque iniquis libereris. Caue ad momentum quidem temporis in improba cogitationis meditatione relaxeris. Caue, frater, ne cogitatio peruersa in anima tua immoretur. Assiduis ad Deum precibus, ieiuniis, ac lacrymis confugito, vt ab vniuersis scandalis laqueorum pariter & passionum libereris. Caue, tibi longam adhuc in terris vitam persuadeas, ô frater, & interrim in meditatione pessimarum cogitationum actionumque mollescas ac dissoluaris: edictum autem ex insperato emissum à Domino te peccantem offendar, nullumque tibi pœnitentiæ ac remissionis tempus reliquum tribuat.

23. Et quid dicturus es morti in hora illa tuæ emigrationis, ô Frater? Accidit enim, vt ne puncto quidem temporis te patiatur præceptum Domini in terris remanere, Venit ex insperato mors, & hominem reperit peccatorem ac diuitem, sibi multos adhuc annos, quibus se quietè super terram victurum credit, computantem, summamque pecuniarum suarum atque vsuræ in digitis supputantem, & in multa annorum tempora numerum suarum diuitiarum partientem. Venit autem mors ex insperato, vt dixi, & omnem eius computum vnà cum diuitiis & solitudinibus vanissimi temporis in momento destruit. Venit rursus mors eadem ad virum iustum ac sanctum, quem bonas & cælestes diuitias precibus ac ieiuniis suis congregantem, mortemque assiduè ob oculos habentem, nullatenusque mortis aduentum corporisque separationem metuentem inuenit. Sic & tu semper velut intelligens ac spiritalis quotidie mortem ac separationem animæ à corpore, apparitionemque ad tribunal Domini meditare atque expecta. Lampadem tuam quotidie tanquam prouidus ac prudens atque paratus instructam habe, eamque iterato singulis diebus ac horis cum lacrymis atque orationibus. Vt omni tempore parata sit aduerte. Quandiu tibi est integrum, neque oppugnaris, serio tuis rebus consule, Frater charissime. Veniet enim tibi tempus incredulitatis, mollitiei, ignauiae, atque duritiei plenum, quod præ confusione sua, quæ sint potiora cogitare non sinet.

24. Attendite, charissimi mei, quo pacto omnia iam mala

vigeant, quomodo pessima quæque quotidie suos progressus faciant, quomodo scelera atque nequitiae passim accrescant, quæ omnia futuram confusionem, magnamque illam tribulationem superuenturam in omnes fines terræ, portentunt. Propter nostra peccata, quotidie ista contingunt aduersa: propter nostram relaxationem atque ignauiam vitia in terris regnant. Simus ergo vigiles Dei amatores, & strenui aduersus hostem improbum bellatores, ut illum quotidie debellando, in pugna superemus, velut perfecti amatores Dei. Instruamur & moribus huius belli, siquidem inuisibilis est hostis, quo cum illud suscipitur: sunt autem in hoc positi mores belli istius, ut nos rebus spoliemus terrenis. Si mortem assidue ob oculos constitutam mediteris, non peccabis. Si rerum terrenarum desiderio exutus fueris, in pugna non superaberis. Si terrena oderis, momentanea que ista, charissime, despexeris: tunc victoriæ palmam tanquam optimus belligerator consequeris. Cum enim res terrænæ deorsum ad se trahant, & passiones oculos cordis in bello offuscent, hanc ob rem nos in conflictu belli improbus vincit hostis, quod terrenarum rerum nimium satagamus, & cupiditatibus seruiamus. Nam quotquot sumus, terrena diligimus, charissimi, & in terris mentem nostram defixam habemus, nimia nostra mollitie atque segnitie diffuentes.

25. Dies inclinat ad vespeream. Tempus nostrum effluxit, & hora mortis instat: nos autem, fratres, tanquam increduli, horam adhuc matutinam esse putamus. Ecce præforibus est regnum cælorum; & nos interim ab hoc vniuersum nostrum auditum auertimus. Signa & prodigia à Domino prædicta iam contigerunt. Pestilentia, fames, terræ motus, terrores, bella, ac gentium motus, & quæcunque sunt eiusmodi, nobis pro somniis referri videntur; neque quidquam eorundem commouemur auditu vel etiam aspectu. Electi ne videant magnam illam confusionem atque pressuram, quæ iniquum hunc mundum obruet, ante tribulationem colliguntur. Iam tempus aduenit messis, & maturuit seges. Finitum hoc nunc est seculum, & Angeli arreptis suis falcibus nutum mandantis Domini præstolantur. Timeamus ergo, charissimi, hora iam est vndecima diei, & prolixum adhuc iter nobis superest. Ad hoc incumbamus,

ut in via nos Dominus offendat. Sobrii simus, & euigilemus à somno velut insomnes. Ignoramus, qua hora Dominus vniuersæ terræ venturus sit. Quare à nobis onus atque sollicitudinem rerum terrenarum deponamus. Vetat enim Dominus, sollicitos omnino nos de quacunque re super terram esse; commendatque mutuam inter nos charitatem Deus. At à nobis potius charitas exterminata est, & è terris profligata. Non inuenies super terram charitatem secundum Deum perfectam, apud omnes exulat, omnibus est odio charitas: potius autem in terris hodie regnat inuidia, contentiones, atque confusiones, peccatis plena sunt omnia. Cunctos pariter iniquitas occupauit, & iniustitia. Vnusquisque nostrum terrena concupiscit, cælestia spernit, & momentanea atque fugacia ista sectatur, futura diligit nemo.

26. Cupis cælestis fieri? sint tibi semper odio atque detestationi quæcunque res terrenæ: in his quæ perfectionis sunt te exerce, & ad cælestia regna aspira. Caue autem tecum cogitando, sic dixeris, Monache: Magnus in exercitatione consistit labor, ego verò pusillus sum & imbecillis, exercitiorum laborem ferre non possum. Auribus tuis pulcherrimi optimique consilij verba percipito, & quæ tibi, Christi amantissime atque charissime Frater, dicturus sum, memoriæ manda. Si ad aliam longinquam regionem seu patriam, tibi foret peregrinandum, non poteris totius itineris intervallum, vnico temporis momento absolvere: sed pedetentim quotidie per multa loca ac tempora proficiscens, post magnos tandem itineris exantlatos labores, peruenies quò tendebas. Sic quoque de cælesti regno & paradiso deliciarum agitur, quò per ieiunia, per abstinentiam, & per vigiliis vnusquisque peruenire potest. Siquidem abstinentia, lacrymæ, preces, vigiliæ, atque dilectio, ipsæ sunt viæ quæ in cælum ducunt, ad Dominum. Caue verearis pulchrum initium bonæ viæ suscipere, quæ in vitam ducit æternam recta ad Deum. Per illam solam ingredi viam; & si promptus in te fuerit animus, mox eadem via ante pedes tuos, præparabitur. Non sine gaudio & oblectatione per iter illud virtutum mansiones facies. Gressus animæ tuæ singulis mansionibus firmiores reddentur. In

hac via, quæ ducit ad cælum, nullam inuenies difficultatem: Dominus ipse cælestis per seipsum factus est via vitæ his, qui cum gaudio ad Patrem luminum peruenire cupiunt.

27. Tu mihi, Christe Saluator, factus es via vitæ, ad Patrem tuum ducens. Sola hæc gaudium in se continet, finisque eius regnum cælorum est. Factus es tu mihi, Domine Iesu Fili Dei, via vitæ & illuminatio, hausique per meipsum ex fonte dona, plenus desiderio. Facta est tua gratia in corde serui tui lux atque lætitia, dulcior in ore famuli tui, super mel & fauim. Facta est gratia tua in anima serui tui velut thesaurus, paupertatem meam ditauit, egestatem & sordes à me depulit. Facta est gratia tua seruo tuo refugium & virtus, protectio & exaltatio, gloriatio & cibus totius vitæ. Quomodo ergo seruus tuus, ô Domine, magnam gratiæ ac charitatis tuæ dulcedinem silere poterit? Indignum os meum aperui: sed quo pacto lingua mea largiorem bonorum quotidie pro dignitate laudare & glorificare poterit? aut quomodo rursus ego peccator excludere audebo gratiæ tuæ fluctus in corde meo pullulantes, ac suauitate diuersissimorum munerum plenos? Canam ergo gloriam cælorum Domino, qui famulo suo dona cælestia per multiformem suam gratiam est largitus. Magnificabo gratiam tuam, Christe Saluator, in hac etenim celebranda mihi ipse laudem & magnificentiam in ea inuenio. Non cessabo, Domine, linguam meam gratiam tuam collaudare. Non silebit mea cithara in modulandis canticis spiritualibus. Ad te, Saluator, qui gloria es vitæ meæ, desiderio tui trahor. Tua gratia mentem meam ad sequendum te mira quadam dulcedine impellit. Fiat tibi cor meum terra bona, quæ semen tuum bonum suscipiat: perfundatque illam rore vitæ æternæ gratia tua. Eademque gratia è terra cordis mei metat sibi pro fructu optimo compunctionem, adorationem, sanctificationem, cuiusmodi semper tibi sunt gratissima. Conuertere meam animam cum oue illa perdita atque inuenta, ad ouile paradisi deliciarum. Anima mea tuo illustrata reperitur lumine. Et sicut ovem illam inuentam in humeris tuis sustulisti, ita quoque indignam hanc meam animam ad te manu tua trahito, offerasque vtramque immaculatissimo atque immortalis Patri tuo coram Angelis & Archangelis, Cherubim &

Seraphim, vt cum omnibus Sanctis in deliciis illis paradisi dicere mihi liceat: Gloria Patri immortalī, & Filio immortalī, & Spiritui sancto immortalī. Adoratio, honor, atque imperium tibi, Domine, qui cælestia dona mihi vili atque inutili famulo tuo dedisti; vt gloriæ drachmam ipse offeram Regi vniuersorum. Amen.

CAP. III.

1. **B**Eati qui Deum amant: & propter eius amorem terrena quæcunque contemnunt.
2. Beati, qui die noctuque lacrymantur: quoniam ab ira futura liberabuntur.
3. Beati, qui se sponte humiliant: quoniam ibi exaltabuntur.
4. Beati temperantes: quoniam deliciis paradisi resicientur.
5. Beati, qui vigiliis atque piis exercitationibus sua corpora faciunt: quoniam gaudia paradisi sibi præparata iuuenient.
6. Beati, qui ab improbis sordidisque cogitationibus se puros custodiunt: quoniam Spiritum sanctum secum habitantem retinebunt.
7. Beati, qui ex toto corde Deum potius quam totum mundum diligunt: quoniam inter amicos Christi ipsi computabuntur.¹
8. Beati qui sponte ac voluntariè crucem suam ferunt, & verè Christum diligunt: quoniam ad supernam Hierusalem peruenient.
9. Beati, quibus in veritate præcincti sunt lumbi, & præparatis lampadibus suis cælestem sponsum expectant: quoniam cum ipso regnaturi sunt in regno cælorum.
10. Beatus, qui oculis cordis semper defixus est in contemplatione futurorum bonorum, quoniam ea consequetur.
11. Beatus, cui quotidie ob oculos versatur dies defensionis atque iudicij, studetque illo die inueniri probatus.
12. Beatus, qui carnis voluptates superauerit: quoniam in nouissimo iudicij die fiduciam inueniet.
13. Beatus, qui in terris luxerit: quoniam in cælis vnâ cum Angelis Dei gaudebit.

14. Beatus, qui propter Deum in hoc mundo aduersis affligitur: quoniam fructus laborum eius in cælis germinabunt.

15. Beatus, qui non comedit panem suum gratis, magis autem laborauit, operando manibus suis, secundum Apostolum, quod bonum est; vt habeat vnde tribuat necessitatem patienti: quoniam requiescet in sinu Abrahamæ.

2. Thess. 3.
Ephes. 4.

16. Væ autem illis, qui peccatis impliciti iacent, & acceptabile tempus pœnitentiæ non agnoscunt: quoniam ibi æternus eos pœnitentiæ dolor, licet frustra, capiet.

17. Væ illis, qui dictitant: Interea, dum per tempus licet, carnis voluptatibus indulgeamus, & vbi consenuerimus, pœnitentiam agemus: quoniam sicut laqueus superueniet iis repentinus interitus, & vana spes illorū deperibit.

1. Thess. 5.

18. Væ illis, qui sua sponte peccant, dicentes: Cras pœnitentiam agam, & interim ignorant quid superuentura pariet dies, vel etiam nox, quæ in medio interiacer.

Præf. 15. 17.

19. Væ illis, qui cū bonum cognoscant, manum dant improbis: quia in die emigrationis ex hac vita Angeli mali animas eorum rapient.

20. Væ illis, qui prauis suis actionibus proximos suos scandalizant; quia in die iudicii rationem reddituri sunt, etiam eorum, quibus verbo vel exemplo suo malo aliis scandalum atque offendiculum pepererunt.

21. Væ illis, qui dum mundo renuntiauerint, iterum quæ mundi sunt sapiunt: quia in eos atrati parabola retorquebitur.

Lucæ 9.

22. Væ illis, qui postpositâ curâ animæ suæ, sequuntur appetitum carnis: quia vita & spes omnis illorum in terram dissoluetur.

23. Væ illis, qui non student cunctis viribus se hîc præparare, ac vitam suam instituere; vt ibi gratam acceptamque coram iudice defensionem sui habeant.

24. Væ illis, qui patientiam deperdiderunt, & quid agent cū eos visitabit Dominus?

25. Date operam, charissimi, vt exiguo hoc vitæ curriculum, vobis ipsi non desitis; sed per pœnitentiam ac lacrymas, longanimum & misericordem Deum vobis concilietis, qui nos ad se reuertentes suscipiat, & vitam præbeat. Curam salutis nostræ abjicere caueamus, mundi que voluptatibus

nequaquam indulgeamus; cum enim ad horam durant, post se dolorem relinquunt, & mox ad alios fugiunt. Omnisque gloria mundi huius est terra una in aliam terram migrat, & præter solum peccatum poenamque peccati, aliud nos sequitur nihil. Nemo nobis illa die poterit auxiliari, non amicus, non propinquus, nec alius quispiam: nisi sola hæc acta poenitentia, & virtutes poenitentiae cooperatrices, vera charitas, humilitas, obedientia, abstinencia, & omne denique secundum Deum opus bonum, quod gesserimus. Ista nos ex hac vita comitabuntur; ista contrariis potestatibus, quæ nos in nostro ex hac vita exitu occupare nitentur, resistent. Ista nos ante Christum Salvatorem nostrum statuent: ut eum adoremus, & glorificemus, cum Patre & Spiritu sancto, nunc & semper, & in secula seculorum. Amen

II. DE RECTA VIVENDI RATIONE.

1. **S**I rectam vivendi rationem expetis, te in humilitate exerce, sine qua recta vitæ ratio consistere nequit.

2. Viator à recto deflectens itinere, in peregrina regione errabundus diuagatur: Et qui ab humilium declinat semita, in castris iustorum suum non figet tabernaculum.

3. Omnia tua cum humilitate in nomine Salvatoris nostri Iesu Christi operare: in hoc enim fructus tuus in cælum extolletur. Superbia enim arbori excelssimæ, sed putridæ similis est, cuius undique facile confringuntur rami, in quam si quis ascenderit, celeriter in profundum corruet.

4. Initium desertionis hominis est recessus ab humilitate. Qui autem à Deo deseritur, ab improbo spiritu præfocabitur sicut Saül.

• Reg. 19.

5. Gravem puta suffocationem peccatorum premi consuetudine, neque ab eorum inundatione ad mortis usque horam emergere.

6. Si diligenter attenderis, vbique inimici laqueos tanquam mellis dulcedine circumlitos, voluptaris illecebris extensos deprehendes: ut si quis illius gustare dulcedinem velit, laqueo capiatur.

7. Caue mel eiusmodi appetas, ne illius laqueo constringaris: dulcedo enim eius ad extremam felle & amaritudine tuos amatores replet.

8. Humilitatem diligito, & nunquam diaboli laqueis capieris. Velocissimis enim humilitatis alis semper subleuatus, sublimior eris, quàm ut inimici retibus capi possis.

9. Si quem videris superbiâ elatum, aspectu luculento, habituque splendido ac magnâ comitantium cateruâ stipatum, noli inuidere aut turbari, verùm mente atque ingenio temperans esto, & paulò pòst extinctum eum videbis. Soli enim florent atque resplendent, qui ad nutum & voluntatem Dei vitæ suæ rationem instituunt.

10. Qui ob pietatis virtutisque studium Domino grati sunt, nequaquam iis, quæ in hac vita sunt iucunda, attendunt, clarè sciens illa non secus quàm flores agri velociter exarescere. Nos verò pigri ac desides, si quem corpulentum atque robustum, genisque rubicundum aspexerimus, hunc iudicamus beatum, quamvis in extrema is impietate versetur. Vnde fit, ut procul à nobis honestos vitæ labores repellamus, ignorantes quantam in se dignitatem habeat sancta religiosorum ac piorum hominum vita; quapropter etiam temperantiam ac sanctitatem auersamur detestamurque.

11. Ne puerilibus ludis attendamus, fratres, sed perfectam vitæ rationem amplectamur semper, ne piorum ac religiosorum hominum priuati gaudio, æternis suppliciis deputemur.

12. Beatus, qui spe bona plenus est, & bonis cogitationibus cordis illuminatur; eius enim gloria magna erit & sempiterna.

13. Quiete atque silentio delectemur, ut ex inspectione nostrorum peccatorum semper humiliemur, non ut arrogantiae & malitiæ cogitationes, tanquam pestíferas quasdam belluas, foueamus.

14. Silentium & quietem diligamus, ut cor mundum possideamus, templumque nobis concreditum, à peccatorum corruptione immaculatum purumque seruemus.

15. Pulchra ac bona est oratio, quæ cum gemitu & lacrymis tacitè peragitur. Quæ enim cum clamore fit, ut audiatur ab aliis, humanæ laudis studium designat. Qui autem cum iudicio ac fide deprecatur Dominum, in conspectu eius prospicit, nos in illo viuere, moueri, & esse.

16. Si cor obduratum habeas, plora coram Deo, ut cognitionis tibi lumen infundat; illosque, qui in cordis seruire clamores in cælum emittunt, ne irrideas, caue.

17. Qui honestis occupatos laboribus irridet, diaboli ministrum se facit, scelestæque eius voluntati obsequens, gaudium quod Dei seruis præparatum est, deperdet.

18. Tu autem qui in pietatis ac religionis te studio exerces, actiones tuas cum iudicio semper exequere, ne occasionem præbeas quærentibus occasionem.

19. Væ homini immisericordi, væ dolofo, & væ deliciis dedito. Quoniam acerba eos inferni manent tormenta: Ventris enim cum sint serui, Deum aspernantur, ut principatus ac dignitates in hac vita vanitatis plena consequantur. Verùm mors repente superueniens: eorum guttur exsiccat quo assidue lautas epulas excipiebant. Principatus ac potestates destruit, quibus ipsi suum Creatorem spernebant. Denique infelicium cadauera, velut stercora, in terram projiciuntur, animæ verò ad loca propria abducuntur.

20. Cum ea, qui sensui iucunda sunt, in vita conspicias, vide ne capiaris iisdem: Nam in illis laqueus & esca mortis latitat. Neque enim nudum piscator hamum in aquam dimittit.

21. Concupiscentiæ retia, velut escam in hamo, tendit aduersarius, ut animas omnes sibi obnoxias reddat improbus.

22. Quæ primùm capta fuerit anima, ad alias decipiendas fit quasi laqueus, ut voluntati inimici obsequantur; infestatque animas potissimum illas, quæ nondum dræconis acerbiteriam sunt expertæ. Sicut perdix comprehensa pro esca illis proponitur, quæ nondum laqueo captæ sunt. Circa illam enim auceps laqueos figit, ut voce sua perdix reliquas circumuolitantes, ad eosdem pelliciat.

23. Ab excolenda virtute non te deterreat labor; absque labore enim virtus comparari non potest.

24. Inter labores animi, sursum aspectum attolle, contemplanque gaudia illa, nullos labores recusabis.

25. Honestos labores laboriosè ac studiosè suscipito, ut labores inanium laborum effugias. Iustorum enim labores fructum vitæ proferunt. At labores peccatorum,

laqueis & ærumnis pleni sunt.

16. Ex præscripto Dei tribulationes atque angustias vitæ præsentis fortiter patienterque sustineto, & nequam Sanctorum spe frustraberis. Iugum enim inimici mortiferam in se tristiciam continet.

17. Qui mundi vanitatem sequuntur, bene operantes atque viuentes supplantare student, ne illorum ipsi præsentia coarguantur. Eorum autem ruina pietatis athletas coronam promereri ostendit.

18. Humilitatem cole, ne fructu honestorum tuorum laborum destituaris: hac enim reiecta, inter eos qui in vanum laborant, ipse quoque refereris.

19. Rectène vis animum instituere? Te ipsum prudenter contra voluptatum cogitationes vndique munias: ne ab iis absorbearis, naufragiumque patiaris in portu.

30. Vis portum securum tenere, firma tibi præsidia compara, ne voluptatum libidinumque procellis ac fluctibus facile obruaris, & pro portu ipse tibi scopulus atque naufragium fias.

31. Noli anchoram alligare anchoræ: ne si quid adhuc leue in te sit reliquum, facile à passionibus cupiditatibusque detraharis. Nam qui extrahere cupit illum qui in fossam incidit, virili animo apprehendere debet, ne eodem in gurgite ab illius anchora ipse quoque demergatur. Malorum enim cogitationes atque sermones, ubi locum repererint, quasi aculeis & vncis quibusdam animam figunt detrahuntque.

32. Pranorum colloquia atque commercia semper fugito, & in maxima tranquillitate animum tuum possidebis.

33. Risui atque ludibrio fit monachus, qui cum prudentia atque intelligentia spiritali cunctas suas actiones non dirigit. Synceros enim & sapientes nos omnes esse ratio postulat.

34. Nisi ardore sancti Spiritus valde te inflammatum senseris, ab aliorum cogitationibus audiendis abstineto. Duplici enim ab iis bello impugnaberis, ac primum quidem, quod eorum quæ audiimus, recordatione, anima luxu diffuere atque lasciuire incipiat: tum etiam quod rebellionem nobis moliantur qui se nobis subiecerant, nisi strenuè

per virtutem Crucifixi vitis obstiterimus. Cùm enim quis per negligentiam in eadem peccata reciderit, tunc eum, quem correctorem atque magistrum sibi delegerat, vt hostem intuetur. Ille autem si prudens sit, cunctos errores illius qui sibi subiectus est, faciliè obliuioni tradit. Potens enim est Deus rursus eundem conuertere.

35. Quemadmodum si quis columbam domi foueat, eademque fenestram fortè apertam reperiatur & ex domo auolet, non virgâ vel lapide illam reuocare conatur, sed sparsis leguminum granis prudenter studet allicere, atque recipere. Sic quoque multâ indiget prudentiâ atque experientiâ, qui cogitationum maculas purgare cupit.

36. Si lectioni incumbas, caue ex ea, quæ ad fastum & elegantiam tantum pertinent sermonis, persequaris, & consue duntaxat tuum extendatur studium, ne spiritus arrogantiae cor tuum feriat. Verum instar sapientis apiculæ mel ex floribus sibi colligentis, fructum ex iis quæ legis, pro animi medela desumito.

37. Quemadmodum si pauper quispiam inanis gloriæ cupidus, Regis sibi nomen vsurpet, ob id tamen non est Rex. Sic quoque monachus occultè comedens, & ad mensam fratrum, abstinentiam & temperantiam simulans, non se virtutem atque religionem colere, sed aranear potius telam texere ostendit: non enim per rectam viam ambulat Sanctorum: sed illorum qui humanas laudes affectant, quos sic Spiritus sanctus alloquitur: Dominus dissipauit ossa eorum, qui hominibus placent.

8 fol. 52.

38. Si mundo renuntiasti, munere tuo fungere, vt desideratam margaritam consequaris. Quidam enim post mundi renuntiationem à seculi vita recesserunt, alij quidem militiam relictâ, alij verò diuitiis distributis, ad extremum verò propria voluntate ducti adhuc ceciderunt: cùm nihil sit grauius, quàm à propria superari voluntate, & non ex diuinæ voluntatis præscripto vitæ suæ rationes dirigere, atque hi cùm se putent quamlongissimè ab huius vitæ rebus abscessisse, in ipso adhuc vestibulo hærent.

39. Filij Israël, cùm à fornace & seruitute ferrea liberati, incolumes mare rubrum transissent, donisque eiusmodi ac commodis perfruerentur, in continenti naufragati

gati sunt, quod propriæ voluntatis imperio nimium se subderent; adeo ut ex tanta eorum multitudine duo duntaxat saluati fuerint, qui diuina oracula nequaquam spreuerant: sed altissimi Dei consilium ac voluntatem piè sanctèque secuti sunt & obseruarunt.

40. Qui mundo renuntiarunt, nihil amplius cum mundo habent commune, atque hi siue primo loco constituantur, cum non sint principes, siue in postremum detrudantur locum, iidem semper sunt animo, sui que similes. Qui autem à recta pietatis sententia se auelli sinunt, facile ad mundi voluptates declinant, neque deinceps virtutis causâ certamen ullum suscipiunt, sed abiecto iugo diligentius reficiunt, quæ olim honestè dissoluerant, haud secus, quàm si virgo aliqua castissima, quæ sensus suos in thalamo atque conclaui suo diligenter curare solebat, depositâ verecundiâ corruptur, impudenterque nec Deum nec homines verita, quodcunque flagitium committat. Sed ob id nequaquam talis effugiet manus Dei. Dies enim supremus cuiusque opus ostendet: quoniam in igne probabitur. 1. Thess. 3.

41. Beatus, qui virtutem operibus prædicat. Verbis enim proprietates virtutis enarrare, & factis contraria agere, ad salutem non proficit. Quemadmodum nec qui de modestia atque temperantia disserit, & interim turpia peragit, præmia vlla consequetur.

42. Caue animo perturberis, ô amice Dei, dum homines voluptatibus deditos, cernis absque vlllo timore quæ sensibus placent sequi: flos enim eorum planè fœtet. Illorum autem, qui virtutes colunt, studia in luce resplendent, suauissimisque odoribus fragrant. Quapropter virtutum studiis insiste, ut & apud illos, qui fluxas atque fugaces voluptates sequuntur, in admiratione sis: licet enim manifestè id declarare nolint, secum tamen tacitè virtutum cultores beatos prædicant.

43. Quando videris hominum corpora studiosè compta atque ornata ad turpem amorem excitandum, caue ea admireris, neque pellis paulò post in cinerem dissoluendæ color te decipiat: sed tecum ipse ingemiscendo psalle: Memento, Domine, quoniam pulvis sumus: homo sicut scænum dies eius, tanquam flos agri sic efflorescit. Quoniam spiritus Psal. 102.

pertransibit in illo, & non subsistet: & non cognoscat amplius locum suum. Misericordia autem Domini ab æterno, & vsque in æternum super timentes eum. Quæ si præstiteris, diuina adiuuante gratia, ab hoste maligno nequaquam capieris.

44. Deum ardentè inuoca, vt perfectæ tibi continentia spiritum tribuat, quo in nocturnis etiam phantasmatibus hostiles incursiones effugere possis: velut si quis se à fera inuadi oppugnarique conspiciat, aut ab aliquo ardenti petatur face, & ex vna in aliam domum inde confugiat ne comburatur ab igne.

45. Quemadmodum absque labore ac studio, non licet etiam mediante pecunia, scientiam vel artem aliquam adipisci: sic neque monachus citra diligentiam ac patientiam, ad perfectionem religionis peruenire poterit.

46. Quemadmodum inter omnia corporis tui membra, nullum tibi præstantius est capite, & siue lapide, siue claua, siue etiam gladio petaris, reliqua corporis tui membra obiiicis, vt iectum à capite repellas, certò sciens te absque illo non posse viuere: ita rebus tibi anteponenda est omnibus fides sanctæ & consubstantialis Trinitatis, quòd sine ea vitam, quæ verè vita sit, viuere nemo queat.

47. Ex toto corde tuo spem tuam omnem in Domino defixam habe, & facile astutorum insidias euitabis: neque enim seruos suos in se sperantes vnquam despiciet deferetque Dominus.

Gen. 39.

48. Dei amantissimum Ioseph decipere gestiebat Ægyptia, magnoque impetu ad peruersum suum scopum contendebat. Ceterùm castus ille adolescens mentem suam velut rore quodam recordationis Dei perfundebat, ne impij amoris igne vreretur. Sensus autem suos munebat, ne alienis cogitationibus vllum locum præberet, & in laqueos impudicæ mulieris coniceretur, illam enim semper vt mortis laqueum intuebatur. Ideoque tentatione illa superata, coronâ donatus est, & Rex Ægypti factus.

Gen. 41. 42.

43.
Exod. 2.

Dan. 13.

49. Statuerant homines impij in Babylone aduersus sanctam animam insurgere, vt scdè eam contaminarent, verùm illa cum Deum altissimum sibi haberet adiutorem, impios illos facillimè prostrauit, deuicit. Cùmque in suo

consilio sententiam mortis in eam decreuissent, ea ipsa re imprudentes in mortis sententiam inciderunt: nec intelligebant stulti se ob idipsum morte esse damnandos. Non enim potest oculus Dei semper vigilans illudi ac decipi.

50. Incedamus, fratres, per angustam & strictam viam, ut cum honore ac laude Deum custodem habeamus.

51. Margaritæ semper in intimis conseruantur locis: ac quisquilæ & alia quæque vilia velut simus & fieri cora in plateas proiciuntur.

52. Quodd si quis in te maledicta coniiciens, scelera abs te commissâ exprobrauerit, te ipsum potius quàm alterum illum argues: Tuis enim te factis dedecorasti, ea committens, quæ ab alio tibi obiici non toleras. Noli ergo per minas & iracundiam silentium illi imponere, sed te ipsum, non patrandò amplius mala, emenda. Peccatorum enim tuorum fœtor te animæ tuæ insidiatorem ac proditorem esse manifestè designat.

53. Te ipsum per pœnitentiæ remedium à sceleribus impiisque operibus purga, & nulla te maledici vituperatio perterrefaciet.

54. Resiste peccato, ô vitæ sempiternæ cultor, & tentationis impetum ne timueris. Nulla enim tentatio strenuum pietatis atletam offendet.

55. Quod igne efficietur, igni solet obistere; lateres adhuc crudi, fragiles sunt & imbecilles, ubi autem iam igne concocti fuerint, igni simul & aquæ, sua validitate resistunt. Et sicut in vase fictili, aqua: ita in fornace flamma accensa continetur: Fornax verò ex lateribus emicat.

56. In tentationibus, & tribulationibus, tu quoque validum ac strenuum te præbe, voluptatumque ardoribus resiste, ne crudi lateris instar, qui pluuiæ guttis dissoluitur, quam habere videris soliditatem deperdas.

57. Non quæ tibi videris bona agere, rectè facta putato, sed illa quæ ab hominibus piis comprobantur.

58. Ausculta vocem Domini, ut te adiuuet, ac manus suas in affligentes te immittat, humilietque inimicos tuos, ne obaudiens audias: Dimisit eos secundum desideria cordis eorum, ibunt in adinventionibus suis.

Psal. 80.

59. Proprie voluntati ne te seruum feceris; timentibus autem Dominum morem gerito, & diuina adiuuante misericordiâ caput draconis conteres. Donec autem proprie voluntati obsequutus fueris, à perfectione te abesse scito quam longissimè. Et quantum abes à perfectione, tantum doctrinâ ac disciplinâ indiges.

60. Tribulationes atque afflictiones in Domino sustine, vt gaudio & lætitia perfruaris. Labores perfer, vt mercedis fructum referas.

61. Lapidida incidendis lapidibus, & faber ferrarius tundendo producendoque ferro, mercedem percipient.

62. Qui fugit bellum, non accipiet spolia. Et qui recusat disciplinam, inter prudentes non connumerabitur.

63. Quæ sursum sunt, contemplare, & terrena quæcunque vt humilia atque abiecta despicias. Quod si ab alto descenderis, quamcunque etiam domunculam dealbatam admiraberis.

64. O tu, qui pietatem colis, prudentiam cunctis in rebus exerce, quæ te quasi vehiculum gestabit, & ex multis offendificulis atque periculis eripiet conseruabitque. Non enim sinet sui studiosos atque amantes quidquam ad subuersionem audientium dicere, aut facere.

65. Odor prudentiæ in viro est, seipsum semper accusare; seipsum autem accusantis, alterum in eisdem errores incidens non iudicare.

66. Ex duobus seruis delinquentibus, qui idem ob crimen carcerum custodiâ detinentur, ingrati tudinis damnatur ille, qui in conseruum suum se contumeliosum atque crudelem exhibuit.

67. Illum qui in tentationem incidit, irridendo caue condemnes, sed assidue Deum ora, ne te inducat in tentationem. Cuius enim animus cogitationum turbine atque procella obscuratus est, & à perturbationibus superatus, nec homines veretur nec Deum timet. Et si quidem potens est ac diues, intrepidè mala committit. Sin imbecillus ac pauper, morum peruersitate fretus, impudenter in scelera atque flagitia fertur.

68. Caue voluptatum studiosus sis, aut aliorum contemptor, sed sacrum Psalmistam clamantem audi: Exurgat

Deus, & dissipentur inimici eius, & fugiant qui oderunt eum à facie eius. Sicut deficit fumus, deficient. Sicut fluit cera à facie ignis, sic pereant peccatores à facie Dei. Et iusti epulentur, & exultent.

69. In cellula, quam tibi delegisti, ô monache, in cordis humilitate Deum assidue ora, sicut tres illi pueri in camino ignis, & ne te speluncam latronum facias, illicita atque scelesti committens, vt non confundaris in die iudicii, quando reuelabuntur occulta hominum.

70. Qui messis tempore ignauus est, non abundabit domus eius. Et qui nunc pietatis studium atque labores negligit, in tempore retributionis consolatione iustorum destituetur.

71. Tempus nobis aduenit, fratres, timore ac tremore plenum, cum ea quæ in occulto atque obscuro gessimus, cunctis manifesta fient. Væ autem animæ illi, quæ Deum sibi adiutorem non habuerit.

72. Adeste, fratres Christo dilecti, de fine & consummatione cuiusque nostrum cogitemus, quo pacto in vanitatibus vitam hanc nostram transegerimus: Stultus enim est qui inter stultos versatur, & in rebus vanis suam vitam transigit. Beati autem, qui quandiu in hac vita sunt, pulchram pietatis atque virtutis negotiationem obeunt.

73. Quemadmodum diues secundo vento nauigans, in strato desiderat, superbo intuitu oblectamenta captans; adstant coqui, qui cibosei præparant, sequitur satellitum militumque turba: Ex inopinato autem suboritur tempestas, quæ mare turbat, & nauem confringit, ipseque solus à fluctibus & vndis in insulas desertas, ferisque atrocibus penas abripitur, vbi vociferatur & plorat, nec est qui exaudiat; verberat faciem, toto exagitur corpore, & in horas mortem expectat. Qui paulò antè, animo ita elato erat, & ceteros despiciebat, fame atque timore tabescit, & siti perit, nullusque adest qui ibi consoletur ipsum. Idem nobis quoque negligentibus in terra vel in continenti contingit. Dum enim in inani hac vita deliciis ac voluptatibus indulgemus, repente nos ignauos mors inuadit, & in loca horrore plena abripit atque detrudit, vbi cuncti cruciabun-

406 S. PATRIS EPHRÆM SYRI,
tur peccatores, qui semper Dominum suum repudiaverunt
& contempserunt.

74. Perpendamus dum in tuto sumus, in quo timore ver-
setur is qui à fluctibus in desertos conijcitur scopulos, nec
habet à quo auxilium solatiumve accipiat. Hinc quoque
cogitemus, in quanto erit metu peccator, in suppliciorum
& tormentorum locum coniectus.

75. Cor meum suspirat, oculique mei ad lacrymandum
proni sunt, sed peccatum mentem meam captivam deti-
net: ne cum cordis compunctione deprecer Dominum ama-
rissimis lacrymis, ne me projiciat in tenebras exteriores.

76. Domine, qui è manu Pharaonis & ex camino fer-
reo tuum populum liberaisti, eumque per mare rubrum
eduxisti saluum, nos quoque ab iniquitatibus nostris libe-
ra, vt in conspectu tuo gratiam inueniamus, quando ventu-
rus es iudicare viuos & mortuos.

77. Donec vires nobis suppetunt, Domino in rectitu-
dine cordis seruiamus, vt in tempore tribulationis nos ad-
iuuet, & ex ingentibus periculis liberet.

78. Cunctos sibi in cordis puritate seruientes, incredi-
bili atque immensâ decorat gloriâ, cum nullus Sanctorum
gloriæ inueniatur finis.

Iona 2. 79. Diuino iussu cetus Ionam Prophetam deglutiuit, qui
velut in quodam penu seruabatur in ventre ipsius ceti. Ca-
put eius ad montium scissuras descendit, & extrema abyssus
ipsum vallauit, in terram descendit, cuius vinctes æterni
eum constrinxerant, ibique orans, ad Deum clamabat,
dicens: Resurgat è corruptione vita mea ad te, Domine
Deus meus. Oratio eius profundum diuisit, ærem scidit,
in cælum ascendit, & in aures Domini introiuit; Aut po-
tius ipse, qui vniuersa replet, Dominus à vero iustoque hoc
suo famulo non longè absuit.

Iona. 2. 3. 80. Mandauit Dominus cete, & Prophetam euomuit,
qui quasi è naue descendens, ad prædicationem se conuertit.

81. Dentibus aduersus iustos strident peccatores. Ingruunt
tentationes. Veruntamen coronantur pij ac sancti; impij au-
tem, qui mala in sanctos Dei cogitabant, confunduntur.

3. Reg. 17. 18. 19. 82. Helias Thesbites olim persecutionem ab improba pas-

fus est fœmina. Sed corui ministerio Prophetam pascebat Dominus : peccatores verò gravissima fames inuasit.

83. Helias Propheta in curru sublatu est igneo. Impia autem Iezabel è fastigio domus suæ præceps deturbata est, & in plateis ciuitatis deuorata. 4. Reg. 2. 7.

84. Ieremiam Prophetam, quòd pios eius sufferre nequirent sermones, in cœnilacum coniecerunt impij. Quorum temeritate audita, Abimelech corpore quidem Æthiops ac niger, sed animo candidus & fide coruscans, iniquitatem Regis coarguit; Prophetamque eduxit, & benedictionem obtinuit. Jerem. 37. 38.

85. Insurrexerunt hostes in eos, qui semper Prophetas Dei oppugnabant : datusque est populus Hebræorum in hostium manus. Qui, viso Propheta Dei, vincula soluerunt, & munera obtulerunt: Magna enim illum pietate viderant conspicuum. Nam sicut qui lucernam defert, præsentibus lumen præbet, ita & virtus semper gloriæ secum splendorem affert.

86. Danielem Prophetam in lacum leonum propter eius pietatem coniecerunt impij, vt ab illis deuoraretur, ignorantes scelerati se in propriam id machinari confusionem. Deus autem per manum Habacuc, & per suum Angelum, fideli seruo suo misit prandium. Immanes autem feræ, in medio sui videntes Prophetam, inclinantes se, adorabant illum. Virtus enim cælestis ora leonum obturauerat, ne virum iustum in villo læderent. Dan. 6.

87. Propheta è medio ferarum eduçto, reprehensione se dignos cognouerunt homines illi impij, cernentes eum tanquam sponsum è thalamo, facie splendida gloriaque illustri progredientem.

88. Merito dubitabant Babylonij, vtrum ex morbo aliquo leones non attigissent Danielem, ad sextum quippe diem in medio septem leonum electus Dei fuerat, nec vlla in eo inuenta est corruptio. Venit ergo Rex die septimo, vt lugeret iustum : Et inclinans se in lacum, aspexit illum inter leones sedentem, velut pastorem in medio suarum ouium. Qua de causa merito de salute eius infideles illi dubitabant. Cum autem in lacum leonum missi sunt à Rege, qui perditionis iusti causa fuerant, membratim coram eo Daniel. 14.

Ibidem.

discerpti sunt, vniuersaque illorum ossa comminuta, & in nihilum redacta. Vnde præ admiratione magna, cuncti fortiter exclamarunt: Magnus es Domine Deus Danielis.

89. Tres pueri qui apud Azariam non adorauerunt imaginem auream, fortiter ligati, immissi sunt in fornacem ignis ardentis, quorum tamen ne capillum quidem ausus est absumere ignis: at contra erumpens flamma eos, qui incenderant ipsam, combussit, deleuit.

90. Hæc igitur considerantes, ô fratres dilectissimi, solliciti simus, ne tentationum tempore inueniamur reprobi. Nam propter tolerantiam tentationum, semper magnificantur amici Dei.

91. Donec vires nobis suppetunt, Domino in timore & recto corde bonoque proposito seruiamus, vt tentationis tempore adiuuet infirmitatem nostram, nosque victores decernat, ac coronatos in cæleste suum regnum introducat.

III. CONSILIVM DE VITA SPIRITALI.

Ad Monachum Nouitium.

1. **T**Va mihi probatur fides ac studium, quòd ab homine peccatore aliquid perdiscere desideras tuo viuendi instituto aptum, idque non semel aut bis, sed frequentius efflagitasti: & hoc animi præstantis argumentum est. Sed me retardat deterretque operum dissimilitudo, quòd intolerabilis sit eorum factor. Rursusque ad morigerandum tibi me commouet verè ardens tuum desiderium audiendi quæ ad timorem Dei pertinent. Qui enim in vita spiritali se exercere cupiunt, sermonibus ad excolendam virtutem facientibus oblectantur. At qui ad vitam secularem procliuēs sunt, quæ spiritalis sunt vitæ audire nolunt. Quin & conuiciis ea excipiunt, dicentemque interpellant. Contrà verò de vitiis ac voluptatibus agentes, nullâ capiuntur fatietate, quin & cibi somnique beneficio priuari malunt, quàm eiusmodi ineptiis finem imponere.

2. Sed tu iis, quæ ad spiritalem vitam ducendam pertinent, inuigila, vt tecum permaneat recordatio Dei, inutilesque

lesque sermones detestare. Quoniam malum & bonum odorem simul commorari est impossibile.

3. Humiliter submisséque, semper & vbique te gere, siue inueniaris in via, siue in nauigio, siue in cella, siue in iuniorum siue seniorum congressu verferis. Cum prudentia etiam atque iudicio tui labores sermonesque instituantur: ne ex vlla tuarum actionum aliquod detrimentum ad te redeat.

4. Vtere victu simplici & necessario, ne tibi mens in crapula & ebrietate curisque secularibus torpescat atque hebescat. Qui enim eiusmodi cupiditatibus seruiunt & circumueniuntur, non fornicationem aestimant fornicationē, neque adulterium, adulterium, neque quæ à gentibus Deū ignorantibus sunt, deuitant: sed omnia intrepidè atque licenter facitant, in nullo porcis, qui in luto voluntur, dissimiles. Non legis, non Prophetarum memores, neque etiam ipsius Domini, qui humanam naturam assumpsit, vt impietatem peccati destrueret: Sed pietatis formâ freti gloriantur, cum interim mentis imperio capti & obcæcati, propter negligentiam & contemptum timoris Dei, contraria peragant. Caue igitur carnis esu vinique potu delesteris, ne mens tua inutilis reddatur ad dona spiritalia suscipienda.

5. Si de cogitationibus cum fratre sermonem conferas, & lingua tua à recto inflexa est propter animam à cogitationibus lasciuis irretitam; Vide ne dum damnationem tuam cupis obscurare, turpiloquio vtaris & scurrilitate, vt à proximo non redarguaris, in quibus & illius votis desis, & te pessimo tradas dæmoni. Orationem verò atque silentium potius adhibe; & redibit super te Spiritus sancti gratia effugiesque mentis insaniam.

6. Si tuæ curæ committatur monachus in integrum restitutus, caue ne nimium illius vicem dolens, Creatorem tuum offendas, pariterque cum eo auellaris atque intereas. Neque enim scapha decedente, mox etiam naui negligenda est.

7. Ad cognitionem ac voluntatem Domini componantur actiones tuæ, & laqueis diabolicis non implicaberis: cum moris sit ei sub specie boni machinari malum.

8. Si Superiorem pro fratre ex mansione depulso interpellas, vt. qui ceteros peruerteret fratres, caue patrem il-

lius causâ intercedendo compellas: verum sic cum huius commonefacito, vt interim rem omnem diuinæ voluntatis committas imperio, ne fortè quòd ex animo nondum resipiscat, ad vomitum redeat, suoque ingressu ceteris fratribus incommodet. Etenim vel sola scintilla in aream incidens facillè totius anni labores inflammat.

9. Quantum deposcit æquitas, quisque proximum suum ferat oportet. Ceterum beatus, qui propter spem, quam in Deo collocauit, proximum tolerat. Sed vix illi qui toleratur, nec intelligit.

10. Qui in solitudine versatur, à triplici liberatur bello, visus sciencer, auditus & loquelæ. Qui verò in conuentu fratrum quieti se tradidit, à tribus & ipse liber est: nimirum, ab emptione, à venditione, & à timore incursum latronum. Quocirca suam quisque conscientiam tueatur oportet.

11. Si contingat colloqui cum adolescentibus ætate & aspectus venustate florentibus, custodi oculos tuos, ne concupiscentia mentem tuam conturbet, incipiasque in longum sermones affectione plenos diducere: Extremis autem tantum labiis de continentia loquens, mente lasciuissis, & totus in illo occuperis. Quando ergo contigerit te in eiusmodi congressum incidere, breuiter sermonem præscinde, & silentium tibi impone; ait enim scriptura: In multiloquio non deest peccatum. Et familiaritates ac colloquia eiusmodi haud exiguum detrimentum pariunt animæ. Quare sollicitè tibi similitum perscrutationem præscinde, ne peccatum per multiloquium te in errore pertrahens, ad illicita te inducat.

PRÆF. 10.

12. Quando quis propriam voluntatem rescindit atque submittit, tantò ampliùs proficit. Quando autem quis in voluntate sua persistit obstinatio, tantò maiorem sibi iniuriam detrimentumque acquirit. Noli ergo propriæ subseruire voluntati, sed diuinæ magis te voluntati submitte.

13. Si monachus quispiam ex negligentia ab instituto suo deflexerit, impudentiam ei subiicit inimicus, ne si iterum tristior apparuerit, facillè, à curatoribus patribusque admonitus, se sinat corrigi, & ad meliorem vitæ statum reduci.

14. Christo subiici, caue recuses: Quoniam ex ea subiectione fructus certus atque securus proficiscitur.

15. Si quis Religiosus instigante dæmone passus sit se decipi, non capiat tamen odium atque invidiam aduersus eos qui in instituto religionis suæ laudabiliter perseverant. Talem in errorem non relinquet Dominus, sed manum ei porriget ut emendetur, eò quòd non repulerit charitatem. Similiter autem qui sibi videtur stare, si intumescere superbiâ cœperit & alios odisse, securus nequaquam erit, eò quòd caligo odij obscurauerit oculos eius, ut non videat quòd vadat.

16. Si in domo Domini ad diuinum spiritalemque cultum constiteris, in psalmodiis te alacrem promptumque præbe-
to. Si autem tacueris, tacebo & ego, tacebit & proximus, unde necessariò cantum cessare necesse sit. Sed hoc quæso absit Qui enim Principem aliquem vel Regem ex Theatro faustis lætisque acclamationibus excipiunt, videantque interea aliquem sibi astantem cum silentio, neque simul cum ipsis contenta voce acclamantem; hunc quasi loco eiusce-
modi iudicantes indignum, ex eo deturbant. Quemobrem haud remissè negligenterve, oportebit supplicationibus hymnisque vacare.

17. Væ homini iniusto, & væ impudenti. Væ deliciis & voluptatibus indulgenti, & væ superbo. Nam quando eos inferni turbatio & mortis suffocatio præoccupauerit, ipsa experientia fidem iis faciet nihil esse præstantius timore Domini.

18. Bonorum congressum amplectere, malorum autem consuetudinem fugito; neque enim venefici, aut latrones, aut fures, sepulchrorumque effossores sic nati sunt: sed tales effecti sunt ab hominibus, quorum corrupta mens erat à Satana; fecit enim Deus cuncta valde bona.

19. Balneis, ac potulentis, consilioque esus carniū delectari caueto; ne in grauissima peccandi incidas pericula. Genes. 1.

20. Vitam bonam cum recta fide tibi vendica. Quis enim inter homines eum, qui sic vitam suam instituit, beatum non prædicet?

21. Quando cellâ tuâ ministerij alicuius obeundi, vel aliquos conueniendi gratiâ egrederis, munitos serua oculos, mentemque piis cogitationibus imbue, sic tecum ratiocinans: Num tanquam pictor es egressus, ut formas hominum

412 S. PATRIS EPHRÆM SYRI,
effingere atque exprimere discas? Sedulò tibi attende. Quo
pacto enim si rebus mundanis districtus sis, pura mente vaca-
re poteris contemplationi earum rerum quæ non videntur,
& in Dei recordatione te oblectare atque exultare?

22. A curiosa peruestigatione alienorum defectuum ab-
stine, ne meritò religiosa mens tua corrumpatur.

23. Impone tibi silentium; à multis enim hoc inquina-
tionibus te liberabit. Peccatorum cruciatus semper medi-
tare, timens ne & tu non multò pòst in eorumdem nume-
rum ascribaris.

24. Nunquid aliquando domum luctus ingressus es, vi-
denisque plañctum ac fletum quibì erat, mox ex ea domo
exire properasti? Quamobrem ex momentaneis & fugacibus
sempiterna coniectare oportet; ait enim scriptura: Da sa-
pienti occasionem, & sapientior erit.

25. Si tibi cogitatio locum mutandi subreperit, accesserintque te aliqui commiserationis affectu: & alius quidem
quasi iustum dolorem suscipias, migrandi propositum ap-
probet: vide ne emerè & absque iudicio consilium illius am-
plectaris. Sed si quis te reprehendere, & instituti tui admo-
re incepterit, hic tibi potius quàm alter ille audiendus erit:
Tales siquidem magis de fratrum salute sunt solliciti.

26. Quòd autem pusillanimitatis cogitationes vel eos
maximè exagitant, qui in solitudine conquiescunt, etsi per-
paucos eius nescios arbitrer, visum tamen est tui confirman-
di gratià nonnullas earum prosequi.

27. Quando animus afficitur ab his, quæ sub sensus ca-
dunt, occupatus: mens enim simulatque à præclara illa fu-
turatorum bonorum contemplatione & expectatione, ac me-
ditatione defecerit; in his, quæ ad sensus corporis pertinent,
tota defigitur, his frui cupit, invidentiæ nequitæque de-
serviens.

28. Hei mihi, quid agam miser? Magna est mea imbecil-
litas: languor, & solitudo, & paupertas, & desperatio me
occupant. Operari non valeo, mendicare erubesco. Re-
bus & fortunis domesticis sum exutus. Qui commodè
meis vivere poteram, in res aduersas me sponte conieci.
Ludibrio nunciis factus sum, qui me felicem iactabant.
Dolor cor meum ex calamitate, qua detineor, occu-

pat; nec ullus reperitur qui succurrat, nemo, qui compatiatur. In magna me ignominia constitutum cerno. Alius ad sacerdotium euectus est, alius in dignitate constitutus. Ego verò velut ignobilis, & inglorius, abiectusque remaneo. Nemo est qui mihi inopia & infirmitate laboranti quid tribuat: dum interim hic diuitiis affluit, ille discipulis comitatus procedit: vnde & cum maximis præstantissimisque viris conuersantur. Ego autem in magna ignominia contemptuque viuo, & victu etiam quotidiano indigeo. Illi splendide vestiti incedunt: mihi autem & necessaria indumenta defunt. Illi postquam in bonis dies suos transegerint, ex hac luce emigrantes adhuc cum aromatibus coniunguntur, splendidâque sepulturâ honorantur, sempiterni nominis tamâ iis per Epitaphij inscriptionem attributâ: mihi verò morienti vix sepulturæ honor concedetur, ipsaque cella ob infrequentiam visitantium sepulturæ loco erit. Cui mihi dolet, sed quid faciam? Defecerunt oculi mei, assiduo obtutu ostium conspicientes, & nullus est qui pulset. Mœrore tabesco, nec est qui me consoletur. Summis angustiis hîc angor, & non est qui misereatur atque condoleat. Hei mihi, quoniam in dolore deficiunt dies mei.

29. Dic animæ tuæ ô homo: Quousque tristis es, ô anima mea, & quousque conturbas me? Spera in Deo, & ipse prauas à te cogitationes repellet. Si enim terrenis non adhæsisse, eiusmodi te laqueis non implicuisses. Quin & hoc tibi persuade, neminem siue obscuro siue claro fuerit loco, si ex Dei voluntate vixerit, esse reiciendum. Qui autem terrena suspicit, fructumque ex iis confectatur, iustorum se consolatione priuat.

Psal. 42.

30. Si ergo gaudio illo perfrui desideras, caue aditum prauis cogitationibus, quæ nos à Deo separant, patefeceris. Verax nanque est qui dixit: Qui inuenit animam suam, perdet illam: Et qui perdiderit animam suam propter me, inueniet eam. Idcirco & Apostolus ait: Mortui enim estis, & vita vestra est abscondita cum Christo in Deo. Cùm ergo Christus apparuerit vita vestra, tunc & vos apparebitis cum ipso in gloria.

Matth. 10.

Coloss. 3.

32. Quorsum igitur momentanea & fugacia ista, quæ

fluminis instar diffuunt, suspicis ac prædicas? Quid etiam præclara funeris pompa proderit? Quid sepulchra dealbata & vanæ laudationes hominem impium, quando nullam ipse relaxationem consequatur, iuuare poterunt?

32. Quid profuerint laquearia inaurata? quid nitentes parietes? quid splendida tecta? Cùm ipse interim suis excrucietur cupiditatibus, & à dracone conuellitur interiùs, deuoraturque corpus. Quid enim proderit animæ ex hac luce emigranti plurimorum se circa corpus in ornando funere occupantium cura? nisi eum laus à Deo consequatur in Ecclesia illa magna. Ne igitur tibi sint admirationi momentanea atque caduca ista quæ instar ceræ liquescunt. Sed isti, inquires cum magnis atque diuini consuetudinem habent. At tu cum omnium Rege Deo per orationem conuersaris, tu Corpore vnigeniti Filij eius vesceris, & sanguinem bibis: gaude ergo & lætare, quòd merueris templum eius fieri.

33. Ne igitur animum despondeas, videns te in hac vita inglorium atque abiectum, vel morbo, aut graui senectute, ac paupertate grauatum: Qui enim pascit volucres cæli, non te suâ destituit providentiâ. At te angit, ne tibi lippitudo mentis molestiam facessat, sed cogita, hæc etiam viros iustos sustinuisse. Vnde de Isâac legimus, quod dum Iacob ab eo benedictionem cuperet accipere, dixerit ad eum: Accede ad me, vt tangam te, fili mi: & probem, vtrum tu sis filius meus Esau, an non? Illustratus autem est oculus mentis eorum, & ab omni iniquitate purgatus. Quare & tu te purum integrumque ab omni malitia custodi: de corporis necessitate atque infirmitate non vsque adeo sollicitus, quoniam ipsi cura est de nobis. Si autem doles tibi deesse vitæ necessaria, cogita Herodem diuitiis atque deliciis abundasse: Præcursores autem Domini instar hominis malefactoris ac vilis in carcere vinctum atque detentum. Verax enim est, qui dixit: Vos tribulationes in mundo sustinebitis, mundus autem gaudebit, vos verò contristabimini, sed tristitia vestra vertetur in gaudium.

34. Sed & ego, dices, in miseriis atque angustiis vitam obscurus & inglorius transigens, post mortem, nullam mei

Matth. 6.

Genes. 27.

Marc. 6.

Ioh. 16.

memoriam relinquam? Extremæ dementiæ, & animi vanâ gloriâ pleni hic morbus est. Quàm multi sunt puras, qui persecutiones pro Salvatore nostro Deo pertulerunt, & adhuc obscuri atque ignoti mundo viuunt? An ergo qui in montibus, in speluncis atque cauernis terræ vitam traduxerunt, quorum memoria non celebratur ab hominibus, perierunt? minimè verò; nam in libro illius omnes scribentur. Quare quæ sursum sunt cælestia, non autem quæ in terris, sapito. Iustorum enim conuersatio in cælis est. Ne igitur labores atque angores subterfugas. Atqui nos quoque, qui relinquimur & residui adhuc sumus, eos, qui in laboribus atque angustiis & necessitatibus Domino placuerunt, beatos prædicamus. Iccirco si iustorum cupis esse consors, caue humilitatem despexeris, caue etiam in laboribus atque ærumnis vexationem patientiamque abieceris, sed obdura ac perfer: vt sempiternâ vitâ gaudioque ac gloriâ potiaris. Neque enim (vt inquit Apostolus) sunt condignæ passionibus huius temporis, ad futuram gloriam, quæ reuelabitur in nobis. Quòd si subdolè ab aduersario nolis in re aliqua supplantari; crede nihil te agere vel cogitare, quod lateat Deum. Sin cogitatione de Deiscientia dubitaueris: ea tibi ex historia Eliæ Prophetæ innotescet: Nam cum bellum esset inter Regem Israël & Regem Syriæ, consiliumque iniret Rex Syriæ cum seruis suis, dicens: In illo loco ponamus insidias. Misit itaque Elisæus ad Regem Israël, dicens: Caue ne transeas in locum illum, quia ibi Syri in insidiis sunt. Misit itaque Rex Israël ad locum, quem dixerat ei vir Dei, & præoccupauit eum & obseruauit se ibi non semel neque bis. Conturbatumque est cor regis Syriæ pro hac re, & conuocatis seruis suis, ait: Quare non indicatis mihi, quis proditor mei sit apud Regem Israël. Dixitque vnus seruorum eius: Nequaquam, domine mi Rex, sed Elisæus Propheta, qui est in Israël, indicat Regi Israël omnia verba, quæcunque locutus fueris in conclauis tuo. Si ergo nihil eorum, quæ clam siebant, latebat Prophetam; nonne aliquid rerum vniuersarum Creatorem latere poterit? minimè verò: hinc etiam in occulto orare iubemur, Domino ac Salvatore nostro Iesu Christo sic dicente: Tu autem cum oraueris, intra in cubiculum tuum, & clauso ostio, ora Patrem tuum in ab-

Rom. 8.

4. Reg. 6.

Matth. 6. 6.

sccondito : & Pater tuus qui videt in abscondito , reddet tibi. Quamobrem omnem à nobis malitiæ cogitationem abiciamus , ne disfluamus. Nudus siquidem est infernus coram ipso , nullumque perditioni est opertorium. Ne igitur tristeris , neque vacilles : In oculis enim Dei versamur , velimus nolimus. Gaudium sit tibi in tribulationibus : nam coronæ ex variis texuntur floribus. Et iusti per multas & diuersas tribulationes in gaudium Domini sui ingrediuntur : quare & eos assidue imitemur oportet.

Cura animarum non appetenda.

Ezech. 34.

35. Curam animarum ne appetieris. Nam cum ad eam metam nondum perueneris , vt cunctis animi tui passionibus imperes , & tibi ipsi & illis , qui te sequerentur , noceres. Quod si inuitus ad curam eiusmodi traheris , in ea administranda maximam diligentiam adhibe , non vt quæ tibi sunt placita , facias : sed ei potius morem geras , qui tibi ouium ratione præditarum curam concedidit. Ait enim per Ezechielem Prophetam : O pastores Israël. Nunquid pascunt pastores semetipsos ? nonne greges à pastoribus pascuntur ? Lac comedebatis , & lanis operiebamini : & quod crassum erat occidebatis , gregem autem meum non pascebatis. Quod infirmum fuit non consolidastis , & quod ægrotum non sanastis , quod contractum est non alligastis , & quod abiectum est non reduxistis , & quod perierat non quæsisistis : Sed cum austeritate imperabatis eis & cum potentia. Et dispersæ sunt oues meæ , eò quod non esset pastor , & factæ sunt in deuorationem omnium bestiarum agri , & dispersæ sunt. Errauerunt greges mei in cunctis montibus , & in vniuerso colle excelso , & super omnem faciem terræ dispersi sunt greges mei , & non erat qui requireret , neque auertens. Propterea pastores audite verbum Domini : Viuo ego , dicit Dominus Deus , quia pro eo quod facti sunt greges mei in rapinam , & oues meæ in deuorationem omnium bestiarum agri , eò quod non esset pastor. Neque enim quæsierunt pastores gregem meum : sed pascebant pastores semetipsos , & greges meos non pascebant , propterea , pastores , audite verbum Domini : hæc dicit Dominus Deus : Ecce ego ipse super pastores requiram gregem meum de manu eorum , & cessare faciam eos , vt ultra non pascant gregem meum. Et non pascant amplius pastores semetipsos. Et liberabo

rabo gregem meum de ore eorum, & non erit vltre eis in escam.

36. Hinc igitur nos meritò intelligere oportet, quantum illi immineat periculi, qui superbè negligenterque curat subditos. Ideoque eum qui ceteris præest, conuenerit & peritissimum esse, & ad consulendum salutì subditorum vigilantissimum, vtque singulorum obseruet incessum, motum, gestum, ac habirum, adhibitâ etiam debitâ earum rerum correctione, quæ mintis conueniunt, & vt ad optimum ea statum formamque reducantur. Præceptores enim non solum elementorum scholaribus ostendunt figuras, sed & minima quæque puncta distinctionesque proponunt: atque sic oportet Prælatum nihil quantumuis minimum, quod ad salutem pertineat, omittere quin fratribus proponat, non præmittendo etiam supplicia negligentibus parata, vt eo velut muro aliquo, culpam omnem ab innocentibus procul arceat, atque ita lupi, pastoris diligentiam considerantes, rationalium ouium gregem fugiant.

Pastorum
munus &
qualitates
requisitæ.

37. Nihil æquè animum hominis ducit ad salutem, iunioresque ad laborandum incendit, atque si doctorem re ipsa & exemplo ad virtutem cohortatorem inuenerint: secundùm eum qui ait: A me videbitis, & sic facietis.

Matth. 5.

38. Nos autem qui discimus, aliisq; subiecti sumus, ab omni inobedientia atque contumacia alienos esse oportet. Sed contrâ potiùs omnem modestiam & humilitatem coram Deo & hominibus exhibere decet. Porro si Præfectus ac Doctör nobis contigerit, qui verbis quidem virtutem prædicet, factis autem spernat, cauendum erit, ne ex ea occasione aduersario locum præbeamus euertendi animam nostram. Verùm illius memores simus dicti: Super Cathedram Moyfi federunt Scribæ & Pharisei. Omnia ergo quæcunque dixerint vobis, seruate & facite: Secundùm verò opera eorum nolite facere, dicunt enim & non faciunt.

Obediētia
commen-
datur erga
Superio-
res.

Matth. 23

39. Te ipsum omni tempore custodi, ne fratri tuo ac proximo scandalum aliquod vel offendiculum præbeas, minas eius reformidans, qui per Prophetam ait: Væ qui potum

Habac. 2.

nuditatem eius. Et rursus: Hæc dicit Dominus Deus: Ecce ego iudico inter pecus & pecus, arietum & hircorum. Nonne satis vobis erat, pascua bona depasci? Insuper & reliquias pascuarum vestrarum conculcastis pedibus vestris: & cum purissimam aquam biberitis, reliquam pedibus vestris turbabatis. Et oves meæ his, quæ conculcata pedibus vestris fuerant, pascebantur; & quæ pedes vestri turbauerant, hæc bibebant. Propterea hæc dicit Dominus Deus ad vos: Ecce ego ipse iudico inter pecus pingue & macilentum; pro eo quodd lateribus & humeris impinguebatis, & cornibus vestris ventilabatis omnia infirma pecora, donec dispergerentur foras: saluabo gregem meum, & non erit ultra in rapinam, & iudicabo inter pecus & pecus. Quare proprium nostrum amorem vitemus oportet: Quoniam ex sui ipsius amore vitia velut germina quædam pullulant. Ceterum amorem proprium expellit Charitas, omnes ad concordiam & unionem pertrahens complectensque: magna liquidem ac pretiosa res est charitas, à qua ne excidas diligenter caueto. De nostra igitur salute solliciti, propriis parcamus membris, formam virtutis proximo nostro nos proponentes, in fide, in charitate, in patientia, in castitate, in subiectione, in humilitate, in timore Dei. Ne pessimis nos sinamus voluntatibus abduci: sed spiritus amplectamur labores. Nam deliciæ & remissiones animi optimo viuendi instituto contrariæ sunt.

40. Incedamus per viam arctam atque angustam, cordis contritionem amplectentes; vt semper nobiscum mortis memoria permaneat, liberemurque à damnatione æterna. Væ enim, inquit, vobis qui ridetis, quia lugebitis & flebitis. Beati qui nunc lugent, quia consolabuntur. Inclinemus nos ad sepulchra, & conditionis nostræ occulta perspiciamus. Ex cadaueribus permixtos ossium acervos, craniaque carnibus exuta cum reliquis ossibus cernemus. Et hæc considerantes, nos ipsos in illis velut in speculo quodam contemplabimur. Vbi iuuentutis flos & pulchritudo? vbi venustus ille genarum color? Hæc nobiscum cogitantes, carnis desideria fugiamus, ne in resurrectionis ac iudicij die confundamur. Infirmitatis autem meæ in tuis precibus memor esto, non negligens te ipsum, vt mei, qui vermis sum atque

putredo, recordetur Dominus Deus, liberetque me à suppliciis, quæ peccatores merent, & dignos nos reddat delictis paradisi. Quoniam ipſius eſt benignitas ac bonitas, & miſerationes eius ſuper omnia opera ipſius. Amen. *Psalm. 144.*

41. Frater quidam, rem quam ab alio acceperat, narrabat, de homine quodam habitante in quadam ciuitate, qui apud ſe mercenarium habebat, cui omnia ſua concredebatur: huic vitam ſolitariam degendi inceſſit deſiderium; à quo quidem inſtituto, vt iuuenem rebus ſuis vtilem dederet, herus ferè nihil intentatum reliquit, at fruſtra in eo retinendo laborauit. Iuuenis enim hic mundo renuntians ad fratres ſe recepit. Verùm paucos poſt annos inuaſit eum tentatio redeundi ad ſeculum, relictaque ſua cella ad herum rediit ſub prætextu illum reuiſendi, hic autem fratrem ſemel atque iterum lubens ſuſcepit; ſed tertio rediens frater, depoſita ſimulationis perſonâ, homini occultam animi ſui paſſionem ac morbum detexit, dicens: Quandoquidem amplius perferre nequeo iugum vitæ monaſticæ, obſecro te, Domine, vt me apud te recipias, eodemque quo olim loco habeas. Spero enim me rectius etiam quàm antea rebus tuis conſulurum; ex te quippe acceperam, quòd & filiam tuam mihi in vxorem elocare velles. Cui herus: Si Deo conſcientiam non ſeruasti, mihi quod promittis quomodo ſeruare poteris? Quo dicto iuuenis tanquam flagello cæſus, ad cellulam ſuam ſe contulit. In laboribus ergo perferendis ne deficiamus. Quoniam ſcriptum eſt: Qui ſeminant in lacrymis, in exultatione metent. *Psalm. 125.*

42. Ad mandata Dei obſeruanda innocentiam adhibe: ſolertiam autem ad inimici inſidias depellendas.

43. Caue tibi prudenter à congreſſu & familiaritate perniciſoſa, vt bene conquieſcat homo interior.

44. Caue ex propoſito te fraudulentum exhibeas atque acerbum; ne ſupplanteris quando tibi firmus videberis ac ſtabilis.

45. Lenitatem ac manſuetudinem ſectare, ne abſque vino ebrius ſias, malitiâ & iracundiâ grauatus.

46. Ne voluptatibus addictus ſis, atque contemptor; ne per te Deus blaſphemetur.

47. Caue cum ſcurris & hiſtrionibus commercium ha-

420 S. PATRIS EPHRÆM SYRI,
beas, ne consilia atque sententiæ animi tui deprauentur;
valde enim perniciosi sunt illorum sermones: nam senes re-
puetascere faciunt; iuuenes autem ad operandum iniquita-
tem pertrahunt.

48. Improborum hominum consilia fuge, qui se ven-
tris, & eorum quæ sub ventre sunt, seruos constitue-
runt.

49. Nequit impudicus amare eum, qui carnis vitium
abominatur; nec fur hominem, qui ab inferenda iniuria ab-
horret. Similis enim suo adhæret simili.

50. Caue tibi dulcis sit voluptas, ne tormentum illius
tibi amarum reddatur.

51. Quotidie diem exitus tui expecta; & ad ingredi-
dum illud iter te para: qua enim hora minimè putas, veniet
mandatum horribile, & væ tunc imparatis. Bona est compun-
ctio cordis, quoniam animis hominum medetur.

52. Qui luctum sectatur, non facile peccabit; & qui
cordis compunctione tangitur, non cogitat mala. Nam
ex compunctione oritur fletus, in fletu autem à peccatis de-
clinamus.

52. Vide qua ratione superare possis voluptates: & su-
peruacaneorum rerum ne satagas: hoc siquidem functioni
tuæ est expediens.

54. Voluptatum illecebras dissolues, si cum primis assi-
duæ orationi & sobrietati studueris. Deinde si mentem à
prauis cogitationibus cohibeamus: si nullum inordinatum
verbum ac non necessarium protulerimus; certi, quòd in-
fallibilis iudex sit Dominus. Sique templum Dei diligenter
visitauerimus, si mortem denique atque iudicium assidue ob
oculos nostros habuerimus: hæc siquidem intus titillantem
æstuantemque carnis concupiscentiam reprimunt, animum-
que in tranquillitate ac gaudio constituunt.

55. In loco habitationis tuæ, vel quem à Deo assigna-
tum accepisti, lubens permaneto, otium atque desidiam à
te repellens: Cum neque in loci mutatione atque distantia
situm sit, vt passiones nostras reprimamus, sed in attentione
& cura mentis. Patientia nobis necessaria est, vt voluntatem
Dei facientes, promissiones eius consequamur. Qui autem

ignaviâ atque otio distrahitur, tam longè abest à patientia, quàm ægrotus à sanitate. Non igitur, non inquam, in otio atque torpore virtus, sed in patientia cognoscitur. Quæ quidem in nobis semper vigens, mentem earum rerum contemplatione ac meditatione, quas speramus & expectamus, exercet occupatamque tenet: huius enim pabulo animus pinguefactus, vires sibi sumit; quemadmodum corpus ciborum atque esearum sensibilibus nutrimento. Quod si ab huius gratia ac dignitate mens deciderit, verè inops atque infirma reddetur. Iccirco animum à cupiditatibus terrenis reuoca, & ad diuinum illud opificium incumbere. Et sic tibi non erit necesse, vt corpus è loco in locum transferas, & in peregrinationibus absque causa legitima & Superiorum Luc. 17. permissu defatiges. Regnum enim cælorum intra vos est.

56. Quocunque in loco te morari contigerit, facilem te atque irreprehensibilem præbeto, vt bene in Domino proficias. Si autem euaseris contemptor, vide ne in te, velut auctorem ac ducem actionum impiarum, à potentiore contemptio refundatur.

57. Gaudere & latari de progressu proximi, signum est perfectionis: De bona autem alterius angi atque tristari fama, acerbissimæ improbissimæque naturæ est argumentum.

58. Quid angeris cruciarisque, ô homo, de profectu & gloria proximi? Num quod hic aut ille excidit à salute, tu propterea salutem consequeris? an quia multi cælorum regno excludantur, tu iccirco regnabis? num te vnum capit regnum cælorum? Num tibi vni gaudium paradisi paratum est, quia de multorum salute indignaris? ne igitur opera puri amoris sanctique instituti, cum odio atque inimicitia ac grauissima morum acerbitate commutaueris. Nemo te seducat, non homo, non vlla in corde tuo latitans cogitatio. Impossibile enim est veram virtutem absque charitate consistere. Et licet enim quis nostrum, quod sane est difficile, omnem scientiam habeat, omnemque fidem, ita vt montes (sicut ait Apostolus) transferat, charitatem autem non habeat, nihil ipsi proderit: quin & à rectâ, quæ ad cæli portas ducit, semitâ distat longissimè. Multis ergo nobis opus est lacrymis, vt à vinculis odij atque inuidiæ, superbiæ & cuiuscunque probri diabolici liberemur. Siquidem

1. Cor. 13.

dæmoniæ affectionis est, de bono progressu proximi angere atque excruciarî, cum dæmones omni odio imbuti, nihil æquè desiderent, quàm cunctos funditus perire. Contrà verò sancti Dominum suum imitantes, omnes homines cupiunt saluos fieri, & ad agnitionem veritatis venire, charitate enim cum sint pleni, proximum æquè ac seipsos diligunt.

59. Si continens sis, ne in tua continentia extollaris: sed cum humilitate Dominum ora, ut ad finem usque tuus custos permaneat. Sæpe enim accidit, ut repentinus bestiarum in vineam à custode neglectam incursum fructum vniuersum vineæ deuastet atque corrumpat.

60. Si diuitiæ tibi fuerint, caue superbias. Nondum enim à periculis atque insidiis es liber: incertusque earum est usus propter celeres dubiasque rerum vicissitudines, sicut scriptum est: Vidi seruos in equis, & principes ambulantes super terram quasi seruos.

Ecclef. 10.

61. Si membris integris valeas, ne corporis robore extollaris; sed animo tecum expende, quot & quanta pericula corpori immineant. Quos etenim videmus incurabilibus laborantes morbis, siue membrorum aliquo mutilatos, siue ab immundis spiritibus vexatos, qui non sic affecti, ex utero matris nati sunt. Sed plurimi in eiusmodi repentina incidunt mala, quique heri florida ætate vigeant, hodie grauissimis afflicti morbis marcescunt. Atque ideo cum eiusdem cum iis sis naturæ atque conditionis, te ipsum considera, ne paulò post in easdem quoque ipse calamitates incidas. Quandounque igitur in alio triste aliquid ac graue perspexerimus, in illo nos velut in speculo contemplemur, oportet. Nescimus enim quid crastina allatura sit dies. Multis nanque doloribus atque calamitatibus nostrum corpus obnoxium est. Quocirca infirmitatis propriæ conscii naturæ, ab omni superbia & immanitate alieni sumus, mutuaque nos benignitate ac commiseratione complectentes, Creatorem nobis propitium reddamus, qui potens est nos tum morbis affligere, tum sanare, deducere ad inferos & reducere. Licet enim ad modicum tempus firmitate corporis valeamus, quid posterior tamen paritura sit dies nescimus.

Psalm. 37.

62. Super peccatore ne extollaris: Et innocentem ad pec-

candum caue incitaueris. Vtrumque enim perniciosum est & periculosum. Si autem te vtilem exhibere velis, vtrique te formam & exemplum bonorum operum præbeto, riuos lacrymarum coram Domino effundens: vt & lapsum Dominus à peccatis exciter & stantem à peccatorum laqueis eripiat. Vnus enim iudex est, qui potest saluare & perdere. Iacob. 4.

63. Noli hominum religiosorum stantium & Deo psallentium cœtum, cogitationum elatus arrogantiam, perturbare: ne plaga in te diuinitus emissâ descendat. Siquidem in Deum peccare graue simul & exitiale est. Prophetarum verò spiritus Prophetis subiecti sunt: non enim est dissensio- nis Deus, sed pacis.

64. Adolescens cum sis, silentio & diligentiam delectare: siquidem diligentia te facilem seruat, at lumen animæ inextinguibile tuetur taciturnitas, non sinens à malitia splendorem eius obtenebrari.

65. In omni tempore ac loco, & quocunque in opere, humilitatem tibi comitem adhibe. Sicut enim corpus, siue calori siue frigori obnoxium sit, vestimento indiget: ita & anima perpetuo humilitatis indumento habituque opus habet. Quam pulchra atque eximia possessio sit humilitas, facile norunt omnes, qui eius perferre iugum inuerecundè detrectant. Quare nudus & absque calceis potius incedere eligito, quam humilitate spoliari. Diligentes enim eam protegit tueturque Dominus.

66. Quemadmodum fieri nequit, vt semper in naue vectores permaneant, viatoresque in eodem assidue commorentur hospitio absque loci mutatione: ita neque nos perpetuò in hac permanere vita poterimus. Quemadmodum enim ibi viatores atque nauigatores appellantur: ita & hîc nos aduenæ & peregrini. Quare ista oculo mentis perspicientes, præparemus nos ad migrationem vitæ.

67. Quando te videris ad apicem virtutum euectum, tunc maxima tibi humilitate opus est; vt fundamentis saluis & integris, quod superstructum est ædificium, inconcussum immobileque consistat: atque sic in multa securitate fructus tuuserit.

68. Qui proximo suo foueam fodit, incidet in eam. Et qui præceptorî suo laqueum tendit, impius hic est atque

414 S. PATRIS EPHRÆM SYRI,
sceleſtus: vnde & eodem ſupplicio dignus, quo qui bene
de ſe meritum, præceptoremque ſuum, in manus tradidit
impiorum.

69. Hominem mundanum non coma aut veſtimentum
faciunt, ſed pravi mores propenſioque ad ſecularia impro-
baque deſideria, quibus anima execrabilis efficitur.

70. Monachum non tonſura commendat ſeu habitus;
ſed cæleſte deſiderium, divinumque viuendi inſtitutum,
quibus optima declaratur vita.

71. Ante tentationem ne te magnum quid eſſe duxeris:
nam ſæpe etiam eoſ tentatio ingruens arguit, qui ſibi ſtare
videbantur.

72. Ante tentationem quid viribus polleas, putò te ſcire
non poſſe. Quapropter animus tibi præmuniendus erit, &
contra tentationis impetum aduigilandum.

73. Quemadmodum in fornace aurum atque argentum
probat ignis, ſic tentationis tempore, mortalium exploran-
tur animæ, auxiliatorem habentes Dominum.

74. Tentationibus ne ſuccumbamus, ſed ad brauium cæ-
leſtis vocationis in Chriſto, contendamus ſtrenuè. Coro-
nat enim Dominus cunctos diligentes ſe.

75. Quòd ſi membra tua contegas ne nuda videantur ab
aliquo; ipſe viciffim aſpectum tuum ab alterius nuditate
auertas oportet, extra tamen caſum neceſſitatis in ægritu-
dine: ne ſpecies aliquas indecoras menti tuæ hinc imprimas,

76. Si charitatis officio perfungens, oleo ægrotantem
iungis; fac oculos, manus, linguamque cuſtodias, ne in
illo temperantiæ ac modeſtiæ fines tranſgrediaris: hoc
enim depoſcit pietas.

77. Membris alterius reuerenter ac cum timore manus
admouero, quaſi rem aliquam ſanctam attingeres. Etenim
verè ſanctum eſt templum Domini, & admirabile in iuſtitia,
ſecundùm illud ſcripturæ: Neſcitis quia templum Dei eſtis:
Et ſpiritus Dei habitat in vobis? Si quis autem templum
Dei violauerit, diſperdet illum Deus. Templum enim Dei
ſanctum eſt, quod eſtis vos. Hæc igitur ſcientes, omni cu-
ſtodîâ cor noſtrum conſeruemus.

78. Caue tibi à frequenti adoleſcentum conſuetudine:
multi enim ſunt corrupti, & abominabiles ſtultique facti.

79. Somno

79. Somno atque quieti tantum temporis tribuito, quantum ipsa te cogit necessitas: nimia enim mollities facile corpus accendit, vehementioremque libidinis flammam excitat reddiditque.

80. Qui in lectulis cubant auro, ebore, gemmisque distinctis, eos qui in laboribus versantur collaudant, quamvis non audeant imitari.

81. Omnia facito & cogitato, ut placeas Deo: absque hac enim cogitatione perierit tibi omnis laboris merces.

82. In hoc breui vite curriculo labores amplectere, ut quiete sempiterna perfruaris: tuus enim illic cessabit labor, sed opus ac premium permanebit.

83. Si bene operatus sis, noli tristari de bona atque honesta hinc tua emigratione. Nullus enim diuitiis affluens, ad suos rediit, ut molestiis & difficultatibus afficiatur.

84. Caue, proximum tuum quaestus auaritiaque causa tentaueris, ne propter ipsum in peccatum incidas: verum cogitatione tecum, quod scriptum est, complectere: Nolite prudentes esse apud vosmetipsos: Iniqui enim regnum Dei non possidebunt.

Rom. 12.

85. Ne sit manus tua exporrecta ad accipiendum, sed ad dandum potius.

86. Esto patiens atque longanimis, ut multam prudentiam reddaris conspicuus. Praeclarum enim donum est patientia: nam bilem atque iracundiam contentionemque expellit, & animum tranquillum reddit.

87. Si ex militia momentaneam florisque fœni instar decidentem gloriam retuleris, & ab illa militia mente & cogitatione discefferis, ac ad solitudinem spiritalemque militiam confugeris, honestis laboribus ad finem usque insiste, ne Dei nomen per te vituperetur inter gentes, quæ dicunt: Ne Deus quidem ipse illum liberauit. Verum ut ait Dominus: Sic luceat lux vestra coram hominibus, ut videant opera vestra bona, & glorificent Patrem vestrum qui in caelis est. Quin & ij qui terreno Regi militant, nisi se strenuos pro Rege ostenderint aduersus hostes, magnis ab eo praemiis affici nequeunt. Cum vero quaecunque etiam praestiterint, exigua adhuc stipendia referunt, & hæc ipsa, quæ dicimus, sunt vana gloria & voluptas ventris. At qui stre-

Matth. 5.

nuè aduersus improbos & immundos spiritus decertant, militiæ celestis exercitus ascribuntur, cuius gaudij non erit finis. Erunt enim sicut Angeli in cælis.

88. Si vel in cœnobio, vel tibi seorsim in eremo vitam duxeris; caue quæ in te requiruntur, cor scilicet mundum, & spiritum contribulatum possidere negligas: Nam hæc qui sibi vindicat, nequaquam à Deo spernetur: qui autem hæc ipsa negligit, magnum periculum subit.

89. Caue te ipsum de elegantiâ & sublimitate sermonis iactites extollasque, quin potius efficacem rudium & illiteratorum doctrinam, ut discipulus sis Apostolorum Domini, proba atque enuntia. In externa enim sapientia gloriari, hominibus Christianis interdictum est. Qui autem gloriatur, in Domino gloriatur.

90. Noli splendido ornatu vestium gloriari, memor quomodo ouinis pellibus indutus fuerit Helias, & sacco Esaias Propheta, de quo scriptum est: Vade & solue saccum de lumbis tuis, & calceamenta tua tolle de pedibus tuis. Quali item Ioannes Baptista vestimento vsus sit, ne obliuiscaris. Quare non vestium splendore studeas esse conspicuus, sed per bona sanctaque opera luceat lux tua coram omnibus, ut ubique glorificetur Dominus.

91. De fide differens, an opera fidei correspondentia habeas, vide. Nam si dicendi duntaxat & audiendi sis cupidus, in te quadrabit quod scriptum est: Vis scire, ô homo inanis, quoniam fides sine operibus mortua est? Verè enim mortui sunt omnes, qui Deum nosse profitentur, factis autem negant, cum sint execrabiles & increduli, & ad omne opus bonum reprobî. Tu autem submisè atque humiliter de te sentito, ne in sublime elatus, turpiter decidas ac disrumparis. Assiduè Deum inuoca, clamans ad ipsum: Pone, Domine, custodiam ori meo, & ostium circumstantiæ labiis meis. Non declines cor meum in verba malitiæ, ad excusandas excusationes in peccatis. Cum hominibus operantibus iniquitatem. Lingua enim exiguum membrum est, & magna exaltat.

92. Depopulationes bonorum, atque tormenta, mortiferaque ruinæ, multorum animos concusserunt; alij autem per hæc, fortitudinis atque constantiæ coronas acceperunt; alij

auaritiæ causâ proditores euaserunt. Quidam etiam ob vanam inanemque gloriam spreuerunt veritatem; alij verò libidinis æstro concitati sceleribus succubuerunt. Ceterum illi soli mortis habent imperium, hoc est, diabolum superant, qui in seipsis semper Dominum retinent. Quoniam victoria nostra est Dominus. Siue igitur in bonis proficis operibus, superbiâ ne extollaris; Siue etiam in multis te condemnas, salutem tuam caue desperes. Beatus enim ille, non qui bene tantum cœpit, sed qui irreprehensibiliter ad finem usque perseverat. Ne ergo demus nos otio atque desidia toto die; sed horâ saltem vndecimâ bene operemur: vt nos quoque digni reddamur, qui denarium ex manu Domini accipiamus.

Mat. 10. 24.

Matth. 20.

93. Si discipulum nactus sis, qui culpâ ac negligentia suâ religionis iugum excusserit; caue turberis, aut desidia tristitiaque locum præbeas, vt mentem tuam vehementius excrucies; ne & tibi ipsi obsis, & ei non pro sis. Sed cogita qualis fuerit Elifæi Prophetæ minister. Quod si ad magnam malitiam deuenerit, in memoriam tibi eum reuoca, qui ex Apostolo factus est proditor. Et quis ita perfidus est & iniquus, vt præceptorum ruinæ suæ causam ascribat, ac non potius improbæ voluntati ipsius discipuli? Libero enim arbitrio Deus hominem donauit, vnde & præmia & supplicia ei sunt proposita: ac legitimè quidem hîc certantibus, honor atque corona; transgressoribus autem & contemptoribus, supplicia atque tormenta. Est enim peccatum ad mortem: parat autem sibi mortem qui perseverat in peccato, nec se à vita impia ad optimâ viuendi rationem confert.

1. Ioan. 7.

94. Quando te à lectione rerum diuinarum abhorrere videris, admonitionesque spirituales fastidire, tunc animam tuam in grauem incidisse morbum noueris: Siquidem id insipientiæ ac malè sentiendi initium est; quo morbo qui laborant, mortis fructum percipiunt.

95. Qui artem fabrilem exercent, non puluerem, non mallei strepitum, neque ignis ardorem respuunt; sed rudem ferri massam studiosè assidueque manibus tractantes, vasa inde comoda & vtilia educunt atque conficiunt. Quocirca ne nos quidem ad virtutem & pietatem inuicem cohortando, defatigemur; vt à vili pretiosum separantes, nos

Jerem. 17.

8/a. 37.

quoque digni vocatione illa cælesti immensâque gloria red-
damur. Scriptum est enim: Si separaueris pretiosum à vili,
quasi os meum eris. Et: Beatus, qui semen habet in Sion, &
domesticos in Hierusalem.

96. Animam tuam diuinis laticibus irriga, vt vicens ac
florens fructum proferat in iustitia. Oportet enim nos ani-
mæ vtilitatem consecrari, quemadmodum terrestria anima-
lia herbas frondesque depascunt. Nam animâ bene corro-
boratâ, corpus ad ferendos honestos labores firmitus soli-
diusque redditur. Animâ autem à turpibus cogitationibus
debilitatâ, corpus quoque à malitia corrumpatur necesse
est. Quamobrem beatus, qui hîc rectè, quæ vitæ sunt pro-
pria, negotiatur atque disponit: nam diues ad immortalita-
tem perueniet. Quæ vtiâ perfrui nobis omnibus liceat
precibus & intercessionem omnium eorum, qui Domino no-
stro Iesu Christo complacuerunt. Amen.

IV.

EXHORTATIO I. AD PIETATEM.

2/a. 10.

Matth. 16.

1. **C**harissime, diuinâ gratiâ Christianus es: serua man-
data Domini nostri Iesu Christi, & saluaberis. Scri-
ptum est enim: In veritate comperi, quia non est persona-
rum acceptor Deus: sed in omni gente, qui timet eum &
operatur iustitiam, acceptus est illi. Si autem volueris etiam
ad perfectam vitæ rationem contendere, vt & melioribus
potiaris: Scito quòd nisi ita statueris iam te ex hac vita mi-
grasse, mundumque istum cum omni gloria iam instar vm-
bræ euanescente, non poteris affectiones terrenas & con-
cupiscentias mundanas superare, quæ quidem demergunt
homines in perniciem carnis atque perditionem. Verax
enim est, qui ait: Si quis vult post me venire, abneget
seipsum, & tollat crucem suam, & sequatur me. Qui enim
voluerit animam suam inuenire & saluam facere, per-
det eam. Qui autem perdiderit eam propter me, in-
ueniet eam. Quid enim proderit homini si vniuersum
mundum lucretur, animæ autem suæ detrimentum pa-

tiatur aut quam dabit homo commutationem pro anima sua? Neque enim est labor fundamentum iacere, sed ædificium perficere. Quânto enim ampliùs ædificium erigitur in altum, tantò maior labor relinquitur ædificanti vsque ad perfectionem operis. Audiamus salutarem vocem dicentem: *Quis enim ex vobis volens turrim* *LUC. 14.*
ædificare, nonne priùs sedens computat sumptus qui necessarij sunt, si habet ad perficiendum; ne posteaquàm posuerit fundamentum, & non poterit perficere, omnes qui vident, incipiant illudere ei, dicentes: Quia hic homo cœpit ædificare & non potuit consummare. Bellum enim militum breue: sed monachi pugna, quoadusque emigret ad Dominum, durat. Iccirco omni cum studio ac vigilantia patientiaque opificium auspicari oportet.

2. Si igitur, dilectissime, leoni insidiari coneris, firmiter apprehende, ne fortè tibi confringat ossa instar vasis testacei. Si verò & teipsum in mare præcipitem dederis, cave abiicias animum, donec in terram deuenieris, ne fortè in profundum subsidas quasi lapis. Frater, si ad certamen ingrederis, sobrium ac vigilantem te præbe, ne fortè aduersarius tuus victor euadens, supergaudeat tibi, & pro corona contraria referas. Quicumque igitur cupit esse monachus, ad fortiter sustinendum se promptum exhibeat, ne ingressus dicat ignorasse se, quòd ista sibi euentura essent. Ecce præsciuisi ista, frater, vt & tu cogitationem tuam componas, sciens quòd in hoc manifestabitur tua probatio. Intellige quod dicitur, frater. Ne hodie pro foribus consistens, interrogatusque dicas, omnia susero: cras autem in verbis & operibus detractes. Angeli enim Dei astant audiuntque omnia de labijs tuis procedentia. Vide, charissime, vt tua sponte accedas, Deoque viuenti ac vero coniungaris, nemo te cogit. Caue mentiaris; quoniam ipse perdit omnes qui loquuntur mendacium.

3. Hæc igitur ad Deum accedenti contingunt: primò quidem tentatio, deinde tribulatio, postea labor: angor animi ac tædium, nuditas, passionēs, angustia, contemptus. Atqui in his apparet patientia atque probatio fidelium: & in his omnibus superior est qui seipsum

ex toto corde gubernationi diuinæ offert voluntatis eius imperio se subdens. Bonum enim tantum à nobis propositum postulat atque requirit Deus, & ipse nobis fortitudinem subministrabit, concedetque victoriam, sicut scriptum est: Protector est omnium sperantium in se. Rursusque ait: Prope est Dominus omnibus inuocantibus ipsum in veritate. Voluntatem timentium se faciet; & deprecationem eorum exaudiet, & saluos faciet eos.

Psalm. 17.

Psalm. 144.

4. Orate autem & pro nobis, obsecro, ut quæ sumus dicturi, ipso bene iuuante, sine reprehensione peragamus: Non enim ut occupantes locum temerè, vos adhortari statuimus; sed inuocato priùs Domino nostro Iesu Christo datore & largitore gratiæ verbi, incipimus sermonem exercere, ut simul & iuuemur & iuueamus. Nam si medici, & qui dicuntur pigmentarij, siue pharmacopolæ, studiosè inquirunt radices ac species herbarum; neque tantum dico demonstrant, sed & in scriptis tradunt; & in hoc dispensationem diuinam puta in solarium infirmorum secundum carnem: Nonne multò magis debemus thesaurum gratiæ ab eo donatum promulgare? Nequaquam enim effugit pœnas seruus, qui per malitiam talentum Domini sui negligens abscondit. At quis super me non ingemiscat, qui fictitium mihi nomen monachi attribuo? Quis super me non plangat, qui pietatem & patientiam deperdidit? Et quid agam, quando me visitaue-rit Dominus Christus? Ideo precor, charissimi, orate pro me seruo inutili, ut ex præsentī seculo nequam liberer, & gratia eius mihi labia aperiat ad glorificationem sanctæ ac consubstantialis & viuificæ Trinitatis, Patris, & Filij, & Spiritus sancti: Quia in manu eius & nos & sermones nostri; Ipse enim est qui hominem docet scientiam: Ipsi gloria in secula seculorum. Amen,

Sap. 7.

Psalm. 93.

V.

EXHORTATIO II. AD PIETATEM.

1. **Q**ui se verè Domino consecrare cupiunt ob futuram regni promissionem, & ad improbi aduersarij repellenda tela, quibus variè singulorum animas impugnat; imprimis fidem firmam & spem certam vnusquisque secum afferat oportet, quibus nequissima improbi hostis tela ignea extinguere possit. Tamen si igitur millies voluntatem nostram aduersarius laxiorem atque remissiorem reddere conetur, & à spe atque amore in Dominum diuellere animam diuersimodè oppugnans, siue per immissiones tribulationum per spiritus malignos in ipsam animam; siue per suggestiones improbarum, vanarum, illicitarum, atque impurarum cogitationum; in memoriam etiam reducendo peccata priora, animamque sic condemnando, & voluntatem ad malum relaxando, quasi saluari foret impossibile, vt in desperationem interim animam pertrahat: quòdque ex ea improbarum cogitationum scelera pullulent in corde, non autem à maligno spiritu peccatum illi intrinsecus comminiscente ac suggerente. Atque istud malitiæ sibi propositæ, quam agnosci tamen nollit, argumentum est: quandoquidem animæ mundanus adest spiritus erroris, diuino Spiritui contrarius, qui in desperationis laqueos animam impellat: siue per corporis labores infirmitatem pariendo; siue per homines opprobria & angustias inferendo. Et licet his omnibus malignus animam debellare conetur: suâ tamen in Deum fiduciâ homo nequaquam excidat, imò eò magis soli Christo, & misericordii, & qui animæ infirmitates curare potest, assidue adhæreat, semper eum amans, ac meditans: sicque apud se cogitans statuensque: quòd si à Deo recessero, deflectens à recto virtutis tramite, ad quem abire potero, nisi forsân in perditionem meipsum reddam præcipitem, & in manus fraudulentæ hostis? Idcirco licet infinitis gladiis igneorum telorum, & malitiæ passionum, necnon absurdarum atque prauarum cogitationum quotidie vnumquemque fra-

Hebr. 11.

trum malignus impugnet, licet etiam impetum faciat ut à via iustitiæ nos auertat relaxetque, ac in desperationem inducat: tantò magis ad Deum confugere oportebit, & spem in eo desigere. Nam sic animas vult probari, quæ ad ipsum recurrunt; ut verè constet, se omnia odio habentes, solum Deum dilexisse. Quin & à malitia hominum mala plurima tales perpeffi sunt, ut propiùs ad Deum accederent, eiusque voluntatem perficerent; vnde & ampliùs eorum in Deum exarsit amor ac desiderium; ita ut infinitas mortes despicerent, Deum solum amantes, eumque solum hæreditate possidere cupientes. Omne quoque studium, & laborem suum atque certamen parui ducentes, nihilique facientes, ut speratis illis bonis æternis perfrui liceret. Nam mille anni huius seculi in æterno & incorruptibili illo mundo tantam habent comparisonem, quantam minima arena maris cum tota arena eiusdem: hoc seculum æternum est, infinitum, & incorruptibile, atque immortale iustorum, regnumque cælorum.

Rom. 8.

Rom. 5.

Luc. 21.
Matth. 27.

2. Tales igitur animæ, quæ intellectu atque prudentia certant, & spe eiusmodi expectant, cunctasque angustias ob spem in Dominum conceptam pessundant; & spe eadem constanter superant, non confundentur: sed æternam veramque vitam consequentur probatæ in tentationibus re-pertæ, secundum illud Apostoli dictum: Quis nos separabit à charitate Dei; tribulatio, an angustia, an persecutio, an fames, an nuditas, an periculum, an gladius, & quæ sequuntur. Et rursus: Tribulatio patientiam operatur, patientia autem probationem, probatio autem spem, spes verò non confundit. Et Dominus: In patientia, inquit, vestra possidebitis animas vestras. Et iterum: Qui perseverauerit usque in finem, hic saluabitur. Quæcunque itaque homini tribulationes à spiritu maligno inferuntur, si generosè stre-nuèque, spe & longanimitate suffultus, eas sustinuerit; magis eum confirmabunt constabificentque ac probatiorem reddent. Iam enim tu mihi ratiocinando collige: Quòd si vniuersi terrarum orbis te Regem solum constituerent, the-saurosque totius mundi tibi soli offerrent, & si solus totum orbem rexisses ac tenuisses ex quo creatum est genus huma-num usque ad seculi consummationem: commutaresne cum his

his veram ac sine termino sempiternamque vitam, ipsum regnum cælorum, cuius non erit finis neque successio? Perspicuum est, si rectè dijudices, dicturum te: Absit à me, ut cæleste regnum cum corruptibili & transitorio commutem, quemadmodum dixit Dominus: Quid enim proderit homini, si mundum vniuersum lucretur, animæ autem suæ detrimentum patiatur? aut quam dabit homo commutationem pro anima sua? Vniuerso itaque mundo, regnoque eius, pecuniis atque substantiis, gloria & honore, sola anima & pretiosior & honorabilior est: tantùm abest, ut regnum hominum illi honore sit præferendum: quoniam nullam omnino creaturam placuit Deo diuinæ suæ naturæ spiritus confortem participemque facere; non cælum, non lunam, non astra, non terram, non mare, non quamcunque ceterarum quæ videntur, naturam, præterquàm solum hominem, qui ipsum super omnia diligit. Si igitur maximas ac pretiosissimas quasque mundi creaturas, vel diuitias, vel ipsum etiam vniuersum regnum terrenum recta cogitatione complectamur, nequaquam ista cum æterno & cælesti vitæ regno comparari, nedum illi anteponi patiemur: quomodo plures illud ipsum cum miserabilibus ac contemptibilibus mundi rebus comparant atque commutant; veluti cum aliquâ concupiscentiâ huius mundi, siue vanâ gloriâ, siue cum turpi lucro. Quod enim quis seculi huius diligit, & cui quis alligatus est, tanquam mundanæ & corruptibili rei, cum illo etiam regnum cælorum comparat atque commutat. Nam quod quis diligit, illud sibi Deum constituit, sicut dictum est: A quo enim quis superatus est, huius & seruus efficitur. Oportet nanque eum, qui verè vitam æternam appetit, cælestisque regni gaudiis perfrui desiderat, cunctis rebus seculi huius superiorem maioremque fieri, vniuersosque mundi terminos, & omnem gloriam terrenam superare, & vniuersa materiæ vincula perfringere, & supercæstem Christi gloriam complecti, nihilque ceterorum cum eius amore commutare, aut quid etiam seculi huius fugacisve vitæ amare. Qui enim vero amore in Deum fertur, instar gladij bicipitis quemcunque amorem alium huius mundi interrumpit ac dirimit, omneque vinculum materiæ perfringit; nihilque eorum, quæ sub aspectum cadunt, animam il-

Matth. 16.

2. Pet. 2.

lam detinere ac possidere poterit, non voluptas aliqua, non gloria, non diuitiæ, non vinculum amoris carnalis, neque quid earum rerum, quæ huius sunt materiæ. Sed quæ solum Deum diligit anima, præter ipsum nihil aliud diligit seculi huius: sed vniuersum suum amorem ac voluntatem in ipsum solum transferens, ipsique soli alligata, omnem amorem terrenum atque materiale transcendit ac vincit. Ensis vtrunque acutus est dilectio spiritus, quæ quidem dilectio ensis instar quamcunque materiale affectionem euellit, omnibusque terræ limitibus supereminere facit, & adhærescere Deo, eiusque voluntatem per omnia explere.

3. Magnorum igitur certaminum est & fortium laborum, ingentes illas æternæ vitæ promissiones percipere: necesse enim est aliquem se totum ex toto deuouere Deo, sicut scriptum est: Ex toto corde, & viribus, & fortitudine, & ex tota voluntate suspendere, & crucifigere seipsum iugiter, animâ & corpore, in cunctis sanctis eius præceptis, vt potiri queat vitâ iis promissâ, qui diligunt Deum, regnoque sempiterno digni haberi volunt. Si enim in terreno, transitorio, & corruptibili regno, maximi sudores, defatigationes atque labores suscipiuntur, vt qui horum sunt cupidi alios queant præcedere, & ad aliquam honoris æstimationem, vel principatus transeuntis gloriam peruenire, quanto magis nos omnibus neruis ac viribus, cum gaudio adlaborare & decertare oportuerit, pro æterno, immortalis, & incorruptibili regno, & pro tantis incorruptibilis gloriæ coronis obtinendis? Iustum siquidem tibi videtur, vt transitoriarum res terrenæ cum omni sua gloria corruptibili, tantis molestiis atque laboribus acquirantur, ad æternas vetò bonorum æternorum, incorruptibiles, & sine fine duraturas, vt cum Christo regnare liceat, aspirare; & ad hoc, vel modico aliquo hoc tempore in terris laborare ac decertare non decebit; vt in futuro seculo cum Deo regnare possis in seculorum secula? Equidem arbitror, vel etiam parum admodum sapienti iustissimum visum iri hoc breui tempore certare, dimicare ac currere, vt victoriam consequatur æternam, quæ modico hoc tempore non viriliter certantem, sed desidem ac mollem, terrenisque voluptatibus iterum diffluentem deiicit, & æterno pudore suffundit. Nam si quis o-

peribus bonis det operam, seque in rebus scripturarum occupet; omnes sermones, siue scripturæ, siue ordines, ipsorumque externorum & à lege Evangelica alienorum Philosophorum libri, de hisce clamantes, hunc collaudant, & de hoc gloriantur, omnesque linguæ de hoc perhibent testimonium, eum qui in diuinis scripturæ rebus suam vitam traducit, celebrantes.

4. Ille demum verè diuinus est Philosophus, qui omni tempore prauis suis concupiscentiis resistit. Nam qui in solo nomine sapientiæ sibi blanditur & gloriatur, propriasque sibi concupiscentias non subiicit, insipiens hic prorsus ac stultus reputabitur, quòd de tam modicis passionibus ipse inquiriatque torqueri velit. Non igitur in multiloquio Dei hominem decet se occupare; sed operibus veritatis attendat, & exercitia à diuinis scripturis propòsita amplectatur, ad eaque vitæ suæ rationes componat oportet. Etenim cuncti diuinarum scripturarum sermones, vt & mundani, de operibus bonis loquuntur, & aduersùm mala vitæ instituta suppliciorum pœnas decernunt. Quòd si igitur in ipsis bonis operibus virtutis, probaque atque honesta conuersatione vitam traduxeris: Ecce iam de te cuncti sermonem facient, memoriam tui aliis prodent, vitamque in ipsis operibus virtutis, quæ à cunctis celebratur, transactam imitabuntur. Quamobrem in diuinis præceptis semper nos occupare studeamus, vt cum spei hereditatis tantorum bonorum perfruendæ conceperimus, etiam communicationem spiritus semper expectemus, vt anima & corpore hinc sanctificati, cunctisque mandatis Dominicis, per spiritus communicationem à nobis impletis, digni efficiamur Christo, sicque filij supercælestis Patris, per communicationem sancti Spiritus eius, fieri mereamur, hæredes quidè Dei, cohæredes autem Christi, secundùm Apostolicum sermonem: Vt digni quoque reddamur fruitione æternorùm cum Christo bonorum in sempiterna secula seculorùm. Amen.

1. Cor. 13.

Rom. 8.

VI. DE VERA RENUNTIATIONE.

Qui vitam quietam excolit, & vitæ solitati gaudet, optimum principium amplectitur. Verùm seipsum in ue-

436 *S. PATRIS EPHRÆM SYRI,*
turo oportet, an sicut à perturbationibus exterioribus se ab-
straxit, ita & ab interioribus commotionibus maximisque
dæmonum procellis sit immunis ac liber. Nam & in anima
perturbationes sunt atque commotiones improbiſſimarum
cogitationum, magnæque malitiæ aduersarum protestatum,
de quibus ait Apostolus: Non est nobis colluctatio aduersùs
sanguinem & carnem; sed aduersùs principes & potestates,
aduersùs mundi rectores tenebrarum harum, contra spirita-
lia nequitiae in cælestibus. Et rursus: Arma militiæ nostræ
non carnalia sunt; sed potentia Deo ad destructionem mu-
nitionum, consilia destruentes, & omnem altitudinem ex-
tollentem se aduersùs scientiam Dei. Itaque vniuersum no-
strum certamen in eo est positum, vt ab iis, quæ intra nos
sunt, perturbationibus conquiescamus ac liberemur, & veris
tumultibus renuntiemus, cum vniuersa turba prauarum co-
gitationum, quæ ab aduersis illis potestatibus nobis ingerun-
tur: Cùm aliàs frustra fieret renuntiatio, secessusque ad ea
quæ videntur loca. Vera siquidem renuntiatio hæc est: Inter-
na animi pace atque quiete perfrui, eamque tueri. Quando
igitur coram Deo in oratione persistis, caue ne pulchra tua
vasa, in quibus Deo ministras, hoc est, cogitationes tuæ, ab
hostibus tuis rapiantur. Et quo pacto precor, vel in quo mini-
strabis Deo vniuersorum captis, id est abreptis, & quasi in ca-
ptiuitatem abductis cogitationibus? Non enim indiget Deus,
vt os vel lingua oret. Cultus autem deo placens hic est: vt co-
gitationes, & tota fortitudo ac vis animæ, cum mente tota in
Deum absque vlla distractione ferantur. Caue aurum tuum
ære vel plumbo misceas, hoc est, animam tuam improbis at-
que immundis cogitationibus contamines. Quemadmodum
enim virgo viro desponsata, si corrumpatur ab aliis, execra-
bilis efficitur marito; ita & anima fordidis cogitationibus di-
stracta, & pactis atque conditionibus obligata, abominabilis
redditur cælesti sponso suo Christo. Quantum autem in se
est, caueat indulgere atque consentire illarum dulcedini; vt
sic Christus Dominus, eius in se amorem cernens, miserea-
tur ipsius, veniensque disperdat inimicos corrumpentes eam,
suadentesque inimicitiam aduersùs sponsum suum: Et consilia
eorum dissipet, qui illam à Christo auulsam corrumpere stu-
dent. Cūque iam viderit Dominus animam colligentē se, &

Eph. 6.

1. Cor. 10.

quantum in se est, semper quærentem & expectantem Dominum suum, ac nocte diuque ad ipsum clamantem (quoniam sic mandauit, sine intermissione orandum esse) citò faciet vindictam illius, aduersus inimicos eius; & mundanæ eam ab omni macula atque ruga, sanctam & immaculatam ipse sibi sponsam exhibebit. Quòd si in eo, hæc se ita habere credis, vt reuera se habent; attendendum tibi erit, num anima tua inuenerit lumen, quod ipsam deducat cum cibo & potu vero, hoc est ipso Christo, ad lucem inaccessibilem. Si verò non habes, nocte diuque inquirito, vt accipias. Cæcus enim es. Quoniam sic promissum est nobis; sicque anima Deum verum repertura est. Quandocunque ergo solem vides, verum solem quærito, animamque tuam inspicito, num lumen verum inueneris. Nam quæ videntur, vmbra tantum sunt eorum, quæ non videntur, verorumque bonorum animæ. Quoniam ab his quæ foris apparent, alius est homo intus latens, & oculi quos excæcat Satanas, & aures quas surdas reddit. Et venit Iesus hoc saluare, & hominem sanum facere. Venit enim filius hominis quærere & saluare quod perierat. Ipsi gloria, in seculorum secula. Amen.

Luc. 18.
Ephes. 6.

Joan. 6.

Luc. 19.

VII. Quomodo Anima in tentatione, debet cum lacrymis interpellare Deum.

I. **A** Nima angustiis tentationum pressa, ad te recurrit, Sancte Domine, & cum lacrymistuum implorat auxilium aduersus corruptorem inimicum, & cum omni humilitate supplex te inuocat contra affligentem se aduersarium. Quoniam igitur audacter ad te accedit, celeriter exaudi eam, & quia summo desiderij affectu ad te confugit, illam sedulo visita & protege. Si enim afflictam despexeris, perit: Si in angustiis constitutam audire distuleris, iam deficit: Si verò miserationibus tuis visitaueris illam, inuenitur: Si respexeris illam, saluatur: Si exaudieris illam, corroboratur. Æmulare pro illa, quoniam tibi desponsata est. Hoc etenim Paulus Apostolus, qui illam despondit tibi, affirmat, dum ait, te immortalem Zelatorem esse. Ne ergo

2. Cor. 11.

despexeris illam, ne quando arbitretur inimicus te illi libellum repudij dedisse, atque abs te dimisisse. Erudi me, Domine, propter miserationes tuas, & ne tradas me, obsecro, in manus corruptoris. Ecce enim intellexi cogitationes meas de longè, nec in me quicquam boni comperio, quod in conspectu tuo memorari possit, nisi hoc solum, quòd præter te, alium ignorem. Immensa latitudo atque profunditas est gratia curationum tuarum, qui omnibus ad te venientibus sanitatem largiris. Sanantur sæpius miserationibus tuis mea vulnera, quæ eadem rursus propriæ negligentiae vitio putrescunt. Nunc obliuiscor medici dum sanus sum; qui idem & mei obliuiscitur in ægritudine mea. Quòd enim malè te habeant peccata mea, quòdque misericordiam consecutus, te iterum ad iracundiam prouocem, scio; & quòd ex immensa pietatis tuæ clementia me toles non ignoro, instar indulgentissimæ matris quæ licet irriteretur à suo infantulo, non tamen ob id despiciere illum potest. Vincitur enim visceribus pietatis. Si ergo sic illa; quantò magis indulgentia tua? Ecce, Domine, & volucrum viscera super pullos suos funduntur, illosque certis horis visitant, & escam eis deferunt, elaborantque ut nutriant illos; propriis enim superantur visceribus. Quòd si animalia rationis expertia adeo indulgentia sunt, quantò amplius infinitis partibus gratia tua visceribus pietatis victa omnium ad se accedentium & verè eam requirentium miserabitur? Ecce rursus fons aquis abundans, indeficienter scaturiens, affatimque cunctos ad se venientes potans, laudem ab hominibus promeretur. Nec tam in fontem laus ea redundat, quòd gratis potum cunctis exhibeat, quàm in te potius, qui eius affluentiae merito laudaris. Clarum enim est, quòd per beneficium gratiæ tuæ, potum ille vberim præbeat. Ecce immensum miserationum tuarum pelagus fons iste designat, ut qui cælestes corporeasque virtutes liberalissimè nutris, omnemque spiritum prouidè disponis. Et cum laudibus humanis non indigeas, neque glorificatione vllius rei creatæ (gloriosus enim es in substantia maiestatis tuæ, & magnificentia gloriæ tuæ) Charitas tua nostræ salutis cupidissima, se ipsa ad nos inclinat, ut dum ea à nobis glorificatur, in ipsa quoque nos magnificemur,

laudeque ac gloriâ per illam potiamur. Certus sum enim, quod hæc charitas gratiæ tuæ præstoletur atque suscipiat omnem ad se accedentem. Cùmque omnia prænoscas, Domine, accedentis ad te cor intueris, siquidem exiit mundum: priusquàm enim pertingat ad ianuam, tu ei aperis; antequàm tibi procidat, manum ei præbes; antequàm lacrymas profundat, tuas super illum miserationes effundis; antequàm sua tibi debita confiteatur, indulges atque remittis. Non improperas illi, dicens: Quo pacto transegisti tempus tuum? quomodo ætatem consumpsisti? Non perquiris quantitatem libelli, in quo descripta sunt peccata eius. Non reuocas in memoriam quantum te per suam exacerbauerit negligentiam. Non exprobras quantum tua spreuerit ipse beneficia: at humilitatem potius atque clamorem, & bonum affectum cordis eius prospiciens, clamas: Citò proferte stolam primam, & induite illum, & mactate vitulum saginatum. Ad requiem atque lætitiâ eius conueniant Angeli, congaudeantque super inuentione filij perditî, ac conuersione antea errabundi hæredis. Et velut negotiatorem aliquem cum multis opibus ad propria remeantem, ita peccatorem ex tota anima ad te confugientem suscipit gratia tua. Cupit certè videre lacrymas, sititque pœnitentiam intueri, gratulans iis qui seriò pœnitentiæ studio se dedunt.

Luc. 194

2. In me igitur, Domine, immensa pietatis tuæ viscera ostende, & remitte mihi, vt ab impij corruptoris liberer nexibus, quippe qui vbi me vulnerauerit, illico & stans cominus, irridet me. Et sicut in mari turbato discipuli ad te confugerunt teque excitarunt, & per benedictam vocem oris tui, procella venti cessauit, & tempestas maris facta est tranquilla: ira quoque exaudi lacrymas meas, quoniam die noctuque suscitant te. Annos duodecim medici laborantes non potuerunt curare fluxum sanguinis, molestiam potius quàm sanitatem ægrotanti præbentes. At quod non potuerunt illi, tu præstitisti, & quæ illi confundebant, tu sanasti, remediaque absque vlllo labore largitus es. Cùm enim mulier illa fidei plena se putaret latere, clam ad vestimenti tui fimbriam tangendam accessit. Non quidem sanctum tuum corpus attigit; sed sola vestis tuæ ora curationem illi

Matth. 9. 1

præbuit & liberationē à dedecore multorum medicorū. Libera, obsecro, & afflictam animā meam, ab improprieis tribulantis me inimici, piissime medice. Ostende in mēbris meis infinitam sapientiam tuam; & vulnera animæ meæ sana, & incontaminata custodi, eisque virtutum decorem iugiter inferere. Prædicetur in me diuina gratia tua; quoniam ipsa me liberauit, ô Agne immaculate, qui pro salute totius mundi occisus es, cælumque ac terram pacificasti. Neme, quæso, ad te importunè accedentem, abieceris, neque exprobrans mihi dixeris in die illa terribili atque tremenda, quid mea causa passus sis, quando nobis peccatoribus diceres: Nostis quid pro vobis sim perpeffus: Cùm enim inuisibilis essem, vobis me videndum exhibui; Cùm immortalis essem, propter vos morte condemnatus sum; Cùm nulum in me peccatum cadere posset, propter vos accusatus & iudicatus sum; Cùm omni crimine essem vacuus, propter vos alapis cæsus sum: ita cùm crucifigerer, non irascebar; Cum irriderer, non maledixi. Ego Dominus vester, in quem omnino nullum cadere poterat peccatum vel crimen, propter peccata vestra ac scelera, ista omnia sustinui; vos autem qui rei estis, quid pro me perpeffis estis? Et propterea, ad hæc nullus vestrūm excusationem habet.

3. Sed memineris, Domine, ista te omnia sustinuisse nostrā causā propter infinitam pietatem tuam, bonitatemque ac iustitiam, & non propter vlla nostra opera bona. Vt enim tunc pro nobis traditus es bonus, sanctus, & omnis peccati exors, & nunc idemes, Domine. Neque enim mutabilis est summa pietas diuinitatis ac clementiæ tuæ, quam habes secundū naturam. At nos & tunc impij atque improbi, & nunc peccatores & infirmi sumus. Munus ergo, quod nobis per immensam pietatem tuam donasti, à nobis quæsumus, ne abstuleris. Nam si tunc quidem propter nostram iustitiam liberaffes nos, nunc verò quia peccauimus, iccirco irascereris, & gratiam tuam à nobis auferres; meritò diceremus, tunc nostrā iustitiā liberaffisti nos; modò autem, quia peccauimus, recessisti à nobis. Verūm, vt iam dixi, & tunc impij fuimus, & modò peccatores sumus. Donum ergo istud, quod nobis benignitate illa tua largitus es, in finem vsque firmetur in nobis.

4. Equidem

4. Equidē, Domine, cum afflictione & attritione animi mei iam etiam atque etiam clamo ad te, atque aduersus hostem meum te interpellare cogor. Respice, Domine, & esto mihi refugium, illosque prædones, qui singulis horis perterrefaciunt me, tua increpatione coërce; distrahunt enim me atque ad res inanes attollunt, & non compungor. Impediunt me, neque ut te implorem sinunt. Norunt enim, si cum gemitu ac lacrymis ad te clamauero, se non posse subsistere. Hei! quid agerem miser, cui cum adeo graui aduersario ad luctam prodeundum est? Sed me felicem, qui tuæ protectionis dexterâ conseruor atque defendor, à quo in certaminibus præmia parantur vincentibus. Basiliscus quidem bestia vtrinque nocens est, aspectu scilicet, & acerbitate morsus. Sed iste draco ex parte vtraque illo nequior est & perniciosior in lucta & impudentia. At virtus tua sancta, Domine, quæ deuorauit virgas in dracones mutatas, increpet & draconem istum, qui impudenter admodum mihi insidiatur cum summa improbitate pugnæ, qua tamen ingentem thesaurum operator sustinentibus atque vincentibus: & vexatio quam eius afferunt comminationes, latentem continet felicitatem. Nam istius quidem seculi gaudium tristitia atque dolore plenum est: Quæ autem secundum Deum tristitia est ac gemitus, gaudium ineffabile vitamque æternam conciliat. Semper infirmus fui, indefinenterque infirmor, Domine: sed indeficiens tua gratia assidue visitat & sanat me. Horis quoque singulis neglexi ac negligo mercedem curationum eius, cum omnem pretij æstimationem excedant remedia gratiæ tuæ, quæ tu gratis donas, Et quoniam lacrymis ipsa largiris, da & mihi, obsecro, per meas lacrymas curationem animæ meæ.

Exod. 7.

2. Cor. 7.

5. Perspicuum nanque est omnibus, seculum hoc præsens cauæ, vbi cum bestiis certatur, esse persimile, vbi validus ille draco cum omnibus decertans, ab aliquibus quidem superatur & conculcatur, plerosque autem vincit & pessundat ipse, à quibusdam deijcitur & irridetur, nonnullos deijcit & subsannat ipse. Atque alij quidem ex colluctatione cum illo superantur, alij verò coronantur. Hi quidem per accerbitatem eius, æternæ vitæ dulcedinem consequun-

tur, alij autem dulcedine atque blanditiis ipsius emolliti ac delinicti, amaritudinem æternorum suppliciorum incurrunt: Alij summa rerum omnium paupertate ipsum facile prosternunt & vincunt: Alios verò terrenarum rerum cupiditate deuinctos, ipse prosternit ac superat. His, dum ex animo Deum concupiscunt, leuis ac nulla est illius pugna; at mundo affixis, eadem grauis est & intolerabilis.

6. Beati illi, qui Deum ex toto corde diligunt, & per dilectionem eius contemnunt vniuersa. Beati item, qui die noctuque peccata sua lacrymis abluunt, vt à ventura ira liberentur. Beati, qui sponte sua se hñc humiliant; quoniam illic exaltabuntur in patria cælesti. Beati, qui hñc continentest fuerint, quoniam ibi deliciæ paradisi eos manent. Beati, qui hñc sua corpora sponte in vigiliis & exercitationibus virtutis affixerint, quoniam illic paradisi exultatio iis parata est. Beati, qui sponte facti sunt templa Spiritus sancti, quoniam illi ad dexteram statuentur. Beati, qui charitatem Dei corde & animo possederint; quoniam ipsi amici Christi vocabuntur. Beati, qui seipsos mundo & concupiscentiis eius crucifixerunt; quoniam die ac nocte meditatio eorum in Deum defixa est. Beati, qui verè lumbos suos præcinxerint, lampadesque suas præparauerint, expectantes Dominum suum, quando reuertetur à nuptiis. Beatus, qui mentis oculis speculari potuerit futura cælestis gaudij bona, & contrà, suppliciorum æternorum gehennæ mala; omnique studio ad illa consequenda, & hæc euitanda contenderit. Beatus, cui ob oculos assiduè extrema illa hora horroris atque formidinis plena versatur, studetque placere Deo dum tempus adhuc suppetit. Beatus, qui tanquam omnis perturbationis & immoderate affectionis experts, vitam Angelicam in hoc mundo duxerit; vt cum Angelis in die illa, æterno cælestis vitæ gaudio perfrui possit.

7. Conemur ergo, Fratres, superna solum contemplari, superna sapere, superna cogitare, de supernis disserere, superna animo voluere, superna meditari; superna sentire & intelligere, superna loqui, superna perficere, superna pertractare: in omnibus & per omnia conuersationem nostram in supernis habere, supernisque assuescere. Cauemusque ad inferiora obtutus conuertere, vbi voluptates

blandæ ac noxiæ, concupiscentiæque inanis atque mortiferi seculi huius prauæ dominantur. At præclarum est oculis cordis semper videre atque prospicere, ne quid noxiæ vnamquam in pupillam oculi incidat; mentisque aciem cogitatio aliqua improba, aut quid aliud indignum ac Domino Deo displicens perturber, obtenebretque. Sed audi, quæso, qui legis (de meipso autem loquor) & quid perpetuò cogitandum sit nobis, accipe: Habemus Angelos quos iugiter cogitemus, habemus Archangelos, habemus Potestates atque Virtutes, habemus Dominationum gloriam, habemus Cherubim & Seraphim, habemus nos ipsos: habemus Deum ac Dominum vniuersorum, bonumque ac sanctum nomen eius: habemus Prophetas, habemus Apostolos, habemus sancta Christi Euangelia, diuinisque sermones eius: habemus Martyres, habemus Sanctos omnes, habemus Confessores, habemus sanctos Patres nostros & Patriarchas, habemus Pastores, habemus Sacerdotes, habemus denique cælos, & omnia quæ in eis sunt. Hæc meditare semper, in istis mentem ac cognitionem tuam omnem iugiter desige: Erisque filius Domini ac Dei altissimi, gratiâ Domini ac Saluatoris nostri Iesu Christi, Cui sit gloria & imperium, nunc & semper, & in secula seculorum. Amen.

VIII. DE TIMORE ANIMI.

I. **E**GO Ephræm peccator, ignauus ac piger in certamine spiritali, in quo assidue ob negligentiam meam animique torporem vincor, vobis, strenui pugiles Dei que amantissimi Fratres, ingentem animi mei timorem atque tremorem, qui quodam die me miserum atque distractum, tardumque ac desidem inuasit, recensere volo. Solus sedebam in loco quodam quieto atque sublimi, & inanes huius vite curas, tumultus ac perturbationes mente reuoluebam. Et illacrymans dicebam: quomodo vita hæc nostra velut umbra fugit, & instar velocissimi cursoris pertransit, & tanquam flos matutinus marcescit. Rursusque cum dolore ac gemitu; quomodo, inquam, seculum hoc prætereat,

*Iob 8. 14.
Psal. 101.
143.*

dum interim ignaviâ, rebusque ac cogitationibus inutilibus distrahimur, nescimus. Hæc dum mecum expendo, repente oculos in cælum sustuli, & penè à sensibus alienatus, magno cum timore percussus, oculis cordis Dominum meum summa in gloria sedentem prospexi, & sic animam meam compellantem audiui: Quamobrem, ô anima, cælestem tuum thalamum lumine gloriæ plenum contemnis? Cur, ô anima sponsa mea, me immaculatum & immortalem sponsum tuum odisti? Cur, ô anima, spernis illa bona, quæ ego in lumine vitæ præparaui tibi? Cur, ô anima, te à me per res & cogitationes indecentes atque inutiles alienasti? Cur omni cum studio ac gaudio aduentum meum non præstolaris? Cur, ô anima, manibus tuis lampadem ardentem non tenes, expectans dum vocem illam audias: Ecce sponsus venit, exite obviam ei cum lætitiâ? Cur non festinas tibi vestem decoram dignamque ad nuptias parare? Cur cum gaudio sanctum illum cælestem thalamum non ingrederis? Cur, ô anima, me qui bonus sum, & te à morte in vitam asserui, odisti? Ego, anima, tui causâ mortem oppetij, ut te sponfam mihi conciliarem. Ego, anima, regnum tibi hæreditarium, quod omnibus bonis abundat, acquisivi. Ego, anima, homo propter te factus sum, ut vitam tuam à corruptione liberarem. Ego, anima, salutem tuam cunctis operibus meis semper prætuli. Ego, anima, cælestem tibi thalamum præparaui, Angelisque mandavi, ut in eo coram te ministrarent, ut cum gaudio illuc ingrederis. Tu verò, ô anima, me cælestem tuum sponsum, & ineffabilia quæ tibi paravi bona, spreuisti. Sed quem quæso præferre mihi potuisti: qui res omnes creatas meâ indulgentiâ conseruo? Quis pater vitam donat ut ego, quem, tu anima, reliquisti, & inimicum odioque dignissimum concupiisti?

2. His ego, Fratres charissimi, in illa hora coram Domino constitutus, vehementer contremui & expavi, præsertim dum formidabilia illa Domini verba, maximamque animi mei confusionem atque turbationem animaduerterem. Vnde defecit præ timore atque confusione anima mea, cogitabamque ubi me absconderem; quod tantam ignominiam ferre nequirem, dicebamque apud me: Ve-

nite montes , & me peccatorem ac impium operite. Et demisso capite confusus, alta voce meipsum desere lamentabiliter cœpi, dicens: Cur ego, inquam, ex vtero matris prodij, vt Dominum meum sanctum & bonum atque misericordem exacerbarem? Cur conceptionem in vtero matris & corporis incrementum, donaque cœlestia, ac sancta gratiæ tuæ remedia, quæ dedisti, Domine, contempsisti? Flens tamen procidi, & cum plandū ac dolore cordis mei illacrymans rogavi & exclamaui: Exaudi, Domine, fletum meum, & suscipe verba deprecationis meæ, quæ ego peccator timore perterritus, coram te loquor, clementissime, mitissime, & misericordissime Domine. Ne feceris mihi, obsecro, secundum cuncta opera mea, neque memineris iniquitatum mearum, quibus ego gratiam tuam, benignissime Domine, irritaui. Tantum mihi peccatori, hominum amator optime, temporis concede, vt pœnitentiæ spatium habeam. Gratia tua, quæ delicta iuuentutis meæ tulit, & senectutis nunc errata perferat. Noui ego iusiurandum tuum, clementissime Domine, quod per te metipsum iurasti, dicens: *Exech. 18.* Vivo ego, dicit Dominus, quia nolo mortem peccatoris & impij; sed magis vt conuertatur ab omnibus iniquitatibus suis, & viuatur. Iurasti, hominum amator optime, pro tuis miserationibus, te mortem peccatoris nolle; sed potius vt conuerteretur & viueret. Miserere igitur mei peccatoris, qui adiuro te per misericordiæ tuæ viscera, vt mihi propitius sis, atque ignoscas. Miserere mei, Domine, & ne adiurationis meæ te libertas offendar. Tu qui corda scrutaris & renes hominum, nostrasque cogitationes perspicis, nosti me acerbissimo animi dolore coactum, ista ausum in conspectu tuo eloqui. Respice, ô Christe Saluator, fontes lacrymarum mearum, contritionesque ac gemitus indignæ meæ animæ. Veniat præceptorum tuorum iussio, & me protegat, antequam formidabili iussu tuo imparatus atque confusus deprehendar. Concedat mihi gratia tua exiguum tempus veræ pœnitentiæ. Nequit, clementissime Domine, gratia tua peccatorem despicere lacrymantem. Ignoscit omni animæ, quæ supplex ad te recurrit, & peccatorum quæ patrauit, veniam implorat. Exaudiuit sanctus, & benignus Dominus vocem meam, & ploratum lacrymarum mearum, & miser-

446 S. PATRIS EPHREM SYRI,
tus est mei. Et nunc me respice, vt longanimis & misericors
Dominus, vt ego quoque fructum pœnitentiæ referam.
Quamobrem supplico, Domine, vt veræ pœnitentiæ spa-
tium mihi largiaris. Suggestit inibi quotidie viam salutis, &
nunquam non me ad vitam trahit Saluator meus, vt saluus
fiam.

3. Quoties in mentem mihi venit illius diei ac horæ,
in qua me repente timor hic inuasit, totus horreo, lacry-
mor ac ingemisco. Iterum mox omnium simul obliuiscor,
& precum, & lacrymarum, & timoris, & spatij pœnitentiæ
mihi largitate diuinæ gratiæ concessi. Sed vnde mihi ista du-
ritia, & negligentia? vnde tanta obliuio? vnde ita subito
fio impudens & timoris expers, elatus & iracundus, adeo
vt planè nec timor Dei, nec iudicium futurum mihi verse-
tur ob oculos? Nunquid iniustus est Deus? Nunquid dissi-
mulat, aut non intuetur opera mea? absit. Omnes vos rogo
obtestorque, amici Dei & fratres mei charissimi, vt pro me
homine peccatore & minimo, apud Deum misericordem,
& benignissimum intercedere velitis. Quæ mihi acciderunt,
vel ideo patefeci vobis, vt per vos misericordiam à Deo
obtineam. Neque dubito, quin si volueritis, mihi peccato-
ri vestris apud Deum orationibus & supplicationibus succur-
rere possitis. Noui multorum deprecationes apud Deum, e-
tiam Apostolos è carcere & vinculis, & morte liberare va-
luisse. Quanto magis vos me peccatorem & impium à mor-
te liberabitis? Succurrite ergo qui timetis Dominum. pre-
ces vestras pro me peccatore fundite, vt diuina gratia in a-
nima mea replendeat, mentemque tenebris circumfusam
illuminet, promptusque ac dignus efficiar precibus vestris
mediantibus, qui pœnitentiam agam, & veniam merear.
Et adueniente diuinâ gratiâ, dulcescat omnis amaritudo
mea.

4. Gratia enim præsentia, simul cum cordis compun-
ctione, animi dulcedinem & tranquillitatem affert. Exhila-
rant vndæ diuinæ gratiæ iubarque sancti Spiritus nostra
pectora, faciuntque vt anima repente omnium rerum terre-
narum, cupiditatumque carnalium ac noxiarum obliuiscat-
tur. Fouentigitur vndæ diuinæ gratiæ intellectum simul &
animam. Similisque est gratia Dei in anima nostra horro

regio pulchris arboribus & fructibus bonis pleno, qui tum sapore, tum odore, tum iucunditate, & pulchritudine sua, mirificam cunctis sensibus delectationem ac recreationem afferunt. Ita & diuinę gratiæ fructus ac medicamenta nobis splendorem, dulcedinem, lætitiāque præbent. O beata illa anima, quæ operibus diuinæ gratiæ resplendet; illustratur enim eius splendore, afficitur dulcedine, contemplationisque ac suauissimi illius odoris gaudio perfunditur. Iterum dico: O beata illa anima, quæ cunctis diuinæ gratiæ muneribus ornata est. Nihil anima illa intueretur in terra, sed tota defixa hæret in Deo: Cùm neque sponsi suauitas & gratia, illam aliorum se vertere permittat.

§. Ecce rursus ad fores Domini mei procido, supplicans, obsecrans atque adorans, & continuè dicens: Ignosce mihi scelera atque delicta mea, clementissime Domine. Expectat enim supplici seruo, posteaquam peccauit, non effugere manus Domini sui, sed omni potius cum submissione & humilitate cordis ab eo veniam expectare. Nam sic etiam homines delinquentibus seruis suis offensas ignoscere consueverunt. Quòd si homines mortales, & improbi, errata conseruis ignoscunt, quantò magis Dominus noster sanctus & bonus, vniuersorum conditor, omniumque creator Deus, cuius misericordia, & mansuetudo, ac pietas, atque clementia est infinita, iniquitates atque delicta cunctis peccatoribus remittet, qui supplices ad eum assiduè confugiunt? Thesaurus siquidem misericordiæ eius, saltem modicam animi nostri resipiscētis atque dolentis de peccatis, requirit promptitudinem: & mox suas profundit diuitias, in requirentes illum cum contritione: Nam similis videtur thesaurus ille fonti vberissimo, qui aquam haurientibus abundè præbet. Vnde facile est cuius, explicare, quo pacto fons ille, diuinæ misericordiæ fonti comparetur. Quemadmodum enim fons neminem ab aqua sua arcet; ita gratiæ thesaurus, nullum prohibet hominem, cur minùs particeps illius reddatur. Modò igitur voluntas accipiendæ gratiæ adfuerit, illico totus thesaurus gratiæ patebit. Haurite ex hoc fonte, Charissimi, cælestium donorum riuos atque fluentia, dum licet. Tempus enim veniet & hora, quando ex eo bibere ac sitim extingueret, planè nemini licebit. Quæso obtestorque

vos, hæredes Dei & Christi Fratres, vt mei memineritis, as-
siduèque pro me Deum ac Saluatorem exoraueritis: vt per
Christum, ab hoste maligno, qui me singulis horis oppugnat,
liberer. Sanctissimæ Trinitati sit gloria in secula seculorum,
Amen.

IX.

REPREHENSIO SVI IPSIVS. ATQVE

Confessio.

Prov. 17.

Iacob. 5.

I. **F**Ratres, compatimini mihi, qui commiserationis ha-
betis viscera: non enim otiose diuina dixit scriptura:
Fratres qui adiuuatur à fratre, quasi alra atque munita ciui-
tas. Nam fundati regni instar, fortis est ac potens. Alibique
rursus: Confitemini alterutrum peccata vestra, & orate pro
inuicem, vt sanemini. Accipite ergo cohortationem, electi
Dei, ab eo qui decreuit atque promisit quidem placere
Deo, & mentitus est factori suo, vt supplicationibus vestris
liberer à peccatis, quæ me complectuntur ac detinent, sa-
nitatque restitutus exurgam è lecto tabifici peccati. Quo-
niam ab infantia factus sum vas inutile atque abiectum. Et
nunc de iudicio audiens, nihili facio, tanquam offensis ac
culpæ omnibus superior, aliosque mea admonitione ab inu-
tilibus deterrens, hæc ipsa duplo plura à me peraguntur.
Hei mihi, in quali damnationis statu reperior. Hei mihi, in
quo dedecore iaceo. Hei mihi, quod in me non est, id
quod laret, vt id quod apparet, vnde nisi velociter com-
miserationes in me diuinæ refulserint, nulla mihi ex operi-
bus spes salutis ostenditur. Dum enim de pudicitia dissero,
de lasciuiâ cogito: dum de puritate cordis verba facio, tur-
pium affectionum meditatio in me dies noctesque domina-
tur. Quam igitur excusationem habebō? Hei mihi, quæ
qualisque mihi discussio imminet? Reuera specie tantum
pietatis amictus sum, & non potentiâ atque virtute. Quo
igitur ore, quave audacia accedam ad Dominum Deum
meum, qui abscondita nouit cordis mei? Tantis malis
obnoxius cum sim, pertimesco in oratione constitutus, ne
ignis

ignis de cælo descendat ac deuoret me. Si enim eos, qui offerebant coram Domino ignem alienum in deserto, egressus ignis à Domino, contumpsit: quid ego expectabo, tanto delictorum pondere indutus atque circumdatus? Quid ergo; desperabo ne propriam salutem? Absit. Ea quippe aduersarij est sollicitudo ac studium, ut cum aliquem ad desperationem deduxerit, mox eum deiiciat substernatque. Ego verò non despero de meipso, sed Dei confido miserationibus, vestrisque pro me deprecationibus. Ne ergo desistatis ob oratione apud hominum amatorem Deum: ut à seruitute ignominiosarum passionum liberetur cor meum. Inflammatum est cor meum, immutata est pia cogitatio mea, obscurata mens mea: velut canis ad proprium reuertor vomitum, & non est pœnitentia mea pura, non sunt mihi in oratione lacrymæ. Dumque suspiro, sicco faciem meam verecundiæ rubore suffusam, pulso pectus meum domicilium passionum. Gloria tibi, qui sustines: Gloria tibi longanimis: Gloria tibi clementissime: Gloria tibi benignissime: Gloria tibi optime: Gloria tibi, qui solus es sapiens: Gloria tibi, qui animarum ac corporum benefactor es: Gloria tibi, qui solem oriri facis super malos & bonos, pluisque super iustos atque iniustos: Gloria tibi, qui cunctas nutris gentes, omnemque naturam humanam, tanquam hominem vnum: Gloria tibi, qui volucres cæli pascis, & feras atque serpentes ac aquatilia, velut passerulum vilem. Omnia enim in te sperant, ut des escam illorum in tempore opportuno. Magna quippe tua est potestas, & miserationes tuæ super omnia opera tua, Domine. Ideo precor, Domine, ne me abiicias cum iis, qui tibi dicunt: Domine, Domine; & voluntatem tuam non faciunt, precibus & intercessione omnium, qui in conspectu tuo gratos se atque acceptos reddiderunt. Tu enim nostri larentes in me passiones: Tu vulnera animæ meæ explorata habes. Sana me, Domine, & sanabor. Socios vos mihi præbere, fratres, in orationibus: Miserationes à Dei bonitate deprecari: Animam à peccatis exacerbata, dulcescere facite: Ex vera vite, vos qui palmires eius estis, tradite sitienti de fonte vitæ Qui ipsius ministri digni habitis, me ad diuina eius obsequia præstanda corroborate: illuminare cor meum, qui filij lucis euasistis: Me aberrantem, in

Leuit. 20.

Matth. 5.

Psalm. 144.

Matth. 7.

Ierem. 7.

viam vitæ deducite, qui in ea persistitis: Me intra regalem portam introducite, sicut dominus proprium seruum, qui heredes regni euasistis, quoniam comprimitur cor meum. Præueniant me commiserationes Dei, vestra deprecatione; antequam pertrahar vnâ cum operantibus iniquitatem. Ibi quæ in tenebris, quæque in aperto gesta sunt, reuelabuntur.

2. Quod me tandem dedecus & rubor occupabit; quando me condemnatum viderint, qui nunc me irreprehensibilem distitant? Spiritualî relicto opere, passionibus obediui: Doceri nolo, & docere alios volo: Subesse recuso, & subiugare ceteros cupio: Laboribus grauari renuo, & aliis imponere eos desidero: Operari nolo, & exactorem ac monitorem operis agere volo: Honorare alios nolo, & honorari gaudeo: Improperia ab aliis ferre non possum, & tamen improperare ac maledicere gestio: Contemni nolo, & alios pro nihilo habere ac spernere volo: Aliorum superbiam ferre non placet, & tamen superbire in alios delectat: Redargui detrecto, & reprehendere amo: Misericordiam aliorum nolo, & tamen commiserationes aliunde requiro: Increpari non volo, & increpare ac obiurgare alios volo: Cōdemnari recuso, & damnare alios studeo: Iniuriam mihi fieri nolo, & iniuriâ alios afficere volo. Obrectari mihi non fero, & aliis obloqui cupio: audire alios non lubet, & tamen audiri opto: celebrare alios nolo, & celebrari ac prædicari volo: antecellere mihi alios non fero, & superare contendo: In admonendo sapiens, sed non in agendo: Quæ facere oporteret, dico; & quæ nec dicere fas esset, facio.

3. Quis super me non ploret? Deplangite me sancti ac iusti, vt qui in iniquitatibus conceptus sum: Dessete me, qui lucem diligitis, & tenebras odistis: Lugete me, cui tenebrarum opera placent, & non lucis: Plangite me reprobum, qui probi estis, clementes arbitri eum qui misericordiam consecutus est, & adhuc iudicem irritat: Plangite me, qui extra omnem reprehensionem estis, iniquitatibus demersum: Plangite me, qui bonum diligitis, & malum odio persequimini, mala amplectentem, & bona auersantem: Plangite me, qui vitam religiosam colitis, habitu solum vitam relinquentem: Plangite me, qui Deo grati & accepti estis, studio hominibus complacendi deditum; qui perfectam possidetis

charitatem, eum qui verbis quidem diligit, operibus autem proximum odio habet: Plangite me, qui satagitis rerum vestrarum, eum qui de rebus alienis curiosè laborat. Plangite me patientiæ expertem atque infructuosum, vos qui patientiâ instructi fructificatis Deo. Plangite me rudem atque inuilem, qui disciplinam ac doctrinam concupiscitis. Plangite me ut indignum, qui altitudinem cælorum respiciam, vos qui cum fiducia ad Deum acceditis. Plangite me, qui Moyses patientiam habetis, hanc sponse deperdentem. Plangite me, qui Ioseph pudicitiam possidetis, eiusce proditorem. Plangite me, qui Danielis temperantiam diligitis, eâ ipsâ voluntariè priuatum. Plangite me, qui patientiâ Iob ornati estis, ab hac alienum redditum. Plangite me, qui voluntariam Apostolorum tenetis paupertatem, ab ea longè distantem. Lugeate me duplicis animi hominem, ignauum ac timidum, improbumque; vos qui fideles ac stabiles in Deum corde estis. Lugeate me risu gaudentem, & luctum abominantem, qui plañctum diligitis, & risum remouetis: Lugeate me, qui templum Dei immaculatum conseruatis, illud contaminantem ac inquinantem. Plangite me, qui separationis ac inuitabilis viæ recordamini, immemorem atque imparatum ad idem iter. Deplangite me, qui in mente iudicium quod est futurum post mortem, tenetis; confitentem meminisse, & agentem contraria. Deplangite me, inquam, hæredes regni cælestis, hæredem gehennæ ignis. Hei mihi, quòd peccatum non reliquit in me incolume vllum membrum, aut sensum quem non deprauarit: neque id est mihi curæ. Iam finis pro foribus assistit, & de eo non cogito, fratres.

4. Ecce reuelau i vobis vulnera animæ meæ, nolite ergo aspernari me ægrotum; sed medicum pro infirmo deprecemini: pastorem pro oue, Regem pro captiuo, vitam pro morte; ut salutem in Christo Iesu Domino nostro consequar, de peccatis me detinentibus; emittatque gratiam suam, ac animæ lubricitatem confirmet; paratus enim sum ad resistendū improbis passionibus; & dum cum iis confingo, dolosa draconis malignitas contentione firmitatēque animæ, voluptatis illecebris dissoluit, abripiorque ab iis captiuus.

Rursus studeo eripere illū qui cōburitur, & ignis odor adhuc me iuueniliter & inconsideratē agentem, ad ignem attrahit. Rursus conuerto animum ad saluandum eum, qui demergitur; & prae in experientia cum ipso demergor. Medicus passionum dum cupio fieri, ipsemet ab iis occupor. Loco medicinæ, ægrotantem obiurgo, ipseque cæcus cæcis ductum præstare conor: vnde multis indigeo orationibus, vt proprias mensuras cognoscam, Christi que gratia obumbret mihi, ac obscuratum cor meum illuminet, & pro ignorantia diuinam cognitionem habitare in me faciat: quoniam non erit impossibile apud Deum omne verbum. Ipse inaccessum mare, peruium reddidit populo suo. Ipse Manna pluit iis, & ex mari coturnices, sicut arenam maris. Ipse ex petra durissima aquam sitientibus præbuit. Ipse solus eum qui in latrones incidit, sua benignitate seruauit. Misericordiā quoque in me moueatur eius bonitas, vt qui in peccata prolapsus sum, ligatusque tanquam vinculo à malitia. Non est mihi loquendi libertas apud Scrutatorem cordis ac reñum. Nemo reperitur, qui sanare animæ meæ possit dolorem, nisi ipse qui nouit profunda cordis. Quoties in me ipso terminos constitui, murosque rexdificaui inter me & iniquitatem peccati, & inter hostes qui ex aduerso congregiuntur ad bellum? Mens suos præteriuit terminos, murosque evertit; eò quòd termini non essent muniti timore fortioris & potentioris, murique non fundati in sincera ac vera pœnitentia. Vnde & iam pulso, vt aperiatur mihi: persisto in oratione, vt postulatis potiar, ac velut impudens misericordiam à te deosco, Domine. Tu bona præbes, Saluator, ego mala retribuō. Tuam in me peruersum longanimitatem exhibe, non de verbis tantummodò otiosis veniam rogo, sed etiam de actionibus impiis ignosci mihi à tua bonitate deprecor. Libera me ab omni opere malo, Domine, priusquàm me finis præoccupet; vt coram te gratiam in hora mortis inueniam: Nam in inferno quis confitebitur tibi? Salua animam meam de futuro timore, Domine, commaculatamque meam vestem, propter miserationes ac bonitatem tuam dealba: vt & ego licet indignus prælucens, dignus efficiar regno tuo cælesti: gaudioque illo incomparabili donatus, dicam: Gloria ei qui afflictam animā ex ore liberauit leonis, eamque

Luc. 1.

Exod. 16.

Num. 11.

Luc. 10.

in paradiso deliciarum reposuit; Quoniam tibi purissimo ac sanctissimo Deo conuenit gloria in cuncta seculorum secula. Amen.

X. De non scandalizando proximo.

I. **N**ON decet eos qui ad pietatis studium accedunt, *Luc. 9.* & manum ad aratrum ponunt, retro conuerti, eorundemque studium Deo complacendi impedire; sed ad perfectionem potius sunt dirigendi, cum de talibus dictum reperiatur: Quoniam qui vos tetigerit, tanquam qui *Zach. 13.* tangit pupillam oculi eius. Qui igitur noluerit violare præceptum; vndique se muniat, ne alteri scandalum præbeat, *Proverb. 8.* maximè verò, qui ad Dominum Deum accessit, & mundi laqueos effugit; vt non connumeretur & ipse illis, quos increpat Propheta, dicens: Væ qui potum dat amico suo, *Habac. 2.* mittens fel suum & inebrians, vt aspiciat nuditatem eius. Et: Væ, qui lætantur cum malè fecerint, & exultant in rebus, *Psalm. 53.* pessimis: quorum via peruersa sunt, & infames gressus eorum, qui relinquunt iter rectum, & ambulant per vias tenebrosas. Quoniam his diuinam aduersum se iram prouocant, sicut & ex Euangelio patet, vbi ait Dominus: Expe- *Matth. 18.* dit homini magis, vt mola asinaria suspendatur in collo eius, & demergatur in profundum maris, quàm vt scandalizet vnum de pusillis istis, qui in me credunt. Damnum enim quod hinc oritur, explicari non potest. Describamus igitur rem ipsam pro viribus, vt hoc vel exiguo exemplo res exprimatur: cognitoque tanto huius detrimento, metu nos cohibeamus, ne proximo vllum offendiculum siue scandalum ponamus. Filius quidam fuit vnicus parentibus suis, quem ipsi vehementer diligebant, quoniam omnem suam post Deum spem, in illo repositam habebant, per eum sperantes, se optimam atque decentem vitæ spem vltimam habituros, generisque successionem atque restaurationem per ipsius procreationem fore. Verùm adolescens, repente cunctis rebus fugacibus ac momentaneis abiectis, eremum petit, & fit monachus, dolorem intolerabilem suis propinquis & amicis relinquens. Flet pater, plangit mater, ita subito expectatione sua frustrati; simul æstimantes im-

possibile, eum deinceps fore, sicut fuerat ante secessum. Neque enim fieri poterat, ut ampliùs domui paternæ præ-
esset, vel operam liberis daret; cùm hominem quodam-
modo exuisset. In hoc igitur loco sancto versabatur indutus,
& adhuc viuus, nihil eorum dissimilis, qui in sepulchro sunt
conditi, quod attinet ad humana negotia: quare flet pater,
lamentatur mater, proprij filij obsequium requirentes. Spon-
sa post arrhabonem euertitur, ac spoliatur; Si opificium di-
dicerat, abiicit; Si mercaturam exercebat, relinquit; Si in
album erat relatus militum, à militia recedit; Si magistra-
tum gerebat, contemnit: & penè domus eversio, ex hoc il-
lius nouo vitæ instituto consequitur. Omnia enim quæ vi-
dentur, & affectionem rerum sensibilium mouere possunt,
capillorum instar abscindens, nudus pietatis ac religionis
septa ingredi maluerat, ut Christum Dominum gloriæ sibi
lucrifaceret. Nunquid igitur hic scandalo aut subuersione
dignus erat? absit.

2. Quis ergo eò malitię euasit, ut proditoris atque piratæ
officiū, huic optimæ negotiationi sibi præferendum cen-
seat? Aut quis ad eam audaciam, tanquam præstantioris rei
potiundæ causâ deuenit, ut bene rectęque currentem, in
sua alacritate ac bono proposito intercipiat atque impediatur,
quominùs sequestratus cunctis terrenis, ad cælestia perue-
nire possit? Nam si post renuntiationem abdicationemque
vitæ, quis in virtutis stadio claudicare inceperit, & sen-
sim à recta via resiliere, oculosque circumuertere retrorsum,
hic & in vita præsentī, erit exemplo: & post suum è viuīs
excessum, regno cælorum priuatus, indignum seipsum
Sanctorum choro reddet: quin & parentibus ipsis ignauia
huius in confusionem futura est, amici dolore concident,
& inimici gaudebunt super illius desidia atque ruina. Pro-
pinqui & affines mortem ei imprecabuntur, quòd terrenis
exutus, cælestia non apprehenderit; & sub prætextu pie-
tatis, diaboli iugum subierit: legitimis enim nuptiis spre-
tis, in scortationibus atque impudiciis volutatur, & in cra-
pula atque ebrietate totos dies transigit. Deplorant paren-
tes damna pariter animæ illius. Hic autem qui corde sedu-
ctus erat, & vias suas corruerat, horum nihil sibi vendicat;
verùm abiecta pietate, impudentiam indutus est, & turpi-

ter ac præter decorem agere non erubuit. Neque enim homines veretur, neque Dei indignationem animo expendit, & iccirco neque parentibus debitum atque convenientem honorem attribuit, neque spiritali se opere dignum exhibet. Vnde deinceps nascuntur maledicta aduersus promissa, & in pietatem atque religionem blasphemiarum, quod quidem horrendum est & dicere. Et quemadmodum impius cum in profundum malorum venerit, contemnit, ita & hic in tantam temeritatem impingens, nequaquam est territus, sed instar illius qui vendidit vniuersam suam substantiam, vendensque suam stolam magni pretij, denique verò furore incitatus, hanc impleuit assumentis panni rudis, ac sordidi, qua si vtatur, non ampliùs in laudem & honorem, sed in subsannationem & improprium vtetur. Quis enim non irrideat, aspiciens eum, qui heri in monte seipsum ad ministerium fratrum in vnum habitantium præcinxerat, ad imitationem Domini nostri Iesu Christi, hodie famulorum comitatu stipatum, & ab ancillis eius lauari pedes, eosdemque in molli lecto reponi, & ad fluxum atque remissum affectionibusque plenum vitæ genus, iterum propensum illum intueri? Aut quis eum ludibrio non habeat, qui heri in cella conclusus erat, & multorum conuersationem vitabat, hodie autem cum inhonestis mulierculis viuentem, & in tabernis ebrietati studentem? Aut quis eum non reprehendat, qui die hesterno sua sponte, quæcunque temporalia siue mundana abiecit inopiam amplectens, hodie vero autem assidentem in iudiciis: Et quæ iam damnarat, studiosè rursus ad se reuocantem, & suam mentem à cælestibus ad terrestria traducentem, iudicesque mancipiorum instar, sequi gestientem: Et loco deprecationis atque meditationis eloquiorum Dei, cum causidicis sermocinantem: Et pro simplicitate atque innocentia, versutiam morum atque sermonum assumentem?

Præf. 18.

Matth. 9.

3. Utinam autem ex iis quæ videmus, tribunalibus, mente comprehendamus etiam iudicium futurum, fugiamusque vitæ huius ærumnas, ac nostrum viuendi modum cum pietate commutemus. Tunc, enim, tunc inquam, gaudium erit inter Angelos, & lætitia bonis, propinquisque reconciliatio. Luctus enim eorum qui iniquo animo tulerunt eius se-

Luce. 15.

cessum, conuertetur in lætitiā, propter optimā iam vitæ filij rationem initā. Beati enim putantur ac prædicantur ab amicis, iisque maximè qui casus eorum qui reuertuntur in vitā, conspiciunt, & tanquam munera Domino Deo offerentes beatificantur. Gloriat̃ genus de strenuis factis egregij athletæ, & alacres gestientelque percontantur quoscunque obuio. Virtus autem abscondi nequit; audientque optimā super eo inualescentem famā, ac in his glorificabunt Dominum, seque amicos ac consanguineos Creatoris esse asserent: Qui in dignitate sunt constituti, hunc ab auctoritate ac dignitate commendabunt: Milites eum à rebus militiæ gestis, demirabuntur: Eiusdem artificij homines, hunc in simili secum arte exercitarum laudabunt. Ita cunctis bene beatèque agentes virtus amabiles celebresque efficit in Domino: Ideo in gloria cælestique regno coronabuntur.

XI. AD EVERSIONEM SUPERBIAE.

1. **V**Ana est omnis exercitatio, omnis temperantia, omnis obedientia, omnis voluntaria paupertas, omnisque disciplina multiiuga, humilitate destituta. Nam quemadmodum principium & finis bonorum est humilitas; ita malorum initium, finisque existit superbia. Versutus autem ac callidus, multiformisque est hic immundus spiritus; vnde etiam in cunctos dominari nititur, singulisque per quas transire contigerit vias, in iis laqueos constituit: Sapienti per sapientiam, forti per fortitudinem, diuiti per diuitias, formoso per pulchritudinem: eloquenti per loquelam, sonoro atque vocali per vocis præstantiam; bono opifici, per artis excellentiam; agili per agilitatem. Similiter autem & spiritalis tentare non cessat: eum qui renuntiavit seculo, per abrenuntiationem; temperantem ac continentem, per temperantiam ac continentiam; in quiete ac silentio viuentem, per quietem & solitudinem; paupertatem colentem, per paupertatem; discendi studiosum, per addiscendi facilitatem; apprehensum facilem, per apprehensionis facilitatem, Religiosum per religionem, & eruditum per eruditionem: quæ autem reuera

uera cognitio est atque scientia, humilitati coniuncta reperitur. Sic ergo in cunctis sua studet seminare zizania. Ideo Dominus noster sciens passionis huius difficultatem, quod ubi radices egerit, ibi hominem illum cum suo exercitio inutilem planè reddat; suppeditavit nobis aduersus ipsum pro trophæo atque vexillo humilitatem, dicens: Quando omnia feceritis quæ præcepta sunt vobis, dicite: serui inutiles sumus. Quid ergo nobis ipsis levitatem atque demeritiam asciscimus, cum dicat Apostolus: Si quis existimat se aliquid esse cum nihil sit, ipse se seducit: Opus ergo suum probet unusquisque, & sic in semetipso tantum gloriam habebit, & non in altero. Cur igitur nos ipsos decipimus, in alterutrum elati, sicut qui in mundo sunt celebres, eosque qui sunt modestiores aspernamur? Inuenimus quippe docentem Dominum, quod quæ hominibus excellā sunt, abominabilia reperiuntur coram Deo.

Luc. 17.

Galat. 6.

2. At ut continentēs ac moderati, aduersus infirmiores extollimur? Rursus ab Apostolo corripimur dicentē: Non enim qui seipsum commendat, ille probatus est; sed quem Deus commendat. Quod si ut plus aliis laborantes, superbum aduersus eos qui vitam quietam ducunt: at Dominū reperimus Mariam commendantem, quod optimam partem elegerit. At verò tanquam animi tranquillitatem colentes, aduersus eos extollimur, qui ministerio distrahuntur? Iterum Dominum docentem inuenimus, atque dicentem: Non veni ministrari, sed ministrare; & ponere animam meā redemptionem pro multis: quare res est omnino repudianda superbia. At quod in deserto loco & puluerulento sedemus, magnificē de nobis ipsi sentimus? Nihil sanē opus loci nobis proderit, non operantibus in humilitate: Apostolo dicente atque hortante: Non contemplemur quæ videntur, sed quæ non videntur. Quæ enim videntur, temporalia sunt, quæ autem non videntur, æterna. At ut in lacu, aut spelunca habitantes inflamur? signa sunt ista mortificationis, & rerum terrenarum contemptio, atque incuriæ. Quod ergo tibi ipse delegisti ad rectius excolendam virtutem, ne tibi sit in lapsum superbiæ: similisque reddaris imperito fabro ferrario, qui suum non nouit opus, & pro gleba ferri, lignum adurere tentat, necessarium igitur fuerit,

2. Cor. 10.

Luc. 10.

Matth. 20.

2. Cor. 4.

fortiter humilitatē apprehendere. At opulentus es, & æquiritatis atque iustitiæ moderationem obrines; sed ad Abrahami mensuram non peruenisti, qui seipsum terram dicebat ac cinerem. At populi tibi procuratio cōmissa est? & Moyses populi curam suscepit, neque mille hominum solū curam & administrationem; sed & vulgi multitudinem. Postquā enim Ægyptum percussit Deus in manu Moysis & Aaron, exsiccauitque mare rubrum, & per siccum traduxit Israël, transmisitque eos per solitudinem illam terribilem, venerunt iuxta fines Moab; aspicientesque Moabitæ multitudinem populi, sicut scriptum est: Dixit Moab ad maiores natu Madian: Ita delebit hic populus omnes, qui in nostris finibus commorantur, quomodo solet bos herbas vsque ad radices carpere.

Num. 33.

Num. 1. Censui enim habebatur populi, seclusis mulieribus ac pueris, & tribu Levitarum; numerus autem eorum à viginti annis & suprà, omnes qui ad bellum procedere poterant ex Israël, sexcenta tria millia virorum, quingenti quinquaginta, cūctorumque istorum ipse dux erat. Cūque vnā cum Deo familiariter ageret, eiusque gloriam contemplaretur, non elatus est corde, neque humilitatem omisit animi. Vnde sacra quoque de eo testatur scriptura, dicēs: Erat enim Moyses vir mitissimus super omnes homines, qui morabantur in terra. At formosus, es & viribus vales & coronā seu diademate cingeris? sed non peruenisti ad mensurā Regis Davidis, qui summa animi humilitate dicebat: Ego autem sum vermis, & non homo. At scientiā præditus es, & sapientiā, atque temperantiā? non tamen ad mensuras Trium puerorum, ac Prophetę Danielis peruenisti: quorum hic quidem dicebat: Tibi, Domine, iustitia, nobis autem confusio faciei; sicut est hodie viro Iuda, & habitatoribus Ierusalem, & omni Israël. Alij autem: in animo contrito, & spiritu humilitatis suscipiamur. Et si tantam homines iusti humilitatem ostenderint; quales nos peccatores esse oportebit? Supra modum enim effertur ac superbire carnis, prudentia est. Et secundū Apostoli oraculum: Si secundū carnem vixeritis, moriemini: si autem spiritu facta carnis mortificaueritis, viuētis. Fieri que nequit, vt quis passiones vincat, ni prius virtuti excolendæ vacauerit. An non intellexisti qualia pro pietate beatus Paulus subierit? Scribit enim in sua ad Corinthios Epistola: In labori-

Num. 2.

Psalm. 21.

Daniel. 9.

Daniel. 3.

Rom. 8.

2. Cor. 11.

bus abundantius, in plagis supra modum: à Iudæis quinquies quadragenas, vnâ minùs accepi. Ter virgis cæsus sum, semel lapidatus sum, ter naufragium feci, nocte & die in profundum maris fui, in itineribus sæpe, periculis fluminum, periculis latronum, periculis ex genere, periculis ex gentibus, periculis in ciuitate, periculis in solitudine periculis in mari, periculis in falsis fratribus, in labore & ærumna, in vigiliis multis, in fame & siti, in ieiuniis multis, in frigore & nuditate, & quæ sequuntur. Nunquid adhæc vel hîscere poterimus? Quin & virtutem intueri: Post tot pericula tantaque rectè facta, cum summa animi humilitate & modestia dicebat: Fratres, ego meipsum nondum existimo comprehendisse. Ista verò dicebat: vt elationē funditus tolleret, cūm sciret quantam iram in eos concitet, qui illā amāt.

3. Verūm quid est superbia? Simile est efferri, ac si quis Deo exprobrat propria rectè facta. Sicut enim in rebus humanis, si quis cūm aliquid proximo donauerit, mox aduersus ipsum efferri supra modum incipiat, beneficia sanè huius inania redduntur; amicitiamque cum proximo sic dirimet, vnde etiam talis abominabilis redditur. Hinc quoque Dominus de nostra salute sollicitus, cupiens ab hac nos pernicioſa passione detertere atque auertere, docuit dicens: *Luce. 17.* Quando feceritis omnia, quæ præcepta sunt vobis, dicite: Serui inutiles sumus, quod debuimus facere fecimus. Cūm autem non facimus, neque seruorum quidem inutilium appellatione digni sumus: quoniam magnus Dominus noster, & magna ac præualida dona eius. Et vt discas nos solū humiliter loqui, sed & humiliter sentire, nos à Domino edoctos esse, qui ipso nos facto instituit, dum linteo præcinctus, pedes lauit discipulorum. Ideo ait: Discite à me, quia mitis sum, & humilis corde, & inuenietis requiē animabus vestris.

4. Cūm verò tristitia atque acerba præter voluntatem, ac si ad voluntatem fluere, sustines: tunc teipsum ad mensuras viri pij & religiosi peruenisse agnosce. Expavi cūm intellexi quemadmodum fraudulentam pertuleris cogitationem, quæ tibi nefaria suggerebat: per hos dies assumendus es; atque adeo quā multi sunt ab huiusmodi suggestionē de statu mentis deturbati? Dic tibi ipse, tu quis es? ad quā mensuram peruenisti? Eliasne es; an res miraculosas, instar illius

3. Reg. 17.
18. &
Iacob. 5.

feceris? Is enim oratione cælum clausit, & non pluit annos tres, & menses sex. Iterumque oratione alia, ter ignem de cælo deduxit. Atqui cunctam fidem obtines? experimentum præbe, signa atque prodigia ostende, mortuos oratione excita, oculos cæcorum aperi, dæmonas depelle, leprosos munda, claudos sana, super mare ambula tanquam in terra arida, aquam in vinum commuta; quinque panibus ac duobus piscibus, copiosam multitudinem oratione pascere.

Joan. 14.

Verax enim est qui ait: Amen dico vobis, qui credit in me, opera quæ ego facio, & ille faciet, ac maiora efficiet. Sed accedens quis forsitan dicturus est: Si quis igitur non fecerit, inquiens, res illas diuinas, non habebit is spem salutis? Spem salutis habemus, etiam huiusmodi per nos non præstitis, si imbecillitatem & modicam fidem confiteamur. Nam infirmus misericordiâ indiget, & non elatione. Si autem misericordiam requirimus, etiam humilitate opus habemus: ut per eam nobis ipsi miserationes à Domino conciliemus. Scriptum

Psalms. 131.

Psalms. 114.

est enim: Quoniam in humilitate nostra, memor fuit nostri. Et redemit nos de inimicis nostris. Ac rursus: Humiliarius sum, & liberauit me. Quod si ventis innixi, magnificè de nobis sentimus; non aliud facimus, nisi nos ipsi in abyssum præcipientes agimus. Noli igitur superbiæ morbum admittere, ne fortè mentem tuam subitò depræderetur inimicus. Respice ergo ab elata cogitatione propriæ complacentiæ. Noli retia propriis iniicere pedibus. Mentem tuam ab hoc veneno mortifero per humilitatem deterge. Doceat te forma atque exemplum eius, qui propriam verrit domum, seque in pauimentum inclinat, & mundat. Quanto maiori studio ac cura incumbere nos decet atque humiliari, ad purgationem animæ; neque in ea permittere, quæ odit Deus. In humili enim anima, habitat simul Pater, & Filius, & Spiritus sanctus. Nam scriptum habetur: Quæ participatio iustitiæ cum iniquitate? aut quæ societas luci ad tenebras? Quæ autem conuentio Christi ad Belial? aut quæ pars fideli cum infideli? Qui autem consensus templo Dei cum idolis? Nos enim templum sumus Dei viui, sicut dicit Deus: Quoniam inhabitabo in illis; & inambulabo, & ero illorum Deus: & ipsi erunt mihi populus. Propter quod exite de medio eorum, & separamini, dicit Dominus:

1. Cor. 6.

Louis. 28.

& immundum ne tetigeritis: & ego recipiam vos: & ero vobis in patrem, & vos eritis mihi in filios & filias, dicit Dominus omnipotens. Has ergo habentes promissiones, charissimi, mundemus nos ab omni inquinamento carnis & spiritus, perficientes sanctificationem in timore dei. 1. Cor. 7.

5. Cum ergo certando exieris de medio rerum temporalium, separatusque fueris à fluctuationibus ac tempestatibus vitæ nequam, tunc abundantius decerta; ne cum immundo spiritu superbiæ societatem habeas; vt te recipiat Dominus. Immundus enim verè apud Dominum, omnis qui elato est corde. An non consideras illum, per quem transibimus ignem? Quando igitur pertranscentes eum, mundi deprehensi fuerimus & irreprehensibiles: tunc cognoscemus nos ipsi quales sumus. Dies enim Domini, vnius cuiusque opus declarabit, sicut scriptum est; quia in igne reuelabitur. Rogemus ergo multa cum humilitate Dominum, vt à futuro nos timore eripiat, raptuque illo nos dignetur, quando iusti rapiuntur in nubibus obuiam Regi gloriæ in aëra; hæredesque cælestis regni euadamus cum mansuetis atque humilibus. Nam quemadmodum secundum scripturam: Beati pauperes spiritu, quoniam ipsorum est regnum cælorum: Ita vix superbis & alrè sapientibus, quia eorum est caminus ignis. In superbia enim habitat, qui dixit: In fortitudine manus meæ faciam, & in sapientia intellectus auferam terminos gentium, & fortitudinem eorum deprædabor: & concutiam ciuitates habitatas, & vniuersum orbem terræ: apprehendam manu quasi nidum, & quasi oia derelicta tollam; & non est qui effugiat me, aut contradicat mihi. Sed mittet dominator Dominus exercituum, in honorem tuum, ignominiam; & in gloriam tuam, ignem ardentem accendet. Et rursus: Dixisti in corde tuo: In cælum conscendam, super astra cæli exaltabo solium meum. Sedebo in monte excelso, in lateribus aquilonis. Ascendam super altitudinem nubium, & similis ero Altissimo. Veruntamen ad infernum detraheris, in profundum terræ. Fugiamus ergo superbiam, quam detestatur Deus; diligamus verò humilitatem, qua cuncti iusti complacuerunt Deo. Magnum quippe donum est humilitas, magna gloria

1. Cor. 7.

1. Cor. 3.

1. Thess. 4.

Matth. 5.

Luc. 6.

Esa. 10.

Esa. 24.

462 S. PATRIS EPHRAËM SYRI,
felicitas, & honor possidentibus eam. In ipsa enim cursus
sine defectu est, & sapientia integra atque perfecta. Nam
per superbiam Phariseus ille humiliatus est, & per humilita-
tem Publicanus exaltatus: Cum quo nos immortalitatis
hæreditate ac parte dignetur Dominus, cum omnibus ius-
tis, Quoniam ipsi conuenit gloria in seculorum secula.
Amen.

Luc. 18.

XII.

IN MONACHOS VITIOSOS ATQUE ambitiosos.

1. **A** Ngor, Fratres mei, & horreo, ac contremisco,
doloreque conficior, dum illud Prophetę animo
reuoluo: Videte contemptores, & admiramini, & disper-
dimini; Ac primùm quidem maximè ob meam impruden-
tiam atque ignorantiam: cùm omnem iniquitatis viam sim
ingressus, omniq; genere peccati singula membra mea
constricta teneat inimicus. Debuissẽ sanè meipsam affli-
gere atque deplangere propter turpitudinem in qua versor,
ac deinde aliorum satagere. Debuissẽ priùs *crabem* ex
propriis oculis euellere, & sic aliorum festucas cernere.
Ceterùm qui nunc dominatur contemptus, vehementi do-
lore me obruit atque demergit. Aspicio enim præsentis
disciplinæ negligentiam, & ferre nequeo: at cum Prophe-
ta doleo, qui ait: Vidi præuaricantes, & tabescebam. Quæ
enim nobis arma non intentauit inimicus: quibusque frau-
dibus ac dolis nos vincere & occupare non est conatus? Hei
mibi! quis impendentia nobis mala non deplorat? Verùm iis
quæ dicuntur, attendite, obsecro, qui hanc vitæ rationem
delegistis, & pertimescite. Cùm enim angelicum feramus
habitum, vnà cum diabolo militiam gerimus: habitus qui-
dem est angelicus, at vita mundana. Nunquid inter Ange-
los in cælis contentiones vigent & æmulationes sicut nunc
inter monachos videmus? Radices quippe egit inter eos æ-
mulatio & inuidia, atque obreptatio. Diversimodè sua sin-
gulis nobis miscuit *venena* hostis callidis, atque ac dolo

Habac. 3.
Act. 19.

Psalm. 118.

vnunquemque nostrum supplantare studet. Hic quidem, inquit, ieiunium rectè obseruat, verum zelo & inuidia vincitur. Alius rursus à fœda atque absurda se concupiscencia continet, sed vanâ constrictus est gloria. Alius diligenter vigilias colit, sed detractiōis malo irretitus est. Alius ab hoc vitio alienus est, verum inobedientia ac contradiciōne plenus. Alius à cibus temperat, verum inani iactantia & arrogantia demersus est. Alius in oratione patiens est ac potens, sed indignatione atque iracundia superatur, Alius rursus paululum in rectè agendo proficit, sed aduersus negligentiores extollitur. Alios alio modo malitia ligatos tenet, & non est qui intelligat. Propterea rixæ atque dissensiones sunt inter monachos.

2. Hei mihi, quis non suspiret? quis non lugeat? Quo pacto angelicum hoc institutum ac ordinem confudimus? Reliquimus mundum, & quæ mundi sunt sapimus. Possessiones reiecimus, & à contentiōibus non cessamus. Reliquimus domos & earum cura atque sollicitudine quotidie absumimur. Non adsunt opes, sed non abest superbia. Nuptias spreuimus, & ab inani cupiditate non recedimus. Exterius humilitatem simulamus, & animo honores appetimus. Videmur quidem paupertatis amatores, & habendi cupiditate detinemur atque absorbemur. Ore quidem ac verbo paupertatem colimus: mente autem auaritiæ morbo laboramus. Quis igitur nostram conditionem arque institutum non doleat? Licet quippe monachorum, iuniorum præsertim ac nouitiorum, intueri & admirari studia. Nondum enim vel verbo, seculo renuntiarunt, & iam fastu atque superbia tument. Nondum assecuti sunt habitum, & iam suam arrogantiam ostendunt. Nondum institutiones audierunt, & iam alios admonent. Nondum vestibula viderunt, & iam penetralia comminiscuntur. Nondum primum ascenderunt gradum, & iam super nubes æqualiter volitant. Nondum pietatis ac religionis exercitia degustarunt, & iam vana instructi sunt gloria. Nondum primam disciplinæ vocem auribus perceperunt, & iam velut magistri alios obiurgant. Nondum in fratrum sodalitiū aggregati sunt, & iam sibi auctoritatem vsurpant. Nondum portas monasterij ingressi sunt, & iam alios reprehendunt, condemnant, molestant.

Sed quid in his tempus consumo? Varia enim eorum sunt studia: sed non est qui intelligat, non est qui propter amorem Dei mundo renuntiet: ut per obedientiam, seipsum fratribus feruor exhibeat. Verum si increpetur, iustius arbitratu oratorio more contradicere. Si quid iubeatur, seipsum excusat. Quæ sunt bona, non imitatur, quæ autem inutilia, iis sese accommodat. Vix à tribus diebus seculo renuntiavit, & cum eo qui consenuit in habitu, contendit: nec vult cuiquam subiici, sed technas & imposturas sibi excogitat: corporisque labores ac æstum non ferentes, alius alium contuetur. Obedientiæ iugum subiit, & aliis vult imperare. Si officij admoneatur, irascitur. Facit, frater: Non faciam inquit, nisi & ille mecum venerit. Ille sacrarum scripturarum vacat meditationi, & ego eidem vacare debeo. Sæpe qui ante renuntiationem, domi suæ opifex fuerat, ignorabatque prius quæ ipsius esset dextera, quæue sinistra; in monasterio literarum studiosus, & interpret doctorque incedit. Frater, inquit, ille quiescit, & me quiescere oportet. Frater ille altioribus intentus est, & ego sublimiora spectare debeo. Frater ille honoribus ornatus est, quare non ego? Frater ille patrum consuetudine fruitur, cur non fruar ego? Frater inagistratum asscetus est, & quare non ego? Illi auctoritas commissa est: nonne & ego dignus sum, cui hoc atque illud credatur & committatur? Hæc sunt præclara iuniorum facta, hæc nouitiorum submissiones, hi labores, hi nouellarum oliuarum fructus. Hæc studia atque certamina, quibus se ad cælestis regni hæreditatem peruenturos sperant; non considerantes, quòd ista animæ perniciem concilient, iisque se Deo inimicos reddant. Vnde liquidò constar, nos ne ad exiguum quidem tempus, externo vitæ instituto, dico, seculari renuntiasse.

3. Specie quidem & apparentiâ mundo renuntiauimus: reuera autem que mundi curamus, nec habemus quo nos excusemus. Habitu monachi sumus, sed moribus crudeles quidem & inhumani: habitu humiles, & moribus pestiferi ac scelerati: habitu religiosi, & moribus exitiosi: habitu amici, & moribus inimici: habitu gratiosi, moribus odiosi: habitu exercitatores seduli, moribus ignaui athletæ: habitu sobrij, moribus prædones: habitu pudici, animo autem adulteri;

adulteri : habitu modesti, moribus & pectore vagabundi : habitu mites, moribus arrogantes : habitu consolatores, moribus contumeliosi : habitu consiliarij, moribus obre-
ctatores : habitu simplices, moribus difficiles & perniciosi : habitu ab invidia alieni, moribus invidi & homicidæ : habi-
tu defensores ac susceptores, moribus autem proditores. Et
vnde, quæso, accidit nos tales esse? nisi inde quoddam mutuam
inter nos dilectionem perfectam non habeamus? nisi quia
pura inter nos non sit concordia? nisi quia vera in nobis
humilitas non est? nisi quoddam præ oculis timorem Dei non
constituamus. Quoddamque salutaria Dei præcepta despiciamus
ac pro nostro ea arbitrio detorqueamus, & pro nugis
existimemus? Verbo quippe Dei cæli firmati sunt, & nos ip-
sum, ne ut fratrem quidem suscipimus. Os illud eius terribi-
le, & incomprehensibile ac formidandum locutum est: *Qui* *Psalm. 90.*
vult, inquit, inter vos maior fieri, sit omnium novissimus,
& omnium servus. At nos cum nondum vel à limine reli-
gionem saluauerimus, insolescimus, & vnus aduersus alium
extollimur, inuicemque insultamus, & cuncti apud nos ipsos
pudenter sumus. Cuncti volumus esse duces, cuncti cum
auctoritate : cuncti cum imperio : cuncti reprehendere, cun-
cti præcipere, cuncti de literis disserere, cuncti interpreta-
ri, cuncti esse magistri, cuncti domini, cuncti curatores,
cuncti æconomi, cuncti primi ac cuncti secundi. Nunquid-
ne Apostolus quidem vobis persuadeat : Si totum, inquit, *1. Cor. 12.*
corpus auditus, vbi odoratus? Si igitur omnes primi, si om-
nes principes ac duces, si omnes præceptores : vbi diuinæ
dispositionis ordo atque differentia? Nec tamen fidem ha-
bebitis dicenti : Nemo sibi assumit honorem, nisi vocatus *Hebr. 1.*
à Deo? Ac rursus : Nunquid omnes doctores? Nunquid om-
nes interpretantur sacras scripturas? Alibique iterum, quo-
modo dicatur : Nolite plures magistri fieri. Propterea prin-
cipatus ac potestates constituit Deus. Nam si in cælis etiam,
vbi omnes incorrupti & immortales, cum ministratorijs sint
spiritus, noluit Deus vnicum cunctorum esse ordinem ; sed
ut cernitis, in iis quoque Potestates constituit, & Domina-
tiones, nemoque præscriptum sibi ordinem excedit ; cum
omnia debito ibi modo & ordine constituta sint : cur nos in-
iustis in inuicem contentionibus exercemur? Angeli & Ar-

changelii imperata sibi non transgrediuntur; at nos inuicem collidimur, vnusque aduersus alterum insurgimus: ac alius alium præcedere studet; aliosque vilipendimus & deprimimus, quasi aliquid anpius efficere valeamus. O mentis cæcitate! Nonne creditis dicenti: Vnusquisque qua vocatione vocatus est, in ea permaneat? Cur saltem non timeris eum, qui ait: Quibus multum datum est, multum exigeretur ab iis: vt sic saltem, humilitatem sibi comparent?

4. Non sic, fratres, vitam nostram in confusione transigamus. Non bona est gloriatio nostra. Ne sic absque omni timore viuamus, quasi iudicium illud tremendum non audituri. Non sic vitam nostram traducamus, tanquam de singulis actibus nostris, cum increpatione ac seueritate rationem non reddituri. Non sic, obsecro vos. Ne proximis offendiculo simus ac scandalo; neve peccata peccatis accumulamus. Ne præclarus per nos habitus blasphemetur ac vituperetur, sed potius commendetur. Veniet enim & non tardabit formidanda illa dies & hora, qua interrogati atque examinati, non inueniemus excusationem. Quid enina ipsi respondere tunc poterimus? Quid potuit nobis ipse facere, & non fecit? An quòd ipsum Deum Verbum, in forma serui humilem non aspexerimus, vt & nos humiliari discamus? an quòd incomprehensibilem ac sanctam eius faciem consputam non agnouerimus: vt nos itidem contumeliis & iniuriis affecti, non exasperemur, & contrà ferociamus? An quod sanctum eius dorsum flagellis cæsum non vidimus: vt nos quoque per omnia nostris præfatis obediamus: An quòd faciem eius decoram atque tremendam, in terris non vidimus à seruo alapis contusam, ne & nos in contemptum adducti scruiamus? Nonne eum loquentem audiuiamus: Ego à meipso facio nihil, ne scilicet audaces simus, arrogantes, nostrique arbitrij ac iuris? Nonne & dicentem audiuiamus: Ego autem non repugno, nec contradico: ne inobedientes nos præbeamus ac contumaces? Nonne sic nos commonentem audiuiamus: Discite à me, quia mitis sum & humilis corde: vt nos item mites simus, atque humiles? Nos autem inuicem nobis inuidemus, inuicem nos mordemus, & deuoramus. Sed quam ipsi excusationem asferre poterimus. Ne quæso, fratres charissimi, ne sic, inquam, nos carnis perturbatio-

1. Cor. 7.

Luc. 12.

Joan. 8. 7.

Esaia 50.

Matth. 23.

Galat. 5.

nibus superari patiamur; ut per eas æternæ felicitatis iacturam faciamus. Ne propter caducum honorem ac momentaneum, gloriâ priuemur æternâ. Ne propter contentiones, & æmulationes, atque rancores, horribili condemnemur gehenna.

5. Si omnino saluari cupis; cur ita in proximo iudicando curiosus es? Semel te iugo submisisti, cur illud iam excutis? Qua tandem ratione, obedientiæ fructus exister? Neque dignitate atque auctoritate, mihi crede charissime, neque honore, neque magnificentia, neque quod primus, aut secundus dicaris, aut præfectus appelleris: neque quod gloriâ ac famâ sis celebris, aut in vilo honoris dignitatisve gradu constitutus, concedetur ut in regnum ingrediaris cælorum. Non enim ista remissionem tribuunt peccatorum, non à suppliciis liberant, imò condemnant potius ac perdunt, nisi humilitas adfuerit, & obedientia, charitas, patientia, atque longanimitas. Hæc sunt quæ saluant hominem: cum neque aliter probari, salutemve consequi possimus, nisi in cunctis imitemur Dominum. Nonne dicentem audistis: Non veni ministrari, sed ministrare? Ac rursus: Non veni ut faciam voluntatem meam, sed voluntatem eius qui misit me Patris. Rursusque a libi: Qui se humiliat, exaltabitur: & qui se exaltat, humiliabitur. Nonne audistis, quos ipse beatos prædicet: Beati, inquit, pauperes spiritu, quoniam ipsorum est regnum cælorum? Nonne audistis illud: Sedens aduersus fratrem tuum loquebaris? Et qua ratione denuntiet fore, ut eum arguat in faciem? Nonne & illud audistis: Qui odit proximum suum in tenebris est? Non audistis, diabolum propter suam superbiam & inuidiam à cælo excidisse? Non audistis, quomodo ob superbiam & rebellionem aduersus Deum, à qua & quantâ deturbatus sit gloriâ? Non audistis, quomodo propter vnicum conuiuium, Maria soror Moysis correpta sit leprâ? Cur igitur ad tot tantaque exempla nos aspidum instar aures non dico corporis, sed cordis nostri obturamus? Hæc certè audiunt quidem, at illorum memoriam non conseruant. Cur non credimus dicenti: Qui manet in charitate, in Deo manet, & Deus in eo?

6. Obsecro igitur vos, ô grex Christi electe: Vigilemus & cautè agamus, dum tempus habemus. Temperatè viuamus

Non ij

Matth. 20.
Ioh. 6.

Luc. 14. 18.

Matth. 5.

Psalm. 49.

1. Ioh. 2. 3.
Eph. 1. 4.

Num. 12. 25
Exod. 15.

1. Ioh. 4.

& resipiscamus, quoad remissionis tempus durat: ne fortè subito veniat dies ac hora illa tremenda atque luctuosa, & fleamus amarè, frustra tunc dementiam nostram agnoscentes. Vigilemus, ne in maximam illam incurramus ignominiam, confundamurque coram Deo, & Angelis, atque hominibus. A vanis contentionibus desinamus. Et vos inprimis, quibus adhuc iuuenilis viget ætas, humilitatem pro viribus amplectamini; vt intelligere possitis, quanta Patrum nostrorum temporibus extiterit remissio atque indulgentia; quantaque apud eos perfectio, quanta humilitas, quanta frugalitas, quanta denique rerum humanarum contemptio atque despicientia. At nunc magnum adest bellum. Nolite negligere. Neque existimetis ad perfectionem vos peruenisse. Multis ad salutem consequendam opus est laboribus, variisque certaminibus. non putetis in cingulo ac veste longa consistere perfectionem monachi; aut in eo salutem positam, quòd mundas ac nitidas manus habeas, aut quòd bene disertus sis, quòdque scripturas interpreteris; aut quòd capite incedas abrafo comamve nutrias; licet etiam proportionem respondentem, congruentesque virtutes desint. Hæc autem non vt deprimam habitum eique detrahā dico, quod absit: sed vt habitui mores & opera congruere debere demonstrē. nam habitus absque operibus nihil est. nolite ergo vos otio desidareque tradere: cum magno sit opus labore vt iuuentus corporisque motus coercerentur. Et si molestiam sentiat is ex dictis meis; me tamen vos commonuisse non pœnit. Malo enim cauteriis vos in curando corpore vti, quàm vt illud totum computrescat.

7. Quapropter vos hortor & obsecro, vt humilitatem, obedientiam, charitatem, frugalitatem, & mortificationem, atque abnegationem colatis. Per hæc subiciite alij aliis mutuo, & obtemperate per arma ieiunij, vigiliarum, orationis, optimæque vitæ conditionis. ne in contentionibus fortes sitis, & in Psalmodiis imbecilles. nolite in cogitationibus esse vigiles, & ferarum instar contueri inuicem, in precationibus autem dormire & conquiniscere. ne sitis in nugis afferendis valentes tanquam tauri; & in laudando ac glorificando Deo debiles vti vulpes. ne in verborum contentionibus sitis inuicti, & in rebus spiritalibus oscitabundi. ne in iocis ac lufibus sitis hilares; cum verò admonemini,

truces ac toruum vultum præferentes : in ventre curando per diem sani, at in nocturna oratione ægri ac segnes: in conuersationibus atque colloquiis arrogantes, & in operibus dissoluti: ad iubendum prompti, & ad parendum negligentes: in præcipiendo lati, & in obediendo mœlli: in mandando austeri atque seueri, & in obtemperando queruli ac murmuratores. Ne manicas vsque ad digitos, linguam verò vsque ad pectus: Ne ad mensam agiles ac prompti, in opere autem ignaui atque eneruati: Ne ad edacitatem valentes, & ad ieiunium impotentes: Ne ad vini potationem lati, & in aqua bibenda molesti ac tristes: Ne ad circumspectiendum experrecti, & ad discernendum quid bonum sit tenebris circumfusi. Ne coram mulieribus graues ac hilares, & cum fratribus asperi ac feri.

8. Sed obsecro vos, filij Dei dilectissimi, vt bonorum zelum suscipiatis: & quidquid ad honestatem & grauitatem morum, ad ædificationem & ad bonam famam pertinuerit, amplectamini: ante omnia autem humilitatem, charitatem, benignitatem, mansuetudinem, humanitatem atque æquitatem; inutilibus reiectis contentionibus, vobis mutuo cedite. In vigiliis, & orationibus impigri estote & alacres, vt carnis vitia superare possitis. Ne rebus ac passionibus inanibus, tantorum bonorum iacturam faciamus; neue momentanea ista sectantes, immortalem gloriam deperdamus. Demus quæso operam, dum adhuc in carne sumus, vt quæ grata & accepta sunt Deo, perficiamus. Festinemus atque instemus; magna imminet tempestas. Ne simus negligentes. Non est nobis cum inimicis, quos videmus, colluctatio, vt perspecti propulsari & arceri per nos queant. Inuisibiles sunt hostes qui nos oppugnant: & propterea magnum negligentioribus adest periculum; sicut contra, ingens vincitibus fiet mercedis retributio. Cogitemus igitur, quomodo cautè eos vincere, resistereque ipsis valeamus. Si enim (exempli gratiâ) ad ventris gulæque insaniam nos prouocauerint, ieiunio & abstinentia cum illis pugnemus. Si ad mulieris nos concupiscentiam inimicus titillauerit, patientiæ remedio adhibito sensum coërceamus, & è vestigio profugiet. Si ad iracundiam nos incita-

uerit, pace armemur. Si exandescere nos fecerit, mansuetudinem assumamus. Si ad odium incenderit, charitatem ac beneuolentiam complectamur. Si ad honorem atque ambitionem prouocauerit, nostri ipsorum despicientiam adhibeamus. Si ad gloriam, uilitatem & abiectionem obijciamus. Si ad superbiam instiget, Domini humilitatem contemplemur. Si ad æmulationem erga proximum irritauerit; lapsum Caim animo reuoluamus. Si ad inuidiam, Esau perditionem cogitemus. Si ad detractionis vitium nos impulerit, silentio os nostrum obstruamus. Si ergo hisce modis, ipsi restiterimus, à nobis profugiet, & consistere nequibit. Redibit autem ad vos gratia illico, & tanquam victores vos coronabit.

9. Credite, fratres charissimi, me omnium eorum, à quibus ut abstineretis vos cohortatus sum, reum esse. Sed quamuis vos puri sitis, ego autem cæno peccatorum deturbatus; vos tamen rogo, ut bonâ ac verâ minimèque fucatâ vestrâ poenitentia me quoque liberare studeatis. Credite enim me nihil obseruasse eorum, de quibus hæcenus locutus sum. Verum vos factis mea decorate verba. Confido enim fore, ut vos immaculati inueniamini. Ego autem super iis damnabor, quæ dico & non facio. Salutem ergo nostram ne negligamus, fratres; neque quasi in prouerbiis hæc dicta censeamus. Nihil enim à scriptura alienum falsumue protulimus. Faxit misericors Dominus, ut vos omnes diuini verbi huius semen suscipientes, instar bonæ ac fertilis terræ fructum afferatis, alij trigesimum, alij sexagesimum, alij verò centesimum: ut virtutum fructibus onusti atque exornati, gaudium afferatis Domino nostro Iesu Christo; ipseque vos lætos excipiat in requie ac regno suo, in secula seculorum. Amen.

XIII.

DE LINGVÆ MALO.

1. **D**iversæ in cunctis hominibus sparsæ reperitûr cupiditates, ut unusquisque aliquod certamen habeat, in quo mentem assidue exerceat. Sunt enim qui gulæ luxuique sunt dediti, & ab adulterio abhorrent. Alij superbiâ turgent, à furto abstinunt. Alij avaritiæ student, & corporis voluptates spernunt. Quidam ornatum vestium negligunt, & luxuriâ diffuunt. Nonnulli vino delectantur, & à superbiâ sunt alieni. Alij à fornicationibus remoti sunt, sed occultam in animo dissimulationem atque hypocrisim fouent. Sunt qui vestium ornatum damnant, & obtrectatione gaudent. Sunt quidam vitio aliquo superiores, cum in alio interim toti volutentur. Nonnulli ab una aliqua sunt reprehensione remoti, & in alia scdissimè versantur. Quidam dum laqueum vnum euaferunt, in alio sunt vitiorum cœno sepulti. Multa enim ac infinita sunt vitiorum genera, decipiunturque paulatim homines, & ex minimis principiis in maiora scelera præcipites ruunt. Cùmque hominem circumuenire studet inimicus, in quod vitium proclivior inclinet eius natura, cumprimis considerat, ut dum suis ipse gaudet vinculis, ne exsolui quidem velit. Probdè enim novit callidus & versutus hostis, quibus ac qualibus nos vinculis obstringat, & si nos inuitos in suos casses coniecerit, fore, ut celeriter contractis illis mens nostra iterum in libertatem se vindicet. Quapropter iucunda ac grata unicuique vincula injicit, in quibus libentiùs conquiescat. Potest enim mens nostra Deo duce, ex inimici se laqueis eximere. Nunc verò iisdem obstricti gaudemus, ipsaque captiuitate superbimus. Qui enim invidiæ vinculis constringitur, quoniam à libidine alienus est, se liberum planè existimat. Et qui calumniæ vitio obnoxius est, quia rapinas ac furta odit, nullo se prorsus modo vinctum esse arbitratur. Sua quemque latent vincula, & laqueos sibi paratos ignorat, ebriorum instar, qui vino perfusi nec se vinciri sentiunt, neque obiectos sibi laqueos præ ebrietate vident.

2. At benignissimus Deus hoc veluti iugum aliquod, variis quasi occasionibus, omnibus imponit; dum singulis pro ratione virium tentationis onera partitur. Tempore quo tabernaculum ab Hebræis constructum est, à cunctis tam pauperibus quàm diuitibus aliquid ad participationem salutis offerebatur. Pro sua quisque facultate munus afferebat: alius aurum, alius margaritas, alius lapides pretiosos; pauper pilos ac pelles compositas; Mulieres opulentæ sericum, inopes viduæ lanam tinctam. Atque ita vniuersus tabernaculi apparatus ex diuitum simul ac pauperum muneribus conflatu omnes commendauit. Suscipiebat enim singulorum vota Dominus; tam pauperum quàm diuitum, volens in eo ostendere, se, quemadmodum ea quæ ad tabernaculi constructionem quisque pro suis facultatibus obtulerat, accipiebat; & ita pro cuiusque opere preces ac vota singulorum absque vlllo personarum respectu suscipere. Sicut enim inimicus noster variis nos occasionibus perimere conatur: ita diuersis occasionibus, Dominus ad salutem perducere studet. Et quemadmodum latro vel vnico confessionis verbo factus est ciuis paradisi; ita vno verbo blasphemix, redditur quis reus gehennæ ignis. Vt propter vnum maledictiæ verbum, Maria, quamuis esset alioquin vates, leprâ multata est; quo tandem genere supplicij digni sunt illi, qui sunt sine vlllo delectu contumeliosi? Et cum id quod erat Maria diceret, veritas tamen reprobata est quòd maledico animo loqueretur. Ita quoque si quis alicui iure maledicat, ipsius iustitia est iniustitiâ referta. Vel enim hominem iure coargue, vel ne clanculum maledicas, vel increpa liberè, vel non occultis insectare contumeliis. Pro nihilo enim habetur iustitia, cum admiscetur illi dolus & improbitas; quemadmodum & improbatur illa sanctitas, quæ immunditiam sibi coniunctam habet. Inutilis quoque ea est castitas, quæ permiscetur libidinibus. Vana est & illa fides, quæ præstigijs ac vaticinationibus obstricta est. Inanis illa est concordia, in qua cernitur simulatio. Nullius est illa beneficentia, quæ comitem sibi habet superbiam. Nihil fit ieiunium, si detractio adsit. Despicitur & charitas, si zelo vel æmulatione turberetur. Res naturales attendens, discit ab iis quæ scripta sunt. Veritatis pulchritudo deformis redditur,

Exo. 35. 36.
Ec.

Luc. 23.

Nam. 1. 28.
Exod. 15.

redditur, quando super improbitate extenditur. Quin & cibus interficit, in quo aconitum latitat. Caro licet munda, communis immundaque habetur, eo quòd sacrificiis & immolationibus coinquinatur.

3. Ex iis igitur, quæ manifesta sunt, latentia atque occulta intelligi debent. Descriptione enim Mariæ prophetissæ, nobis veritatis exemplum exhibuit. Nam apertè corpus illius lepra occupavit; quia clam lepra peccati animam suam infecerat. Ex manifesto eius malo peccatum innotuit quod latebat. Ex teterrima ipsius lepra docemur quàm graue ac detestabile vitium sit obtrectatio. Corpus quod leprâ infectum cernebatur, velut speculum quoddam fuit animæ, quæ non perspiciebatur, cuius indicabat maculam. Ex illa carnis corruptione patefactum est, quomodo hominis maledici ac detractoris corrumpatur animus. Per hominem verò exteriorem, hominem suum interiorem intellexit. Nam sicut illa defecerat à fratre suo; ita & ipsa proprium corpus defecit, vt ex senetipsa charitatem addisceret. Discamus igitur & nos hinc concordiam ac mutuum beneuolentiam fouere. Quemadmodum enim ob corporis mutationem doluit illa; sic illi, quòd à proprio fratre alienior facta esset, indignatus est Deus. Ideoque corpus hominis ob varia peccata variis sæpe morbis affici & immutari videmus. Membra enim corporis ei redduntur inimica quia ipse à Deo & proximo se alienari permittit: atque vt discat ex illa corporis contrarietate concordiam & pacem fquere cum aliis. Peruulgatum est totis castris Mariam repente leprâ correptam esse, quòd linguam in mitissimum fratrem, qui pro ipsa deprecabatur Dominum, exacuisset. Vnde iustus ultor meritis de prophetissa propter petulantiam linguæ eius, pœnas sumpsit. Sufurrations enim & detractiones abominatur, quibus homines insipientes delectantur.

4. Plurimis licet signis atque miraculis claruisset Moyses, vbi modicè linguâ lapsus est, è terra promissionis excidit. Magnum & horrendum mare viam ei præcludere non potuit, sed verbum vnicum iniquè ab eo prolutum velut murus aliquis ipsi obstitit, ne vltèriùs progredi posset. Si Moyses, qui Dei instar factus erat Pharaoni, vel solum verbum

Num. 12.

Numer. 12.

Num. 12.
Exo. 14. 15.Num. 12.
14. 15.

474 S. PATRIS EPHRÆM SYRI,
exclufit à terrâ promiffionis; quantò magis nos maledicen-
tia linguæ noftræ, quam in Deum & homines quotidie exa-
cuimus ac stringimus, à regno Dei arcebit? Ignis fânctus
iuflos deuorauit fâcerdotes, qui cùm fâncta tractarent,
aâtionibusque ac fânctionibus illis fâcerdotalibus fâncti ef-
fent, verbis tamen polluti erant. Si tales tantique viri ta-
lia fint perpeffi, quomodo hoc vitium quafi paruum lingua
noftro contemnit? Quapropter conuiciis ac maledictis fra-
tres noftros infectari definamus. Terra tunc prætermiffis
impiis atque impuris, deuorauit maledicos: Mare Ægy-
ptios abforbuit, & terra contumeliosos, maledicos, & fu-
furriones: Dux exercitus, famis tempore, verbum iniquius
protulit, propter quod meritis pœnas luit, cùm populi pe-
dibus conculcâretur in porta. Ex hoc proximo subitoque
iudicio, de futuro tibi fit exploratum, iuxta verbum Salua-
toris: quo dixit, de omni etiam verbo otiofo reddendam eſſe
rationem in die iudicij.

5. Variis igitur occaſionum laqueis miferandum morta-
lium genûs inuadit inimicus. Alij enim tanquam ære gra-
uati alieno, detinentur; Alij vt fideiuſſores trahuntur, Ip-
ſâque naturâ & experienciâ docemur, alios aliorum occa-
ſione ac nomine quotidie perire, & qui nihil vlli debent,
non minùs quàm debitores demergi. Quo quidem exem-
plo, iuſtorum & iniuſtorum pateſiunt debita. In propriis
quippe rebus contingit vt iuſtus fit innocens: at in alienis
reus inuenitur. Nam ſi quis eo præſente veritatem ipſam ir-
rideat, aut virum aliquem iuſtum maledictis infectetur, ip-
ſe autem ad ea conticeſcat; nonne ſilentium hoc eius ipſi ver-
tetur in crimen? Audiendo enim talem, & non reprehен-
dendo, maledicta eius comprobare videtur tanquam vera.
Atque hoc ex magnorum etiam Principum intelligi licet
poſſeſtare. Si quis enim vel iure in Regem peccantem inue-
natur, qui præſentes ſunt, ea quæ aduerſis Regem dicun-
tur, audire renunt: ſiquis autem adeſſe pergat & audire,
iam idem in vtrumque ſupplicium conſtituitur: vnusque
propter vitium linguæ, alter propter auditum damnatur.
Narrat aliquid obrectator, & tu illi præbes aurem; &
quam ille ſuo ore inferre ſtudet necem, tu eam aurium
tuarum ſinu excipis, acerbiffimumque mendacij fermentum.

Leuit. 24.

4. Reg. 7.

Matth. 10.

tum in animo tuo commifces. Vnde mors principium habuit? nonne per aures Euz, dum eam ferpens alloqueretur, aditum fibi patefecit? Poteft enim improbus dæmon per os loquentis tacentem occidere: & quem proprio latere nequiret ore, per auditum interficit; Quosque opere infontes videt, cogitatione perimit. Dæmonas ipfos clamoribus veritatem confitentes Saluator noster obmutefcere iuffit. Neque enim ipfe, qui erat veritas, ipforum operâ atque industriâ fibi fidem haberi voluit; fed quæ vera funt, per veros prædicatores nuntiari. Cur Apostoli dæmonem à quo laudabantur, audire renuerunt? nonne idcirco ne mundæ ac caftæ eorum aures impuris illorum vocibus contaminarentur? Si laudes diaboli velut maxima proba vitarunt homines sancti; quis obrectationes probare poterit? Verfpellis inimicus, fpecie veritatis decipere folet eum à quo toleratur. Ideo Saluator, ne vera quidem à dæmonibus audire voluit. Eâdem etiam pluuiâ irrigantur herbæ bonæ & malæ; cum fit eiuſdem rationis aqua, & quidem bona naturâ, in herbarum tamen vitium influit. Et ferpens, quamvis dulciſſimis veſcatur, ſubito ea in amaritudinem vertit, quam ſi in aliquem effuderit, vix illi. Sicque ex veritate mendacium confingitur, velut cicuta mortifera: nam ſub verborum eius dulcedine amaritudo latet exitioſa. Ad fallendos ſimplices linguæ dulcedinem antiquus ſerpens adhibet: cuius rei exemplum tibi fit Iudas Iſcariotes, qui ſub blando oris oſculo & lingua pacem ſimulante dolum occultans, aduerſus Dominum, qui ſcrutator eſt cordium, molitus eſt prodicionem. Quod ſi in ipſum Creatorem talis viſus eſt mendax; in te qualis erit?

6. O inſipiens! quis mendace ſceleſtiôr, niſi is qui ſuas ultro aures verbis illius accommodat? Seipſum ſponte morti obtulit ſervator, & ſermonibus mendaciæ aurem nequaquam præbuit. Os ſuum aperiens, acetum cum felle guſtauit, qui ſceleſti verba auribus excipere recuſavit. Os guſtatori oſculandum exhibuit, & deceptor ſeipſum dare noluit. Sic & tu os tuum maledicis oſculandum præbe, aures verò minimè. Nam ſi tuum illis os præbueris, oſculum illos condemnabit. Sin aures iis accommodaueris, iam te verborum guſtus occidet. Melius autem fuerit, ſi

Luc. 4.

Act. 16.

Marc. 1.

Matth. 26.

Matth. 27.

odore pariter & gustum veneni cuitaueris. Cur fumum celerrimè fugis, mendacem autem cum voluptate ac sedulitate auscultas? à fœtore abhorres, & apud maledicum sedes? Singula corporismembra decenter à rebus noxiis tibi seruanda sunt. Si corpus à libidine alienum sit, os tuum à detractiōe custodi. Qui enim corpore libidini indulgere nequit, ore sanè mentiri potest, calumniari, & obloqui. Si vnum è membris tuis valeat, & aliud langueat; totus laboras, vno membro laborante. Exemplum à militibus cape: Nonne totum corpus militis ferreo thorace munitur? accidit autem & illud ob laxiorem constitutionem lædi; nam si per tenuem aliquam rimulam telo aditus patefiat, strenuo militi mortem affert: Quantò magis per apertas aurium fores, morti ingressus dabitur. Magna siquidem est auris fenestra, quippe per quam mors in mundum ingressa, cunctas deuorauit gentes ac nationes, & insatiabilis adhuc remanet. Seris igitur ac vestibibus obstruendæ sunt tibi aurium fores, ne maledicentia & obretractio subintrare possit. Ne detractiōis vitium paruum ducas, & tanquam interficere non valeat. Ex volucrum aucupio disce, quæ parua videntur, non ideo contemnenda. Contingit enim vt auis in laqueum incidens minimâ capiatur vnguiculâ, & alarum vires franguntur ac debilitantur ob vnguem vilem; & cùm totum sit corpus extra laqueum, totum tamen retinetur. Diuus quoque Apostolus vnâ & eandem in homicidas, & maledicos, luxuriosos, atque adulteros sententiam statuit: nemo, inquit, istorum regnum Dei possidebit. Et æquè, ait, istos iusti iudicij tempore, cælesti hæreditate priuandos.

7. Vt autem æquale cunctos manere supplicium intelligas: Qua de causa Chanaan in maledictionem æternâ incidit? nonne ideo quia iustum irrisit? neque enim ob aliud facinus aliquod graue damnatus est; sed ob leuem irrisiōem in horrendam illam sententiam incurrit, & propter petulantiam linguæ tam acerbis pœnas dedit. Mundæ erant cognitiones eius, sed os eius ipsum perdidit. Si ob modicum risum in tantam ille calamitatem decidit; quis non pertimescat, irrisiōesque ac ludibria fugiat, ex quibus execrationes & maledicta eiusmodi emanant. Iustus enim ille, Chanaan à

Genes. 3.

1. Cor. 6.

Genes. 9.

Contra irrisores.

benedictionibus excludens, tradidit illum maledictionibus, descripsitque in eo iudicium futurum, quod subituri sunt, qui ludibriis atque irrisionibus delectantur. Si calumniator prætextu amicitiae simulat se ex hilarari ac risu oblectari; & Chanaan, dum hilaritatem fingit & risu gaudet, maledictionem sibi conciliauit. De malis ac damnis, quæ in ludibriis & irrisionibus latitant, sapientissimum audi Salomonem ea explicantem: *Qui*, inquit, irridet hominem, exprobrat factori eius: Hominis enim derisio in Creatorem vergit. Tu quod in risu videtur, simpliciter spectas: quid autem in eo fraudis ac doli reconditum sit, nescis. Iustus non dolum agnouit, eumque ignoranti Chanaan non patefaciens, illum à benedictione exclusit, ut vel ex eo, cognita risus perniciæ fratrem irridere desinas. Semei in Regem innocuum maledicus fuit. Rursusque Apostolus, horrendam in maledicos sententiam pronuntiavit. nos quid lucri sibi faciant maledici, consideremus. Semei non ob adulterij aut furti crimen perniciem sibi conciliauit: sed quod maledictis sit usus, ex quibus consuitur calumnia, qua & quæ gesta sunt asperuntur, & quæ non gesta finguntur. Animus enim dolore stimulator quemcunque sermonem gignit improbum: atque sic animus affectus Semei, conuiciis innocentem Regem affecit, illum ut Satilis interfectorem accusans, qui frequentius Satilem à morte liberauerat. Et quia falso crimine eum inculabat, meritò à iusto iudice damnatus est. Constitutus erat ei à Salomone terminus, quem transire non poterat, ac quem se seruaturum receperat, illum autem ut transiit calumniator, in mendacium processere promissa. Ita per mendacium, calumniæ nota iusto iniusta fuerat, ut dignas facti sui pœnas meritò calumniator lucret: ut qui linguam in hominem innoxium exacerat, qua velut gladio eum occiderat, acutum quoque gladium contra in se sit expertus, ut & in hoc & futuro seculo sibi exitium consciuerit, æternumque sibi supplicium præparauerit. Quis igitur à maledictis non abhorreat, ne duplici supplicio mulctetur.

Prov. 14.

1. Reg. 16. 19

1. Cor. 13. 1

3. Reg. 2.

1. C.
Gen. 25. 32.

7. Quin & eodem iudicio Apostolus molles atque adulteros, & maledicos condemnauit. Nam Esaü primogenitis propter intemperantiam se spoliavit. Habes & tu

primogenita tua, quæ ne occasione luxus atque intemperantiæ perdas, caueto: Magnus enim ille vir, nulla remagna se perdidit: sed vili se dedecorauit. Si veritatem amiseris, stultus ac similis Esaü fies. Rem admirandam audi; quomodo verba factis præstiterint, ipsaque fides naturam ac generationis ordinem superauerit: Primogenituræ donum, quod videtur auferri non posse, sermo subingrediens ademit. Et quæ Esaü naturaliter sibi vindicabat, ea fidei studio assecutus est Iacob. Fides & iusiurandum, vnanimiter generationis vim demonstrant. Et primogenita quæ per carnem conceduntur, spiritualiter accepta sunt; quæque iusiurandum exiit, ea fides suscepit. O rem admiratione dignam, quæ inter primogenituræ venditorem, & emptorem eiusdem consecuta est. Nam qui eâ se spoliauit, quasi sensus videtur fuisse expers; & qui eadem se vestiit, innocens permansit. Sed quomodo Esaü primogenita exiit, quæ deponi nequeunt? aut quomodo illa Iacob induit, quæ adiungi non possunt? Quodd si mercaturam istam pueri illi adeo supra naturam exercuerunt, vt omnino explicari conuenienter nequeat: quis quæstionem illam aggredi audebit, qua ineffabilis vnigeniti filij Dei generatio continetur? Dic mihi rursus, cur Iacob primogenita à Manasse ablata transtulerit in Ephraïm? nonne ideo, vt maior illi gloria decusque inde accresceret? plena enim est primogenitura signis admirabilibus, & muneribus eximiis, atque innumerabilibus. In eâ descriptum continetur Baptisma; in ea fides obfignata est, in ea nostra designatur fortitudo; in ea gloriosæ virginitatis figura repræsentatur. Hanc pretio Iacob mercatus erat, & gratis eam Ephraïm tribuit. Et in hoc neque Manasses culpandus est, neque Ephraïm in admiratione habendus: sed potius donantis auctoritas, in quam non cadit reprehensio, suspicienda est. Quis igitur gentium primogenituram reprehendere tentabit? Quodd si Iudæi id facere voluerint, reprehendant primùm, quod Manassi adempta sit. Qui enim illam ab eo abstulit; non peccauit, vt suam in hoc auctoritatem ostenderet: ademit autem illam ipsis, quia peccauerant, vt iustum suum in eo iudicium declararet. Quodd si à nemine iure coargui possit Iacob, quamuis à Manasse qui non peccauerat, primogenituram abstulerit: quo-

Gen. 48.

Gen. 49. 28.
et.

modo quisquam ipsum reprehendere audebit, qui ut iustus iudex primogenituram à Iudæis, qui Dominum occiderant, abstulit?

8. Si igitur iurifurandi vis tanta fuit, ut ab Esau potuerit auferre primogenita, cum enim iurasset solum, noluit periurij notam incurrere: quibus tradentur suppliciiis qui non solum iureiurando sese obstringunt, sed & periuriis iusiurandum violant? Si Esau ab iis, quæ cum damno suo pepigerat, recedere noluit; quomodo tu pacta quæ pro salute tua fecisti, rumpere audebis? Si Herodes, quæ in suam promiserat perniciem, seruauit; & tu à fœderibus, quæ æternæ vitæ gratiâ pepigisti, resilies? Et quemadmodum oratio sese insinuans, primogenituræ munus abstulit; ita & conuicium subintrans cæde actionem contaminare potest. Lingua enim non minus nocet, quam gladius. Et cogitatio ac sermo impudicus inquinat, ut adulterium. Occulta simulatio, laquei instar insidias tendit: Et peruersum consilium quouis veneno perniciosius est susipientibus. Si enim Esau solo sermone primogeniturâ se suâ exuit, eamque deperdidit: quando amplius, & quidem facilius, seruus inutilis temperantiam amittet? Et vanitatem diligendo, atque mendacium quærendo, veritatem quis sui promissi despicit; verbisque fidem abnegando, tenebris obducitur, exuendo se iis quæ ad fidem pertinent: sicut contrâ verbis fidem profertens, fide se vultit. Sermo interea dum exercetur, ad effectum se operis producit, improbaque deliberatio non minus quam opus malum damnatur: Aspectus illicitus improbum opus arguit: Iracundia perinde atque gladius ferit: Bestialisque inuidia haud secus, quam telum vulnerat: Exitij foueant calumnia struit.

Marc. 6.

Gen. 25.

Psalm. 4.

9. Cogitationes malas fugiamus: Cogitata enim non aliter ac facta censentur. Bonis cogitationibus incumbamus, quibus operum proposita est merces apud eum qui consilia cordium explorat. Operis instar est cogitatio, quippe in qua tanquam in causa omnium effectiua, arbitrij nostri ratio nititur. Suum autem quæque res habet contrarium. Tenebris lux contraria est, amaritudini dulce, & vigilia somno. Qui creauit hæc omnia, nihil reliquit cui non adiunxerit contrarium. Nam si mortalis homo suo ingenio

componit inter se contraria: aduersusque labores, quietem adhibet, remediaque ac medicamenta terra marique opportunè conquirir: vt suam cuique morbo, vt restempusque postulat, curationem prudenter adhibeat: quantò magis immortalis ille omnium rerum procreator cuncta suo disposuit ordine, atque ita moderatur, vt ad manum cuique sint, quibus ab inimicis sese defendat? Instructus es ergo armis, ô homo, aduersus quoscunque hostes & aduersarios tuos. Hæc tibi ad salutem concessa si neglexeris, victus, in die iudicij quomodo te ipsum excuses, non habebis. Præsto tibi contra aduersarij machinas sunt arma diuersa. Si ignita sua in nos tela hostis emisit, habemus & nos orationis scutum inexpugnabile. Si libidinis in nos bellum mouerit; sociam nobis in pugna, animi dilectionem aduersus illum assumamus. Si nos iniquitate captiuos ducere conatus fuerit, ad iustitiam confugientes, salutem nostræ consulamus. Si te per odium atque malitiam vulnerare studuerit, ad fraternam charitatem accurrito. Si te per arrogantiam atque superbiam oppugnaverit, humilitatem ei opponito. Si corporis concupiscentiam aduersum te incitauerit, temperantiæ thoracem velociter induito. Si lasciuia iacula in nos contorserit; galeam castitatis in eum assumamus. Si diuitiarum nos cupiditate stimularit, paupertatis beatitudinem habemus. Si gulæ nos vitio adortus fuerit, ieiunij nobis alas aptemus. Et quia euerfionis causa est inuidia, præsto nobis aderit charitas, si velimus, quæ corrigere queat & ædificare. Et sicut sua inimico sunt arma ad oppugnandum: ita & nobis adsunt nostra ad defendendum. Si nos persequatur vt Pharaos: adest mare quod eum submergat. Si laqueos nexuerit in terra, est qui nos liberet in cælis. Si iruerit in nos vt Goliath: aderit, qui eum humiliet, Dauid. Si vt Sisara elatus intumuerit, per ecclesiam tolletur de medio. Si instar Sennacherib, nos bello presserit, sacco & cinere delebitur. Si Babylonicum tyrannum imitatus fuerit, sancti ac temperantes non deerunt, vt Daniel. Si vt Nee-man elatus fuerit: aderunt ieiuniis addicti, qui eum deinceps possint. Si luxuriæ flammam accenderit: qui castum Ioseph imitentur, aderunt. Quæ enim eius reperitur machina, quæ à nobis non dissoluatur? Qui morbi, aut quæ mala, quibus

Exod. 14.

1. Reg. 17.

Iudic. 4.

4. Reg. 19.

Dan. 1. 2. 3.

Gen. 39.

quibus sua parata non sint remedia? Quodnam fucatum & adulterinum comparet: ad quod redarguendum fornax non sit parata? Quas ipse struere poterit insidias, quæ nobis non sint exploratæ? Quam ipse moliri poterit machinam, cui deturbandæ non sint apti vel homines idiotæ? Quas afferre secum poterit vires, ut illas nequeant vel fœminæ superare? Quam fornacem paret, quam non fideles pueri restinguant? Lacum effodit, sed eum Daniel contempsit. Epulas parauit, sed illas pro nihilo duxit Ananias. Superbiam inimicus seminauit, sed eam Moysis humilitas conculcauit. Naaman adulator est auro, sed illud despexit reiecitque Eliæus. Simon Magus pecuniam obtulit, sed meritum in eum sententiam pronuntiavit Petrus: In Christo Iesu Domino nostro, Cui gloria & potentia, nunc & semper, & in secula seculorum. Amen.

Dan. 3.

Dan. 6. 14.

Dan. 3.

4. Reg. 5.

Act. 18.

XIV.

NON ESSE RIDENDVM, SED LVGENDVM.

1. **I**Nitium euerisionis atque interitus animæ monachi, est risus & impunitas atque licentia. In his cum te, monache, conspexeris, in malorum te concidisse abyssum noveris. Ne desinas igitur orare Dominum, ut ab hac te morte liberet. Risus atque licentia perdit fructus monachi. Risus & licentia monachum in turpes animi passionnes coniicit, neque solum iuvenes, sed & senes. Risus & procacitas monachum deprimit. Dixit quidam Sanctorum de licentia loquens: Licentia ventus est æstuans, monachi fructus corrumpens. De risu autem iam audi: Risus beatitudinem luctus exterminat; Risus non ædificat; Risus non custodit, imò deperdit, ædificiaque deuastat; Risus Spiritum sanctum contristat: animæ obest, & corpus corrumpit; Risus virtutes expellit, non meminit mortis, neque supplicia cogitat. Aufer à me risum, Domine, luctumque ac gemitum mihi concede, quem à me ipse requiris, Deus. Initium luctus est, alique quem nosse seipsum. Sit verò luctus noster non secundum hominem, neque ut videatur ab hominibus, sed secundum

Matth. 5.

Deum, qui nouit etiam abscondita cordis: vt apud eum
 2. Cor. 7. mereamur beatitudine perfui. Hilari itaque atque aucto-
 2. Thess. 5. no sinus aspectu, gloriantes in Spiritu sancto super donis
 Domini: cogitatione autem & animo plorantes atque ge-
 mantes Deum exoremus, vt ab omni specie mala nos con-
 seruet, ne cælesti eius priuemur regno, æternisque bonis,
 1. Cor. 2. quæ præparauit diligentibus ipsum. Luctus ædificat & cu-
 stodit; Luctus animam lacrymis tergit & mundat; Luctus
 temperantiam gignit, voluptates excindit, & virtutes per-
 1. Mat. 5. fit. Quid plura? Luctus ab ipso Deo prædicatur beatus, &
 1. Iacob. 4. ab Angelis consolationem accipit. Vnde & quidam ex disci-
 pulis Domini dixit: Ritus vester in luctum conuerteretur, &
 gaudium in mœrorem. Humiliamini igitur sub potenti ma-
 nu Dei, & exaltabit vos.

2. Sed quid ego peccator faciam, qui nec lugeo, nec
 defleo cum compunctione meipsum? Dico enim, & non
 facio. Væ mihi, quàm paruipendo eiusmodi. Væ mihi, quàm
 sum negligens salutis propriæ. Væ mihi, quoniam scienter
 pecco: Scio cùm malè facio, nec tamen à malo declino. Væ
 mihi, quia inexcusabilis sum. Verbis quidem inter eos, qui
 ad dexteram futuri sunt: re autem in iis numeror, qui ad
 sinistram statuentur. Verùm tibi, Domine, soli bono, no-
 strarumque offensionum immemori confiteor peccata
 mea. Etenim me tacente tu omnia nosti, Domine, nihil-
 que occultum à facie oculorum tuorum. Sed quoniam tu
 1. Isa. 43. per Prophetam tuum dixisti, Domine: Dic tu primùm pec-
 1. Luc. 15. cata tua, vt iustificeris. Peccaui, Domine, peccaui, & non
 sum dignus respicere ac contemplari multitudinem cælo-
 rum, præ multitudinem iniquitatum mearum. Quia ob modi-
 cam voluptatem ignem æternum pro nihilo reputaui, re-
 gnumque tuum cæleste non sum consecutus. Quid igitur in-
 felicissimus ego mortalium faciam? Plangam meipsum no-
 ctu dieque, donec tempus adhuc suppetit, quo lacrymæ meæ
 suscipi possint. Sed dona mihi, Domine, lacrymas compun-
 ctionis, qui solus bonus es & misericors, vt iis tibi supplicem,
 emundari maculas cordis mei. Væ mihi, quid agam? Quo
 pacto gehennam ignis & tenebras exteriores, vbi fletus est
 & stridor dentium, effugiam? Væ mihi, quid faciam, quo-
 modo tartara, sempiternaque tormenta & vermem nun-

quam moriturum, euadere potero? Væ mihi, quid faciam, quomodo comminationes impiorum, qui tormentis præfunt, Angelorum, subterfugiam? quoniam horrendi sunt, & absque misericordia. Quis dabit capiti meo aquam, & oculis meis fontem lacrymarum, vt sedens fleam dies ac noctes, Deumque cuius prouocaui iram, placatum reddam? Peccasti, ô anima mea, pœnitentiam age. Nam ecce dies nostri velut vmbra prætereunt. Adhuc modicum, & migrabis ex hoc seculo, formidabilia peragrabis loca, ô anima mea. Ne differas de die in diem conuerti ad Dominum. Væ mihi, ô anima, operibus immundis à te diuinam fugasti misericordiam, sanctosque Angelos custodes tuos. Ne des igitur tibi requiem, anima mea, neque silear pupilla oculorum; sed proci dens optimo & benignissimo Deo, ora eum, vt mittat tibi auxilium ab alto.

Ierem. 9:

3. Fratres, horrenda atque tremenda non multò post pertransituri sumus loca, fierique non poterit, quin per illam ingrediamur viam. Nullus eorum, quos hîc habemus, nos comitari isthic poterit; non parentes, non fratres, non amici, non genus, non diuitiæ, aut quid his simile. Caueamus igitur operum bonorum esse negligentes, vt ea in tempore necessitatis nostræ inuenire possimus. Sobrij simus & vigilemus in præfenti seculo, ne post corporis separationem nos sibi vendicent principes tenebrarum. Et quis illâ horâ nos adiuuabit, redimetque ex manibus eorum? Si diuina tunc protectione reperiamur despoliati; sæui atque crudeles ibi tenebrarum aderunt principes, qui nec Regem timent, nec tyrannos curant, non paruum, non magnum; nisi solum eum, qui in pietate vitam suam transegerit, in operibusque se bonis occupauerit: ab illius sibi conspectu timebunt, recedentque timore perculsi, magno cum studio transitum præbentes, sicut scriptum est: Quoniam gratia Dei & misericordia in sanctos eius, & respectus in electos illius. Rursusque ait: Iustorum animæ in manu Dei sunt, & non tanget eos tormentum. Anteibit enim iustitia eorum ante faciem ipforum, & gloria Dei cooperiet eos. Tunc inuocabunt, & Dominus exaudiet eos: clamabunt, & ipsis dicet: Ecce adsum; fidelis enim est qui promisit. Beatus qui in hora emigrationis ex hac

Sap. 4i

Sap. 3.

luce, inuenietur liber. Ne igitur torpescamus, fratres, neque res alienas ac noxias ad nos rapiamus, quæ penitus sunt corruptibiles. Illa via quæcunque destruit. Nam horâ separationis animæ à corpore præoccupante voluptates marcescunt, deliciæ ac vana gloria pereunt, diuitiæ cum auaritia & cupiditate dominandi deficiunt, aduentante hora separationis cuncta ista & his similia finem capient.

4. Domine, horam illam animo mecum reuoluens, procido tuæ bonitati, rogoque ne me tradi pariaris in manus nocentium mihi: Neque glorientur inimici tui aduersus seruum tuum, benignissime Domine, dentibus stridentes, animamque meam peccatricem exterrentes, neque dicant: In manus nostras venisti, nobis es traditus; veruntamen hic est, quem expectabamus, dies. Ne, Domine, ne quæso obliuiscaris miserationum tuarum. Ne, domine, ne obsecro, secundum iniquitates meas retribuas mihi, & ne auertas à me faciem tuam. Ne precor, dixeris mihi: Amen dico tibi, non noui te. Tu autem, Domine, corripe me, verum pro tua misericordia, vt inimicus meus non supergaudeat mihi. Eius autem minas exingue, omnemque efficacitatem eius destrue, & da mihi viam iniuriæ expertem atque inoffensam. Exorari te sine, domine, non quidem propter iustitias meas, neque enim quid vnquam boni feci, sed ob miserationes tuas, & propter infinitam bonitatem tuam, salua animam à plaga mortis oppressam. Recordare, bone Domine, quod & peccans & ad mortem vsque vulneratus ad alium non confugerim medicum, neque manus meas expanderim ad deum alienum, nisi ad tuam solius bonitatem. Tu enim es, domine, vniuersorum dominus & deus, qui habes potestatem omnis spiritus. Tu dixisti, Domine: Petite & dabitur vobis, pulsate & aperietur vobis. Munda me, Domine, antequam moriar, ab omni peccato. Ne repellas deprecationem meam, benignissime Domine. Indignum os clamat ad te, & cor non mundum, anima que peccatis contaminata. Exaudi me Domine propter bonitatem tuam, non enim repellis orationem verè pœnitentium tibi. Verum mea pœnitentia non est pura, sed corrupta: ad horâ vnam penitentiam ago, & duabus iram tuâ prouoco. Confirma cor meum in timore tuo, bone Domine. Statue pedes meos, super petram

*Psal. 24.
P'salm. 102.
Psal. 26.*

*Matth. 25.
Psal. 37.*

P'salm. 43.

Matth. 7.

pœnitentiæ. Vincat malitiam quæ in me est, tua bonitas, Domine. Vincat in me tenebras lumen gratiæ tuæ. Domine, qui aperuisti cæcorum oculos, aperi tenebris circumfusus oculos mentis meæ. Qui solo verbo mundaisti leprosos, absterge maculas animæ meæ. Fiat in me gratia tua, bone Domine, sicut ignis comburens in me cogitationes immundas. Tu enim solus bonus es, lumen quod omne lumen excedit, gaudium super omne gaudium, requies superans omnem requiem, vita vera, salus in æternum permanens. Tibi soli bono, ego omnis supplicij reus, ego qui quamcunque pœnam mereor, procido rogans. Tibi soli redemptori supplico, ne in finem aduersarius me præoccupet. Sed tu, Domine, uti solus bonus & malitiæ nostræ immemor, atque misericors; resuscita membra mea, quæ peccatum diffregit, & viuifica animam meam, quam iniquitas occidit, mentemque illumina, quam improba concupiscentia obcæcavit. Libera me ab omni opere malo, & insere in me charitatem perfectam. Bone Iesu Saluator mundi, nomenque serui tui libro vitæ inscribe, perfectum mihi bonum largiens, ut relatâ victoriâ aduersus diabolum citra ruborem atque confusionem procidens adorem te, coram throno regni tui cum omnibus iustis: Quoniam tibi conuenit honor & gloria, in secula. Amen. *

5. Obsecro autem & vos, Fratres mei dilectissimi, electi Dei, ut pro me peccatore Ephraim, precibus vestris intercedatis apud Deum, sicut Apostoli super Chanaanæ digni pro indigno, honorandi super vili atque abiecto: uti oratio mea per acceptabiles vestras preces, dirigatur ante conspectum Dei. Quia ipsi conuenit imperium, Maiestas, & gloria, Patri, & Filio, & Spiritui sancto, ante omne seculum, & nunc, & in omnia secula seculorum. Amen.

Matth. 15.

XV.

DE FIDE, SEU, FIDUCIA IN DEVM.

Luc. 16.

Matth. 6.

1. **D**ominus noster in Euangelio ad perfectionem fidei suos adducere volens discipulos, dicebat: Qui in modico fidelis, & in multo fidelis est: Et qui in modico infidelis, & in multo infidelis erit. Quid autem sibi volunt hic modicum, & multum? Per modicum, seculi huius intellige promissiones, quas pollicitus est se præstiturum omnibus in ipsum credentibus, videlicet victum atque amicum, & reliqua corpori necessaria, quietem, ac sanitatem, & eiusmodi: præcipiens, ne omnino de istis simus solliciti, sed in ipsum solum spem nostram reponamus. Per multum autem intelligenda sunt æternæ vitæ & immortalis seculi dona, quæ repromisit daturum se illis, qui crediderint in ipsum, assidueque de eiusmodi solliciti flagitauerint illa. Quoniam sic nobis mandauit Dominus, cum ait: Vos autem quærite primum regnum Dei & iustitiam, & hæc omnia adiicientur vobis, ut scilicet ex modicis & momentaneis probetur vnusquisque num credat Deo. Et si de præsentibus non fderit sollicitus, solum autem in futuris atque æternis curam omnem reposuerit; clarum est quod & circa ea quæ videntur, sanam atque integram fidem intus reconditam seruet, verèque bona æterna quærat. Debet enim vnusquisque eorum qui sermonem audient veritatis, seipsum probare atque examinare, aut à viris spiritalibus probari & examinari, quomodo credat, & seipsum Deo deuouerit. Nunquid reuera secundum eius sermonem, in veritate credat; aut opinionem in se duntaxat fidei habeat, quod se credere existimet. Quilibet enim ex verbis Domini, si fidem in caducis mundi bonis positam habeat, probatur & reprehenditur. Quo pacto? audi: Credere te dicis, quod regno cælorum efficiaris dignus, & filius Dei fies, cum de cælo natus sis & cohæres Christi, quodque in omne seculum ei conregnaturus sis, deliciisque ineffabilis lucis per infinita & immensa secula perfruiturus? planè

dices, credo: hac enim de causa, & seculum reliqui, & me Deo deuoui. Probaigitur teipsum, nunquid terrenæ adhuc te cura detineant, & sollicitudines variæ de nutriendo ac vestiendo corpore, aliaque adhibenda cura, ac procuranda requie; cum tui iam iuris esse velis, ac tui ipsius curam gerere; de quibus iussus es omnino non esse sollicitus. Si enim te credis accepturum æterna illa & immortalia omnisque corruptionis expertia bona: Quantò magis fugacia ista atque terrena accipies, quæ Deus etiam concessit feris, atque volucris cæli, & hominibus impiis. An non credis Dominum ea tibi largiturum, de quibus ipse præcepit, dicens: Nolite solliciti esse quid edatis, aut bibatis, aut quibus vestiamini; hæc enim cuncta gentes mundi inquirunt. Nouit enim Pater vester cælestis, quod his omnibus indigeatis. Et subinfert, exprobrans hominibus modicæ fidei: Respiciite volatilia cæli, quoniam neque seminant, neque metunt, & Pater vester cælestis pascit ea; quantò amplius vos, qui multum differtis à volucris: Et rursus nos confirmans ait: Nolite igitur solliciti esse in crastinum. Si verò adhuc de istis laboras, & non credis sermoni ipsius: Nescis rursus te quoque non credere, quod bona æterna, quæ sunt regnum cælorum, sis accepturus, & existimas te credere, qui in rebus paruis ac corruptioni obnoxiiis repereris incredulus. Et iterum: Sicut corpus pretiosius est indumento: ita & anima corpore.

2. Credis igitur animam tuam à Christo sanandam ab æternis & incurabilibus apud homines, malorum ignominia vulneribus; propter quæ etiam ad nos descendit Dominus, ut credentium animas ab insanabilibus apud homines malis curaret, & à sordibus lepræ malitiæ purgaret, qui solus curat, & verus medicus est? Dices, prorsus credo: idcirco enim adsum, & istud ab illo expecto. Quare nosce teipsum discutiens, ne fortè carnales morbi te ad medicos terrenos abripiant, quasi Christus, cui credidisti, te curare non possit. Vide quomodo teipsum decipias, dum te putas credere, & nondum credis ut oportet in veritate. Si enim æterna & incurabilia immortalis animæ vulnera, ac morbos malitiæ, à Christo curari credis; nunquid impossibile putabis ab ipso temporalia quoque corporis mala ac morbos curari posse;

si utique ad ipsum solum, postposito medicinali curandi officio, confugeris? Nam qui animam creauit, ipse & corpus fecit: Et qui illam ad immortalitatem sanat, corpus etiam à malis morbisque temporalibus omnino liberare atque curare poterit.

3. Sed scio, mihi respondebis, quòd & ista ad corporis medicinam subministrauerit Deus; herbasque ac terræ pharmaca, & medicorum studia ad morbos corporis curandos concesserit, corpori terreno ex differentibus terræ speciebus medicinam componens? Consentio & ego, sic se ista habere; sed noueris velim, quibus ea data sint, & quibus dispensata. Dominus Deus ex multa sua & infinita erga humanum genus liberalitate ac benignitate, postquam à mandato excidisset homo quod acceperat, subiectusque esset sententiæ iræ, & quasi in captiuitatem ac solitudinem, atque exilium forinamve ex deliciis paradisi in hunc mundum eiectus, & sub potestate tenebrarum factus, carnisque passionibus ac morbis subijceretur, qui prius passionum atque morborum expertus erat, omnesque præterea qui ab ipso producti fuerant, iisdem malis ac passionibus facti essent obnoxij, hæc tandem infirmis atque incredulis permisit, nolens omnino deperdere hominum peccatorum genus, sed propter multam bonitatem & immensam misericordiam dedit in solatium ac refrigerium & curam atque medelam corporum ista hominibus huius mundi, qui nondum se totos concredere Deo poterant. At tu qui vitâ solitariâ gaudes, & ad Christum accessisti cupiens filius Dei fieri, & desuper ex Spiritu sancto nasci, primoque ac impassibili homine superior euadere, & qui maiora accipis promissa, aduentum diuini beneplaciti, & velut peregrinus ac hospes huius mundi factus, debes fidem aliquam magis nouam & admirandam, intelligentiamque, ac vitæ rationem & institutum præter omnes homines mundi tibi vindicare, cum & vitam sicut cuncti alij degas. Ecce & mundus nubit, comedit, & bibit, auro & argento vitur, mercaturam & artes exercet, ac diuitiis gaudet, quæ omnia Deus permisit homini peccatis subdito, neque enim sine Deo quidquam ad vsus humanos dicemus ordinatum.

4. At tu ab his omnibus exemptus es, vt Deo perfecte placere

placere possis. Sic ergo alienus à cura, in curandis mundi malis, medicorumque industria adhibenda esse debes, ut qui ad Christum profugeris, qui cuncta se largiturum suis seruis promisit. Si autem quæ mundi sunt sapis & pateris, similis hominibus illis mundanis, adhuc es incredulus, licet te fidelem & Christi seruum profitearis. Nouo enim quodam ac peregrino consilio, mente, fide, conuersione, vitæ denique ratione, mundum hunc & curare & obtinere debes, qui Christo perfectè placere, eiusque vestigia persequi cupis, contrariaque hominibus mundi huius sapere: quoniã noua quædam & admiranda credis promissa, & sempiternis te bonis speras esse fruiturum, cælestisque ciuitatis ac regni incorruptibilis deliciarumque perpetuarum ac sempiternæ fruitionis hæreditatem, cordis quoque sanctificationem, & purgationem perfectam, quæ tibi per Spiritum sanctum fit, adepturum. Nam qui verè cupit esse homo Christi, æternisque se bonis perfruiturum sperat, paupertatem, diuitias cum gaudio existimare debet, & afflictionem, recreationem: asperitatem victus, delicias: improprium, honorem: & contumelias, gloriam ducere: hæc enim vera seruorum Dei gloria est. Neque verò solùm impropria ferre debet pugil ac miles Christi, quin & si fortè diuitiæ obuenerint, eas ut stercora respuere oportebit: Si gloria & principatus, non extollatur & superbiat: Si laudes atque honores hominum, tanquam nihil existimanda: quin etiam propter huiusmodi res, quæ habentur gloriosæ, confundi atque lugere oportet, & propter eiusmodi contrà lætari & gaudere, quæ habentur vilia, & abiecta putantur. Potest siquidem aliquis interdum opprobria ferre, gloriam autem & honorem non item. Sed efferri sæpe solet mens, & à seipsa excedere quodammodo, & humilem viam iustitiæ derelinquere. Ait enim Paulus: Per arma iustitiæ, à dextris & à sinistris, per gloriam & ignobilitatem, per infamiam & bonam famam, ut in utrisque per omnia probatus, idem & inconcussus inueniatur, extra se nunquam discedens. Talem enim eum esse oportet, qui verè placere cupit Deo, sicque voluntatem suam habere debet fundaram.

5. Et quemadmodum incus aliqua, licet quidem semper

Tom. II.

Q99

verberetur, non tamen dat tergum, neque concavitatis formam in se recipit, sed eadem semper manet, sibi que similis: sic & qui verum se vult gerere Christianum, inter diuersas tribulationes atque tentationes, siue extrinsecus ab hominibus illatas contumelias, persecutiones, damna, aut aliqua eiusmodi, siue intrinsecus à spiritibus malignis inductas angustias diuersissimas, vnus & idem maneat oportet, fortiter quæcunque obuientia perferens. Pro munitione ac castro & turre fortitudinis à facie inimici, semper Christum Dominum habeat, ad eum belli tempore in regione inimicorum constitutus confugiat, & illud Scripturæ usurpet: Esto mihi in Deum protectorem, & in locum refugij, vt saluum me facias. Sic enim quascunque poterit superare tentationes atque afflictiones ingruentes, omni tempore Dominum, ac firmam in eum fiduciam atque spem ob oculos sibi constituens. Quin & gloriæ humanæ laudes, honores, & principatus ac magistratus, si se obtulerint, vt prædictum est, non concavitates, neque formas in animam impressas relinquant, vt iis oblectetur & acquiescat, & propterea inflatus superbiat. A dextris enim & à sinistris tentatus homo, id est, per gloriam & ignobilitatem, per infamiam & bonam famam, idem & constans immotusque vtrobi- que permanere debet. Sic enim qui super terram fundamentum suum ædificat, ab inundantibus tribulationum fluctibus & tentationum procellis sæuisque improborum spirituum ventis impellentibus atque concutientibus non concidit neque commouetur, quoniam fundamentum super petram posuit. Qui ergo circa eiusmodi habitum exercitationemque bonam, fortitudinis dico & generositatis, longanimitatis & patientiæ, fidei, & spei atque fiduciæ, per verbum Dei prius se occupat, assuefaciens se moribus bonis, sanctoque viuendi instituto; & in reliquis virtutum studiis se exercens, diuinumque sermonem sequens, postea autem virtutem ab alto in expectatione fidei suscipiens; talis verè fundamentum, & domus, atque columna, & firmanentum efficitur in gratia Dei, multarumque animarum vitæ causa; ac plurimorum infirmitatem sustinere valens. Quare & nos ad omne virtutis genus nos ipsos

Psal. 68.

Psal. 30.

a. Cor. 6.

Ier. 6.

excolentes, & quamoprime ratione ad complacendum Deo
nos componentēs, cogitationemque nostram accuratè &
enixè ad omnem tentationem præparantes; Diuinâ con-
firmati gratiâ, æternorum bonorum euadamus hæredes,
In Christo Iesu Domino nostro: Cui gloria & potentia in
secula seculorum. Amen.

FINIS.





INDEX.

RERVM ET VERBORVM

MAGIS NOTABILIVM.

Numerus, libri paginam; literæ, a. 13. primas paginæ
lineas; b. 13. alias sequentes; c. verò 13. reliquas
denotant. 1 17

A



- BREVNITIARE** seculo quid importet. 270. b.
Acedia spiritus quomodo repellendus. 75. b. c.
 76. 153. & seq. 349. a. b. 353. a. 359. c. 361.
c. 365. c. 368. b. c.
Admonitiones piorum virorum suscipiendæ. 175.
 c. 191. c. 122. c. 327. a. b. 336. a. 412. b. 1
Afflictio afflicto non addenda. 341. a. b. 342. c.
Afflictiones patienter ferendæ. 95. 100. & seq. 156. c. 365. a. b.
Afflictionum duo genera, 175. b. c.
Altaris mysteria cum tremore veneranda, 69. c. Dignè sunt parti-
cipanda, 69. c. 100. c. 380. c. 381. c.
Ambitio fugienda, 342. c.
Amicitia quæ seruanda, 27. a. Carnalis fugienda, 49. a. b. 335. a.
Amoris divini virtus, 433. c. 434. a. utilitas 335. a.
Amor proprius comprimendus, 67
Anachoretarum conversatio qualis esse debeat, 3. a. b. 4. a. 5. a. 1
Angelorum officium, 210. c.
Anima quæ ratione carnalis efficitur & spiritalis. 250
Quomodo excolenda, 31. b. c.
Animæ pulchritudo in exteriori homine apparet, 358. b.
Animæ separatio à corpore qualis, 388. c.
Animæ salus seriò curanda, 19. 20. 31
Animæ incautas diabolus capit, 33. a. b.

INDEX.

Anima captâ utitur diabolus velut auceps perdice; 398. c.
 Animarum cura haud appetenda, 416. a. b. Qua solitudine ad-
ministranda, 60. b. c. 61. & seq. 117. b. c.
 Animus facile distrahitur, 220. a.
 S. Antonij virtutes, 190. b. c.
 Athletæ Cîr si variè impugnantur, 102. 240. & seqq. 386
 Avaritiæ præ ceteris Monacho cauenda, 76. a. b. 91. 210. 211.
 305. c. 306. c. 312. a.

B.

B Eatus ante mortem nemo prædicandus, 298. a.
 Bellum contra diabolum suscipiendum, 4. c. 11. & seqq.
 Beneficia Dei in nos quanta, 140. c. 268. c. 269 & seq.
 438 & seqq.
 Blasphemia damnatur, 139. b. c. 140. & seq.
 Bona æterna querenda, 48. & seq.

C.

C Elestis gloria quomodo acquirenda, 243. c. 264. 265
 Calumnia ex invidia struitur, 341. b.
 Patienter toleranda, 98. c. 99
 Fugienda, 143. a. 473. a.
 Cantica spiritalia commendantur, 37. c. 44. a.
 Carnales vitandi, 27. b. c. 183. c.
 Caro refrænanda, 196. 226. a. b.
 Qui efficiatur spiritalis, 250. 251
 Carnis opera quænam sint, 33. b.
 Carnis pugna acerrima, 109. a. b. 172. c. 173
 Castitas diligenter seruanda, 13. b. 29. c. 46. c. 60. c. 187. 333.
 c. 336. c. 337. b. c. 370. c. 374. 375. a. b.
 Cella aliena nimia frequentatio cauenda, 313. c. 326. a. 333. c. 341. c.
 Cellam alienam ingredi non licet nisi prius ostium pulsatur, 306. a.
 E Cella in cellam non oberrandum, 5. c. 17. b. c. 89. c. 116. c.
 Certandum est in hac vita, 57. b. c. 240. 243. 385. 386
 Charitas virtutum omnium columna, 372. a. b.
 Charitatis effectus, 233. c.
 Cibis cum gratiarum actione sumendus, 4. b. c.
 Cænobitarum conuersatio qualis esse debeat, f
 Cogitatio cum consensu est instar operis, 479. c.
 Cogitationes male retundendæ, 77. & seq. 150. b. c. 187
 Cogitationes propriæ spiritalibus tantum aperiendæ, 183. c.

INDEX.

Colloquia inutilia fugienda,	48. a. b. 180. a. b. 184. a. 125. a.
Commercia prauorum vitanda,	6. & seq. 27. b. c. 174. b. c.
183. c. 245. a.	
Concordiæ <u>studendum</u> ,	343. c.
Concupiscentiæ vis,	196. 241. b. c.
Eius effectus varij,	123. c. 124. 379
Quibus modis reprimenda,	13. 14. 40. c. 41. c. 196. 317. a. b.
319. a. 325. b. c.	
Conscientiæ vespere & mane quotidie examinanda,	277. a.
Consilia impiorum detestanda,	25. & seq.
Consolator spiritualis à sensuali quomodo differat,	103. b. c. 104
Consuetudo altera natura,	196. b. c.
Contentiones fugienda,	17. c. 58. a.
Continentiæ excolenda,	242. b. c.
Contumeliæ patienter excipiendæ,	98. 99. 127. c. 359. b. c.
Conuersatio cum feminis periculosa, 369. 370. Inter fratres qualis esse	
debeat, 373. c. Et cum negligentibus, 185. a. Vide, Commercia.	
Corpus mortificandum,	63. b. c.
Corpori quomodo medendum,	486. & seq.
Corporis nimia cura cauenda,	ibid.
Corona quibusnam detur,	166. c. 186. b.
Correctio qui faciendâ,	370. b. 377. c.
Crux dicitur humilitas,	98. c.
Scuto comparatur,	234. c.
Crucis Christi virtus,	46. a. 94. c. 114. c. 305. c.
Cruci sistere se debet Monachus,	44. a.
Curiōsitas vitanda,	221. c. 224. c. 332. c.

D

D elicta minora cauenda,	3. b.
Desperationis spiritui quomodo resistendum,	412. c. 413.
Detractio graue est vitium,	473. a. 3. a.
Cauenda maxime,	245. a. 266. b. 309. c. 325. a.
Deus cordis speculo qui contemplandus,	17. b.
In quibus libenter inhabitet,	262. b. c.
Dei memoria quantum proffit,	33. a.
Dei miseratio quanta,	137. b. c. 144. b. c. 269. c. 270. 293
Secundum Deum cuncta decet agere,	123. b.
Diaboli malitia & præstigia,	36. 40. c. 56. c. 75. b. c. 76. & seq.

INDEX.

83. 218. b. c. 253. b. c. 254. & seq.

<i>Diabolus quibus armis vincendus,</i>	12. a. b. 47. 133. a. b. 150.
c. 151. 187. b. c. 194. c.	— — — — —
<i>Discretio secundum Patrum regulas tenenda,</i>	282. quid sit. 320. b.
<i>Diuitiæ Monacho spernendæ,</i>	270. 271
<i>Docendi optima ratio quænam,</i>	61. a. b. 417. b.
<i>Dormitationi inter psalmodiam quomodo resistendum,</i>	70. b. c. 71
<i>Dubia pro dubiis in narratione referenda,</i>	23. c.

E

E Brietatis damna,	17. c. 148. a. 240. c. 241. a. b. 305. b. 311. b.
317. b. 323. b. 324. c. 335. a. 342. a.	— — — — —
<i>Enagationes mentis inter orandum colibendæ,</i>	168. b. 436. b. c.
<i>Euigilans qui gerere se debeat,</i>	68. b. c.
<i>Exprobratione in proximum nunquam utendum,</i>	244. c.

F

F Acties lacrymis lauandæ.	284. c. 285. a.
Fama unde augeatur,	316. b. c.
Fastus humanus spernendus,	15. 58. c. 59. 67. 192. c. 193. a.
Felicitatis tempore quid agendum,	221. c. 377. a. b.
Fidei efficaciz,	232. b. c. 297. a.
Fidelis in modico vel multo quis,	486. a.
Fidelium principium & finis,	337. a.
Finis in omni actione respiciendus,	46. b. c.
Fornicatio cani similis,	188. b.
Quomodo fornicationis spiritui resistendum,	109. 173. 187. & seq.
337. b. c. 339. b.	— — — — —
<i>Fugiendæ quænam sint Monachis, ac tacendæ & omittendæ,</i>	5. b. c.
<i>Fugitiui respicientes benigne tractandi,</i>	87. b. c. 88. & seq. 370. b.
<i>Fundamentum rectæ vitæ ponendum,</i>	51. b. c.

G

G Arrientes inter diuina officia duplici reprehensione digni,	148. c.
Gastrimargia, v. Gulæ vitium,	— — — — —
Gaudia vitæ æternæ expetenda,	264. a. b.

INDEX.

<i>Quomodo acquirenda,</i>	129. a. b. 243. b. c.
<i>Glorie humane vanitæ,</i>	49. a. V. Fastus.
<i>Gloria Monachi in quo consistat,</i>	292. b. c. 311. c. 312. a. 316. c.
<i>Gloria inanis respuenda,</i>	3. b. c. 62. a. b.
<i>Gradus in celum,</i>	34. d.
<i>Gratiæ diuine vis & præstantia,</i>	226. c. 227. & seq. 294. 283. c. 393.
<i>de Gratiæ donis non superbiendum,</i>	326. b.
<i>Gubernandi ratio optima quænam,</i>	62. c. 63.
<i>Gubernator bonus quis,</i>	21. a.
<i>Gule vitium quæ mala pariat,</i>	225. b. 243. b. c. 343. c.

H

H <i>Abitus monasticus foliis similis,</i>	186. a.
<i>In quo differt à seculari,</i>	29. c. 30.
<i>Monacho non sufficit,</i>	266. b. c. 298. a.
<i>Habitudines prauæ quantum noceant,</i>	302. c.
<i>Hæretici non audiendi,</i>	174. b. c. 175. a. b.
<i>Hæretici vitandi,</i>	27. b. c.
<i>Scripturas ad impia figmenta detorquent,</i>	28. b. c. 294. b.
<i>Homo noster, alius internus, alius externus,</i>	189. b.
<i>Homo spiritualis & carnalis, quænam,</i>	249. b. c. 250.
<i>Honor verus quis,</i>	335. c.
<i>Hospitalitas cautè exhibenda,</i>	132. 133. 357. b.
<i>diligenter exercenda,</i>	227. b.
<i>Humanarum rerum instabilitas,</i>	15. a. 49. a.
<i>Humilitas quid sit,</i>	9. 10.
<i>Humilitas sug. a. demonum,</i>	397. a.
<i>cui & quomodo exhibenda,</i>	149. a. b.
<i>calceæ similis est,</i>	234. a. b.
<i>custodia virtutum,</i>	206. c.
<i>Humilitati studendum,</i>	9. b. c. 21. b. 41. a. 46. c. 47. 58. c. 59. 60. a. 62. b. c. 96. 97. a. 98. c. 99. b. c. 312. c. 329. b. 348. a. b. 349. b.
<i>422. b. c.</i>	
<i>Hypocrita operam perdit,</i>	400. b.

INDEX.

I

I eiunium fratrum monachi,	41. b. 44. e.
Ieiunii terminus,	42. a.
verum ieiunium quodnam,	242. a.
Immisericordes arguuntur,	88. b.
Imperare sapiens recusat, non obedire;	304. b.
Impiorum poenitentia post mortem inutilis,	241. c. 242. a.
Impudentia fornicationis mater,	133. c. 341. c.
Impunitas initium malorum,	128. a.
Indigenti subueniendum,	305. b. c.
Inferni tormenta quanta,	157.
flamma reformidanda,	157. b. 159. a.
Infidelis in modico vel multo, quis.	486. a.
Infidelitatis mater omnis malitiae,	84. a.
Infirmiores à fortioribus adjuuandi,	166. c.
Infirmi quomodo visitandi,	357. c. 358. a.
Infirmis succurrendum,	310. b. c. 333. b.
Iniuriarum memoria delenda,	97. b. c. 312. a. b. 324. c. 332. a. 333. b.
341. c.	22. a.
Inobedientiae damna,	51. a.
Intemperantiae effectus,	305. a. 341. b. 358. c.
Invidia fugienda,	315. b.
Ira si desit, cessat iracundia;	332. b.
Iracundia quid sit,	331. c.
studiosè comprimenda,	100. b. c. 224. b. 235. a. 322. a. b. 333. a. b. 335. b. c. 373. c. 374. a.
Irrisores redarguuntur,	245. a. 479. c.
Iudex qui se gerere debeat,	223. c.
Iudicium extremum maxime formidandum,	157. a. b. 159. a. 243. a.
b. 274. a. b. 275. b.	48. c. 334. a.
Iudicium temerarium vitandum,	25. c. 26. a.
Iuramenta nullius roboris quæ,	479.
Iuramenti quanta vis,	25. a. b. 139. c. 140. 311. c.
Iuramenti abstinentum,	120.
Iustorum & iniustorum comparatio & differentia,	303. c.
Iuveni temerario haud fidendum,	

INDEX.

L

L aborandum manibus,	344. a. 395. a.
Labores Deo offerendi,	263. a.
Laborum premia,	256. c. 257. a.
Lacrymarum tria genera,	346. a.
Lapsis citò resurgendum,	33. c. 137. c.
Latus homini quando tribuenda,	298. a.
Lazari mendici & diuitis epulonis comparatio,	118. b. c.
Eius premia,	171. d.
Leſtio coram fratribus quomodo facienda,	108. a. b.
è Leſtione fructus quomodo capiendus,	400. a.
Libero arbitrio Deus hominem donauit,	427. b.
Libidinis nefandæ reprehensio,	201. i.
Libidinosorum pugna, qualis.	11. b. c.
Consuetudo vitanda,	27. b. c. 187. c.
Libri Monasterij quo modo tractandi,	314. a.
Linguae & oris signa & effectus,	266. b.
mala.	471. & seqq.
Locorum frequens mutatio noxia,	84. a. b. 85.
Longanimitatis bona,	97. b. c. 98.
Lucrum anime noxium vitandum,	306. c. 307. a.
Lugendum potiùs quam ridendum,	481. b. c. 482. & seqq.
Luxus mundanus execrandus,	243. b. 311. b. 323. b.

M

M ajores minoribus exemplo esse debent,	61. b.
Mala quatuor, curata difficilia,	318. c.
Maledictis non credendum	341. b.
Maledici fugiendi,	145. a.
Maledicentiæ abſtinentiam,	145. a. 473. a.
Malitia pigritia est coniuncta;	169. c.
Malum citò euellendum,	318. c. 319. a.
Mandata Dei sedulo perficienda,	194. b. c. 297. c. 331. c. 337. a. 435. c.
Mansuetudo commendatur,	111. b. c. 112. 336. b.
Manuale opus faciendum,	52. b. c. 53. a. 75. b. c. 76.
Medicinas corporales quare Deus concessit,	488. & seqq.
Membra mortificanda,	196. a. 253. a. b.
Mendacium fugiendum,	213.

INDEX.

<i>Mense quomodo accumbendum,</i>	309.c.328.b.340.a.
<i>In Mense silentium seruandum,</i>	148.b.340.a.
<i>Mensis communi contentus sit monachus;</i>	317.b.
<i>Mens in bono confirmanda,</i>	336.c.
<i>utiliter occupanda,</i>	15.& seq.33.a.
<i>Ministerium quomodo exhibendum vel accipiendum,</i>	342.b.
<i>Misericordia exercenda,</i>	88.b.304.a.323.a.332.a.344.a.
<i>Modestia seruanda,</i>	371.a.
<i>Monachus qualis esse debeat,</i>	164.166.a.b.210.213.c.214.290.ii.
<i>b.345.b.c.</i>	
<i>beatus quomodo sit,</i>	354.b.
<i>vanus abominandus,</i>	38.a.b.
<i>à rebus secularibus alienus sit,</i>	142.b.210.211.462.b.c.
<i>auarus execrandus,</i>	37.c.210.c.211.a.b.
<i>certare ad mortem vsque debet,</i>	429.a.
<i>ambitionem fugiat,</i>	462.& seqq.
<i>Monachi gloria in quo sita,</i>	292.b.311.6.312.a.
<i>Monachum non decet familiaritas cum faminis,</i>	369.c.370.a.
<i>Monachorum Congregatio, quid sit,</i>	167.a.b.183.a.342.b.
<i>Impugnationes varie,</i>	77.b.c.78.& seq.
<i>Antiquorum vita qualis,</i>	258.c.259.a.261.c.262.a.
<i>manualia opera varia,</i>	353.354.
<i>Monastica vite à seculari differentia,</i>	164.188.c.
<i>difficultates,</i>	215.218.
<i>Mortis hora incerta,</i>	160.b.c.389.b.
<i>memoria saluberrima;</i>	129.a.152.a.b.178.c.336.c.418.b.c.
<i>423.c.</i>	
<i>Mortificatio carnis amplectenda,</i>	251.c.252.& seqq.317.b.318.b.
<i>Mulierum aspectus cauendus,</i>	209.& seq.
<i>commercia Monachis fugienda,</i>	49.a.132.133.& seq.176.a.
<i>225.b.325.b.369.c.370.a.</i>	
<i>Multiloquium cauendum,</i>	326.c.331.a.
<i>Mundus pelago similis,</i>	16.c.
<i>Mundi instabilitas,</i>	243.c.
<i>Mundo qui renuntiandum,</i>	400.c.
<i>Munerum corruptelæ,</i>	41.c.122.b.
<i>Murmuratio cauenda,</i>	57.c.307.a.325.b.472.& seq.
<i>Mutationes loci frequentes cauenda,</i>	84.& seq.

INDEX.

N

- N** *Actus & operationes* 167. & seq.
Negligentia excutienda 30. bc. 31. b. c. 72. a. b. 125. a. b. 130. 165. b. c. 243. b. c. 271. & seqq. 276. c. 277. & seqq. 294. a. b. 321. c. 344. a. 368. b.
Negligentia damna quoniam 17. 72. c. 73. & seq. 75. & seq. 102. a. 125. & seq. 215. & seq. 241. b. c. 277. c. 283. b. c. 317. c. 319. a. 321. c. 325. b. 327. a. 331. c. 337. a. 343. a. b. 344. a. 349. b. 368. b.
Negotia qui tractanda 345. a.
Noctu promptè surgendum ad vigilias 68. b. c.
Novitij quomodo gubernandi 62. c. 63. a.
olim tardius induebantur habitu monastico 362. a. b.

O

- O** *Bedientia commendatur* 21. b. c. 24. 63. c. 82. c. 323. c. 343. c. 345. c. 348. a. 355. a. b. 417. c.
Oculi custodiendi 108. c. 109. 110. 226. b. 309. b. 311. b. 314. c. 318. b. 410. b. 424. b.
Oeconomus conditiones recensentur 324. c. 332. a.
Operi manuum vacandum 52. b. c. 53. a. 349. b. 362. a. 368. a.
Opera bona in hoc seculo agenda 14. a. 171. a. 278. 396. a. 434. a. b. 483. b. c.
Oratio quid sit 142.
Orationis conditiones 168. b. 192. c. 225. c. 235. b. c. 236. a. 237. c. 292. a.
Ostentatio cauenda 221. c. 222. b. 371. c.
Ostium pulsandum ante ingressum cellæ alterius 306. a.

P

- P** *Parentes honorandi* 316. a.
Quos habeat Monachus ibid.
Passiones animi citò reprimendæ 102. 217. c. 226. a. 247. a. b. 336. b.
Quomodo sedandæ 306. c. 330. b. c. 335. c. 417. b. c.
Pastori opus vigilantia Patientia

INDEX.

<i>Patientia Monacho necessaria.</i>	17. a. 43. c. 44. a. 46. b. 55. a.
100. & seq. 113.	113. a. 114. b.
<i>Sanctorum quantitas.</i>	54. b. c. 385. b. c.
<i>SS. Patrum vestigijs insistendum.</i>	17. a. 242. a. b. 282. b. 294. a.
<i>Pauper verè quis.</i>	17. a. 242. a. b. 294. a.
<i>Paupertas Monacho amanda.</i>	210 c. 211. a. 243. c.
<i>Pax cum omnibus habenda.</i>	245. a.
<i>Peccatum fugiendum.</i>	325. 330. b. 344. a. b.
<i>In nostro arbitrio est situm.</i>	189. b.
<i>Peccati consuetudo periculosa.</i>	134. a. 396. c.
<i>retia seu laqueus.</i>	398. b. c.
<i>corruptio in quibus consistat.</i>	253.
<i>Perfèctus secundum Deum, & secundum diabolum quis.</i>	249. a.
298. b.	189. b.
<i>Perfidia damna.</i>	332. b.
<i>Perseuerandum in bono vsque in finem.</i>	44. a. 46. b. c. 53. &c.
162. & seq.	162. & seq.
<i>cum Peruersis qui versandum.</i>	356. a.
<i>Philosophus diuinus quisnam.</i>	435. a.
<i>Pietas scèlenda.</i>	69. b. 428. b. c. 429. & seq.
<i>Pompa seculi non suspicienda.</i>	192. c. 193. a.
<i>Praelati officium.</i>	17. c. 60. b. c. 61. 62. c. 63. 307. c. 308.
1. a. 330. c. 355. b. 357. a.	1. a. 330. c. 355. b. 357. a.
<i>Primogeniture mysteria.</i>	478. b. c.
<i>Proprietas, vide Auaritia.</i>	164. c.
<i>Prosperitatis tempore qui agendum.</i>	221. c. 223. b. 377. a. b.
<i>Proximo quomodo indulgendum.</i>	17. b.
<i>Prudentia propriæ haud fidendum.</i>	199.
<i>Psalmodia diligenter frequentanda.</i>	3. c. 68. 69. 89. b. 148. c. 108.
a. 200. c. 302. b. c. 344. b.	a. 200. c. 302. b. c. 344. b.
<i>In ea quomodo standum.</i>	292. a. 371. c. 411. a. b.
<i>Pugna spiritalis quomodo insituenda.</i>	240.
<i>Purgatorii flammæ.</i>	164. c. 461. a.
<i>Rassillanimes quomodo consolandi.</i>	103. b. 104.

R

Rebelles coercendi. 114.
Regula legitima & Apostolica, seu à patribus instituta obser.

INDEX.

<i>uanda.</i>	3. b. 261. a. 282. b.
<i>Relaxationes prauæ detestandæ.</i>	196. b. c.
<i>Religionis rudimenta.</i>	37. a.
<i>Renuntiatio quid sit.</i>	170. 436.
<i>ubi probetur.</i>	43. c.
<i>firma & stabilis esse debet.</i>	53. c. 454. b. c.
<i>Reprehensio. vide, Admonitio.</i>	117.
<i>Rerum humanarum instabilitas.</i>	15. 118.
<i>solicitude nimia vitanda.</i>	272. b. 322. c. 323. a.
<i>Resipiscendum à peccato.</i>	33. c. 117. b. c. 121. a.
<i>Responsiones quales esse oportet.</i>	195. a. b.
<i>Risus quantum noceat.</i>	148. b. 481. b. c. 482. & seq.
S	321. a. 300. a.

S acerdotes honorandi.	221. a. 300. a.
<i>Sanctificatio, vide, Castitas.</i>	112.
<i>Sanctorum labores & ærumne.</i>	12. a. b. 251. b. c.
<i>vita imitanda.</i>	201. b. 204. b. c. 242. a. b. 307. c.
<i>Sapiens quis.</i>	43. b. 299. c. 321. c.
<i>Imperare recusat, non, obedire.</i>	304. b.
<i>Scandala vitanda.</i>	315. c. 331. a. 373. a. 453. & seq.
<i>Scripturæ sacræ utilitates.</i>	267. c. 268. a. 299. c.
<i>Secreta sua detegens quomodo tractandus.</i>	189. c.
<i>Secularis vitæ ac monasticæ differentia.</i>	134. a. 164. 188. c.
<i>Seditiosi reprimendi.</i>	341. b.
<i>Semen Dei quodnam.</i>	217. a. 149. c.
<i>Senes honorandi.</i>	300. a. 306. b. 325. a.
<i>Sensus exteriores custodiendi.</i>	187. b. c. 226. b.
<i>Sermo turpis vitandus.</i>	328. a.
<i>Sermones murui, quales, quibus-ve de rebus esse debeant.</i>	195. a. b.
<i>Silentium amandum.</i>	126. c. 127. a.
<i>Societas improborum vitanda.</i>	6. b. c. 7. & seqq. 17. b. c. 28.
	174. b. c. 183. c. 191. b. c. 370. b. c.
<i>Somnijs non credendum.</i>	322. p.
<i>Somnolentiæ mali effectus.</i>	39. b. 68. & seqq. 70. b. c.
<i>Spes futurorum habenda.</i>	233. a. b.
<i>Superbia, latibulum diaboli.</i>	33. b.
<i>mater inobedientia.</i>	369. c.

INDEX.

arbor altissima sed putrida.	396. b.
reprimenda.	17. c. 18. a. 50. c. 51. 52. a. 58. c. 59. 60. a. b. 96. 304. b. 307. b. c. 313. a. 316. b. c. 323. c. 329. b. 331. a. 334. c. 342. b. 351. 355. a. 368. b. c. 456. b. 457. & seqq.
<u>Susurro omnibus est odiosus.</u>	<u>306. a.</u>
T	
Emeritatis malis.	156. b. c. 159. b. c.
Temperantia moderanda.	4. c.
exercenda.	32. b. 326. c. 327. a. 343. c.
Tentationes sunt multiplices.	93. 94.
eas in bonum permittit Deus.	255. c.
Tentationibus quomodo resistendum.	73. & l. 75. & l. 77. & l.
83. & l. 106. c. 109. 111. b. c. 132. & l. 163. c. 371. a. b. 374. b. 376. a. b.	
<u>Terrena celestibus haud conferenda.</u>	<u>432. c.</u>
Timenti Deum adhaerendum.	145. a. 335. b.
Timor Dei commendatur.	122. b. c. 143. a. b. 298. c.
V	
Erba sunt velut folia.	113. b.
Verigo unde proveniat.	93. & l.
Vestis nuptialis, quid sit.	179. b. c.
Vestium ornatus spernendus.	172. 243. b. 311. b. 313. a. 325. b. 338. b. 426. b.
<u>Via angusta tenenda & lata deferenda.</u>	<u>65. 122. 130. 131. 153. 185. & l. 243. 392. c.</u>
Vigilandum semper.	272. b. c. 290. a. 346. b.
Vinum immodicè sumptum nocet.	240. c.
Virginitas amanda.	38. a. 106. a. b.
Virtus operibus demonstranda.	401. b. 421. a.
heroica commendatur.	285. c. 286.
studiosè exercenda.	16. b. 17. a. b. 23. a. 287. 363.
Vita spiritalis sectanda.	31. 111. b.
Vitæ humanæ brevitās.	271. b. c.
Vngenti infirmum modestia servanda.	424. c.
Vocationi propriæ satisfaciendum.	345. c.
Voluntas Dei à diaboli voluntate quantum differat.	248. c.
humana quid operetur.	267.
Voluptas carnalis fugienda.	132. c. 133. a.
Vota Deo facta, adimplenda.	6. a.

Errata sic corrigenda.


Pag. 2. l. 17. studiosissimè discendi,
 p. 4. l. 2. iustisq; operibus
 p. 7. l. 33. Confirmavitque.
 p. 13. l. 33. At cdm.
 p. 17. l. 37. Quæ didicit.
 p. 21. l. 21. illustris est &
 p. 28. l. 22. conuersatio.
 p. 33. l. 4. instar maleficorum
 p. 39. l. 2. ingruente
 p. 41. l. 23. Nocte dieque
 p. 45. l. 1. Monachus susurro Conuentû.
 p. 47. l. 18. Rursusque.
 p. 54. l. 15. in tempus
 p. 58. l. 31. Ego quidem
 p. 60. l. 5. tamquam ingrati
 Ibid. l. 7. iumentis
 p. 63. l. 14. atque reicias
 p. 72. l. 29. instruo.
 p. 87. l. 1. t. & super
 p. 102. l. 23. patefaciam tibi.
 p. 105. l. 2. Num nostro.
 p. 107. l. 4. Dei, &
 p. 110. l. 28. superantur,
 p. 132. l. 30. res celari
 p. 133. l. 2. ante voluptatem,
 p. 135. l. 30. factus es.
 Ibid. l. 31. inde tibi
 p. 136. l. 15. quippe meam.
 p. 142. l. 17. distractione.
 p. 143. l. 35. tibi suggerendi.
 p. 146. l. 30. reperitur.
 p. 157. l. 31. permutationes,
 p. 160. l. 28. erant in.
 p. 161. l. 18. fecis.
 p. 182. l. 35. speciel.
 p. 186. l. 9. at tibi.
 p. 187. l. 2. celamus.
 p. 209. l. 22. Quæ cdm
 p. 210. l. 33. est possessor
 p. 214. l. 20. non resistentes
 p. 220. l. 33. ppercit.

p. 226. l. 10. necessarium
 p. 227. l. 24. lactentes
 p. 231. l. 18. frangunt.
 p. 233. l. 35. non infirmor?
 p. 246. l. 9. 10. sequendum te.
 p. 247. l. 37. rubiginæ
 p. 248. l. 6. Æris
 Ibid. l. 33. Quomodo
 p. 254. l. 10. si vt canem.
 Ibid. l. 32. at de.
 p. 255. l. 31. potestis.
 p. 259. l. 28. gerat, ipse.
 p. 263. l. 1. t. Demus igitur
 p. 270. l. 35. illi *Sc.* didurus es?
 p. 271. l. 20. vide
 p. 272. l. 20. teipsum
 p. 287. l. 34. oratioque.
 p. 288. l. 29. Exultabit
 p. 296. l. 25. qui reparaute
 p. 301. l. 26. ante finem
 p. 305. l. 27. nomine.
 p. 313. l. 6. viris
 Ibid. l. 31. est & salutare
 p. 317. l. 20. edificatur turris
 p. 345. l. 30. & bonam.
 p. 346. l. 20. etiam in nominis.
 p. 354. l. 7. aliquando.
 p. 390. l. 9. & interim
 p. 394. l. 5. dedisti
 p. 398. l. 19. ea quæ.
 p. 403. l. 9. stercora
 Ibid. l. 25. efficitur
 p. 411. l. 18. quamobrem.
 p. 417. l. 1. vltà
 p. 449. l. 23. omnemque
 p. 459. l. 27. non solum
 p. 470. l. 17. derurparus.
 p. 471. l. 5. & à furto.
 p. 474. l. 34. renunt
 p. 476. l. 35. cogitationes
 p. 488. l. 16. sodinamuc

VA 11529859











82
2
12

11
11

11
11
11

164
C
11

~~XX~~
~~XX~~
~~XX~~

XX
XX
XX

